



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Quæstio III. Syllabus peccatorum.

urn:nbn:de:hbz:466:1-37144

nullo unquam per annum sabbato jejunâſſet, deberet clapsō anno quinquaginta dies continuos, vel paulisper interpolatos jejunare &c. Coninch. n. 85. Sed ob hunc defectum utique à peccato gravi non est excusandus, de quo proinde se acūſare debet.

QUÆSTIO III.

Syllabus peccatorum.

100. **Q**uoniam peccata omnia committuntur vel I. corde, vel II. ore, vel III. opere, visum est, idque non sine exemplo aliorum, fore non incongruum, hoc ipso ordine describere ea peccata, que magis sunt obvia, & simul etiam (quod haec tenus neminem, qui simile argumentum pertractavit, fecisse arbitror) breviter eorundem naturam & gravitatem declarare, ut, quo modo in Confessione sint exponenda, innotescat.

ARTICULUS I.

Peccata cordis.

101. Hoc nomine intelliguntur peccata merè interna, & cordis appellantur, quia in corde, seu intellectu & voluntate perficiuntur & consummuntur, sùmque omnia contra DEUM, vel proximum, vel contra ipsum sumter peccantem.

§. I.

Peccata cordis contra DEUM.

102. *Sub Missa sacrificio* (Communione, Rosario, & consuetis aliis precibus) *fui voluntariè distractus, quater:* vel breviter: *Sub rebus divinis voluntariè distractus,*

fui, quater. Quod si autem sacrum die festo fuerit audiendum, & per notabilem ejus partem evagationes mentis ad aliena voluntariè sint admisæ, sic dicat: *Per notabilem sacri partem die festo voluntariè fui distractus.* Quæ sit notabilis pars facri, constabit ex dicendis *infra* n. 247. Voluntariè autem distractus est, qui advertentesse distrahi, tamen vel omnino non, vel negligenter curat attentionem praestare. Achuc tamen satisfacit Ecclesiastico præcepto de Missa audienda, si de distractionibus merè internis sit sermo; nam si de externis loquamur, peccat graviter, & præceptum non implet.

103. *Sub horis canonicas persolvendis longas & voluntarias distractiones admiser.* Sunt autem distractiones aliae mere interne, dum nimis lola mente longè ad alia, quam ad DEUM aut res divinas inter orandum attendimus, sed per varia objecta, v. g. quæstiones Theologicas vel Philosophicas discutiendas, varia negotia aut rem domesticam tractandam, & ordinandam, statum politicum &c. per vagatur: aliae vero externe, sitæ in actionibus externis, quæ ex se ad mentem ita ad se rapiendam natæ sunt, ut internam attentionem omnino impediunt & excludant, quales sunt confabulationes, risus, lectio rerum, seu profanarum seu sacrarum; item si quis pingat, scribat &c. Ceterum sunt, qui dicunt, illum, qui etiam cum merè internis mentis ad aliena evagationibus horas canonicas absolvit, præcepto non satisfacere. Ita sentiunt Palauus D. 2. p. 3. n. 11. Laym. l. 4. tr. 1. c. 5. n. 10. Less. de just. l. 2. c. 37. d. 10. n. 64. Fill. tr. 23. c. 8. n. 255. Bonac. de horis canon. D. 1. q. 3. p. 2. §. 2.

2. §. 2. n. 4. & alii, quos magno numero refert Diana 2.p. tr. 12. R. 2. & p. 7. tr. 11. R. 30. Estque sententia valde probabilis, & habet locum etiam in aliis precibus, ex voto, aut pœnitentia Sacramentali per solvendis. Bonac. l.c. & alii. Ex hac sententia obiter

104. Pater, eos, qui horas canonicas absque interna attentione persolvunt, vel totas, vel notabilem earum partem, peccare mortaliter; &, si beneficiari sint, fructus iis horis respondentes non facere suos, & teneri repetere, quod ita distracte recitârunt. Bonac. n. 8. Reginald. l. 18. n. 155. & alii. quod multò magis locum habet, si distractions voluntariè admissæ sint externæ, ut jam dicemus cum altera sententia. Notent autem hoc Canonici, & quicunque alii beneficiati, quibus præter pensum horarum canonicarum nullum aliud onus incumbit, & videant, an & quam liberi sint à restitutione fructuum tam male perceptorum, dum Breviarium non tam orant, quam depropterant mente ad alia distracti.

105. Altera sententia est, satisfieri præcepto Ecclesiastico de horis canonicas, quamcunque multæ & longæ, sed mere interne evagationes etiam voluntariè admittantur; modò caveat eæ, quas externas diximus, id est, modò recitans officium Divinum non occupetur externa aliqua actione ex se incompossibili cum interiori attentione, v. g. scribendo, confabulando, pingendo &c. Ita docent Coninch. de Sacram. q. 83. a. 6. d. un. n. 292. Lugo. de Euchar. D. 22. f. 2. n. 27. & alii graves auctores non pauci.

R. P. Stoer Trib. Penit.

106. Estque sententia hæc benignior, & humanæ fragilitati conformior, tuta in praxi, & tenenda; juxta quam proinde Clerici beneficiati excusari possunt à restitutione fructuum, & onere repetendi ea, quæ cum istis internis distractionibus sunt recitata: ut adeo frustra se fatigent, & quia locum faciunt scrupulis, male agant, qui id, quod distracte recitârunt, non delinunt repetere. Dixi autem: *Modò non occupetur actione externa*, quæ internam attentionem secum non patiatur, quia talis utique præcepto Ecclesia non satisficit ob defectum præcipue externæ attentionis. Hinc à peccato gravi etiam in hac sententia non excusatur, qui horas canonicas vel totas, vel notabilem earum partem recitat confabulando, vel dormiendo &c. Bonac. n. 9. Excusatur tamen, & satisficit præcepto, qui inter orandum exercet quidem actiones impertinentes, quæ tamen suapte natura cum oratione compatibilis sunt, quales juxta dicta sunt, induere vestes, exuerere &c.

107. Nihilominus tamen irreverentiae quoddam genus est, ad DEUM preces seu liberas, seu obligatorias fundere, & interim etiam animo alienas ab oratione cogitationes volvere: et si enim quis non teneatur orare, tamen si vult orare, debet omnem irreverentiam vitare; peccatum tamen venialis limites non excedit. Laym. n. 9. Bonac. n. 7. & alii. Quodsi tamen aliquis psalmos legat animo tempus fallendi, eos memoria mandandi, se pia aliqua lectio occupiedi; alium docendi modum, quo officium Divinum sit recitandum &c. distractiones quæcunque nullum continent peccatum. Bonac.

R

nac.

nac. n. 7. & alii: quia talis non vult orare; non enim orare velle censendus est, qui non habet animum saltem implicitum orandi. Bonac. n. 2. & 3. Palau. tr. 7. D. 1. p. 7. n. 1. Suar. de Relig. T. 2. tr. 4. l. 3. c. 3. n. 3. & alii.

108. *Inter celebrandum distractus fui ser.* Contingunt istæ distractiones vel intra vel extra Canonem; qui propriè loquendo incipit ab illis verbis: *Te igitur clementissime;* & definit ad Orationem Dominicam exclusivè. Si ergo distractiones admittantur voluntariè extra Canonem, culpam venialem non excedunt: quæ omnia præter Epistolam & utrumque Evangelium sunt orationes; ac proinde ut, quemadmodum cùm aliæ preces cum distractionibus voluntariis internis dicuntur, solum veniale peccatum committitur, ita etiam non majus committatur, dicendo preces in Missa extra Canonem. Tamb. in Method. Sacrificii l. 3. c. 3. n. 3. non enim ullum est fundamentum aliter de his, quæmaliis precibus, quæ extra Missam etiam ex obligatione dicuntur, sentiendi. Itaque sicut internæ distractiones in officio Canonico à peccato mortali excusantur; ita etiam à simili peccato immunes erunt distractiones in orationibus Missæ extra Canonem admissæ.

109. *Dé orationibus intra Canonem* paulò major est difficultas. Tamb. n. 6. quem P. Georgius Gobat in perdocto suo Alphabero sacrificantium casu 23. n. 826. refert & sequitur, solito scrupulosiore est & severior, cùm longiores distractiones intra Canonem admissas damnat peccati mortalis; eo quod tunc vel maximè Majestatem Divinam reverenter agnoscere & venerati debeamus, no-

stramque erga Eam subjectionem, quantum possumus, humilitate profitemur; cùm Sacrificium, quod ex communione Theologorum intra Canonem præcipue perficitur, sit signum Divinæ Excellentie & Majestatis, & nostræ erga illam subjectionis protestativum. Verum ut hunc nodum explicemus, inspiciamus singula, quæ in Canone geruntur. Recitantur ergo sex intra illum orationes, sed hæ præcisè ex eo, quod sint Canonis, non magis sunt signa protestativa Divinæ Majestatis & nostræ subjectionis, quæm quæcunque aliæ orationes: consequenter etiam ex eodem præcisè capite, quod in tra Canonem recitentur, non extrahuntur ex communione sorte & conditione quarumcunque alias precum; adeoque sicut hæ, ita & illæ possunt cum internis distractionibus recitati citra culpam gravem. Alterum, quod Canon Missæ comprehendit, est historica narratio de institutione utriusque Speciei Eucharistice sub speciebus panis & vini. Hancautem narrationem majoris tunc, quæm effet, si extra Canonem exhibetur, Sanctitatis esse, & quidem tantæ, ut ad eam observandam sub peccato mortali teneamus, cavere sub ea occurrentes distractiones, nondum idoneum ac firmum apparet fundamentum. Ad quid ergo gravem jugum Sacerdotum? Superest igitur genuina forma consecatoria; de qua sola jam est dubitatio: an si distractè pronuncietur, peccatum grave committatur? Evidem eadem istius formæ quoad hoc videtur esse ratio cum formis reliquorum Sacramentorum; has autem ut sine voluntariis distractionibus profaramus, nondum ullus, ut existimo, nos obligavit,

obligavit, si contemptus absit, & periculum, ut aliquid ipsis substantialiter adversum committatur, ut videre est apud P. Georg. Gobat in Alphabet. Baptiz. Casu 6. n. 202. & in Alphab. Confessar. Casu 4. n. 177. ubi ait, etiam Tamb. l. c. de Sacram. c. 2. §. 1. n. 5. tradere hanc sententiam, vel saltē inclinare. Quod autem forma Evcharistica velut specialis actio Christi specialem etiam & majorem reverentiam mereatur, non refert: nam intra terminos peccati venialis datur majus & minus, pro majori & minori dignitate v. g. Sacramenti. Certè olim etiam antiqui Patres, Moses, Abraham, Jacob, Noe, Job &c. sua habebant signa externa Majestatis Divinae & suæ erga illam subjectionis protestativa; & tamen nemo dixerit eos peccasse graviter, quando ea signa ediderunt, immolando v. g. boves & oves &c. ad aliena distracti. Bene enim ejusmodi protestatio subsistere potest cum internis distractionibus, modò externæ absint.

no. Quoniam ergo de tam gravi, merè internas intra Canonem Missæ distractiones vitandi, præcepto non satis constat, meminisse debebat Tamburinus effati sui, quod l. i. c. 6. §. 2. n. 4. sapienter protulit, sub culpa lethali, inquiens, neminem obligandum esse, nisi manifeste constet de præcepto obligante; conformiter illi monito, quod Gabriel in 4. d. 15. a. 2. in fine dedit; & sacerd. & singulariter in cit. Alphab. sacrificant. Casu 10. n. 325. & in Clypeo Clementium Judicium s. 8. & seqq. inculcat P. Gobat; nimurum Theologos non debere esse faciles ad asserendum alias actiones vel omissiones esse peccata mortalia:

cui simillimum est, & in præsenti ob oculos æquè versari debuit, quod S. Thomas quodlib. 9. q. 7. a. 15. monuit: periculosè, inquiens, determinatur, aliquid esse peccatum mortale, nisi expressa veritas habeatur.

III. DEU Modio habui semel. Odium generatum est actus voluntatis, quo alterius malum volumus, vel de alterius bono, quia bonum illius est, tristamur. Duplex est, Inimicitæ seu malevolentæ unum, alterum Abominationis. Istud consistit in aversione animi à re vel persona, quam ur nobis molestatam & ingratam apprehendimus, & aversamur: quo modo etiam DEUM odisse possumus, dum eum ut molesta nobis præcipientem vel punientem apprehendimus. Illud verò, scilicet odium Inimicitæ est, cùm alicui personæ, quam detestanur, malum aliquod volumus, præcisè quia malum illius est, sistendo in hoc, & nullum adeo aliud commodum inde nobis exspectando. Et hoc etiam in homine respectu DEI datur, non quod possit quis absolute velle aliquid, quod DEO intrinsecè malum sit, sed quod possit id, quantum est in se; ita ut si DEO aliquod malum inferri posset, vellet ipsi inferre præcisè, quia malum ipsis futurum esset. Unum ab altero non differt specie, & idcirco non specialiter in Confessione est explicandum: sicut nec mala, quæ DEO optantur. Est peccatum omnium gravissimum, ut probat S. Tom. 1. 2. q. 73. a. 4. ad 3. & 2. 2. q. 34. a. 2. & q. 39. a. 2. ad 3. apud Navar. c. II. n. 14. nec potest fieri veniale, nisi ex defectu solius plenæ advertentiae. Est & aliud odium DEI, quod generale vocatur, &

reperitur in quolibet peccato mortali: hoc ipso enim quod quis DEUM peccato gravilædat, dicitur eum odio habere, seu non diligere. Sed hoc non est speciatim exponendum, cùm velut generalis circumstantia omnia peccati lati intelligatur, si ipsum duntaxat peccatum exprimatur, iuxta dicta *suprān.* 79.

112. *D E U M n o n a m a v i , c u m d e b u i .*
Dari verum præceptum de DEO diligendo, docent Coninch. de char. *D. 24. d. 2.n.28.* Sanch. *l.2. mor. c.35. n.2.* Palaus *tr.6. D.1.p.2. n.1.* & alii. Et est hoc præceptum speciale, & à ceteris distinctum. Palaus. *n.3. ex communi*: quod etiam in hac vita impleri potest, Coninch. *n.34.* & alii conformiter Trident. Concil. *sess. 6. Can. 18.* damnanti eos, qui dicunt, præcepta DEI servare non posse: & ad hoc etiam obligat, et si, cùm sit affirmativum, non pro quoconque tempore. Sunt autem tria tempora, de quibus quæstio esse potest. I. cùm quis ad usum rationis pervenerit. II. articulus mortis. III. quod inter hos duos terminos est medium. Et in articulo mortis, quemlibet obligatum esse ad actum amoris DEI, docent Suar. de char. *D. 5. f.3. n.3.* Coninch. *d.3. n.48.* & alii, non enim tempus est, quo magis & certius obligat, quam sit istud. Et hinc si eo tempore non eliciatur actus charitatis, novum ac speciale peccatum committitur: quod intellige, nisi eliciatur contritio perfecta. Adhanc enim cùm concurrat amor DEI super omnia, satis tunc impletur præceptum, DEUM in illo mortis & vitae confinio amandi. De obligatione DEUM actu amandi, cùm pri-

mus est concertatio inter Autores. Thomistæ totis viribus contendunt, daritatem obligationem. Alii verò negant: tum quia nullum solidum est fundatum afferendi tam gravem obligationem: tum quia nemo est, qui cognoscat primum instans, quo ratione utri incipit. Hæc ratio, si instans accipiatur physice, convincit: si moraliter pro aliquot horis vel diebus, videtur esse factus efficax: quia brevi illo tempore non possunt doceri, quæ ad ejus præcepti executionem sunt necessaria. Taceo, parentes etiam pios & timoratos non esse sollicitos de hac obligatione suos liberos docendâ; nec ullum à quoquam illis de hac omissione moveri scrupulum. Et quando docerent suos liberos eam obligationem? an antequam pervenirent ad usum rationis? tunc autem nondum sunt capaces ullius instructionis. An verò postquam usum rationis jam sunt affecti? sed jam tum statim erant obligati ad amandum DEUM, ut contendunt Thomistæ. At quomodo? nō dicere velint, eos obligatos fuisse jam tunc, cùm de ea obligatione nihil dum sciverunt, nec scire poterant, quod dicinequit. De tempore intermedio sunt, qui putant, eum amoris actum ex præcepto eliciendum esse: sed quando? nullum determinant, immò nec determinare possunt. Vasta ergo & indeterminata hæc obligatio executioni aliquando danda est: nullam enim omnino dari de actu amoris DEI per totam vitam eliciendo, damnatum est ab Alexandro VII. Verum hæc ad actum amoris DEI obligatio à fidelibus, nisi sint morum valde depravatorum, raro violabitur, cùm vix ullus sit, qui non sepe DEI beneficia,

neficia , & infinitam ipsius bonitatem consideret , quibus ad eum amandum excitetur . Ex quibus apparet , quām rārō , vel nunquam debeat quis se accusare de omissione actū amoris Divini ; vel , si se accusat , id potius ex scrupulofitatem & angustijs conscientiae , omnia metuentis , agere , quām ex verā obligatione ,

113. Nonnulla opera mea non direxi ad maiorem DEI gloriam : vel quod alii alijs verbis , sed eodem sensu exprimunt : non semper operatus sum ex amore DEI super omnia : vel : nullam habui intentionem , DEI in meis operibus beneplacatum querendi . Reperiuntur , qui omnino existimant , hominem , si velit operari ut homo , debere operari liberē , id est , ex cognitione boni & mali , & omnia , quā agit , referre ad DEUM tanquam suum finem ultimum : ad quod probandum (præter multa alia , quā referre & impugnare hoc loco , non est nostri , sed Theologicifori) assumunt illud , i. Corinth . 10 . v . 31 . ubi Apostolus monet : five manducatis , inquiens , five bibitis , omnia in gloriam DEI facite : & ruisus Coloss . 3 . v . 17 . Omne , quocunque facitis , in verbo , aut in opere , omnia in nomine Domini JESU Christi . Ita multi sentiunt , quibus ego , si de stricta obligatione loquantur , non assentior . Evidem fateor , hominem , utlibet operetur , debere operari ex cognitione honesti & dishonesti , seu boni & mali : sed honestum non est hīc ita strictē sumendum , & positivē pro eo , quod sit ex cognitione finis nostri ultimi supernaturalis , DEI ; & unā ex amore ejusdem consequendi (alias grave præjudicium inferetur vulgatissimae illi-

quāstioni de actibus individuo indifferenteribus , ne videlicet inutilis & prorsus frustranea sit & otiosa) sed paulò laxius , & negativē pro eo , quod non est illicitum seu non prohibitum : quo sensu non est idem licitum & honestum positivē . Unde natum est illud , quod habetur textu L . 144 . ff . de R . I . Non omne quod licet , est honestum . Nec quando operari volumus , necesse est , ut in actu quasi signato operemur ex hoc motivo , quia est licitum : satis est , si fiat in actu exercito , faciendo nimur id , quod novimus , non esse prohibitum . Ut autem honestē positivē operemur , necesse quidem est , ut formaliter ex proprio motivo ipsius honestatis in objecto repertæ operemur : at ut unā etiam ex motivo reflexo placendi DEO , & ejus gloriam querendi operemur , non requiritur , nec est ullo modo ex præcepto debitum : alioquin etiā præstantissimos virtutum actus damnare oportebit , cum vix unquam ullus exerceatur in actu signato ex reflexo motivo placendi DEO &c . sed solum ex suo proprio motivo ; quod sane sufficit , quā est intentio communis . Ea , quā ex S . Paulo allata sunt , possunt intelligi vel negativē , ut nihil fiat contra DEUM ; vel affirmativē , ut omnia ad ejus gloriam referantur . Priori modo habent vim præcepti ; quia nunquam licet quidquam agere contra honorem aut voluntatem DEI . Posteriori vero modo habent vim exhortationis solum & consilii : esse enim etiam præcepti , ut dicamus , non est fundamentum . Ad quid ergo humanam voluntatem tam graviter oneremus , ut dicamus , eam temper , ut honestē seu non malē operetur , obligatam effe ,

esse, reflexè operari animo DEO placendi &c. Certè quando dubia est interpretatio libertatis, secundùm libertatem respondendum est: texu *L. quoties dubia, 20. ff. de regulis juris.* Et ex his rursus apparet, non esse necessarium, sé accusare de dicta omissione referendi omnia ad DEI gloriam; cum nulla in ea apparat malitia.

114. *DEUM non satis amaviter.* DEI amor aliis est intensivus, aliis appretiativus: ille consistit in ipsa actu intensione: & de hac si sit sermo, DEUM utique nunquam satis amabimus, cùm nunquam simus eliciti actum tam intensem, ut intensorem non possimus. Sed in hac minori intensione nihil continetur malitiae, cùm ad majorem nulla detur obligatio. Appretiativus DEI amor est, cùm ipsummet & ejus Divinam bonitatem tanti aestimamus, ut censeamus eam omnibus præferendam esse, simusque adeo ejus intuitu parati potius quidvis pati, aut deserere, quam aliquid agere, quod ipsi displiceat. Et qui DEUM directè sic non amat, utique gravissimè peccat contra præceptum de diligendo DEO: sed hoc peccatum, ut arbitror, rarum est. Dico directè: nam qui peccat mortaliter, indirectè plus diligit aliud, quam DEUM: præfert enim DEO aliquid absolutè, & sine comparatione ad DEUM, hoc ipso quodd faciat aliquid contra DEI voluntatem. *Navar. c. 11.*

115. sed hoc non est speciale peccatum contra præceptum diligendi DEUM:

sed circumstantia quedam generalis in

peccato mortali inclusa, nec proinde spe-

cialiter explicanda juxta dicta. p. 1. n. 79.

115. *Contra DEUM in corde mur-*

muravi bis. Murmur est querela cum impatientia in iis, quæ homo deber patienter ferre. Contra DEUM committeretur, cùm displaceat, quod prosperitatem vel adversitatem non tribuat in hoc saeculo juxta merita hominum; quod non regat mundum nostro arbitrio; quod non deriderit ingenium, quod optamus, acutum, divitias, honores &c. Quod equidem si contingat, murmur est peccatum tantum veniale. Fit verò mortale, quando conjunctam habet DEI notabilem irreverentiam, ut, si murmures credendo, DEUM esse injustum, non gerere debet curam hominum, aut in ea cura temerè procedere, vel quid simile: habet enim adjunctam circumstantiam blasphemiae, & quidem hereticalis, specialiter explicandam in hunc ferè modum: *Contra DEUM cum blasphemia, cùque hereticali murmuravi, ter.*

116. *De aliquo articulo fidei dubitavi semel.* De fide dubitari potest dupliciter, positivè & negativè. Positivè dubitat, qui judicat, articulum v.g. de vita æterna, de reali existentia Corporis aut Sanguinis Christi in Eucharistia &c. sufficienter propositum, non esse dignum, cui certò assentiatur, sed incertum. Negativè verò dubitat, qui circa eundem Articulum cohibet assensum ex imperio voluntatis, ita ut neque judicet dignum esse, cui præbeat assensum; interim tamen positivè etiam non dissentiat: hoc verò, quis facit, saltem virtualiter jam judicat, articulum illum indignum esse certo & infallibili assensu. Utraque hæc dubitatio repugnat Fidei, docenti, articulum sufficienter propositum non solum esse verum, sed & certissimum; &, si delibe-

ratè

ratè fiat, & cum pertinacia, semper est peccatum mortale, & quidem hæresis. Lugo de fide. D. 20. f. 1. n. 17. Coninch. de fide. D. 18. d. 7. n. 102. Suar. de fide. D. 19. f. 4. n. 10. Palaus tr. 4. D. 3. p. 2. n. 9. & alii. Si verò oriatur ex scrupulo conscientiæ, vel alio motu, cui dubitans non consentit, sed resistit aversando, quidquid contrarium est Fidei, cui se optat in omnibus accommodare, non est peccatum, sed materia meriti. Signum autem, quod dubitatio posteriori modo accidat, est, si quis in ipso conflitu magnâ molestia afficiatur, tanquam odio habens errorem, & diligens veritatem. Laym. l. 2. tr. 1. c. 13. n. 4. Porro non est necessarium explicare, qualis fuerit articulus, de quo quis dubitavit contra fidem: sunt enim in hoc omnes ejusdem speciei, cùm omnes nitantur eodem motivo infallibili, nempe testimonio DEI revelantis &c.

117. De aliquo articulo fidei elicui assensum opinativum semel. Talis assensus est, qui ita fertur in articulum fidei, ut simul conjunctam habeat formidinem oppositi, hoc est, ne contrarium sit verum. Est enim formido, quæ in omni assensu opinativo reperitur, nihil aliud, quam judicium affirmans motivorum debilitatem, quod scilicet ea tanti non sint, ut non possit subesse periculum deceptionis, adeoque ea motiva non dare securitatem contra deceptionem, ut explicat Lugo de fide. D. 6. f. 1. n. 25. Et explicari solet ejusmodi actus per particulam fortè dicendo: fortè Christus non est natus ex Virgine; fortè non est in Eucharistia &c. Hoc judicium cùm sit error in fide, non potest esse cum objecto Fidei sufficienter proposto. Semper est

peccatum mortale, quando sit cum plena advertentia; & quidem si cum pertinacia jungatur hæresis. Coninch. n. 105. Palaus. n. 12. Azor. l. 8. c. 9. q. 6. & alii. Neque tamen necessarium est explicare articulum, de quo contra fidem sic sentitur.

118. Articulum fidei negavi semel. Id est, iudicavi, tales articulum non esse verum, v.g. Christum realiter non esse in Eucharistia. Judicium hoc est peccatum mortale: & si exterius exprimatur aliquo signo vel verbo, quantumcunque occultiatim fiat, nullo, nisi, qui exprimit praesente, excommunicationi obnoxium. Tolet. l. 1. c. 19. & alii. Neque tamen hic necessarium est exprimere, qualis sit ille articulus, qui negatus est.

119. Pluribus annis v.g. quinque voluntarie vixi in hæresi. Non est autem necesse, explesè dicere, qualis fuerit ea hæresis: Lutherana, an Calvinistica, Zwingiana, an Hussitica &c. sunt enim ejusdem speciei. Reginald. l. 6. c. 4. n. 144. Dian. p. 1. tr. 7. R. 46. Quoniam autem haec tenus saepius est mentio facta Pertinacia, omnino ad hæresin requisita, breviter adverte, eam in proposito non esse idem ac mordicus & acriter suum errorem tenere, ac tueri (hoc enim etiam inculpatè fieri potest, si nimis fiat ex ignorantia invincibili) sed esse, eum errorem retinere, etiam postquam contrarium est sufficienter propositum, Sanch. l. 2. Mor. c. 7. n. 2. & alii communiter. Hinc rustici, aliquæ simpliciores homines in Germania, qui pastim hæretici vocantur, non sunt hæretici formales, quia non sunt pertinaces. Et ideo si à sua secta v.g. Lutherana,

Calvi-

Calviniana &c. recedere velint, possunt post sufficientem instructionem, &c., fieri possit, editam coram testibus professionem fidei, a locorum Parochis absolvī, Laym. l. 2. tr. 1. c. 13. n. 4. Nisi quarundam Ecclesiarum consuetudo exigat, ut tales, etiam materiales hæretici, mittantur ad eos, qui potestatem habent absolviendi ab hæresi, vel Episcopi aut ejus Vicarii examini & judicio relinquantur.

120. *Culpabiliter ignoravi articulum fidei semel.* Culpabiliter ignorat mysteria fidei, qui advertens obligationem ea sciendi, negligentiam committit in iis addiscendis. Et quidem hæc negligentia, si fuerit gravis, etiam quoad numerum exprimenda est in hunc modum: *Gravem negligentiam in rebus fidei addiscendis commisster.* Pro meliori autem intelligentia sciendum est, ignorantiam aliam esse invincibilem, aliam vincibilem. Illa est, cum nulla de ea deponenda, aut obligatione deponendi occurrit cogitatio. Hæc excusat à peccato: & ideo si quis cum ea in sua infidelitate v.g. hæresi decedat, non condemnabitur ratione infidelitatis (hæc enim culpâ tunc vacat) sed ratione aliorum peccatorum mortalium. Sanch. l. 1. mor. c. 16. n. 32. & alii. Ista verò est, quæ ab ignorantie vinci potest ac debet, si nimis habeat aliquam etiam temuē notitiam de obligatione eam deponendi: hæc enim notitiā habitā jam habet sufficiens principium ulterius indagandi; &, si non indaget, jam incipit laborare ignorantia vincibili. Quæ rursus duplex est, affectata, & non affectata: illa est, cum quis dedita operâ & directè vult ignorare, id-

que vel ex tædio descendit, vel ut lege ignorata liberiū peccare possit: Et talis ignorantia equiparatur scientiæ, ut ex Cap. *Quæsum. de panit.* & remiss. docet Palauus l. c. Porro ab hæresi incurrenda excusat quævis ignorantia, etiam affectata. Ad hæresin enim requiritur pertinacia, quæ non potest esse, nisi cum articulus est sufficienter propositus: qui autem ignorantia, etiam affectata, laborat, caret scientiæ, consequenter nec pertinax esse potest. Nec refert, quod ignorantia culpabilis non excusat à peccato (fuit enim adhuc peccatum est, et si culpabiliter ignoretur esse) nam ad peccatum plus non requiritur, quam ut quis advertat, se agere contra legem: adhæresin autem requiritur pertinacia, quæ non datur, nisi, cum quis advertit, se articulo sufficienter proposito adversari: id quod cum ignorantia etiam affectata stare non potest. Intellige autem hæc de illa ignorantia, quæ solùm ex tædio descendit affectatur: non de illa, quæ nascitur, vel ex contemptu Ecclesiæ, vel falsâ opinione, quâ quis judicat parvi momenti esse, & indigna credita, quæ in Ecclesia creduntur, & propenuntur. Palauus n. 4. Sanch. l. 2. mor. c. 7. n. 23. & alii.

121. *Præsumps. de Misericordia DEI semel.* Id est, speravi me aliter quam per media ordinaria consecutur bona supernaturalia, v.g. gloriæ sine propriis meritis; vel gratiæ, vel remissionis peccatorum sine propria cooperatione, aut penitentia. In hoc enim consistit peccatum Præsumptionis de misericordia DEI, & ex eo quandoque peccator progrereditur ad alia peccata perpetranda, v.g. furtum, fornici-

fornicatione in &c. quæ si quidem sunt peccata mortalia, oportet specialiter explicato in hunc fore modum: *Ex presumptione misericordia divina futrum grave comi nisi semel: fornicatio sum bis &c.* hoc in aliis quoque peccatorum mortalium generibus. Ex dictis vero breviter
Paret, errare eos, qui, dum ex fiducia venia per Confessionem obtinenda peccant, aut ex eadem fiducia penitentiam ad longum tempus, tamen etiam ad usque ultimam senectutem differunt, dicunt, se peccasse presumendo de misericordia DEI. Non ita se habet. Neque necesse est, talem spem, senatum specialiter confiteri, cum non constitutum peccatum specialiter diversum ab eo, quod sine tali animo fit.

122. Ceterum Præsumptio est peccatum mortale, nec fieri potest veniale ex levitate materiae. Sanch. L. 2. mor. c. 33. n. 33. Palaus tris. D. un. p. 1. n. 2. & alii. Et habet quandoque conjunctum judicium erroneum, quo quis te ipsa judicat & credit, se beatitudinem sine penitentia & propriis meritis (quales modò sunt Lutherani) vel ex solis propriis operibus absque gratia DEI (quod Pelagianorum est) acquisiturum. Quod si fiat, duplex in eo est malitia, una propria; altera ad heresim spectans, & spem destruit, estque specialiter in Confessione explicanda. Ad Præsumptionem non requiritur, ut tale judicium re ipsa ad eam presupponatur: quo casu quis presumptuosus est, non hereticus, nec amittit spem. Sanch. n. 8. Coniunct. de ffe. D. 20. d. 15. n. 149. Suar. de ffe. D. 1. s. 1. n. 4. & alii.

123. Terrena magis amavi, quam caelestia. Contingit hoc, cum quis pluris R. P. Stoz Trib. Penit.

estimat terrena, quam caelestia; & illis ita immersus est, ut quis desideret perpetuò degere interea; & DEO velit relinquere cœlum, si sibi terram relinquat. Unde etiam peccant boni socii, aut conjuges, qui serio desiderant, ut perpetuò sibi vivere defur in terra: nisi hoc loquendū modo, solum amoris vehementiam indicare velint. Et hoc peccatum si plenè liberatè fiat, semper est mortale: cum nunquam fiat sine gravi injurya DEI, utpote quem ita sperare debemus, ut eum præ omnibus concupisibilibus debeamus nobis concupiscere. Navar. in Mar. c. 11. n. 17. & alii. Quamvis, ut idem rectè notat, peccatum non sit longam vitam exoptare, etiam advertendo, se ob id tardius ad aeternam beatitudinem pervenirum.

S. II.

Peccata cordis contra proximum.

124. Temere de altero suspicatus sum in re levi: quater: vel in re gravi: bis. Suspicio est actus intellectus, quo judicamus rem aliquam posse probabiliter judicari, licet defacto eam determinate non judicemus: estque adeo reflexa quadam cognitio, nihil determinatae judicans de ipso re, sed solum posse judicium ferri de probabilitate rei. Temeraria autem est, quando sufficientibus indicis non innititur, hoc est, quando indicia non sunt talia, ut prudenter judicari possit, ex illis judicium sumum formari posse. Est ex suo genere peccatum mortale: regulariter tamen est solum veniale; ob debilitatem enim judicij, in quo consistit, communiter non censetur graviter ledi bona proximi estimatio. Bonac. de Restitu. D. 2. q. 7. p. 1. n. 4.

S

125. Te-

125. *Temerè alium iudicavi in re gravi semel: vel in re levi sexies.* Judicium est actus intellectus, quo se fatur sententia de aliquo objecto, idque vel negando, vel affirmando. Subinde & firmum sine ulla formidine oppositi, ita ut ab eo non facile quis se sinat dimoveri? subinde est coniunctum cum formidine; quod contingit, cum quis ita constitutus est, ut, si interrogaretur, an firmiter judicet & certus sit, responderet, se non esse certum, sed falli posse. Et hoc judicium rite vocatur *sufficio*; sed non recte. Temerarium verò est, cum aliorum dicta vel facta sine ullis, vel non nisi ex levibus indicijs & conjecturis in malam partem accipimus, determinatè apud nos statuendo, ac definiendo, illos peccasse. Est peccatum mortale ex suo genere. Laym. l.3. tr.3. p.2. c.2. n.5. Lugo D.14. de Just. s.2. n.11. etiam cum est debile seu coniunctum cum formidine oppositi. Lugo n.14. Potest tamen esse veniale vel ex levitate, vel circumstantiis personæ parvi aestimantis sinistrum de se iudicium, vel ob imperfectionem actus, quando scilicet temeritas est exigua, nempe tantis indicis extantibus, ut licet sufficientia non sint, parum tamen absit, ut prudentis viris sententiā definitivam mereantur. Lugo n.25. Similiter est peccatum mortale, si iudicium temerarium formetur tantum de aliquo indeterminate, vel de aliquo determinate in particulari, qui tamen nec cognoscitur, nec cognoscetur unquam. Lugo n.26. Bonac. n.7. sed & iudicium temerariū debile plerunque potest à mortali excusari, cum per illud existimatio alterius notabiliter non videatur laedi.

126. *Alios, vel alium in animo contempti graviter semel: leviter bis.* Est au-

tem contemptus generatim loquendo &ctus intellectus, quo res aliqua minoris, quam pat est, aestimatur: quod iudicium si voluntas probet liberè ei consentiendo, erit contemptus internus & peccaminous: externus autem, si externum aliquod opus interioris illius vilipensionis manifestativum accedat. Quod si una res sit verè vilius altera, eam præalia excellentiori minoris aestimare, non est vitiosum: neque talis actus est contemptus moraliter loquendo; non enim res aliqua dicitur moraliter contemni, si, prout meritetur, aestimetur.

127. Est autem contemptus duplex, materialis unus, alter formalis. Materialis est, cum res aliqua aliis ex vilipensione postponitur, et si directe hoc non intendatur: quo pacto contemptus est quandoque circumstantia universalis, & in quolibet peccato, praesertim mortali, includitur: ipsum enim peccare nihil aliud est, quam DEUM & ejus Majestatem vilipendere. Unde & in scriptura sacra peccatores dicuntur contemptores DEI. Formalis contemptus est, cum ex formali & directa intentione res una postponatur aliis, seu, cum ex directa intentione aliquid sit, ut res aliqua parvi pendatur, vel parvi pendere credatur.

128. Versatur contemptus non tantum circa præcepta, sed etiam circa consilia, & adhuc est duplex: unus legislatoris seu præcipientis, & consulentis; alter rei præceptæ, aut in consilio positæ: quibus abundant aliqui contemptum legis seu præcepti. Sed Suar. l.3. de Leg. c.28. n.11. hoc tertium membrum recte rejicit: vel enim contemptus lex per ordinem ad legislatorem, vel per ordinem ad rem præceptam: priori

priori modo est contemptus legislatoris seu superioris: posteriori rei præceptæ.

129. Formalis contemptus legislatoris divini, hoc est, DEI semper est peccatum mortale. Bonac. de præcept. D. 2. q. 3. p. 5. n. 10. Palaus tr. 2. D. 2. p. 9. §. 2. n. 6. & alii. Est enim gravis irreverentia, indigna de DEO existimationem habere, et si res, ratione cuius DEUS contemnitur, in se parva sit.

130. Quin & formalis contemptus legislatoris humani, ut talis, semper est lethalis. Bonac. Palaus. II. cc. Suar. n. 23. & 25. Graviter enim observantia superioribus debitæ repugnat, legitimam imperandi potestatem vilipendere etiam in re alioqui modicā: & qui superiorem contemnit ut talem, seu ut DEI vicarium, DEUM ipsum contemnere censetur juxta illud *Luc.* 10. qui vos spernit, me spernit. Quod si superior non ut talis contemnatur, sed ob defectum prudentiæ, eruditioñis, nobilitatis &c. potest contemptus iste esse venialis, sicut detractio, murmuratio &c. Suar. n. 24. & alii.

131. Ceterū formalis contemptus præcepti tum humani, tum divini etiam in levissima materia semper est mortalit. Laym. I. 1. tr. 8. c. 7. n. 4. Bonac. Palaus II. cc. De contemptu legis divina in rebus etiam minimis res est certa, & concedit etiam Less. I. 2. c. 46. d. 6. n. 46. non potest enim non esse grave, despicere quamlibet divinam legem, ceu vanam & inutilem, aut saltem minus convenientem, quam de facto sit: continet enim talis contemptus tacitam blasphemiam. Idem est de consiliis divinis. Palaus I. c. Sancius D. 7. n. 12. & alii. De contemptu legis humanæ in re levissimam probatur: quia res levissima ab eadem

potestate imperatur, à qua gravis; ergo contemnitur eadem potestas; ergo & quæ graviter quis peccat, sive occasione rei magnæ, sive parvæ illa contemnatur. Accedit, quod potestas imperandi rem etiam levem & quæ sit à DEO, atque potestas imperandi rem gravem juxta illud ad *Rom.* 13. Non est potestas, nisi à DEO: ergo cum illam contemnis, contemnis bonum ipsius DEI: ergo DEO irrogas injuriam; tacite enim DEUM spernis spernendo ejus potestatem, juxta illud *Luc.* 10. jam paulò antè allegatum: qui vos spernit, me spernit.

132. Jam verò etiam aliarum personarum, quæ non sunt superiores, contemptus est ex suo genere mortalit. est enim contra justitiam; potest tamen fieri levis, ex parvitate materiae. Palaus I. c. in fine.

133. Ad hæc formalis contemptus legis continet speciale malitiam distinctam ab illa, quam habet transgressio legis. Palaus. n. 2. Suar. n. 25. Bonac. n. 16. & alii. & adversatur modò Religioni, si sit contra DEUM, modò Pietati & observantia, si sit contra parentes, aut superiores; modò Justitiae, si sit contra alias personas. Et est circumstantia contemptus formalis in Confessione necessariò explicanda. Laym. n. 2. Bonac. I. c. ipsa tamen transgressio legis taceri poterit, si sit in re levi, secus autem, si sit in re gravi. Ex his propræxi

134. Deduces I. Eum peccare mortaliter, qui ex formalis contemptu non vult sequi consilium v. g. amplecti statum religiosum; luscipere Sacramentum extremæunctionis; aquâ benedictâ se aspergere; legem aliquam Sodalitatis, seminarii, aut Gymnasi servare &c. et si enim consilio sine culpa non pareatur, non tamen contemnitur

temnitar sine culpâ. Laym. n. 5. censetur autem consilium contempnere, qui id despicit ut vanum, inutile, aut saltem minus utile, aut conveniens, quam sit de facto. Laym, Sancius II. cc. & alii.

135. II. Eum non peccare mortaliter, qui leve præceptum transgreditur, aut consilium neglit, quia vult ostendere, præcepta illa esse levia, & ad salutem non esse necessaria, & multò minus consilia: hoc enim est verissimum, & in hac ostensione non potest esse contemptus; contemptus enim non est, si res juxta sua merita & stimetur.

III. Non esse peccatum mortale, si quis nolit superiori obedire in re levi ex contemptu ejusdem, ut est quidam homo insimilis fortis, imprudens, indoctus &c. tunc enim non contemnitur ejus potestas, sed persona ob defectus, quos habet.

136. IV. Eum peccare solùm venialiter, qui in re levi transgreditur legem seu præceptum humanum ex indignatione levi, amatitudine aut affectu pravo erga superiorem; quia videlicet ipsum non vult afficere solatio, quod caperet, si eis præcepta servarentur. Talis enim affectus charitatem non lèdit graviter. Less. n. 45. Bonac. n. 12. Sanch. I. I. mor. c. 5. n. 12. Palauz. c. Quòd si tamen ex tali indignatione aut animo, ne scilicet DEUM loatio afficias, aut ejus beneplacitum facias, præceptum divinum transgrederis, aut consilium vitam v.g. religiosam sequendi, negligas, graviter peccas: Suar. n. 23. Sancius, Palauz II. cc. Continet enim talis actus Odium DEI, quod non potest esse leve ob paritatem materiae, ut omnes factentur, & dictum sup. n. III.

137. V. Pueros, qui nolunt obedire

suis pædagogis ex quodam eorum contemptu, non peccare mortaliter; quia pædagogi non habent verâ præcipiendi potestatem, cum non sint veri superiores; contemnuntur potius ut homines ob quodam suos defectus. Eadem est ratio Præfectorum in seminarijs, & inferiorum ministrorum in Republica, seu communitate, enim religiosa: nam & his non inest vera auctoritas præceptiva, sed tantum executiva. Bonac. n. 11. Palauz. c. dummodo tamen absit notabilis irrisio, & injuria personæ.

138. *Odium levi erga proximum habui novies: vel: grave semel.* Odium est actus voluntatis, quo alteri volumus malum, sub ratione mali: vel tristamur de bono alterius, quia bonum illius est. Est peccatum mortale ex suo genere, fit veniale ex paritate materiae, vel defectu advertentie, Bonac. de Precept. D. 3. q. 4. p. ult. §. 1. n. 6. & alii. Leve malum est, cum quis optat alteri, ut male agat in comedìa, aut declamatione: male à superiore, Præceptore, hero, proximo &c. verbis aut verberibus non gravibus excipiatur: inter concionandum hæreat aqua &c. (specie differt ab odio DEI: & ideo specialiter est explicandum in Confessione. Bonac. n. 10. Palauz. tr. 6. D. 4. n. 5. Coninch. de char. D. 29. d. 3. n. 6. at verò mala ipsa, quæ proximo saltem sine animo inferendi tale malum, cupimus, non sunt distinctè aperienda. Bonac. I. c. Dian. p. 1. tr. 7. R. 30. & p. 3. tr. 4. R. 67. §. in Resol. 30. Tarub. in Merb. Confess. I. 2. c. 6. §. 3. n. 10. & alii: nisi forte per accidens alia peccata Injustitia, Contumelia &c. ab odio distincta involvantur.

139. *Gavijus sum de male proximi gravis: vi se-*

vifemel: vel: non gravi bis. v. g. gravi detractione famæ alienæ, morto periculoso, morte &c. vel, quod leve est, si malè stetit in declamatione, aut concione, verbis aut verberibus à præceptore, superiore, hero, parente fuit castigatus, offensam eorum incurrit, unum ex vilissimis in schola locum occupavit, in terram viâ lubricâ prolapsus est &c. sed nec hic opus est, ipsa mala, de quibus quisgaudet, exprimere. Tambur. n. 11. Subinde autem contingit, ut non tam de malo proximi, quād de lepido aut mirabili modo, quo id accidit, gaudeamus: v. g. videmus proximum ex equo decidere, & graviter lædi; & ridemus, gaudemusque non tam de casu & vulnere, quād de ridiculo cadendi modo. Et hoc si contingat, vel omnino nullum est peccatum, vel ad summum veniale, quantumvis alioqui malum sit grave. Idem evenire potest, cūm ex malo proximo: bis aliquod commodum accedit, v. g. ex morte amici hereditas, dignitas ex alterius amotione ab officio. Similiter matres excusantur, si filiarum mortem optant, quia eas ob deformitatem, aut inopiam commodè nuptui non possunt tradere. Bonac. n. 7. Azot. p. 1. l. 3. c. 12. q. 2. Item excusantur, qui desiderant vel gaudent de morte peccatoris scandaloni, aut publicæ pacis perturbatoris, ob bonum commune, juxta illud, Galat. 5. Ultinam abscondantur. Item qui desiderant punitionem malorum, à publica potestate infligendam, aut de inficta gaudent. Palaus tr. 6. D. 4. n. 9. Less. de just. l. 2. c. 47. d. 4. n. 21. sic &c. judex gaudente potest de poena delinquenti inferenda, vel illata. Bonac. n. 7. §. secundo:

& quisque actionem injuriarum prosequi potest ex amore Justitiae. Bonac. ibid. cavendum tamen omnino est, ne tale quid fiat ex odio vel vindicta: ex qua, si psalmum 108. super inimicum tuum legas, peccas mortaliter.

140. *Dissidentiam & aversionem animi contra aliud* (vel alios) aliquamdiu feci bis: quam nempe debebas, non tamen cohatus es déponere. Est peccatum tantum veniale. Regulariter vel interventio defecus adyententia, vel ipsa aversio tantum est modica. Bonac. n. 6.

141. *Iratundia motus non statim suppressi quinqüies*. Ejusmodi motus continentur sine appetitu vindictæ, sed cum nimia animi excandescencia, & haberet posse non tantum erga alios homines, sed etiam erga bestia, ut canem, muscam, pulicem &c. imò etiam erga res inanimatas, v. g. lignum, lapidem &c. si nobis incommodare videntur. Hi motus cūm inordinate perturbant mentem & adesse advertuntur, supprimendi sunt: sed si non supprimantur, limites peccati venialis non excedunt, nisi per externa signa, quibus praesentes graviter scandalizentur, patefiant, vel ad grave malum patrahendum accendant animum. Reginald. L. 21. c. 9. n. 122.

142. *Iram contra alium* (vel alios) *gessejsemel*: seu, (quod alijs verbis exprimi solet) *vindictam de proximo sumere statu jsemel*. Est enim ira nihil aliud, quād appetitus vindictæ, seu actus voluntatis, quo alteri volumus malum inferre, in vindictam illatae injurie vel laisionis. Potest autem vindicta esse justa, vel injusta. Justa est, cūm procedit ab habente legitimam eam inferendi, potestatem;

nec

nec est delicto, ob quod infligitur, major aut gravior: quo sensu ira est etiam bona, juxta illud *Psalmi 4.* Ira scimini & nolite peccare: & vocari solet etiam *Zelus*, cum nimis, ut honor DEI servetur, in delinquentes insurgimus, eisque malum inferimus: quo modo Christus flagello usus est templo ejicit ementes & vendentes. *Matth. 21.* Ceterum iusta vindicta est, cum vel innocentia desideratur malum: vel nocenti quidem, sed qui non meritus sit tantum, quantum ipsi desideratur: vel deum cum inferatur contra ordinem Justitiae, ab eo, qui nullam inferendi habet auctoritatem. Et si hoc contingat, ira est peccatum ex suo genere mortale. Potest fieri veniale vel ex defectu plena advertentiae, vel ex levitate materia seu mali, quod infertur, ut cum quis ex appetitu vindictae modicuna malum alteri infert, ut qui puero aliquantulum vellit capillos, quod est exemplum *S. Thomæ 2. 2. q. 15. a. 3.* item cum quis secum statuit adolescenti dare alapam: apud praceptorum, parentes, heritum &c. accusare; officium aut obsequium leve negare, ut librum non commadare, cum illo non ambulare, abstinerre ab ingressu ejus adiuvium &c. ob aliquam scilicet lesionem precedentem, & in vindictam. *Reginald. n. 122. & 123.*

143. *Indignationis motum non suppressi bis.* Indignatio est actus voluntatis, quo male ferimus, indignis conferri bona; vel cum alterum, a quo aliquid passi sumus, vilipendimus, & indignum reputamus, a quo tale quid patiamur: & idcirco etiam non dignamur eum aliqui, proprio nomine compellare, aut aliquod benevolentiae signum exhibere.

Hi motus culpæ venialis limites non excedunt, Bonac. n. 8. Reginald. n. 126. Nisi vel habeant coniunctum gravem ipsius personæ contemptum, vel ad grave damnum proximo inferendum concident, vel notabile ex illa conversationis familiaris, & amicitiae subtractione scandalum nascatur: tunc enim sunt peccata mortalia. Bonac. Reginald. II. cc.

144. *Rancorem contra alium habenter.* Rancor est, quo quis homines, qui ad spiritualia inducunt, ut sunt Concionatores, Confessarii, & alii hujusmodi, fastidit & averatur. Est peccatum veniale, nisi conjugatur cum gravi dispercentia ipsius personæ, aut odio, quo quis grave aut notabile malum deliberat & ex animo illis desiderat. *Tolet. de 7. peccatis mortalibus cap. 70.* Bonac. n. 6.

145. *Discordiam levem (vel gravem) cum altero gessi semel.* Discordia est dissensio voluntatis a voluntate alterius, *Toletus c. II. ex S. Thoma 2. 2. q. 37.* cum enim circa unum & idem objectum unus vult, alter non vult, dicuntur discordes, id est, diversi cordis. Discordia aliquando est peccatum mortale, aliquando veniale, aliquando omnino nullum. Nullum peccatum est, cum quis alterius suadentis, consulentis &c. voluntati suam non conformat. Peccatum verò mortale est, cum est circa res, quæ vel ad honorem DEI (quales sunt res fidei) vel ad notabilem proximi utilitatem procurandam, vel grave ejus damnum impediendum spectant. Veniale denique erit, cum res non cedit contra honorem DEI, aut in grave detrimentum. Varijs virtutibus opponi potest juxta obligacionem, quæ ab alterius voluntate tenetur non

non dissentire. Et ideo si quis bonum, quod contra alterius voluntatem respuit, teneatur procurare ex charitate, etiam charitati repugnat, & est peccatum ex suo genere mortale. Bonac. §. 4. n. 2. Reginald. n. 132. Quodsi verò subditus ex lege obedientia teneatur suam voluntatem conformare cum voluntate superioris, & non conformet, peccat immediatè contra obedientiam. Sic debitor cùm ex Justitia tenetur consentire cum creditore, & dissentit, peccat contra Justitiam & sic de aliis. Reginald. n. 131. Bonac. n. 3. Quodsi denique aliquis bonum, quod alter vult, omnino non teneatur amplecti, dissensio hæc voluntum omnino non est Discordia. Ad Discordiam enim & quidem peccaminosam requiritur, ut sit circa bonum ex obligatione procurandum, & ut procedat ex animo & intentione contradicendi seu discordandi ab altero. Hic ergo animus si desit, non est Discordia; quia ratio probabilis utriusque dicit, ita volendum esse: & ideo etiam tunc nullum est peccatum. Tolet. l.c. Porro Discordia dicitur quandoque aversio animorum; sed hæc ad odium vel inimicitiam spectat.

146. *Contra parentes (præceptorem, superiorem, proximum &c.) in corde murmuravi semel.* Murmuratio corde contra hos, qui justam eorum reprehensionem impatienter fert, & secum ipse queritur: item qui alias eorundem actiones sine justa causa apud se reprehendit, v. g. quod huic vel illi nimis indulgent; quod aliis nimis duri sint, & non omnibus iidem; quod nimis onerent letionibus; pensum litterarium, laborem diurnum, tributa, debita &c. nimis se-

verè exigant, quod morosi sint & tertri &c.

147. *Invidiam erga proximum gessi sexies.* Invidia est tristitia de bono alieno. I. non quia bonum proximo est; hoc enim est Odium; grave quidem, si sit de magno alterius bono; leve verò, si sit delevi. Neque II. quia alter illo bono indignus est; hæc enim est Indignatio: bona quidem, si sit moderata, & doleas, planè indignis conferri beneficia, aut officia publica: mala verò, si bonus finis desit, & concipiatur de bono alterius præcisè, quia ipse eo indignus judicatur, ut si quis tristetur de malorum prosperitate temporali, quia indigni sunt. Non tamen hæc indignatio maius est peccatum quam veniale: nisi eò prortumpat, ut DEUS arguatur Injustitiae, tanquam male distribuens bona: hæc enim est Blasphemia gravissima. Neque III. ideo, quia hoc bonum in ipso est; sed quia in nobis non est, optando illud nobis. Hæc enim non est Invidia, sed Æmulatio; in studio quidem pietatis, & litterarum, aliisque rebus honestis laudanda: v. g. si quis videt socium devotum, doctum, magna virtute præditum; præmia doctrinæ & virtutis referentem; præceptoris aliisque charum; negotia bene tractare; gratiâ valere apud Principem, Magistratum, aequales; frequentari alterius confessionale à pœnitentibus, iisque honorationibus; fructuosè concionari; cum plausu docere; feliciter in judicis agere causas clientum &c. tristatur de illo bono, non quia in altero est, sed quia ipse eo caret, Æmulatio non est mala, sed tantò melior, quanto de bonis præstans: ioribus est. Æmulator enim non tam de bono altenius,

alterius, quād de suo defectū, v.g. quōd ipse non sit devotus &c. tristatur: quia Tristitia in genere virtutum sancta est, & solum excitatur ob talis boni defectum, quo ipse laborat. Sic cū pueri aliorum laudibus mordentur, vel vieti in lacrimas erumpunt, non quia alii excedunt, sed quia ipsi non proficiunt, & simulatio bona est: mala vero erit, si sit circa res illicitas, & quidem pro qualitate malitiae, mortaliter vel venialiter. Haec tenus dictum est, quid invidia non sit: videamus nunc quid sit. Igitur

148. IV. Invidia ab auctoribus communiter sic definitur: *Est tristitia de bono alterius, ex eo concepta motivo, non quod illud bonum sit illius, qui id habet; sed quia per illud propria excellentiae bonum minui videtur: ut si doleas & tristaris de alterius ingenio, doctrina, virtute, divitiis, honoribus &c. quia alter ea de causa tibi præfertur; neque tu amplius tanti sis, quanti antea; quod est diminuitam excellentiam & inde ortam tui extirpationem.* In hac descriptione difficultatem reperio. Tristitia enim hæc potius est effectus Invidiæ, quam ipsa Invidia: & ideo etiam definitio non tam formalis est, quam causalis, utpote per effectum tradita. Sed neque tam malignæ naturæ est ea tristitia, ut nunquam possit esse honesta & licita. Sicut enim honestum est & laudabile, propriam excellentiam moderatè & debito fine appetere (id enim charitas erga seipsum suadet, & dictat) ita etiam honestum est, ejus excellentiæ diminutionem, tanquam aliquid nostrum malum, cum debita moderatione fugere & odire: ad eandem quippe virtutem spectat rema-

mare, & ejus oppositum fugere & odire. Non igitur continuo peccati reus est, qui de bono alieno, ut est proprii lui boni diminutivum, dolet ac tristatur: non enim tunc dolet de bono alterius, quia bonum illius est, (hoc enim ad Odium spectat) sed ut est immediate seu proximè causativum proprii mali: quæ est proprie excellentiæ diminutio: sicut cū quis gaudet de alterius malo, non quia ipsius malum est, (nam & hoc ad Odium spectat & illebitum est,) sed ut immediate & proximè causat suum bonum, v.g. hereditatem optimam ex morte patris obvenientem, non gaudet de alieno malo, sed suo bono. Sicut autem, ut omnes concedunt, circa culpam concipitur gaudium de alterius malo, non quia illius malum (hoc enim, ut modò diximus, utique est illicitum,) sed ut est immediata causa boni proprii, ita etiam absque ulla noxa tristari possum de alterius bono, non quidem, ut illius bonum est, sed sub ea ratione, quodimmediate secum ferat meum aliquod malum: quod equidem dum facio, non doleo de alterius bono, sed meo malo. Quod sane, ut dixi, est actus ad sui charitatem spectans: neque de se malus est. Quemadmodum nec ille dolor seu tristitia ex se mala est, quam quis videns divitiias in proximo concipit, non quod proximus eas possideat, sed quod ipse eas non habeat: qui enim sic dolet, non dolet de bono alterius, sed de sua carceria, quæ sibi mala est. Potest tamen nihilominus ea tristitia de bono alieno, ut meæ excellentiæ diminutivum est, fieri mala, si nempe sit inordinata, aut causa aliquius mali: sic nimis & appetitus cibi,

cibi, divitiarum &c., et si ex se malus non sit, fit tamen malus, si modum excedat.

149. V. Igitur ut, quid invidia propriè & formaliter sit, exactè explicetur, scire oportet, invidum ex quadam animi pusillanimitate bonum alterius, ut bonum illius est, falsò apprehendere, ut proximè causativum proprii mali: v.g. quod honor socii sit meum dedecus. Dico autem: Falso; si enim verè ita esset, & ego id ita, ut esset, apprehenderem, non spectaret ad invidiam: v.g. si videam meum socium promoveri ad aliquam dignitatem, quâ verè & apertè indignus est; & ego apprehendam, eam promotionem cedere in meum ipsius, eum honorem verè promeriti, ignominiam, seu in excellentiæ meæ diminutionem, non ero invidiæ reus, si de eo bono trister, ut est causa meæ ignominiae: at si simile quid falsò apprehendam: v.g. si proximi mei sanctitatem, diuitias, honorem, scientiam, ingenium, dexteritatem agendi in comœdiis, favorem apud præceptorem, Prælatum, parentes, herum &c. si, inquam, hæc & similia falsò & sine fundamento deliberatè apprehendam, cedere in meum dedecus, & idcirco de iis bonis trister, merito invidiæ condemnabor. Ex his ergo definiri poterit, in quonam consistat invidia. Dicit ergo invidia apprehensionem pusillam & falsam de alterius bono: non quod invidia in eo actu solo, cum sit intellectus, consistat (perinde ac peccatum hæresis non consistit in solo pertinaci errore intellectus) sed simul etiam in actu voluntatis, liberè eam apprehensionem admittentis: quemadmodum & hæresis, ut peccatum sit, necessariò requiritur, ut error ille intellectus à voluntate admittatur, & appro-

R. P. Stoß, Trib. Pœnit.

betur. Consistit igitur invidia in voluntaria pusilla apprehensionis de alterius bono admissione, cauativâ prædictæ tristitiae, videlicet inordinata, plena anxietatis, & modum excedentis; verbo, inordinata. Ita Invidiam explicat Tambur. I. 5. in Decal. c. 1. §. 3. à n. 36.

150. Porro invidia communiter ab omnibus numeratur inter peccata, quæ sunt ex suo genere mortalia. Sed Lorca, quem refert & sequitur Tambur. n. 42. ait, eam ex suo genere esse tantum peccatum veniale; quibus ego libenter assentior: sive enim invidia sita formaliter sit in voluntaria illa pusillarum apprehensionum admissione, sive in deordinatione tristitiae, nunquam, si præcisè intra hos terminos sistamus, perveniemus ad eam materiam, quæ notabiliter seu graviter lœdat bonum proximi vel sui ipsius; & consequenter quæ in illo genere sufficiat ad peccatum mortale; ut contingit in furto, in quo à modica quantitate intra idem genus possumus demum venire ad eam quantitatem, quæ ad constituendum peccatum mortale sufficiat: & ideo furtum merito inter peccata ex suo genere mortalia recensemus. Potest tamen nihilominus fieri mortale per accidens, si ex ea graves inuidiæ, aut damna contra proximum, odia, detractiones &c. enascantur, ut quandoque contingit; sic nimirum & alia peccata, quæ ex suo genere venialia duntaxat sunt, possunt ob supervenientem circumstantiam graviter malam, fieri peccata mortalia, ut notum est.

§. III.

Peccata cordis contra meipsum.

151. Acediosas cogitationes habui septies.

T

Ace-

Acedia est fastidium rerum spiritualium, seu ad animæ salutem spectantium; seu Tristitia, quâ homini displicet bonum spirituale, ut tale, & ad hominem ipsum pertinet. Hoc verò bonum est tum ipsa beatitudo æterna, tum bona ad eam obtinendam ordinata; ut sunt gratia, præcepta divina, Sacraenta, opera virtutum, & similia, adeo ut homo ipse nolit, & fastidiat, se talis boni capacem esse, & ad id ordinatum, atque ideo rerum spiritualium naufragium patiatur. Et hæc tristitia est peccatum mortale. Bonac. de peccatis. D. 3. q. 4. p. ult. §. 3. n. 2. Tolet. de 7. peccatis. c. 68. Reginald. l. 17. n. 108. & alii. Unde graviter delinquit, qui vitæ ætumnis fractus deliberat & seriò optat, se non fuisse natum, aut potius bestiis adnumerari, quam hominibus. Potest fieri veniale, vel ex defectu pleni assensus, ut solet, cum suboriuntur repentinæ tristitia internæ, quibus plenus assensus non adhibetur: vel ex parvitate materiæ. Bonac. n. 3. Tolet. Reginald. l. cc. qui à peccato mortali excusant illum, qui tristatur de bono spirituali non absolutè & secundum se, sed potius ob aliquam circumstantiam temporis aut loci, ob quam opus redditur difficile, molestum & laboriosum, v.g. de Missa, vel concione audienda, adeundo Sodalitatis conventu propter frigus instans; de recitando rotario, frequentanda Confessione, communione &c. ob recreationem, lusum, compotationem &c. ea de causa omittendam; hic enim talis non commitit speciale peccatum Acediæ, nec mortale, nec specialiter in Confessione exprimendum est, circa quæ bona in particulari hoc tedium sit conceptum; potest tamen quaque esse utile: propterea potes hoc mo-

do dicere. Acediosas cogitationes habuidic
missa audiendas, de sacra Confessione, com
munione &c. semel: & quidem cum volun
tate omitendi. Sed hæc particula tunc tan
tum addenda est, cum hæc opera sunt in
præcepto. Quod si tedium hoc conci
pias de rebus spiritualibus non secundum
se, tanquam nolens eas esse, v. g. concio
nem missam &c. sed ut hoc loco, hoc tem
pore perfrigido, cum difficultate & mo
lestia exercendis, hoc ipsum exprime di
cendo: Tedium erga missam &c. tem
pore (vel loco) mihi molesto audiendam
habui semel.

152. Pusillanimes cogitationes habui se
pries. Pusillanimitas est, cum quis ea, que
perfectionis seu virtutis sunt, non audet
exequi, timore deficiendi. Reginald. n.
109. Tolet. c. 70. Supponit apprehensi
onem, quâ quis omnia, tanquam magna,
valde difficilia, & suam facultatem vel di
gnitatem excedentia concipit. Posset ali
quis distinctius se explicare hoc terè modo:
Habui pusillanimes cogitationes circa
statum religiosum capessendum semel: circa
servandam castitatem ter: circa jejuniis
*&c. Est autem pusillanimitas ob huma
nam, quam fovet, fragilitatem, ex suo ge
nere peccatum tantum veniale. Reginald.*
Tolet. l. cc. Potest fieri peccatum mortale,
si negligantur ea, ad quæ alioquin gravi
præcepto tenemur. Et tunc ipsa materia
præcepta vel prohibita est explicanda.

153. Motus impatientia non suppressi
sexies. Impatientia est vitium, quo quis in
rebus adversis perseverendis animo deficit,
& tristitia ex injuria, aut malo, quod sibi
accidit, obortâ frangitur, & à recto defi
cit. Impatientia ergo motus sentit, qui
ob aliquam adversitatem, molestiam, aut
in-

incommodum, quod sibi accidit, sentit tristitiam, quā movetur, ut mala præsentia animo minus æquo ferat, & à decoro honestatis recedat. Peccat autem, si hos motus deliberatè admittat, aut si ijsdem incitatus decernat aliquid facere aut omittere, quod recta ratio dictat non faciendum esse, vel omittendum, v.g. si quis propter reprehensionem aliquam in tristitiam lapsus velit statim studia, suos labores, negotia, aut functiones etiam deserere, nolit suas lectiones discere, suo tempore ambulare, comedere &c. Multò magis impatiens est, si etiam clanculo in ejulatus, aut suspiria nimium erumpat, aut alijs hunc animi sui motum foris ostendat. Est autem hoc vitium peccatum tantum veniale: potest tamen fieri mortale, vel ratione scandali, vel mali, quod impatientiā vietus admittit, vel admittere proponit. Less. l. 3. c. 2. d. 5. n. 41. Laym. l. 3. f. 3. n. 15. Quodsi verò moderatè quis tristetar, aut etiam fleat propter aliud malum, quod occurrit, contra patientiam non peccat, sed licet & quandoque meritò & rectè id facit: nullo enim malo seu proprio seu alieno moveri duri-ties cordis est, & bestialis quædam stoliditas, non tamen majus, quam veniale peccatum. Less. Laym. l. cc.

154. *Superbas cogitationes alii quinques.* Superbia est inordinatus appetitus propriæ excellentiæ. Nascitur ex consideratione & estimatione suarum perfectionum, intelligendo hoc nomine, quidquid ullo modo ad excellentiam facit: dum enim homo suas perfectiones considerat dissimilatis imperfectionibus, videtur sibi multò excellentior, quam sit in se, absolute vel comparativè ad alios: sicut

merces videntur emptori esse præstantiores, si virtus non considerentur. Hinc verò nascitur amor istius excellentiæ apprehensæ, quo illa homini placet, & homo propter illā sibi tribuit plus quam oportet. Et hic est primus actus superbiæ in animo complectus: sicut enim primus actus humilitatis est sui ipsius vilipenso, ita primus superbiæ actus est sui magnipenso, cum scilicet quis se estimat supra id, quod est. Sed hic actus, non consistit in solo judicio & apprehensione, sed in affectu, quo erga se tanquam magnum afficitur, & talem se quodammodo facit, qualis apprehendit. Unde superbus dicitur se ipsum inflare, tumefacere, exaltare &c. quia quartum est in se, apprehensione & affectu majorem se facit, quam re ipsa sit. Less. l. 4. de Inst. c. 4. d. 8. n. 62. Est autem superbia ex suo genere peccatum mortale, si sit completa; qualis est, quæ excludit omnem humilitatem & subjectionem, ita ut quantum est ex se, etiam DEO præferri velit, nec ejus legi subjici. Et est peccatum gravissimum, dæmonibus proprium, inter homines rarum & infrequens. Less. d. 9. n. 68. Laym. l. 3. f. 4. n. 23. Veniale verò, si sit incompleta, quæ consistit præcisè in nimia sui estimatione & amore propriæ excellentiæ: potest tamen fieri mortale ratione injuria erga DEUM, vel proximum, ut si sit causa violandi grave aliquod præceptum DEI, aut proximum graviter contempnendi. Less. Laym. l. cc. Tolet. de 7. peccatis. c. 4. Navar. in Man. c. 23. n. 6.

155. *Arrogantes habui cogitationes bis.* Est autem arrogantia, cum quis plus sibi tribuit, quam habet; & ea de causa se alijs præstantiorem estimat scientiæ, virtute,

dexteritate concionandi , dicendi , saltandi , nobilitate , agilitate agendi in co-mœdijs , declamationibus &c. elegantia , alia re , quæ inter homines est in pretio . Hinc quidquid laudandum in se cognoscit quis , non laudantis seu benevolentia seu ignorantia adscribit , sed suis meritis tribuit . Esta autem arrogantia peccatum tantum veniale ? nec est necesse exprimere , scientiam an nobilitate &c. te alijs excellere judicaveris .

156. *Præsumptuosa habui cogitationes ter.* Præsumptio , prout hoc loco sumitur , est nimia suarum virium confidentia , qua sit , ut homo aggrediatur , vel paratus sit aggredi opus arduum , facultatem suam seu vires excedens : ut si imperitus artis medicæ , corporibus ; imperitus rerum ad conscientiam spectantium animis mederi audeat : si Sacerdos carens juridictione absolvat ; Iudex laicus causas Ecclesiasticas ad forum suum trahat , examinet , & definiat &c. Cùm ergo vult homo dicere aut facere supra id , quod verè potest , ac si talia agendi haberet potestatem , præsumptuofus dicitur . Leff. I. 3. c. 2. d. 3. n. 19. Laym. I. 3. f. 3. n. 10. alii . Est peccatum tantum veniale . Leff. Laym. II. cc. Fit mortale ratione irreverentia DEO inferendæ , vel ratione damni , quo proximus afficitur , vel ratione periculi ; ut si exponas te periculo peccandi mortaliter : v. g. si expertus sis , te sape in peccatum mortale lapsum esse , si feminas solus fueris allocutus , adhuc velis , tuis viribus confidens , alloqui . Leff. Laym. II. cc. Est & alia præsumptio contra spem , unam ex virtutibus Theologicis , de qua suprà n. 121. & seq.

157. *Ambitiosas cogitationes habui ter.*

Ambitio est inordinatus appetitus honoris . Honor autem est reverentia alicui exhibita in testimonium excellentiae ipsius , maximè virtutum ; quod varijs modis fieri potest , v. g. detectione capitis , genuflexione , inclinatione corporis , concessione loci honoratoris , delatione officij , v. g. consultoris , præfecti in sodalitate , urbis &c. ambitiosus ergo est , qui similia appetit vel ex re , quam non habet , v. g. ex virtute , scientia &c. quâ caret , & tamen adspirat ad officium , quo indignus est ob eum defectum ; vel ex re , quam habet quidem , sed quæ mala est & illicita , v. g. ex rebellione , quod audeas resistere preceptor , parentibus , alijs superioribus . Est peccatum veniale : potest tamen semper mortale fieri , vel ratione materiæ , mortaliter illicitæ , ex qua honore desideratur ; vel ratione mediæ , per quod honor queritur ; vel denique ratione nocimenti , quod quis alteri infert , ut ad desideratum honoris gradum pertingere queat . Tolet. c. 25. Laym. I. 3. f. 3. n. 11. Leff. I. 3. c. 2. d. 3. n. 22. Si autem honor appetitus moderatè ex re bona seu licita , id est , non prohibita , sed permissa , nullum erit peccatum , et si nullus alius finis , v. g. honor DEI aut proximi salus spectetur ; quia per se est objectum indifferens , & tale etiam , cùm actus in individuo fit , manet : nec ulla cernitur obligatio , alium finem sublimiore extrinsecum apponendi . Leff. I. c. Joan. Sancius in select. D. 4. n. 5. & multi alii , qui id colligunt ex S. Thoma. I. 2. q. 131. a. 1. ad 3.

158. *Cogitationes vanæ gloriae appetentes habui ter.* Vana gloria est inordinatus appetitus gloriae . Quod , ut intelligas , Nota differeniam inter famam , honorem , laudem ,

laudem, & gloriam. Fama est opinio, quæ de altero, ejusque seu vitiis, seu virtutibus habetur. Ille enim dicitur habere bonam famam, qui apud alios bonam habet existimationem: unde è contrario patet, quis sit malæ famæ. Quid honor sit, paulò antè dixi. Laus est termo manifestans alicujus excellentiam; laudamus enim, cùm alicujus excellentiam manifestamus, & extollimus. Gloria est clara cum laude notitia, seu, est fama cum laude conjuncta. Less. n. 23. Porro appetere gloriam, non est ex se malum, ut de honore dixi, sed indifferens, sicut appetere pecunias, quod malè vel bene, id est, non illicitè fieri potest. Cùm igitur appetitus gloriae est inordinatus, vitium est, & est vana gloria. Inordinatus autem erit, cùm gloria queritur ex re illicita, v.g. ex homicidio, stupro &c. vel ex falsa & ficta, ut si queratur ex doctrina, quæ tamen non habetur; ex virtute, quam quis non habet, simulat tamen eam se habere; vel ex re, quæ non est digna gloriæ, vel non tantæ, v.g. ex opibus, nugis, jocis, nobilitate; vel de num apud eos, qui non bene de re judicant, aut judicare possunt, ut si coram plebe imperita disputes de altissimo SS. Trinitatis mysterio, & difficultates circa id occurrentes enodare velis. Est peccatum ex se veniale. Et tale est, etiam, cùm res quamcunque sacræ fiunt principaliter ob vanam gloriam, v.g. cùm Sacraenta administrantur vel recipiuntur, Sacrum celebratur, &c. Sanch. l.1. Mor. c.3. n.1. & alii: Potest fieri mortale, ut de ambitione dictum, sup. n.157. Laym. n.12. Less. n.24. Navar.

c. 23. n.12. Tolet. c.7. Ex dictis autem breviter

159. Patet, ex quo differant superbia, prælumplatio, ambitio & vanagloria, quia eis hæc omnia excellentiam intendant, superbia tamen ipsius personæ, præsumptio functionis, ambitio dignitatis, vana gloria famæ excellentiam spectat. Less. l.4. c. 4. d. 8. n.60.

160. Nota, Cogitationes arrogantes, ambitiosas, vanæ gloriae cupidas & superbas quandoque nomine *vanarum cogitationum* exprimi. Dicuntur enim vanæ cogitationes, quæ ubique propriam, sed inanem excellentiam spectant; ut quæ versantur circa inanem mundi gloriam, vel circa honorem, futuras spes &c. v.g. si tibi in mente repræsentes divitias, honores, splendidas vestes, lauta convivia, à te ad splendorem & pompam exhibita, vel exhibenda &c. aut si tibi imagineris, te esse insignem in aliqua scientia, v.g. Theologica, vel arte v.g. sculptoria, musica &c. excellere alios formâ, nobilitate, elegantiâ agendi in declamationibus, saltandi &c. hæc, inquam & talia, si tibi cogitatione repræfentes, & iis deleteris (sive quasi in præsenti habitis, sive aliquando futuris) quatenus aliquam excellentiam videntur tribuere honoris vel gloriae &c. diceris habere cogitationes vanas, quæ possunt esse illicitæ, si modus, quo eas foves, sit inordinatus. Non est tamen necesse hæc in particulari explicare, sed sive haberis cogitationes superbas, sive ambitiosas &c. satisfacis, si te (modò nulla alia nova malitia gravis accedat,) in Confessione in hunc ferè modum ac-

T 3

cuses,

cuses, dicendo : *Vanae habui cogitationes sexies.*

161. *Pertinax fui ter.* Pertinacia est vitium, quod ad intellectum spectat, & est firmior, quam res ipsæ vel argumenta mereantur, animi adhesione in propria sententia, & agendi proposito. Est peccatum ex se veniale : fit verò mortale, si sit in rebus graviter perniciosis proximo, v.g. in rebus ad conscientiam, medicinam, aut justitiam pertinentibus : vel in rebus contra honorem DEI, quales sunt, quæ ad fidem spectant : Less. I. 3. c. 2. d. 6. n. 4. Tolet. I. c. Laym. n. 16. & alii.

162. *Avaras cogitationes habui bis.* Avaritia est inordinatus appetitus divitiarum. Nascitur ex aestimatione pecuniae: dum enim quis estimat divitias (quo nomine intelliguntur bona temporalia, seu res qualibet pretio estimabiles) oritur in voluntate eas vel retinendi, vel acqui- rendi amor, qui si sit nimius & immoderatus, constituit peccatum avaritiae; quod ex se est tantum veniale : fieri tamen potest mortale, vel ratione injusti damni, quod proximo infertur ; vel ratione intentionis, ut si adeo ames pecunias, ut earum causâ paratus sis transgre- di legem DEI aut Ecclesie graviter ob- ligantem. Less. I. 2. c. 47. d. 8. n. 59. Laym. n. 14. Tolet. c. 25. Navar. c. 23. n. 70. & alii.

163. Explicandum hic quoque diligenter est secundum speciem & numerum, si quid cogitatione contra castitatem peccatum sit. Si dubium aliquod occurrat, sincerè & sine verecundia de eo Confessarius est interrogandus. Quoniam autem circa cogitationes de rebus turpibus

frequentior oriri solet difficultas, ideo circa eas breviter ex Tambur. I. 10. in Decal. c. 3. §. 8. à. n. 6. hæc accipe. Ita que an voluntaria admisso turpium cogitationum omni culpa vacet, ex fine, ob quem ex cogitationes concipiuntur & admittuntur, dignoscendum est. Si enim finis, ob quem voluntariè foventur cogitationes turpes, seu circa objecta turpia & castitati opposita, honestus sit, etiam cogitare turpia, & delectari de ejusmodi cogitatione, non est illicitum. Sic enim Theologus, dum circa hanc materiam lectionem parat, innoxie cogitat & speculatur turpia & de ipsa hac scientia delectatur. Idem est de concionatore: nam & hic est expers culpe, dum futurae con- cioni intentus cogitat turpia, & de hac ipsa cognitione delectatur. Alioqui tandem nec DEUS, nec Angeli ab omni culpa excusari possent: nam & hi turpia cognoscunt cum delectatione & gaudio circa ipsam cognitionem in se: iis enim objecta utique semper displicant. Itaque cogitare de re turpi ob finem bonum, v. g. parandam concessionem, lectionem &c. non est illicitum. At si quis velit cogitare de re ipsa turpi ob finem malum, propter ipsam nimirum delectationem, quæ est in ipsa re turpi, v. g. in copula, vel cogitatione relata ad copulam, tunc enim verò alere & fovere ejusmodi cogitationes, illicitum est.

164. Jam verò an quis de ipso objec- to malo delectetur, v. g. de copula, an verò de cogitatione relata ad copulam, vel de mera ipsa cogitatione, quæ, ut dixi paulò ante, est in ipso etiam DEO & Angelis, arduum est definire: tra- duntur

duntur tamen hæ regulæ. Quarum I. est , attendendum esse finem, ob quem admittuntur hæ cogitationes : si enim is honestus sit, v. g. ut concionem futuram adornes, discas modum medendi morbis in partibus inhonestis &c. præsumeris velle solam delectationem meræ cogitationis , & ab omni culpa excusaberis. II. videndum, an te reflectas super ipsam cogitationem, ipsam volendo: si enim ad illam implicitè & quasi in actu exercito reflectas , signum est, te potius obiectum velle, quam meram cogitationem de objecto. III. videndum , an si aliarum rerum non malarum eventus, causas, artificia &c. consideres, æquè de iis delecteris, atque si cogites de rebus obscenis: si enim hæ plus te delectent, signum est affectus pravi; si æquè de utrisque cogitationibus delecteris , signum est affectus non mali. Vide , quæ dicemus infra, de turpi lermone, scriptione & lectione.

165. Ex his jam apparet , quam parum rectè se accusent de turpibus cogitationibus, qui dicunt præcisè, se habuisse turpes cogitationes. Vel enim ob finem bonum admittuntur, vel ob malum. Si prius; omni omnino culpâ vacare jam omnibus est exploratum : si posterius; rursus habentur vel inadvertenter , aut voluntate proiussu retinente; vel semiplenè inadvertenter; vel denique plenè inadvertenter, & voluntate approbante. Si I. nullum est peccatum , ut rursus omnes nōrunt. Si II. veniale est. Si III. mortale : quod ut rectè explicetur, attendendum est , an voluntas in ea cogitatione sit morata , ita ut non habuerit adjunctum efficax desiderium perpetran-

di opas cogitatum: an verò simili etiam conceperit tale desiderium. Si enim prius acciderit, vocatur *simplex complacentia*, seu *delectatio morosa*; non quòd ad eam requiratur aliqua mora temporis, sed quòd post plenam malitiæ advertentiam voluntas eam non repellat , sed in ea perficit, eam approbando , seu consentiendo; quod in momento fieri potest.

166. Ceterum *Delectatio morosa* circa objectum turpe seu venerum est peccatum mortale , nec potest fieri veniale ob parvitatem materiæ. Dian. 3.p. tr. 5. R. 2. prout refertur in Summa V. *Delectatio. n. 5.* Nulla differt specie ab altera: voluntas enim per eam delectationem non semper tendit in objectum, ut est à párterei , sed ut proponitur ab intellectu; ergo si proponatur præscindendo à personæ, in quam tendit, statu v. g. conjugali , libero à vinculo voti, circumstantiâ consanguinitatis &c. diversam ex diversitate istorum statuum malitiam non contrahet. Valsq. 1. 2. T. 2. D. 111. & 112. Ariaga. 1. 2. tr. de peccat. D. 47. f. 4. subf. 3. n. 28. Tamb. 1. 2. c. 7. §. 1. n. 2. Dian. p. 1. tr. 7. R. 48. & p. 2. tr. 3. *Miscell.* R. 34. & p. 3. tr. 4. R. 67. §. in *Resol.* 48. & ali non pauci , quorum sententiam Bonac. *de Marriag.* q. 4. p. 8. n. 19. reputat probabilem; juxta quam proinde satisficit , qui de hac delectatione se in hunc modum accusaverit : *Turpi cogitatione morose delectatus sum bis.* Quamquam consultum est, ut objectum ipsum, seu qualitas personæ, circa quam sicut delectatio, sic explicetur: *Turpi cogitatione delectatus sum bis circa feminam solutam:* vel *circa conjugatam semel:* vel *circa adolescentem alium ter &c.*

167. Imò

167. Imò si cogitatio feratur in personam non in abstracto , sed quasi in concreto , ut persona est conjugata , vel consanguinea , vel voto castitatis obstricta &c. necessarium omnino est , ut status iste dicto modo explicetur. Sed & si persona , qua morosè delectantur de re venerea , aliæ sint omnino solute , aliæ conjugatæ , aliæ voto castitatis obstrictæ , specie inter se different istæ ab ejusmodi personis haustæ delectationes ; & specialiter idcirco sunt in Confessione exprimendæ juxta dicta supra p. i. n. 50. Nam prima delectatio repugnat soli castitati , secunda etiam Justitiæ , tertia Religioni. Diana cit. R. 34. ex communi. Nec exceptiendi hinc sunt conjuges , si morosè delectantur circa personam non suam seu alienam , matrimonio sibi non junctam. Bonac. n. 19. & alii ex communi fidelium sensu & praxi. Quanquam Dian. p. 9. tr. 6. R. 4. oppositum vocat probabile.

168. Jam verò si delectatio morosa ita contingat posteriori modo , de quo sup. n. 166. id est , si cum cogitatione conjunctus sit animus efficax seu serius de ipso opere patrando , necessarium omnino est , ut etiam qualitas & conditio objecti seu personæ , erga quam conceptum est turpe illud desiderium , exprimatur in hunc fieri modum : *Bis habui voluntatem efficacem peccandi (exprimatur species peccati) cum talia persona.* Conditio personæ hic est explicanda , sicut supra p. i. n. 56. circa circumstantiam *Quid notatum est.*

169. Monendum est hic paenitens , circumstantiam , quæ juxta dicta subinde peccata , ex se alioqui venialia tantum , transfert ad genus peccatorū mortalium,

vel econtra , specialiter esse explicandam in Confessione , adjecta hac vel simili particula pro ratione peccati : *Graviter* , vel *leviter* : *plene* vel *semiplene* deliberare : quod nos facere omisimus , ne nimis frequens istarum particularum repetitio , molesta esset.

ARTICULUS II.

Peccata oris.

Hæc sunt , quæ ore ac verbo perficiuntur , & complentur : & ipsa quoque rursus sunt contra DEUM , vel proximum , vel ipsum peccantem.

§. I.

Peccata oris contra DEUM.

170. *Blasphemavi quinques* ; & qui dem cum plena advertentia : vel sine plena advertentia . Blasphemia directe opponitur laudi DEI , & est convitium seu verbum contumeliosum contra DEUM , vel Sanctos. Less. l. 2. c. 45. d. 5. n. 24. Potest autem istud verbum , seu , quod idem est , locutio esse vel interior , & sic erit blasphemia cordis , vel exterior , & est blasphemia oris : & potest etiam fieri scripturā vel instrumento musicali : omnibus enim his modis usitatum est hominibus loqui. Si fiat aliis signis , qualia fuerunt , cum Judæi sputo fædabant Christi faciem , velabant , alapis cædebant , inter latrones crucifixerunt , non erant propriæ blasphemiarum , Sanch. l. 2. c. 32. n. 5. quia non erant injuria verborum , sed factorum , neque consistebant in injuriæ loquendo , sed ipsius personam male tractando : quanquam etiam tunc multæ vera

veræ blasphemieæ intercurrerint. Porro blasphemia alia est hereticalis , quæ nimurum falsitatem contra fidem continet; dum aliquid tribuitur DEO , quod ipsi non convenit; ut , DEUS est injustus : vel aliquid negatur , quod ipsi convenit; ut , DEUS non habet curam pauperis; humana non videt , vel non curat &c. Bonac. de peccat. D. 3. q. 8. p. 1. n. 2. id quod si etiam mente pertinaciter teneas & affirmes , erit non solum hæreticalis , sed etiam hæretica. Alia simplex: & quidem rursus vel I. enuntiativa, ut: ad injuriam , ad despctum DEI hoc faciam ; vel II. detestativa seu imprecativa , ut: pereat DEUS; maledictus sit DEUS ; tædeat DEUM ; dispiceat DEO &c. vel III. irrisoria, ut : vah ! qui deftruis templum DEI. Vah! quamadest DEUS ipsum invocantibus, colentibus &c. vel IV. Juratoria, ut: pereat DEUS, si non ita est, velerit.

171. Rursus blasphemia committitur vel I. dum aliquid tribuitur DEO Sanctis , quod ipsis non convenit; ut: DEUS est crudelis; Sancti DEI sunt impudici, superbi &c. vel II. dum aliquid iisdem negatur, quod ipsis convenient, ut: DEUS non est justus , misericors &c. nescit, quid in terris agatur; Mater DEI non est Virgo ; S. Petrus non fuit Vicarius Christi &c. vel III. dum aliquid tribuitur creaturis , quod DEO debetur : ut Dæmon est DEO fidelior , potentior &c. vel IV. dum vera quidem dicuntur, sed quæ tendunt ad DEI Sacramento rümve dehonorationem seu vilipensionem , ut , si per modum contemnitis, indignantis &c. usurpentur injuriosè membra Christi & Sanctorum, vel alia,

R. P. Stoß. Trib. Penit.

quæ ad ipsos singulariter pertinent , dicens: perdat te DEI Sanguis, Vulnera, Mors, Passio &c. de honestet te DEUS, das dich Gott schande / perdant, de honestent te Sacra menta DEI, Chrisma &c. das dich die Sacra menta schanden &c. Talis blasphemia fuit , cum Judæi dixerunt: Ave Rex Judaorum , vel Julianus apostata: Viciisti Galilee &c. irrisoriè enim & contemptim hæc dixerunt. Pos sunt autem prædictæ blasphemieæ proferri vel per exclamationem , v. g. ô injurium ! ô mendacem & infidelem DEUM ! &c. Idque iterum vel cum interno assensu animi , vel sine illo: si nimurum & tibi contumeliam inferre possum , vel exclamando: ô tefurem , ô nequam &c. vel enuntiando , tu es fur, nequam, falso: sive jam verè in animo ita de te judicem & sentiam, sive non. Videri potest Bonac. D. 3. de peccat. q. 8. p. 3. n. 1. Tamb. in De cal. l. 2. c. 6. §. 4. n. 2. & 3. Sanch. l. 2. c. 32. n. 10.

172. Ceterum quounque modo effteratur blasphemia , alia est formalis , & directa , alia materialis , indirecta & interpretativa. Formalis est, quæ fit expressa intentione & animo DEUM in se, vel in Sanctis suis in honoriandi, contemnendi, vilipendendi &c. hæc raro darur in hominibus , nisi sint extremitate malitia. Materialis est, cum verba blasphemia proferuntur sine dicta intentione , cum advertentia tamen , ea esse contumeliosa DEO, seu talia, quæ cedant in contemptum & vilipensionem DEI. Alii blasphemiam materialem vocant , quæ profertur in amentia, ebrietate, somno, aut aliâ omnimodâ inadvertentiâ, ortâ v. g. ex inverterata consuetudine blasphemant.

U

di.

di. Sed non recte, quia in tali statu, non habet ullam notitiam aut advertentiam, quod verba, quæ profert, sint DEO contumeliosa: quod tamen requiritur ad malitiam blasphemie; sicut & perjurii & hæresis: neque enim rationabiliter quis censeret se contumeliæ affici ex convictione dicto à psittaco. Et ideo, talis contumelia, nimis in ebrietate, somno &c, prolata, non est peccatum, nec in se, ut constat, nec in sua causa; quia talis causa, id est, ebrietas, somnus &c, causabit verba non utentis ratione, nec advertentis aut advertere poterint, talia verba esse DEI in honora: Tamb. l. 2. c. 3. §. 3. n. 25. Lugo de penit. D. 16. f. 4. §. 7. n. 207. & 212. Nihilominus tamen isti omnes gravi reprehensione digni sunt propter ejusmodi verba prolata, non quod illa verè & formaliter peccata sint, sed quod saepe sint mali effectus peccatorum, v.g. ebrietatis, inveteratae quidem sed voluntariae consuetudinis, quam idcirco etiam tenetur homo auferre, si videat eam esse causam consequentium verborum, quæ in se sunt verè contumeliosa. Laym. l. 4. c. 6. n. 3. & Lessius mox citandus n. 31. Lugo in simili n. 203. ab eodem relatus.

173. Est autem blasphemia tam formalis, quam materialis peccatum mortale: neque unquam potest fieri veniale, nisi ob solius advertentiae plena defectum in subita animi commotione, aut inveterata consuetudine. Sanch. l. 2. Mor. c. 32. n. 40. Et hic defectus cum frequentissimus sit, inde fit, ut ejusmodi verba raro continent maliciam gravem, cum vix unquam ex plena advertentia ad DEI contemptum aut rationem contumeliam in DEUM

proferantur. *Dian. in sum. V. blasphemia. n. 5. & 6. Less. l. 2. c. 45. d. 5. n. 32.*

174. Sed enim occasione istorum occurrat Quæstio jam diu dubia, semel tamen decidenda tandem: an videlicet satis sit in Confessione se accusare solum de ipsis blasphemis, nihil dicendo de consuetudine, ex qua ea tanquam ex causa promanant: an verò necessarium sit, etiam ipsam consuetudinem exprimere, dicendo, *blasphemavi ex consuetudine*. Evidem totum hoc pendet ex alia Quæstione: an videlicet, qui ejusmodi prava consuetudine laborat, ejusque recordatur, teneatur eam sub novo cōque diverso ab eo, quo v.g. blasphemari, peccato extirpare: sive, quod eodem recidit: an consuetudo peccandi ipsa sit peccatum, & ut tale devitandum.

175. Affirmant Bonac. *de Juram. q. 1. p. 13. n. 5. Sanch. l. 2. Mor. c. 5. n. 11. Suar. de Juram. l. 2. c. 6. n. 6. Palaus tr. 14. de Juram. D. 1. p. 9. n. 4. & alii: talis enim consuetudo lèpe est occasio verè ac formaliter blasphemandi: ergo quillam, cùm potest, non conatur evellere, centetur velle blasphemiam tanquam effetum in sua causa.*

176. Sed contrarium tenent Joan. Sancius in select. D. 9. n. 5. & 6. Tamb. in Meth. Confess. l. 2. c. 1. §. 5. à n. 2. secuti Valsquez. T. 4. in 3. p. q. 91. a. 1. d. 3. n. 3. & eos, qui absolute docent, consuetudinem, ex qua quis peccavit, non esse necessariò specialiter explicandam in Confessione. Hi verò sunt Suar. de penit. D. 21. f. 4. n. 15. Reginald. l. 6. n. 18. & alii quos refert & sequitur Bonac. de Sacram. D. 5. q. 5. f. 2. p. 2. §. 3. diff. 3. n. 22. quibus

bus adde Dianāi, p. tr. 7. de circumstant. R. 15. & 55. At si esset ipsa peccatum, confitenda utique foret. Ratio vero pro hac benigniori, & amplectenda sententia est: quod non idem sit occasio peccandi, & consuetudo: quod bene notat Sancius n. 5. referens. Suar. T. 2. de Relig. tr. 4. de Juram. l. 3. c. 8. n. 9. Sanch. c. 5. n. 16. & l. 2. c. 32. n. 45. & alios. Et hīc sit occasio peccandi, non tamen est extrinseca, ut retentio v. g. concubinae, sed intrinseca; nec voluntariē assumpta aut retenta, quae sola, etiam cum intrinseca est, vitanda est & extirpanda: nemo autem, qui frequenter in eandem culpam labitur, advertit, & consequenter nec vult habitum seu consuetudinem ex frequentatis actibus consurgentem: ergo talem habitum nec directe, nec indirecte voluntariē recipit, aut retinet: nullum enim voluntarium est sine cognitione. Aliud est, si quis habitum illum v. g. blasphemandi expressè vellet retinere, ut majorem haberet peccandi facilitatem: tunc enim utique perversa illa voluntas novum esset peccatum. Sed nemo, nisi exquisitè malus, tam perversam habet voluntatem: nec de hac disputatio est; sed an, si quis non cureret, seu negativè se habeat ad extirpandum, committat novum peccatum à blasphemia v. g. distinctum: quod nos negamus: quod nulla sit obligatio extirpandi talem habitum, maximè cum ex se non tam peccatum, quam effectus peccati præteriti sit. Sed licet sit obligatio extirpandi talem habitum, ea tamen est inclusa in ipsa obligatione non peccandi, & cum illa morāliter confunditur; non enim in moralibus tam subtiliter, aut etiam

amarè agendum est, ut una ex his obligationibus censeatur esse diversa ab altera; sicut econtra judicatur illa externa & voluntariē assumpta ac retenta occasio v. g. de concubina.

177. Maneat ergo, puram illam negligentiam extirpandi dictam consuetudinem non esse novum, saltem numero peccatum, nisi cum expresso actu habeti, aut retineri (quod tamen est rarissimum) intenditur: id quod bene notandum est. Inde enim deducitur, inveteratam consuetudinem, seu advertenter, seu inadvertenter blasphemandi (idem est propter paritatem rationis de inveterata consuetudine pejerandi, fornicandi aut quacunque alia simili contracta) non esse in Confessione necessariò explicandam, sed fas est esse, si dicatur: *blasphemavi quinque &c.* ut Tamb. n. 21. tradit. Interim tamen utique Pœnitentes à Confessariis graviter sunt monendi, & serio urgendi, ne dicant, cogeadi, ad ejusmodi pravas consuetudines positivè evellendas. Ex quibus obiter

178. Patet, Joannem Sancium non esse gravi reprehensione dignum, cum in select. D. 9. n. 6. dixit, pœnitentem non esse obligatum ad exponendam in Confessione consuetudinem, ne aliqui bis teneatur idem peccatum confiteri. Hinc quidem ille etiam voluit, nec Confessarium habere jus interrogandi de consuetudine peccandi: quod ante ipsum jam olim docuit Fagundez. suprà p. 1. n. 91. relatus, qui licet isti loquatur de peccatis ritè jam semel expiatis, id ipsum tamen, ut doctrinæ consequentiam teneat, dicere debet de voluntaria peccandi consuetudine. Sed haec illatio & doctrina

jam nos amplius subsistit, cùm inter 65 propositiones à S. D. N. Innoc. XI. 4. Mart. An. 1679. damnatas sit hæc §8. Non tenemur Confessario interroganti facti peccati alicuius consuetudinem.

179. Jam verò sunt, qui sñas blasphemias aliter conentur excusare à peccato mortali. Ajunt enim, illis verbis ut se vel adjocām, vel aliud non intendere, quām usurpare tanquam interjectiones, significativas iræ suæ. Verū hi non sunt ulla ratione excusandi: tum quia alicui Regi aut alteri magno ac honorato viro contumeliam dicere, etiam ex solo joco, gravis est inurbanitatis & irreverentiae: Navar. *Man.* c. 12. n. 84. nisi forte jocus tollat omnino & animum inhonoriandi DEUM, & ipsam illius inhonorationem, Sanch. l. 2. *Mor.* c. 32. n. 41. quod tamen raro admodum continet: tum quia æquè possunt se assuefaccere ad alia verba, iræ & seruæ voluntatis significativa: tum quia et si id non possint, non videtur tamen licere, usurpare ea verba, quæ communi aliorum apprehensione sunt inhonoriativa DEI. Etsi enim tunc non essent propriè blasphemiae, spectarent tamen ad genus Irreligiositatis. c. 5. *Deuter.* prohibet: non usurabis nomen Domini DEI tui frustra; sed esse peccatum tantum veniale, ajunt Sanch. l. 2. c. 32. n. 2. Laym. l. 4. tr. 10. c. 6. n. 8. ratione tamen scandali fieri potest, & frequenter sit peccatum mortale: & ideo ab ejusmodi Irreligiositate meritò homines absterrentur. Quodsi verò quis in ira contra hominem, jumenta &c. non indignando DEO, sed homini tantum aut jumento, nudè nomine: Vulnera, mortem DEI, leptem Sa-

cramenta, v. g. ô mors DEI! ô Vulnera! Chrima &c. fine ijs circumstantijs, quibus vilipensio importatur, non sunt blasphemiae, sed ut paulò antè dixi, vanus usurpatio Divini Nominis, & peccatum inter venialia grave. Laym. n. 12.

180. Sicut autem omnes simplices blasphemiae, sive in DEUM, sive in Santos cum respectu ad DEUM, hoc aut illo modo, irritorio, detestativo, imprecativo proferantur, ejusdem specie. Laym. l. 4. tr. 10. c. 6. n. 10. Tamb. l. 1. c. 3. §. 2. n. 19. Sanch. n. 38. & alij plures ab hoc relati. Et ideo nec Confessarius tenetur diversitatem blasphemiarum inquirere, nec pœnitentia explicare; quantumvis una sit alterā longè gravior, & detestabilior, juxta dicta de necessitate confitendi circumstantias merè aggravantes p. 1. n. 86. Dixi autem Simplices: possunt enim blasphemiae aliunde differre specie, v. g. si vel proferantur ex formalí odio DEI, vel contineant hæresin; in utroque enim casu contrahunt novam malitiam, in Confessione specialiter explicandam: in priori quidem malitiam Odiij; in posteriori verò hæresis & infidelitatis, siquidem accedit internus assensus hæreticus: imò et si internus hic assensus & error non adsit, adhuc blasphemia hæc specie differet ab alia, non quidem ratione blasphemiae, sed ratione adjunctæ hæresis externæ, quæ in ea continentur, & directè opponitur præcepto de externa fidei professione. Sunt ergo duo præcepta speciei distincta, diversis virtutibus opposita, unum quidem fidei, alterum verò Religioni. Sanch. n. 38. Suar. T. 1. de Relig. tr. 3. l. 1. x. 6. n. 8 & 18. Igitur ut blasphemiam rectè explicet, sic

accusa: Prorupi in blasphemiam simpli-
cembis: vel in hereticalem semel: vel
ex formal odio DEI semel.

181. Quodsi verò contumeliae in Sanctos directè jaciantur (quod tamen raro fit: ordinariè enim Sancti non inhonorantur propter propriam ipsorum excellentiam, sed quia ad DEUM, velut amici, specialiter referuntur) sine omni respectu ad DEUM, ut nimirum iphi in se sunt personæ excellentes, proprio honore dignæ; non sunt propriè dictæ blasphemiae, & idcirco distinguuntur quidem specie è blasphemia, non tamen inter se, in quoscunque Sanctos, exceptâ solâ sanctissimâ Virgine MARIA, conferantur, ut adeo in Confessione neque Sancti, nec contumeliae in ipsos jaetatae exprimi debeat specialiter, cum omnes sint contra unam, & eandem virtutem Dulia, specie à Latria soli DEO debita distinctæ. Laym. I. c. & alii. Dixi: *Exceptâ solâ: &c. quia huic debetur Hyperdulia, quæ si specie differat à Dulia (ut differre docet Arriaga de incarnat. D. 54. f. 3. n. 30. siquidem sumatur, ut fundata est in titulo Maternitatis DEI) etiam contumeliae in eam Sanctissimam Virginem sparsæ different specie. Si autem Hyperduia sumatur, ut præcisè fundamentum habet in gratiajaliisque donis supernaturalibus, specie non differt à Dulia, sed solùm secundum magis & minus, adeò, ut sicut B. Virgo ceteros Santos sanctitate artecellit, ita etiam altiori cultu in hoc gradu digna est: ut adeo quod sanctior est ipsa reliquis Sanctis, & Sancti inter se comparati alius alio sanctior, ita etiā contumelia contra eos una est altera gravior:*

cumq[ue] excessus iste sit tantum circumstantia aggravans, nec ipse contumeliae, nec ipsi Sancti in hac consideratione specialiter explicari debent juxta ea, quæ diximus supra cit. n. 86. ideo satis est in Confessione dicere: *Contumeliam in Sanctum vel Sanctos sparsæ semel.* Quodsi autem in B. virginem proue est Mater DEI jaciat, dicendum erit: *B. Virginem, ut Mater DEI est, contumeliam affeci semel.* Sunt nihilominus istæ contumeliae in sanctos sub hac ratione spectatores graviter malæ, maximè si contempti, vel ex odio, vel indignatione contra ipsos proferantur. A mortali tamen executari possunt, si, secluso contemptu, ex iolo joco procedant: ut, si jocosè sine contemptu in Sanctos, præcisè ut homines fuerunt, jaciantur: v. g. si dicas, S. Petrum fuisse Piscatorem ex infima forte hominum; S. Mariam Magdalenam tuisse publicam peccatricem; SS. Crispinum, & Crispinianum exercitissime artem futuriam. Bonac. de peccat. D. 3. q. 8. p. 3. n. 6. Sanch. n. 47. Reginald. I. 18. n. 198. & alii. Haec ergo contumelia, si in Sanctos directè præcisè, ut homines fuerunt in terris, conjiciantur, sic in Confessione sunt exprimendæ: *Contumeliam in Sanctum, (vel Sanctos) sparsæ semel, idque ex odio (vel, contemptu) erga ipsum (vel: ipsos) vel: non tamen serio, sed ex jocozanum: vel sine plena advertentia.* Quodsi autem in B. Virginem, proue est Mater DEI, sic erit dicendum. *B. Virginem, ut est Mater DEI, contumeliam affeci semel.* Nisi forte cum B. Virgo in hac consideratione singularem habeat ad DEUM respectum, expeditius placeat dicere:

cere : Blasphemavi semel : Nam contumelia hæc verè est blasphemia in DEUM, & à ceteris specie non distincta.

182. Juravi sine necessitate semel : ex mera consuetudine, decies : ex subito motu ira ter : ex animi levitate ac præcipitania quadam bis. Falsum juravi semelcum plena adverteria : id est, sciens & bene animadvertens esse falsum. Est peccatum mortale ; sine plena advertentia v. g. in subito ira motu, timore, animi perturbatione, præcipitania &c. est veniale. Juravi bis, me rem ventiliter (vel mortaliter malam), facturum, juravi execratorie semel. Juramentum est Divini Nominis invocatio in testimonium alicujus dicti. Consistit hæc invocatio, non in eo, ut DEUS statim & re ipsa tuo dicto fidem præbeat, & auctoritatem præstet (hæc enim esset tentatio DEI, utpote petitio rei insolita sine sufficienti causa) neque etiam, ut post hanc vitam dictorum sit testis : (hæc enim petitio esset vana & inutilis ad faciendam fidem, cum notum sit, DEUM tunc illuminaturum abscondita tenebrarum, & manifestaturum consilia cordium juxta S. Paulum 1. Corinib. 4.) sed vocare DEUM, ut dictis suis testimonium præbeat, quando id sibi placuerit, sive in hac, sive in altera vita ; sive jam statim, sive post longum tempus. Less. I. 2. c. 42. d. 1. n. 2. Palauis tr. 14. de Juram. D. 1. p. 1. n. 10. & reliqui communiter. Et potest hæc invocatio fieri dupliciter. I. expreßè, cum DEUS in seipso invocatur, ut si diccas : juro per DEUM ; testor DEUM ; DEUS fit meus Testis &c. II. implicitè, quando videlicet non invocatur in se ut

testis, sed in aliqua creatura, insignem aliquam dignitatem habente à DEO, ita ut ratione illius peculiari quodam modo memoria DEI, vel ejus perfectionum v. g. bonitatis, misericordiae, potentiae &c. in nobis excitetur : ut si diccas : juro per Sacra menta, per Crucem, per Sanctos, per B. Virginem, per animam meam, per Evangelium, per Calum, per Elementa &c. Hoc jurandi modo ulius est Moyses Deuter. c. 3. & 4. cum dixit : Testes in. voco calum & terram. Et Christus Matth. 5. facit mentionem juramenti per cælum, quia thronus DEI est ; per terram, quia est tabellum pedum ejus &c. dum vero hoc modo juramus non volumus, creature ipsas in se absolute spectatas esse nobis testes infallibilis (hoc enim ad blasphemiam spectaret, immo & ad idolatriam) sed DEUM, qui in ipsis singulari modo residet, ut Christus ipse explicavit, Matth. 23. quicunque, inquiens, juraverit in Cælo, jurat in illo, & in eo, qui habitat in ipso &c. Et ideo, quod id, in quo DEUS relucet, præstantius est, eò etiam juramentum majus est. Majus ergo juramentum est, jurare per B. Virginem, quam per alios Sanctos ; aut per Sanctos, quam per elementa &c.

183. Præter multas & varias juramenti divisiones, una est celebrior, qua ad propositum nostrum facit : nempe in juramento assertorium, & promissorium. Assertorium est, quo confirmamus id, quod asserimus vel negamus ; & respicit præsens & præteritum : ut si jures aliquid esse, vel non esse, quod asseris, v. g. te non habere librum, pecuniam, qua pe- titur ; Petrum esse hominem doctum, ebrio.

ebriosum, detractorem, mendacem; commississe homicidium, blasphemiam protulisse, audivisse sacrum, confessum esse &c. Tale juramentum est illud Pauli ad Galat. 1. Ecce! coram D E O, quia non mentior. Promissorium est, quo confirmamus id, quod promittimus; & respicit futurum: ut si jures, te aliquid facturum, vel non facturum v.g. tē daturum eleemosynam, auditurum sacrum, commissurum furtum, homicidium &c. non oraturum, non dicturum mendacium, non ambulaturum cum tali socio, ei librum non cominodatum &c. Tale juramentum fuit illud Davidis, 3. Reg. 1. cùm juravit, quod Salomon esset ipsi successurus in Regno. Reginald. l. 18. n. 19. Ceterū promissio, quæ in hoc juramento includitur, non est necessariò intelligenda de promissione D E O facta (quo modo voto æquiparatur) sed potest accipi pro simplici proposito aliquid faciendi: nam & hoc juramento firmari potest. Huc revocatur juramentum, quod vocari solet Comminatorium; & est, cùm alteri nos malum aliquod, v.g. mortem, vulnera, verbera &c. juramus illatos.

184. Præter has juramenti species datur quædam alia, quæ vocatur Juramentum execratorium seu Imprecatorium; & est, cùm DEUS invocatur non solam ut testis illius, quod asseritur, negatur aut promittitur, sed etiam ut Judex & Vindex: habetque hunc sensum: testem invoco DEUM in confirmationem mei dicti, aut promissi, & si verum non sit, cupio, ut in vindictam falsitatis me, vel alium mihi dilectum v.g. patrem, vel aliquid mei aut meorum Divi-

næ suæ vindictæ, ut justus Judex subjiciat. Tale juramentum est, si dicas: si non ira sit, ut dico, vel præmitto, DEUS me puniat; faciat, ut nunquam hinc vivus abeam; aut liberos hodie domi vivos non intuear; tollat me subitanea morte; æternum damnet; sub periculo æternæ salutis, animæ; sic me DEUS amet; sic me DEUS adjūver, & hæc Sancta DEI Evangelia &c. Et hic ultimus modus usitatissimus est in utroque Jure seu foro Ecclesiastico & seculari.

185. Omnia juramenta sunt ejusdem speciei; quia omnia in hoc convenient, quod consistant in invocatione Divini testimonii, hæc autem est ejusdem rationis, quounque modo statutum, sive deinde assessorium, sive promissorium, sive per DEUM, sive per Sanctos &c. unde in Confessione non est necessarium, per se loquendo, hæc exprimere, cùm nec speciem mutent, nec habeant aliam specie diversam malitia adjunctam per se loquendo. Sunt de juram. l. 1. c. 5. n. 13. & c. 9. n. 6. Less. l. 2. c. 42. d. 2. n. 9. Sanch. l. 3. Mor. c. 1. n. 9. Bonac. de Juram. D. 4. q. 1. p. 2. n. 2. & alii apud ipsum. Dicō autem: Per se loquendo. Potest enim nova circumstantia supervenire, ut ratione illius nova etiam malitia transfundatur in actum: ut si proprium tuum parentem per execratorium juramentum subjicias Divinæ vindictæ, tibi ipsi, vel proximo tuo malum grave impreceris; illud enim pietati parentibus debitas; istud vero charitati sui vel proximi adversatur. Item si jures, te admisurum peccatum; turn enim juxta hujus malitiam gravem aut levem, hujus vel illius speciei, etiam juramento

ramento huic promissorio gravis vel levis, hujus vel illius speciei malitia accedit: item si juramento jungatur blasphemia. In his enim casibus præter malitiam juramenti est etiam exprimenda malitia blasphemiae, impietatis erga parentes &c. ratione enim istarum circumstantiarum etiam ipsa juramenta specie distinguentur, non ratione juramenti, sed ratione novæ circumstantiae: quæ proinde etiam specialiter erit exponenda in hunc ferè modum: *Juravi, me commissurum fornicationem semel: juravi falsum semel imprecando mihi* (vel parenti meo, vel proximo) *deliberatè & ex animo grave malum &c.* Non est enim necesse, ipsum malum optatum explicatè exprimere: quamvis possit, dicendo v. g. *pejeravi semel optando mibi mortem, bis eternam damnationem, bis diabolum, ter grandinem &c.* sed Bonac. n. 1. Sanch. n. 7. & alii notant, nunquam, aut rarissime contingere, ut quis tam gravia mala fibimet imprecetur ex animo; & ideo pejerantem execratorio non esse interrogandum in Confessione. Quin & Suar. l. c. de *Juram.* c. 12. addit, novam quidem malitiam juramento execratorio addi ex circumstantia pietatis erga parentes, aut observantia erga superiores &c. eam tamen non esse gravem; quod intellige, si animus serius, ut eveniat optatum malum, desit.

186. Jam vero ut juramentum fiat licet, tres habere debet comites. I. Veritatem. II. Justitiam. III. Judicium. *Veritas* autem ad juramentum requisita in hoc consistit, ut nullum in eo mendacium aut falsitas continetur, & scienter confirmetur; hoc enim si fiat, est

propriè perjurium, & quantumvis videatur esse in relevi, vel propter rem levem, semper est peccatum mortale, nisi excusat defectus plenæ advertentiae. Bonac. p. 3. n. 6. Sanch. c. 4. n. 6. Suar. l. 3. de *Jur.* c. 4. n. 6. & alii.

187. *Justitia* seu æquitas juramenti consistit in eo, ut Divina Auctoritas in testimonium rei illicitæ, aut dicti iniqui seu peccato obnoxii non adducatur, animo & intentione majorem illi fidem faciendi. Hæc enim si desit, propriè non perjurium, sed juramentum temerarium vocatur; & si sit assertorium tandem, vel est peccatum mortale, vel veniale duntaxat, prout nimis graviter vel leviter mala fuerit tua illa assertio, in cuius majorem & firmiorem fidem faciendam juramentum velut medium & instrumentum adhibetur. Et ideo si gravem alienæ fainæ detractionem juramento confirmes, peccas mortaliter; si levem, venialiter: quin & si juramentum sit promissorium, vel execratorium, graviter vel leviter malum erit, prout nimis malum desideratum seu volitum (licet sic loqui juxta morem in scholis receptum) grave vel leve fuerit. Less. d. 4. n. 18. Et duas tunc continebit malitias specie diversas, quarum una est perjurii, seu potius juramenti temerarii; altera ejus peccati v. g. homicidii, furti, mendacii &c. quod te juras patratrum. Et ideo si res jurata sit mortaliter mala, etiam ipsa explicari debet dicendo: *Juravi me homicidium parraturum.* At si res tantum venialiter sit mala, non est quidem ipsa necessariò exprimenda, sed satis est dicere: *Juravi, me veniale peccatum commissurum:* nisi forte DEUM velis non præcise

præcisè ut testem sui propositi & futuri operis adducere, sed ut sponsorem & approbatorem illius, tunc enim utique grave malum erit, et si peccatum ipsum, cuius DEUM vi^s esse approbatorem, sit tantum veniale: continet enim hæc divini numinis invocatio gravem irreverentiam, cùm eò tendat, ut DEUS tuum peccatum proberet: quod est blasphemia gravissima, cùm infinita DEI sanctitati repugnet, vel levissimum duntaxat peccatum probare. Less. l.c. Sanch. n. 29. Sed hoc, nimis ut DEUS in juramento adducatur, ut sponsor aut approbator, rarissime contingit; si tamen contingat, blasphemia hæc specialiter est explicanda. Illud frequentius est, ut juramento promissorio desit animus exequendi opus promissum: hic autem si desit, erit perjurium propriè dictum, ex defectu veritatis primariò requisita. Less. l.c. & peccatum mortale: quantumvis alioqui resurata sit parva, ut priori numero dictum est.

188. Porro promissio jurata de re mala v.g. de vindicta sumenda, seu de re vana, aut indifferenti, aut minus honesta & bona, seu tali, quam melius est non præstare, quam præstare, non est implenda; &, si impletatur ex animo seu intentione, quasi DEO placeat opus peccati mortalis vel venialis, blasphemia in DEUM committitur: at si impletur, quasi ex obligatione juramenti, pertinet ad superstitionem, & Zelum non secundum scientiam: s^t que utraque circumstantia specialiter in Confessione explicanda. Quod si jures, tenor facturum ea, quæ sunt consilii, animo ea non faciendi v.g. religionem non ingresurum, peccas venialiter: est enim irreverentia aliqua, adducere DEUM in testem

R. P. Stoß Trib. Poenit.

contra ipsius consilia. Bonac. n. 9. Sanch. n. 30. & alii. Ex quibus breviter

Pater, minus malum esse, jurare quempiam, se facturum opus veni. liter malum, vel indifferens, vel contra consilia, animo exequendi, quām absque eo animo: in priori enim casu committitur peccatum tantum veniale: in posteriori autem perjurium mortale. Sanch. n. 32. Bonac. n. 6. At res graviter mala juretur, animo eam non exequendi, minus est, quām si juretur animo exequendi, in posteriori enim eventu est unica lethalis culpa: in priori vero duplex. *

189. *Judicium*, tertius juramenti comes, ut si fiat cum debita reverentia, consideratione, necessitate, aut magna utilitate; ut si multum referat, publicè vel privatim dicti alicujus veritatem, aliis nondum manifestam, sed dubiam, reddi exploratam. Quapropter si fiat sine necessitate aut magna utilitate, de relevi, quam vel non sit necesse, vel parum referat, juramento confirmare, est peccatum ex defectu judicii; non tamen majus, quam veniale, vocaturque propriè juramentum incautum, id est prolatum sine debita intellectu consideratione, verumne sit, quod juratur, vel non. Less. d. 13. n. 17. Bonac. n. 8. & alii.

190. Hic facile impingunt, qui habent inveteratam consuetudinem jurandi: his enim valde pronum est omittere debitam diligentiam in inquirenda veritate, & justitia juramenti: peccant vero pro ratione negligientiae: hæc enim si gravis sit, peccant mortaliter, non tam ob defectum judicii, quam ob periculum falso, aut injuste jurandi, cui se exponunt: si vero negligientia sit levis, & imperfecta, peccant

tantum venialiter. Sed quæ de consuetudine jurandi hic porro adserri possunt, petenda sunt ex dictis de blasphemia. Ex quibus huc obiter est adnotandum, quod cum neque consuetudo ipsa, neque mera negligenter extirpandi illam, necessariò sit in Confessione explicanda, satis tandem sit, si dicatur: *Pejeravi totes &c.* nihil dicendo de consuetudine, aut negligentia illam deponendi.

191. Sed nunc breviter aliquid addamus de quibusdam jurandi formulis. Itaque juramentum non est I. si dicas: certè, certissime, in veritate, fide viri boni, fide boni Christiani, Principis, vel Sacerdotis; per fidem meam, per conscientiam meam. Less. l.2. c.42. & alii. Neque II. si dicas: DEUS scit, DEUS erit mihi testis, DEUS vider meam conscientiam, DEUS novit, me verum dicere, &c. haec enim formulæ sunt tantum enuntiativæ, narrando nempe & pure afferendo, DEUM id sciere & videre, non verò invocativæ divini testimonii. Bonac. n.2. Sanch. l.9. c.2. n.20. & alii. Neque III. si dicas: per meam animam, per elementa &c. communiter enim, quejusmodi verbis utuntur, non intendunt, invocate divinum testimonium, imò de hoc ne cogitant quidem: volunt ergo similibus phrasibus solum judicare, tam vera esse sua dicta, quam verum est, animam esse in corpore, elementa in mundo &c. Neque IV. si dicas: moriar; DEUS me puniat; demon me hinc vivum rapiat; grando me feriat &c. sunt enim potius maledictiones seu imprecatio-nes, nisi hunc habeant sensum: DEUM testor, &c. si falsum sit, quod dico, permittat, ut moriar, rapiar a diabolo, puniar &c. sed in hoc sensu nemo facile ita loquitur; ut supra de juramento execratio dixi. Neque V. si dicas: per Sacra-menta, per Chrisma, per sanguinem Christi &c. haec enim potius rationem blasphemiae continent. Neque VI. si dicas: per meum iurandum: nemo enim, si inter rogaretur, facilè diceret, se per ea verba velle vocare DEUM in testem sui dicti; sed solum, sua dicta tam vera esse ac certa, ut si necesse foret, juramento confirmare posset, & vellet. Neque VII. si dicas: per has meas vestes, per hos meos capillos &c. et si enim alicuius juramentum fieri possit per creaturas, ut dictum est supra n.18, si tamen est non habeant aliquid, ratione cuius specialiter reluceat bonitas ac Majestas DEI, non censetur adduci cum respectu ad DEUM. Bonac. n.4. & alii. Neque VIII. si dicas: Hoc tam verum est, quam sol lucet, quam bic sedeo, nunc ambulo &c. quia neque haec verba sunt invoca-tiva testimonii divini: quod ipsum etiam dicendum est de his, & aliis similibus com-parationibus: Hoc tam verum est, quam DEUS est; quam vere DEUS vivit; quam vere Christus in Eucharistia est; quam verum est Evangelium; Item: sum tam innocens, quam sit Beata Virgo, &c. Et si haec enim formulæ communiter videantur, & verò etiam judicentur, continere ratio-nem juramenti cum blasphemia; neutra tamen in iis apparet; quia iis nemo in teste-vocatur: sed nec blasphemia est, si sit verum, quod dicas, & tuus proferantis animus sit (ut plerumque est) significare tan-tum similitudinem, ut sensus sit, hoc esse verum suo modo, sicut alterum est verum suo modo. Si verò usurpans eam phrasim velit significare, suo dicto tantam inesse certitudinem, quanta est in ea fidei veri-tate,

tate, blasphemia est. Bonac. n. 13. &c alii. Neque IX. si dicas : *Juro me facturum hoc &c.* nam proferens ea verba, non intendit DEUM in testem vocare; est enim illud verbum jurō indifferens ad verum, vel fictum juramentum. Et licet aliquid addatur, quod videatur illud've, bum restringere ad rationem juramenti, ut, si dicas : *juro per meam barbam, per hunc meum digitum &c.* quia neque tunc adducitur DEUS in testem ; cum creatura, quae adducitur, neque peculiari modo DEI bonitatem &c. manifestet, neque adducatur per ordinem ad DEUM. Bonac. n. 7. Sanch. n. 3. Suar. l. 1. de juram c. 13. n. 3. Eset tamen X. juramentum, dicere : *per fidem Catholicam : per sanctum Evangelium : tunc enim censetur in testem vocari DEUS, illius fidei, & Evangelii auctor.* Less. n. 4. Item jurare censetur, qui jurat *per reliquias, per templa sanctorum &c.* quia in his peculiariter honoratur DEUS, & ita velut in ijs specialiter relucens in testem vocatur. Sanch. n. 25. Idem est de ea loquendi forma : *per habitum S. Benedicti, per vestes sacras &c.* quia sunt res sacræ, in quibus DEUS specialiter honoratur. Sanch. eodem. num. 25. Suar. n. 23. Bonac. p. 1. n. 5. &c alii.

192. Verum ut habeas generalem aliquam regulam dignoscendi, que verba vere sint juratoria, hanc accipe ex Tamb. l. 3. in Decal. c. 1. §. 3. n. 6. ubi ante omnia monet, & recte, attendendum esse ad intentionem proferentis ea verba: haec unicè hic est spectanda; ab ea enim tota haec res pendet, quæcunque tandem verba sint, quæ adhibentur. Itaque per illa verba, quæ aliquis profert, (suppono autem illum nosse, quid sit jurare) intendit

I. positivè invocare DEI testimonium; vel II. positivè non invocare, vel III. præscindit ab ejusmodi invocatione, id est, nec intendit invocare, nec non intendit, idque sive advertenter, sive ignoranter. Si I. certò erit juramentum. Si II. & III. certò non erit: quia neuter hoc modo invocat DEUM in testem. In II. enim casu expressè excludit invocationem divini testimonii. In III. hoc ipso, quia ab ea abstrahit, eam non adhibet. Haec autem sunt pro foro tantum conscientia; nam in foro externo, si verba juramentum vere continentia protulisti, judex te reum jura-menti dicet; liberabit vero ab obligatione, si verba tua juramentum certò non con-tineant.

193. *Maledixi DEO semel.* quod quia continet malitiam blasphemie, semper est peccatum mortale; nisi defectus plenæ advertentie excusat. Quid sit maledicere, infra dicetur. Blasphemus ergo est, qui DEO aliquod malum imprecatur, tribuendo illi, quod illi convenire non potest. v. g. si dicas : *Pereat DEUS;* sensus enim est; amittat DEUS vitam, si resista non haberet: & tamen constat, in DEUM cadere non posse privationem vitae, aut aliud quodcumque malum. Bonac. de blasph. D. 3. q. 8. p. 2. n. 1. Suar. de Relig. T. 1. rr. 3. l. 1. c. 5. n. 8. Sanch. l. 2. Mor. c. 32. n. 25. & alii.

194. *Die festo per notabilem missæ partem confabulatus sum semel.* quæ aurem pars missæ dicenda sit notabilis, quæ modica, constabit ex dicendis infra n. 247. Porro qui partē notabilem missæ confabulationi impedit, præcepto non satisfacit. *Die operario* (id est, non festo) *sub mis-sa confabulatus sum decios;* & quidem satis diu:

din: vel: non tamen diu. Continent ejusmodi confabulationes aliquam irreverentiam, non tamen gravem.

195. *De rebus sacris joculariter locutus sum ter.* Jocus propriè consistit in verbis, & est sermo ad animi relaxationem, seu recreationem compositus; qui si moderatus sit, ad virtutem, quæ communis nomine *Modestia* appellatur, spectat, vel ad *Entrapeliam*, quæ est species *Modestia*, & in ludicris modum servat. Ceterum si jocus sit de rebus sacris, est contra reverentiam ijs rebus debitam, estque peccatum veniale, ut, si joco dicas, S. Crispinum & Crispinianum fuisse futores, S. Petrum fuisse pescatorem, S. Joannem & Paulum fratres eunuchos &c. Bonac. D. 3. de blasph. q. 8. p. 3. n. 6. Sanch. l. 2. mor. c. 32. n. 42. vide etiam, quæ diximus *suprà* n. 181.

196. *Jocos, eosque frequentes sacrae concionis miseriū semel.* Reperiuntur nonnulli, qui putant, se suo concionatoris officio non undequaque satisfecisse, nisi suas conciones jocis, nugis, ac fabulis retarcent. Sed hi graviter errant; nam I. agunt contra reverentiam & attentionem divino verbo debitam, quam joci valde impediunt; & continent libertatem quandam, tanquam cum æquali in re minime seria agatur. II. Agunt contra ædificationem, & fructum, qui alioqui ex verbi divini prædicatione haberi potest, tollunt: vis enim, quæ verbo divino inest, rerunditur, & quæ animis auditorum ex concione, quæ parte sincera erat, & facetijs minimè conspurcata, cum fructu impressa sunt, suffocantur & evanescunt. III. Auctoritatem propriam prostituunt non tantum, sed omnino etiam perdunt, & vani-

tatis à populo damnantur; & pro verbi divini præconis titulo portiùs nugigerorum, & joculatorum merentur. Est hic abusus grave peccatum. Less. l. 4. c. 4. d. 13. n. 96. Potest tamen fieri veniale, si joci sint in eadem concione rari, vix ulli ac moderati.

197. *Verbis sacra scriptura usus sum ad jocum & facetias bis:* vel: ad scurrilia, & fabulosa, semel: vel: ad hæresin stabilendam bis: vel: ad superstitiones, bis: vel: ad amatoria, sive amorem turpem, sive reu sen scripto tenus conciliandum semel: vel: ad liberos famososter. Est hic abusus sacrilegus juxta dicta p. 1. n. 54. & mortaliter malus; quod satis colligitur ex gravissimis verbis, quibus in eum invehitur Concilium Trident. less. 4. in fine. Less. l. c. Reginald, l. 19. n. 57. Potest tamen fieri venialis vel ex defectu advertentiae, vel, si, cum joco fit, contemptus absit, & materia sit levis. Less. l. 4. c. 4. d. 13. n. 99.

198. *Contra DEUM murmuravi semel.* Contra ipsius modum agendi & gubernandi res humanas conquerendo. v. g. quasi sit nimis severus & rigidus in permittendis quibusdam malis; nimis indulgens erga malos, aut immitis erga bonos; quod morbum non avertat; bonum ingenium, divitias &c. non concesserit. Potest hæc querimonia contra DEUM etiam rationem blasphemiarum continere; quo proinde casu erit peccatum mortale, & specialiter in Confessione exprimendum.

199. *Cantilenas profanas, & turpes miseriū divino cultui semel.* Perinde autem hoc est, sive illæ voce humana, sive organo, aut alio quoque instrumento musico proferantur, vel patitur quis, aut procurat, ut misceantur; quia & cultui divino, &

& DEO ipsi interrogatur injuria, & quidem gravis, quod mysterio, quo sanctius non est in Ecclesia DEI, tam profana & turpia miscere, non videatur esse leve: quod colligitur ex Concilio Trident. *sess. 22. in decreto de observan. & evitan. in celebrat. Missæ. vide Navar. in tr. de orat. & horis canon. c. 16. n. 46. & in Man. c. 12. n. 87.* ubi addit., posse illos excusari, qui præ rustica simplicitate putant ista licere, cum videant, consuetudinem ita ferre. Deberent tamen moniti ab his abstinere.

§. II.

Peccata oris contra proximum.

200. Alterius famæ detraxi leviter oīties; graviter semel. Detractio est aliena famæ iusta violatio: & fit generatim duplicitè; directè & indirectè. Directè I. falsum crimen imponendo. II. Amplificando verum crimen. III. Verum quidem, sed adhuc planè occultum referendo. IV. Perperam alterius bonum opus explicando, quasi videlicet malâ intentione sit gestum: ut, si dicas adolescentem aut civem N. frequenter confiteri eo solùm fine, ut parentibus, præceptoribus, Præsidi Sodalitatis, Parocho, Confessario &c. placeat. Ehi modi comprehenduntur hoc versiculo. *Imponens, augens, manifestans, in mala vertens.*

201. Indirectè verò fit. I. Negando rectè facta & bona alterius. II. Minuendo rectè facta, vel laudes alterius. III. Reticendo bona alterius eo loco & tempore, quo ceteri reticentiam alterius pro tacita vituperatione vel opprobrio accipiunt, IV. Frigidè laudando, ut hoc

ipsum laudari cedat in vituperium & opprobrium. Ehi modi hoc carmine continentur. *Qui negat, aut minuit, reticer, laudat queremisse.*

202. Est adhuc alia divisio detractionis, in materialem, & formalem: illa est, quæ fit animo seu directè & expressâ intentione lœdendi famam alicujus: illa est, quæ fit absque tali expresso lœdendi famam proposito, cum advertentia tamen, id, quod loquimur, esse famæ denigrativum.

203. Omnes detractiones, quocunque demum malum manifestetur, aut bonum minuatur, sunt ejusdem speciei: & ideo non est necesse in Confessione dicere; *alterius famam lœsi fornicationem, adulterium &c. manifestando:* satis est, dicere: *Graviter alterius famam lœsi.* Bonac. de Restitut. D. 2. q. 4. p. 1. n. 8. Tambur. I. 2. c. 9. §. 1. n. 2. nisi addatur nova circumstantia specifica, v. g. si ii, quorum fama lœditur, sint parentes; quo nomine etiam avus & proavus venit. Tamb. c. 5. §. 1. n. 1. Bonac. n. 9. tunc enim etiam pietati repugnat. Et ideo si his graviter detrahas, id etiam in Confessione specialiter est exprimendum; quod tamen in furto eisdem facto non est necessarium: nisi fortè filius tantum auferat parentibus, ut idcirco in extremam vel gravem necessitatem incidunt; quia omne quidem furtum est contra Justitiam; non tamen, nisi in dicto vel simili casu, contra pietatem: *Quamvis Azor. p. 3. l. 13. c. 5. q. 1. velit, detractionem contra parentes non differre specie ab alijs detractionibus.* Idem est de contumelia.

204. Est autem detractio etiam ex suo genere peccatum mortale. Laym. l. 3. s.s. tr. 3. p.2. c.3. n.2. & 4. & alii communiter: sive id, quod refertur, verum sit, sed occultum; sive falsum; habetque annexam obligationem restituendi, seu retractandi coram iis, quibus praesentibus alterius fama laesa est. Quod tamen non est æquè facile & expeditum, cum crimen, quod manifestas, est verum; quam est, si sit falsum; si enim falsum sit, debes coram iis, coram quibus detraxisti, aperte dicere, te falsum dixisse; licet id in æquale, vel paulo majus dedecus tibi vertatur: æquius enim est, ut damnum patiatur is, qui, injustè intulit, quam ut innocens illud ferat. At si detractori ex ea restitutione notabiliter majus damnum immineat, non tenetur eam facere; alioquin enim aliquid ultra æqualitatem redderet, securus ac Justitia commutativa exigit, ad quod nemo rationabiliter obligari potest. Hinc si restituere famam non possis, nisi cum periculo propriæ vitæ, Bonac. p. ult. n. 11. Tamb. n. 22. aut multò majori jacturâ tuae famæ, quam alter patiatur in sua, ad id non teneris. Bonac. n. 12. Tamb. n. 21. Sic vir gravis v.g. Praelatus, non tenetur dicere, se mentitum esse; id enim maximo dedecori ipsi foret: satis ergo est, si restituat famam eo modo, quo tenetur is, qui crimen verum prospalavit, de quo jam. Si ergo quis crimen verum vulgavit, idonei loquendi modi adhibendi sunt, qui sine mendacio possunt adhiberi; dicendo v. g. memini me de Petro hoc dicere; sed feci ipsi injuriam, erravi &c. imò cum debita æquivocatione ne poterit absolute dicere, se verum non

dixisse, se nihil de tali defectu scire, Petrum illud crimen non perpetrâsse &c. Sufficit non tardò, infamarum laudare in eodem genere, in quo detraxisti, nullatenus criminis detecti mentione facta; ut si dixisti, Petrum esse hominem avarum, dicas, eum multas facere & fecisse eleemosynas. Ethic modus est maximè congruus & oportunus famæ restitutio- ni. Bonac. p. 15. n. 3. Reginald. l. 10. n. 34. Tamb. l. 6.

205. Ceterum etsi detractioni onus restituendi famam sit annexum, varie tamen causæ sunt, quæ ab eo possint libera- rare. I. si detectio criminis occulti non sit contra Justitiam: ut si illud deferas ad superiorem, enjus est illud emendare, corriger, aut punire. II. Si quis omnino inculpatè laesit famam, quia bona fide credit, crimen jam esse publicum, cum tamen non esset. Bonac. p. 6. n. 20. III. Quando quis consentit in suam infamationem, seu cedit juri suo, quod habet ad famam; ut fit in quibusdam Religiosis ordinibus. IV. Quando infamus remittit suæ famæ restitucionem: modò ea condonatio non cedat in detrimentum alterius. Tamb. §. 3. n. 10. Bonac. p. ult. n. 5. & alii. V. Si quis ita infamis est, ut prudenter judicetur, non passurus novam infamiam ex nova de- tractione. Tamb. n. 12. VI. Si detrac- tio sit inefficax: quia nempe audientes non credunt, vel quia detrahens exiguum vel nullam habet auctoritatem, eò quod habeatur pro mendaci, vel quod joco tantum vel ex ira dixerit. Bonac. n. 10. Navar. c. 18. n. 44. & alii. VII. Quando infamatus aliunde suam jam recuperaverit famam. Bonac. n. 7. Tamb. n.

VIII. Quando infamia jam aliis in oblivionem transit, & ex audientium mente jam excidit. Bonac. n. 6. & p. 13. n. 1. Reginald. l. 10. n. 340. Tamb. n. 14. ad quod aliqui putant sufficere annos 20. desumptā fortassis hac temporis determinatione ex proportione ad tempus, quo in quibusdam casib[us] fit præscriptio. Sed de hoc prudentes judicent: forsan adhuc brevius tempus sufficit ad infamiam obliterandam. IX. Si quis prudenter judicet, suam retractionem nihil esse profecturam Tambur. n. 18. X. Qui famam injustè ablata non potest restituere, non tenetur eam pecuniā compensare, esī infamatus petat sibi pecuniā satisficeri. Bonac. n. 14. Tamb. n. 23. Nemo enim tenetur restituere, nisi quod ablatum est; & quidem in eodem genere, in quo alter damnum est passus; nisi forte reddatur æquivalens: sed pecunia non æquivalet fama. Ergo profama ablata non nisi famam reddere debes. XI. Si quis post famam sibi à te ablata cœpit laborare infamia publicā in eodem vel simili crimine, de quo illum notasti. Tamb. n. 15. si enim crimen sit publicum sive justè v.g. per sententiam judicis, sive per injuriam, jam fas est de eo loqui citra læsionem Justitiæ: publicitas enim facti jam tribuit licentiam loquendi, ita ut non censeatur nova injurya per eum sermonem inferri. Less. l. 2. c. II. n. 13. Tamb. §. 2. n. 9. Quando autem crimen censeatur publicum publicitate facti, Sanch. l. 2. Mor. c. II. n. 19. & l. 8. de Matrim. D. 24. n. 55. & Molin. T. 4. D. 31. n. 3. variè explicant; quos tamen cū Tamb. §. 2. n. 10. non probâsser, dixit, illud videri publicum,

quod prudenter, & ex circumstantiis judicatur facilè esse communiter evulgandum. Ex his autem patet, eum, qui crimen, in uno loco publicum, alis neScientibus narrat, aut in locis etiam remotioribus, ad quæ per litterarum commercium, vel aliter illius criminis notitia pervenire potest, evulgat, non peccare contra justitiam, adeoque ad famam restituendam non teneri. Less. n. 75. Tamb. n. 11. Bonac. p. 6. n. 2. & alii. An autem talis divulgator saltem contra charitatem peccet, dubium est. Less. n. 78. affirmat. Sed Lugo D. 14. de just. f. 5. n. 68. Tamb. n. 12. & alii ab ipso relati hoc ipsum negant: nisi torre ex hac tua alieni & publici criminis vulgatione aliud præter infamiam damnum grave contingat infamato. Tamb. n. 15. XII. Excusatatur is, qui crimen alterius verum, injustè propalatum, aliis manifestat: Bonac. p. 6. n. 3. dummodo ea evulgatio ortum non habeat ex Sacramentali Confessione; in hujus enim singularem favorem & reverentiam tam arcta secreti obligatio est imposta, ut à notitia criminis ad quemcunque demum ea pervenerit, nunquam separari queat. Lugo n. 67. Navar. in Cap. Sacerdos. Dist. 6. de Pænit. n. 42. pro quo facit, quod res, ad quemcunque transeat, cum suo onere transeat. Cap. ex litteris. de pignor. & Cap. Pastoralis. de decimis. Hinc ne Judex quidem in crimen ita injustè ad le perlatum inquire potest, aut procedere. XIII. Exclusaris ab obligatione, saltem gravi, restituendis famam, si levis queque fuerit ejus læsio, ut esse potest, ut jam dicemus.

206. Itaque detractio levis est, si id, quod

quod narratur, alterius famæ seu existimationi parùm seu non notabiliter nocet apud audientes: quod contingere potest I. ex defectu plenæ advertentiae. II. si defectus leves proximorum narrentur, vel generalibus solum peccatorum nominibus pronuntientur, de aliquo dicendo, illum esse superbum, avarum, iracundum, mendacem &c. nisi forte conditio persona talis sit, ut in ea ejusmodi defectus censeantur magni momenti. Tamb. n. 4. ut si de viro gravi aut Religioso dicas, eum assuetum esse mendaciis: tunc enim detractio esset gravis. III. si defectus naturales revelentur (nisi inde notabile damnum sequatur,) sive illi defectus sint animi; ut si dicas, quempiam esse ignarum, parvijudicij, parvi ingenij &c. sive corporis, ut esse cæcum, gibbosum, claudum, &c. IV. si ratione conditionis personæ peccata, alioqui etiam gravia, non censeantur notabiliter lèdere famam: ut si persona, cui detrahitur, sit vilis, aut ita affecta, ut crimen vel impositum, vel commissum non magno sibi dedecori ducat: ideo si quis dicat, militem commisso duellum, habere concubinam, vel de quibusdam juvenibus (v. g. de iis, qui venerea sibi non ducunt dedecori, seu potius de illis, aut alio peccato se jactant) referat rem venereum, vel aliud peccatum, de quo se jactant, non est peccatum, saltem mortale. Præ ceteris autem vitiis peccata carnis maxime infamiae sunt personis honestis: sunt enim quædam personæ, quæ ex quibuslibet in honestis redduntur infames, ut puellæ honestæ, Moniales, Religiosi, & hujusmodi sui nominis curam habentes. Et ideo si quid venereum, sive falsum, sive ve-

rum, occultum tam en, de iis referatur, facilius sit mortalis detractio, quam si aliud peccatum mortale referatur. V. Minuitur gravitas detractionis ex conditio ne persona detrahentis, ut, si haec vilis sit, vel talis, cui vel levius, vel etiam nulla fides habeatur: ex quo proinde capite excusari possunt mulierculæ viles, aut pueri, qui facile solent aliorum vitia detegere. Tambur. §. 2. n. 5. & alii. VI. si res non asseverando, sed dubitando, vel ex auditu aliorum, qui tamen sunt fide parùm digni, referatur. Bonac. p. 5. n. 2. Si enim ex persona, quæ sit fide digna & magnæ auctoritatis iure quid referatur, a peccato gravi non excusatitur. Tamb. I. c. & alii. VII. Detractio non est, si quis peccatum alterius occultum, cum ad delinquentis emendationem aut correctionem est necessarium, revelet ei, qui potest mederi; aut qui grave damnum, quod imminent alicui persona, aut ipsi etiam delinquenti, aut Reipub, aytere potest: aut consilium, aut auxilium, quo quis hic nunc opus habet, dare vel ferre &c. Tamb. §. 3. n. 21. Bonac. p. 3. n. 1. & 4. VIII. Si ad leniendum dolorem, vel solatum capiendum narretur. Joan. de la Crux apud Dian. p. 3. n. 5. R. 32.

207. Addunt aliqui IX. Non esse peccatum mortale, si quis sine ulla causa crimen alterius occultum manifestet univ. duobus viris prudentibus & taciturnis. Tamb. §. 2. n. 7. Reginald. I. 24. n. 75. Bonac. n. 2. & alii. Et hac de causa a mortali excusant illum, qui in Confessione complicè manifestat, ed quod tunc complicis fama non videatur notabiliter lèdi. Sed Lugo D. 14. f. 4. n. 51. Less. I. 2. c. II. d.

II. d. II. n. 70. Laym. l. 3. tr. 3. p. 2. c. 3. n. 6.
& alii id merito negant: tum quia alio-
 qui is, qui solus auditet detrahentem, non
 peccaret graviter, et si cum facilè posset,
 eum non corrigeret; posset enim de se
 merito credere, se secretum servaturum:
 tum quia alias illa non paucorum Theo-
 logorum doctrina non esset ferenda, cum
 docent, in Confessione omitti posse pec-
 catum, quod aliter exprimi non posset, nisi
 nominando complices, Confessario no-
 rum; siquidem alius, cui complex sit igno-
 tus, non sit ad manum: si enim talis adef-
 seret, ajunt, potius ad hunc accedendum es-
 se; tum quia in morali estimatione majo-
 ris momenti est jactura famæ seu bonæ
 existimationis apud unum vel alterum vi-
 rum prudentem, & magna auctoritatis,
 præfertim apud Superiorum, à quo delin-
 quens penderet, vel cum quo assidue versa-
 tur, quam apud plurimos infimæ sortis &
 conditionis homines; tum quia hic tac-
 turnus vir, qui audit, poterit iterum unum
 prudentem reperire, cui, quod audivit,
 aperiat: & hic rursus alium, & sic deinceps,
 usque dum tandem fama per totam ur-
 bem circumferat illud crimen, quod in
 principio erat occultissimum. Sed hoc
 non est tolerandum. Nos ex alio princi-
 pio judicamus, complicem in Confessione
 nominari posse. Vide, quæ diximus sup.

n. 44.

208. Ceterum illud quoque hoc loco
 attendendum est, an vel illi, quorum fama
 lœditur, plures sint; tunc enim sic oportet
 detractionem exprimere: *Aliorum fama*
coram aliis (vel: coram alio) *graviter de-*
traxi semel, leviter quinques: vel si is, cuius
fama coram pluribus lœla est, fuerit tan-

R. P. Stoz. Trib. Paenit.

tum unus: *Alterius famam coram aliis*
 (vel: coram alio) *levi* *graviter bis.*

209. *Contumelia* *gravi* *affici Proxi-*
mum semel, levioribz. Est autem contume-
 lia honoris alieni injusta violatio, seu in-
 justa in honoret alicujus; quæ fit per verba,
 vel signa denotantia malum culpæ, vel
 pœna, ut, si varia cognomina imponas, aut
 peccatum vel defectum etiam naturalem
 exprobres: & alia est, quæ *improperium*,
 alia, quæ *convitium* appellatur. Porro
 hæc tria, nempe *improperium*, *convitium*
 & *contumelia* sunt inter se diversa mate-
 rialiter tantum. Contumelia tamen pro-
 priè est, quæ fit per verba significantia ma-
 lum culpæ, ut cum alterum compellamus
 furem, latronem, hæreticum, adulterum,
 fornicarium &c. hæc enim ad malum cul-
 pæ pertinent: quod spectant etiam quædam
 vulgaria cognomina: *Schleppsack* / *Les-*
chersbieb / *Spicker* &c. Convitium est,
 cum significamus defectum in malo pœ-
 na; ut si objicias alteri cæcitatem, gibbum,
 claudicationem, tarditatem aut stupidita-
 tem ingenii; item, si voces alterum stul-
 tum, truncum, asinum, insensatum, illegi-
 timè natum &c. hæc enim ad malum pœ-
 na spectant; quo pertinent etiam vul-
 garia quædam agnominæ, quibus solent si-
 bi invicem exprobare defectus corporis
 vel artis, v.g. dicendo, du fauler Esel/ un-
 geschickter Dölpel / Galgenvogl / Galgen-
 schwengl. &c. gelber / frumer Hundt. &c. To-
 let. l. 5. c. 9. Improperium propriè est, cum
 significamus defectū in malo indigentia,
 cui per nos auxilium est præstitum: ut si ali-
 cui exprobres, quod fuerit vile mendica-
 bulum, obscurissimo genere natus, & a te
 adjutus emiserit &c. Reginald. l. 24. n. 99.

Y

Dif-

Differunt etiam convitium & improperium, quod illud absenti, istud præsenti inferatur. Fit præterea contumelia quandoque scripto; & est famosus *libellus*, gravissimè in jure prohibitus, & ab aliis ad detractionem reducitur: quandoque etiam facto; ut si ad alterius januam cornua, patibulum &c. apponas: si aures asininas alterius vestibus astuas, vel aliquid aliud repræsentes, quod ejus honorem lœdat.

210. Fit autem contumelia subinde ex directa & expressa intentione alterum in honorandi: & est contumelia formalis: subinde sine tali animo, sed cum advertentia, verba, quæ proferuntur, vel opera, quæ fiunt, esse verè in honorativa alterius; & est Contumelia materialis.

211. Contumelia una non differt ab alia. Bonac. *de Restit.* D.2. q.5. p.1. n.5. Reginald. n.102. & alii. Et ideo non est scrupulosè distinguendum, sicutine convitium, an improperium; an alterum furem appellaveris, vel latronem, meretricis filium, asinum &c. sufficit enim omnia uno contumeliam nomine comprehendere, & modo *supra* n.29. dicto explicare, vel etiam nomine convitii, dicendo: *Gravi, vel: levi convitio alium affect semel.* Nisi fortassis ratione circumstantia specificæ nova addatur malitia; ut si proprios parentes contumeliam afficias; hæc enim circumstantia specialiter est in Confessione explicanda. Tamb. l.2.c.5. §.1.n.2.

212. Est autem contumelia ex suo genere peccatum mortale; & si injuria fuerit notabilis, est verè & de facto tale. Bonac. n.3. Reginald. n.100. & alii. Poteſt rāmen fieri veniale, I. ex defectu plenæ advertentia. II. ob levitatem, seu parvi-

tatem materiae. III. ex conditione personæ exprobrantis; ratione enim hujus exprobratio rerum, etiam gravium, sæpen censetur notabiliter lœdere honorem; ut si puer ex ira dicat fratri suo: *tus filium me retricis:* contumelia hæc non est gravis. Sic saepe non sunt contumelias graves, quæ inter personas viles, aut parvimonienti jacuntur, ut inter mulierculas, viles famulos, pueros, qui sæpe rixari solent, & invicem convitiis se confurgere, prout in os veniunt. Bonac. n.4. IV. si fiat ioco, et si aliqui ad sit plena deliberatio, & injuria sit magna. Bonac. ibi. Imò V. Poteſt excusari ab omni peccato, si nimis autem fiat gratia correctionis. Bonac. l.c. & alii. sic nimis Magister facit cum discipulo, dominus cum famulo, pater cum filio, superior cum subdito: sic Christus vocavit discipulos stultos. Luc. ult. & Paulus Galatas *in sensatos* Cap.3. Quodsi autem non fiat animo correctionis, peccatum est; non enim licet superiori, jaculari convitia in subditos. Bonac. l.c. imò, si persona, cui contumelia infertur, si honorata, peccatum mortale erit, si eidem ab eodem superiore magnum convitium inferatur.

213. *Mentitus sum octies.* Mendacium est locutio contra mentem: si nimis aliquid affirmes, quod judicas non esse; vel neges, quod judicas esse, idque fallendi causa. Opponitur veritati, quæ est virtus inclinans hominem ad locutionem menti conformandam; ut nempe homo non loquatur aliud, & aliud sentiat; hoc est enim alterum fallere. Poteſt autem aliquis falsum dicere dupliciter: I. si neget, aut affirmet, rem aliter se habere, quam

quām verē & à parte rei se habeat; quia judicat alter se habere; ut, si Petrum, quem judicat domi non esse, cūm tamen sit, dicat, eum domi non esse: vel vice versâ; quo modo dicitur falsum sine mendacio. II. si Petrum, qui non est domi, judicet & sentiat, domi non esse, & tamen dicat, domi esse, dicit falsum. cum mendacio: imò potest dicere mendacium sine falsitate, ut, si putet, Petrum domi non esse, cūm sit, ipse tamen affirmet, eum domi esse; verum enim tunc dicit, quia Petrus verē domi est; mentitur autem, quia aliter loquitur, ac sentit. Laym. I. 4. tr. 3. c. 15. n. 2. Ceterū per locutionem non intelligitur solum verbum ore prolatum, sed etiam scriptura, & quodlibet aliud signum, quo aliud manifestamus, quām quod mente sentimus. Ethac mendacij species, quae fit signis factorum ad alterum fallendum compositis, vocatur simulatio; de qua videri potest S. Thomas 2. 2. q. III. a. 1. in C.

214. Jam verò à ratione mendacij excluduntur I. joci, qui ita proferuntur, vel fiunt, ut ex ipso agendi aut enuntiandi modo appareat, fallum esse, quod exteriū enuntiatur; cūm desit animus fallen-
di, et si alter per simplicitatem decipiatur. Neque per hoc eliminatur mendacium jocosum; nam istud propriè fit animo fal-
lendi adientem, seu falsam opinionem ingenerandi, sive re ipsa decipiatur, sive non. At jocus tali animo non fit, II. locu-
tiones tropicae; ipsa que adeo ironiae & hyperbolae, fabulae & parabolae, quia verum sensum continent, quem loquens etiam inten-
dit exprimere, licet simul etiam animadverat, eum ab audiente non statim apprehendi, sed alium fallum: quod ta-
men loquens non intendit, sed permittit,

II. Amphibologæ locutiones, de quibus postea Laym. n. 3. & 4. Interim, quotu-
plex sit mendacium, edisseramus.

215. Est ergo mendacium triplex. I. Perniciosum, quod injustum alicujus damnum & detrimentum cedit. II. officiosum, quod nullam continet injuriam, sed propriam vel alienam intendit utilita-
tem; cūm nimis boni alicujus obtinen-
di, vel mali à se vel proximo avertendi cau-
sā profertur: quod pueris, famulis & per-
sonis verecundis frequens est, quando se excusat, & in malo facto deprehendi
nolunt, & ruborem vel pœnam declinare
cupiunt. III. Jocosum, quod nec detri-
mentum patit, nec utilitatem, sed solius
voluptatis seu propriæ seu alienæ causā,
cum intentione tamen, ut Laym. n. 4. no-
tar, fallendi profertur.

216. Mendacium est intrinsecè ma-
lum, ut nullo casu seu ob nullam neces-
sitatem, etiam ad propriam vitam conser-
vandam, cohonestari seu licitum fieri
possit. Less. I. 2. c. 47. n. 26. & alij
communiter contra quosdam antiquos.
qui, ut videre est apud Less. n. 38. Laym.
n. 9. putarunt, ob magnam aliquam utili-
tatem licitum esse mendacium. Et in spe-
cie mendacium jocosum & officiosum
peccati venialis limites non excedunt.
Less. n. 44. nisi fiant cum iuramento,
cum hoc enim si conjunctæ sint hæ duæ
mendacij species, semper sunt peccata
mortalia, sunt enim vera perfuria, quæ in
quacunque materia sunt gravia peccata
juxta dicta suprà n. 186. Reginald. n. 14.
qui eadem mendacia si dicantur à viris,
qui sunt in statu perfectionis, arguuntur à
nonnullis de gravi malitia: sed ut Reginald.
ibid. monstrat non recte, nisi accedat
ratio gravis scandali. At verò menda-
cius

cium perniciosum est ex suo genere peccatum mortale. Less. n. 44. Reginald. n. 16. & alii. & defacto est mortale, si fiat cum plena advertentia, & simul cum notabili damno proximi, v. g. in detractione, contractu iniquo, vel præjudicio gravi contra honorem DEI v. g. in Religione, Sacramento Confessionis &c. Potest autem fieri veniale ob plenæ advertentiae defectum, vel levitatem materiæ, ut in parva detractione, vel deceptione proximi: quod proinde in Confessione sic est exprimendum: *Mentitus sum cum gravi damno proximi semel: vel: cum levi bis.* Reliqua duo mendacij genera satis exprimuntur eo, quem dixi, modo, siquidem cum juramento non sint conjuncta. Verum ad tollendam omnem ambiguitatem, posset addi: *sine cuiusquam damno.*

217. Ceterum quæ hactenus sunt dicta, debent intelligi de omni mendacio, sive sit oris, sive operis: quæ posterior mendacij species *simulatio* dicitur, quâ aliquis externo opere exhibet aliud, quam in corde sentit, animo fallendi alterum. Est & *simulatio intrinsecè mala*, nunquam licita; cùm sit verum mendacium; cùm enim perversitas mendacii in eo consistat, ut signis, quæ alioqui ad exprimendum mentis judicium & sentium instituta sunt, abutatur, & ijs aliud, quam quod mente tenemus, significemus ad alterum decipiendum, seu falsum ipsi conscientia in generandum; perinde est, per quæ signa fiat, sive per verba, sive per facta; utrumque enim est contra Veracitatem, quæ est virtus inclinans hominem & obligans, ut verba seu quæcumque signa judicii interni significativa menti conformemus, atque adeo, ne, quod mens affirmat, lingua ne-

get; & vicissim, ne mens neget, quod lingua affirmat: alioqui contradic̄tio erit inter interiora & exteriora in eodem homine, quod est turpe & vituperabile.

218. Sed jam hac occasione quid de amphibologijs seu equivocationibus: quidve de restrictionibus, quæ purè mentales appellantur, sentiendum sit, aperiamus. Itaque Amphibologia est locutio ambigua, quæ duos sensus habere potest, unum verum, quem si loquens intendat, non mentitur, licet animadvertis, audientem verba in altero sensu, qui falsus est, accepturum, atque adeo deceptum iti, quippe quam deceptionem suam illâ locutione non efficiat, sed permittat. Quod autem sic loquens non mentiatur, inde patet, quia non loquitur contra propriam mentem, cui ad vitandum mendacium sua verba conformare debet, non autem alienæ: non enim hanc, sed illam verba externa enuntiant. Eadem est ratio de signis factorum, quæ præter moralē significationem, quam ex confutidine, vel hominum institutione habent, naturalem interim usum & commoditatē retinent, prout videre est apud Laym. l. 2. c. 11. n. 4.

219. Et Amphibologias quidem licitas esse, si ijs utendi justa sit causa, communis ferè habet sententia apud Less. l. 2. c. 42. d. 9. n. 47. cùm enim præceptum dicendi veritatem sit affirmativum, non teneamus ex natura hujus præcepti semper & quolibet casu manifestare, sed possimus quandoque locutione ad utrumque sensum, verum vel falsum in audiente in generandum compositâ occultare; modò nos ipsi, ut mendacium evitemus, sensum verum, cùm loquimur, intendamus: non

non enim verba nostra alienæ, sed nostræ menti, ut diximus paulò ante, conformare tenemur. Et idcirco possimus locutionem in alio sensu, quam sit ille, quem alter intendit, usurpare, & aliena à proposito alterius respondere; modò adhac interveniat justa causa. Justa autem causa esse potest necessitas vel utilitas ad salutem corporis, ad conservacionem honoris Divini, vel etiam rei familiaris; vel etiam quando iusta interrogatio proponitur; vel alia, ad quam hic & nunc non expedit respondere.

220. Hinc licitum est aequivocatione utri. I. si quis in Judicio interrogetur, an debeat mille sibi mutuò data, potest, si illa restituit, respondere se non debere. II. si mulier post confiscata sui viri bona suam dotem reserret, & interrogetur, an ex illis bonis nihil sibi retinuerit, potest respondere, se nihil (scilicet quod alienum esset) retinuisse. III. Confessarius interrogatus de peccato in Confessione auditio, potest negare, se quidquam de eo scire, scilicet scientiâ communicabili; de hac enim intelligendus est interrogans. Et hoc modo etiam Christi verba Matth. 24. & Marci 13. sunt accepienda, cum dixit, de illa die & hora (nempe Judicii) neque filium scire. Eodem etiam modo Legatum Principis potest dicere, se nescire, quod non habet in mandatis, ut aperiāt. IV. Potest quis suum crimen occultum negare subintelligendo, ut publicum. V. potest à Judge interrogatus, an commiserit homicidium v.g. an Petrum occiderit, negare, se commisisse, si commisit ad justam & necessariam suam defensionem: interrogatur enim de homicidio, ut cri-

minoso; quale non est, quod pro sua necessaria defensione sit. VI. Reus juridicè interrogatus de delicto, quod sine propria illius Confessione plenè probati nequit, potest illud negare, si ex illa Confessione sit incursum periculum vita. Cujus præcipua ratio ex eo desumenda est, quod res valde difficilis reputatur mortaliter pro impossibili, ad quam, ut materia de Legibus doceatur, præcipiendam humana potestas se nequit extendere: at verò Confessio veritatis, quæ reo certam mortem parat, est res longè difficillima: ergo Judicis præceptum ad eam se non potest extendere, cum, ut habetur, L. 4. ff. de test. nec ad testificandum contra parentes aut sanguine junctos obligare possit. Ita Lugo de iustit. D. 40. f. 1. n. 15. Sancius in selectis D. 43. à n. 29. quos refert & sequitur Tambur. l. 3. in Decal. c. 4. §. 3. n. 5. cum viginti duobus alijs Doctoribus: Quod excluditur etiam ad quocunque aliud grave malum v. g. exilium, bonorum omnium amissionem &c. ad hæc enim tam gravia mala, perinde ac ad morrem averrendam, à natura jus accepimus. Lugo. n. 15. Et hoc multò magis locum haber, si judex interroget nullo servato juris ordine. VII. Reus potest ad vitanda gravia tornienta sibi imponere crimen capitale, etiam falsum, pro quo adducuntur testes &c. qui vita non videtur digna, ut cum tanto cruciatu servetur. Debet autem tunc, ut mendacium evitet, ut aequivocatione, quæ omnium commodissima videtur esse hæc: fateor, me hoc crimen commisisse eo modo, quo vobis per testes productos innotescit. Vide etiam infra dicenda. VIII. Possunt

hæc

Y 3

hæc omnia, si res ita ferat, & ratio postulat, etiam juramento confirmari; modò debita & congrua æquivocatio adhibeatur. Less. n. 47. alijs mendacium erit cum perjurio, ut notum est.

221. Quod jam attinet ad restrictionem purè mentalem, ea non est oratio verè ambigua, sed spectatis circumstantijs, in quibus profertur, ad unum tensum, quem exterius habet, ita est determinata, ut vi verborum, quibus loquens utitur, sensus ille, quem loquens in mente tenet, ab audiente non possit percipi. Hæc valde fugienda studiolo virtutis seu viro seu adolescenti. Continet enim noxiam mendacij, sicut & Laym. n. 6. & Coninch. de aët. supernat. l. 1. D. 10. dub. 3. n. 58. & alij eam à mendacio non omnino excusant. Cerrè calliditas hæc valde dedecet candida pectora; inimica est veritati; usum communis sermonis pervertit; civilem inter se hominum consuetudinem & commercium omnino tollit, ac pessimumdat; fidem dictis hominum ferè omnem abrogat. Qui enim ejusmodi restrictione utuntur, meritò tales aestimantur, quibus in nulla re fidem habeas; de ijs semper dubites, an eā restrictione utantur, atque ita aliter loquantur, quām sentiant. Nec refert, quod protestentur se jam sincerè, & planè loqui: quia potero dubitare, an non in his etiam verbis lateat restrictionis mentalis. Coninch. n. 58. Laym. n. 12. Hac restrictione frequenter utuntur pueri, famuli &c. qui suorum præceptorum, Dominorum justas interrogations hanc astutiâ elidunt, ne videlicet in suis delictis ab ijsdem suis heris & præceptoribus deprehensi vapulent.

222. Exempla talium restrictionum sunt. I. si puer vel famulus interrogatus, an vitrum fregerit, neget se fregisse, subintelligendo, priuati mense, cùm tamen non quidem priori, sed hoc mens fregit. II. si quis interrogatus à viatore, ēstne latro in tylva, respondeat, non est: hoc verbum est non accipiendo ad significandam existentiam, sed ad coniecturam: verè enim utrumque significat idem verbum. III. si interrogatus, an Cæsar sit Viennæ, respondeat, non est, subintelligendo, Viennæ, quæ est in Gallia, non quæ est in Austria. IV. si interrogatus, an viderit unquam Cæarem, affirmet, se multoties vidisse subaudiendo, depictum in tabula. V. si bene ebrius arguatur de sua ebrietate & crapula, constanter neget, se unquam fuisse ebrium, intelligendo lacte vel mulo. Et sexenta alia his similia. In 2. & 4. exemplo verba est, Vienna & Cæsar sunt quidem secundum se æquivoca & duplicitis sensus, sed quia ab interrogante sunt hic & nunc determinata tantum ad unum, ideo interrogatus non potest in altero per illa respondere, nisi cum restrictione mentali.

223. Restrictiones purè mentales antehac aliquibus visæ non sunt ita illicitæ, ut nunquam prouersus ijs fieret uti: licet enim celebantur r. ex necessitate (si nimirum nullus amplius modus supercesset malum imminens effugiendi) vel 2. ex alia justa causa. Juxta istos ergo Autatores I. si quis habeat librum, charum, quia rarum, quem se recepturum amplius non sperat, difficulter proinde concedit, potest petenti illum negare, se habere; subintelligendo ad commodandum Dian.

Dian. in summa V. Juramentum n. 6. II. si petens non habeat jus querendi, quod querit, & importunè te urget ad respondentium suam petitioni, v. g. qui novit alterius crimen occultum, aut ipse commisit, potest, si ab eo, cuius illud scire nihil interest, interrogetur, respondere, le de illo nihil scire, vel non fecisse; mente intelligendo, eo modo, ut possit, aut teneatur ipsi dicere. III. qui novit aliquid sub secreto, potest alteri importunè & iniquè urgenti ejus secreti revelationem, dicere, se nescire; intelligendo, ut possit patefacere: non enim ita scit. Verbo: quoties ab illo, cuius nihil interest scire, quod interrogat, importunè urget ad respondentium ejus interrogationi: quoties si ad mentem interrogantis respondeas, tibi non leve incommode immineat, quod tamen di-
ctā calliditate potes evitare &c. tales ut prædicti Auctores voluerunt, potes in sermone tuo tacitā mentis restrictione uti; quia, et si alter inde decipiatur, id tamen tu directè non intendis, sed solum vis tegere tuam intentionem, ne ipse eam cum tuo incommmodo cognoscat: quod autem ipse falsum judicium formet, ipse sibi imputet, tu enim ad id permissivè tantum te habes; & uteris jure tuo. Ita isti. Ceterū si nihil sit, quod ejusmodi restrictiones excusat, tunc etiam juxta illos Veracitas urget ad verba non tantum tuæ, sed etiam alienæ menti conformanda, propter vinculum humanæ societatis, & bonum publicum, qua de re vide Valent. T. 3. D. 5, q. 13. p. 2. prope finem. Verum sententia Restrictiones mentales à mendacio liberans vel licitas esse docens est 26. & 27, inter

prohibitas à S. D. N. Ianc. XI. 2. Martii. 1679. vide infrà lib. 2. n. 269. cum seq. ubi alii modi assignantur secreta sua ter-
vandi occulta.

224. *Contra parentem, preceptorem, patrem familias, magistratum, Principem, Superiorem: vel etiam: contra aqualem (proximum quemcunque) murmuravi quinque: Nempe iniquè, id est, sine justa causa conquerendo apud alios contra ipsorum modum agendi: v. g. quasi sint nimis austeri in pœnitentiis, aut tributis exigendis, in penso scholastico (quale est etiam argumentum) imponendo, in disciplina morum, aut regulari urgenda, morosi, indulgentes, partiales &c. Est etiam murmuratio, si causa querendi sit quidem justa, tamen queratis in loco, vel coram personis, aut in aliis circumstantiis, in quibus non convenit. Est peccatum tantum veniale, nisi accedat alia circumstantia specifica v. g. susurratio- nis, detractionis &c.*

225. *Maledixi mibi (vel proximo) graviter semel: leviter sexies. Maledicere est malum aliquod sibi vel alteti imprecari. Est peccatum mortale, si mala desiderata sint gravia, v. g. mors, pestis, publica infamia, patibulum, car- nifex, cæcitas &c. & simul animus, quo talia mala desiderantur, sit plenè delibe- ratus, & serius, hoc est, qui sit ita af- fectus, ut revera velit, talia alicui verè & re ipsa evenire. Tolet. lib. 4. c. 13. Bonac. de peccat. D. 3. q. 8. p. 3. n. 4. Reginald. l. 18. n. 293. Et alii. Potest fieri peccatum veniale, si fiat indelibera- tè, nec ex animo, aut in materia levi Bo- nac. ibi. Maledictio una non differt specie ab altera, nisi conjuncta sit cum circum-*

circumstantia specifica, v. g. contra-
DEUM, parentes; & tum hæ circum-
stantiæ sunt utique specialiter explicandæ
in hunc modum: *Maledixi parentibus*
graviter semel: leviter bis. De maledi-
ctione DEI jam *súprá* dixi n. 193. *cum seq.*
Quandoque etiam justitiae repugnat, ut
si contineat contumeliam: & pro gra-
vitate & levitate contumelia etiam ipsa
ratione hujus circumstantiæ gravis erit,
vel levius. Sed nec mala, quæ quis alicui
desiderat, scrupulosè pervestiganda sunt:
et si enim ipsa inter se specie differant,
conveniunt tamen omnia sub una forma-
li ratione nocendi proximo. Bonac. *de*
præcept. D. 3. q. 4. p. ult. §. 1. n. 10. &
alii. Hinc tamen Molina & alii apud
Busenbaum in sua medulla de *blasphem.*
c. 1. n. 10. excipiunt dæmonem; nec au-
dient propter fæditatem, horrorem &
perversitatem à peccato mortali excusare
illos, qui aliquem dæmoni (sic et non ex
animo) devoteant. Satis quidem rigi-
dè. Illud facilius admiserim, quod haber
idem Busenbaum *n. 11.* assidue nominare
dæmonem sine imprecatione, non esse
quidem peccatum, esse tamen quandam
Christiano homini non convenientem
indecentiam, & subinde ratione scanda-
lietiam gravem.

226. Nihilominus quandoque licitum
est, alicui impregari malum ex causa ju-
sta, v. g. ex Zelo conservandi justitiam,
honorem Divinum, bonum spirituale,
imò & temporale proprium vel alienum.
Palaus *tr. 6. diff. 4. p. 5.* Hinc non est il-
licitum desiderare I. punitionem aut
mortem malefactorum à publica pote-
state iis infligendam, juxta illud, læta-
bitur justus, cùm viderit vindictam. Pa-

laus *l.c.* Less. *l.2. c.47. d. 4. n. 21.* San-
cenis in selectis *D. 2. n. 11. alii.* II. Ex-
cusari à peccato, saltem in mortali, paren-
tes, si liberis mortem imprecantur, ne
in futurum turpe quid faciant, aut alias
delinquent. Reginald. *L. 18. n. 202.* Bo-
nac. *q. 8. p. 3. n. 6. alii.* III. Excusari
quoque matres, si mortem filiarum
optent, quas ob deformitatem, vel inopi-
am commode & honestè non possunt
nuptiis tradere. Bonac. *q. 4. p. ult. §. 1. n. 7.*
Palaus *n. 11.* Dian. *ll. cc.* IV. excusari
etiam uxores, si ad evitanda graviamala,
v. g. internam afflictionem, mendicita-
tem, vitam pœnalem & similia alia má-
la à marito vel infligata sèpius, vel pro-
babiliter adhuc infligenda, sibi mortem
impreceatur. Bonac. *n. 11.* Palaus. Dian.
ll. cc. & præterea *p. 5. tr. 14. R. 92.* Idem
etiam alii permisum. Quanquam Dia-
na *R. 92.* modò relata, mulierculas, quæ
ob minimas molestias mortem sibi
optant, peccati mortalis damnat, nisi ut
plerumque fit, excusat defectus adver-
tentiae plenæ.

227. *Creaturis irrationalibus* (ligno,
lapidi, cani, bovi, vineis, muscis, pulci-
bus, vento, pluvia &c.) *maledixi*
quinquies. Hoc est tantum peccatum
veniale. Tol. *l.4. c.13.* si affæctus pra-
vus tendat præcisè in ipsas res secundum
se spectatas: quia sicut ita considerate
non sunt objectum charitatis: ita nec
odi. At verò si iisdem rebus (quod tam-
en raro fit) vel ex odio & displicen-
tia ipsius personæ, cuius sunt ea res, ma-
ledicatur, peccatum grave vel leve erit
pro qualitate mali: quia tunc non tam
rei, quam personæ ea mala oprantur.
Bonac. *n. 9. & q. 8. p. 3. n. 5.* vel ex in-
digna-

dignatione contra DEUM, quasi pluvia, vento &c. tanquam mediis ad nos puniendos utatur: tunc ad blasphemiam spectat, & est grave peccatum.

228. Ex his autem & dictis supra de blasphemia & juramento facile patet, magnum esse discrimen inter hæc tria. I. Blasphemare. II. Jurare. III. Maledicere, vel imprecari, quæ vulgus in Germania passim, sed pessime confundit. Jurare enim Germanicè Schwören / est DEUM in testem vocare: blasphemare, Germanicè Gottslästeren / est verbum contumeliosum contra DEUM proferre: maledicere seu imprecari, Germanicè schelten / fluchen / oder übel wünschen (quæ omnia sunt unum & idem, nisi quod schelten subinde idem sit, ac schmähēn / quod Latinis est convitia seu contumelias in aliquem conjicere) est alicui malum aliquid optare; v.g. ut Diabolus illum rapiat, fulmen feriat, pestis inficiat, ut cæcus, phreneticus &c. fiat, uterus, aut cervicem frangat &c.

229. Morosum me erga alium (vel alios) exhibebis. Morositas est vitium oppositum virtuti, quæ Affabilitas appellatur. Sicut ergo hæc procurat, ut conversatio nostra cum proximo in rebus seculiis, colloquiis præcipue & convictu, ita attemperetur, ut eidem (spectata tamen conditione tum nostrâ, tum personarum, quibuscum agimus, negotiorum, & aliarum circumstantiarum) grata sit, & delectabilis, idque ideo, quia hoc congruit ad vitam socialem: ita econtra morositas hæc parùm curat: Unde qui morosi sunt, nemini placere student, ubique sunt difficiles; ubique contradicunt; nusquam se accommodant: sunt tamen alii plus, alii

minus hoc morum absynthio imbuti. Genius profectò hominum ad societatem & amicitiam parum doneum. Est autem morositas per se tantum veniale. Less. I. 2. c. 47. d. 7. n. 53. quia tantum adfert proximo aliquam molestiam & tædium in congressibus: quæ res non censetur gravis aut contra charitatem, nec evertit vitam socialem, et si ei non nihil incommodet, eamque minus suavem reddat.

230. Adulatus sum alteri quinques. Adulatio est vitium eidem Affabilitatis virtuti oppositum. Sicut ergo aliqui omnibus difficiles & graves, & ob id morosi dicuntur, ita econtra sunt nonnulli, qui in convictu student esse nimis blandi ac placidi: unde in omnibus se accommodant aliis, omnia probant, omnia laudant, quisi id faciant, utilitatis causâ, dicuntur adulatores: si solùm ut placeant, blandi. Est autem Adulatio ex se peccatum tantum veniale. Less. n. 52. Fit autem mortale I. Ratione materiae: ut si laudes aliquem ob peccatum mortale, ab ipso commissum. II. Ratione finis; ut, si adulteris, ut noceas graviter, ad libidinem pertrahas &c. III. Ratione effectus: ut si per adulacionem datur occasio gravis alicujus peccati; etiam præter intentionem. Sed hoc ad scandalum spectat, de quo infra. Porro si cum alium à peccato mortali laudas, in ipso etiam peccato complacentiam habeas, debes explicare, quale illud peccatum fuerit (v.g. an laudaveris propter fornicationem, adulterium, ebrietatem &c.) & his ferè verbis te accusare. Laudavi alterum propter fornicationem &c. bis cum complacentia erga illam: vel: cum efficaci illius desiderio, quod si verò alterum propter peccatum

etiam grava laudavisti, præcisè quia alteri placere voluisti, aut rem gratam facere, non est peccatum ipsum in specie exprimendum; sed sufficit, dicere in genere: *Laudavi alterum propter peccatum mortale quinque. vel propter peccatum veniale septies.*

231. *Contendi cum proximo bis.* Contentio est concertatio verborum cum proximo contra veritatem notam ad eam impugnandam. Est etiam contentio, cùm quis impugnat veritatem, quam putat esse falsitatem, sed nullà sufficiente ratione nixus. Hinc non excusantur hæretici, qui impugnant nostras veritates, licet putent, esse falsitates: id enim temerariè & sine ratione judicant. Est autem contentio ex suo genere peccatum mortale, Bonac. de Precept. D. 3. q. 4. p. ult. § 4. n. 5. Reginald. lib. 17. n. 13. & verè est mortale, si vel grave scandalum alii ingeneret, vel misceantur graves injuriæ, vel veritas illa impugnata cedat in honorem DEI, (ut si sit de rebus fidei) vel in notabilem utilitatem proximi. Potest fieri veniale, ex parvitate materiæ, modò suscipiatur de ea re, in qua datur parvitas materiæ, quales non sunt articuli nostra fidei. Hinc alterationes puerorum, muliercularum, & similium plerumque excusantur à peccato mortali. Sed nec peccatum contentionis committit, qui verbis cum alio contendit, animo defendende veritatis contra fallam alterius assertionem. Nec ille, qui disputationis gratiâ cum alio altercatur: nam hujusmodi disputationes paucimis tuis receptæ sunt in scholis, nec suscipiuntur animo impugnandi veritatem. Vide Tolet. l. de 7. peccatis. c. 12. Reginald. l. c.

232. *Alium leviter alicuius mendaci insimulavi quater:* sciens videlicet eum verum dixisse: hoc si cui in faciem objicitur, ad contumeliam spectat. Parentes austerioris & afferis verbis sum allocutus sis. Hoc potest esse peccatum mortale; sapientes graviter inde contristentur. Parentibus (Prælato, Preceptor &c.) morosè & irreverenter respondi sis. Et hic peccatum mortale committitur, si fiat cum gravi contemptu, vel contumelia, vel etiæ contumitione. Hæc enim sunt contra debita Reverentia & amoris, quem parentibus (quo nomine, ut Navar. c. 14. n. 3. nota, intelliguntur etiam gubernatores non solum Ecclesiastici i. Corinth. 4. sed etiam secularis 4. Reg. 5. quin & qui nostram gerunt, ut sunt tutores, curatores, Magistri, item & Pædagogi) debemus.

233. *Amara quadam verba promi quinque.* Amara verba propriè sunt, quæ charitatem lèdent, & ex odio procedunt; quia nempe male erga aliquem affecti sumus, & male ei volumus, vel aversamus ejus personam, ideo nonnunquam durius respondemus & alloquimur, non sine amaritudine animi, & mordemus ac pungimus. *Amarulenta quadam verba contra alium effudi sis.* Ut amara verbi ex odio procedunt, & charitatem lèdent ita amarulenta dicuntur, quæ procedunt ex invidia. Sic pueri quandoque ex quadam invidiolâ se pungunt, ac mordent. *Verbo acerbo alium pupugi semel.* Est etiam hoc contra charitatem; & quandoque pungentia hæc verba seu mordacia procedunt ex odio; quandoque ex invidia; & tunc ad amara & amarulenta revocari possunt; quandoque ex animi levitate, insolentia, aut alio inordinato affectu. Plerum-

Plerumque sunt peccata tantum venialia, unde proficiscantur; & in confessione recte indicantur hoc modo; *Verbo charitatem proximi laeti graviter* (vel: leviter.) bis. Contingit quandoque, ut quis proximum offendat & contristet aliquo verbo, quod alter non fecit explicare, nisi quod sit offensivum charitatis. Satis ergo est, si ad eum, quem jam suggessi, modum se accuset.

234. *Secretum mibi commissum revelavi, cum levi aliquo incommmodo & damno proximi, ter: vel: cum magno damno: vel: cum magna molestia illius, qui mihi secretum commisit.* Est autem Secretum res alicui clanculum manifestata, qua in plurim notitiam nondum pervenit, & *Commissum* vocatur, quando res aliqua, praecedenti tacita vel expressa conventione, eam sub secreto accipiendi, mihi manifestatur. Ex tacita conventione tenentur I. Principum consiliarij, belli Duces, quibus Reipublicæ vel Exercitus consilia committuntur. II. Senatores, Medici, Advocati, obstetrics, quibus consilij capiendi causâ secreta revelantur. III. Patres spirituales, Theologi, Viri docti, & Jureconsulti, qui talem artem profitentur, ut vel consilij, vel remedij, vel auxilij causâ eis arcana aperiantur. IV. Vero similiter etiam amici & propinqui, quibus amicitiae vel propinquitatis jure, capiendi consilij vel solatij causâ secreta manifestantur. Laym. l. 3. tr. 3. p. 2. c. 5. n. 1. Vide Navar. c. 25. n. 42. & Molin. tr. 4. D. 5. Est & aliud secretum, quod *promissum* vocatur; & est, cum quis alteri promittit, se aliquid secretum servaturum: quod contingere potest, etiam quando casu aliquid cognoscitur. Subinde u-

trumque secretum conjungitur. Revelatio talis secreti Fidelitati repugnat & Justitiæ, & est ex suo genere gravis. Laym. l. c. Navar. c. 18. n. 62.

235. Potest fieri venialis vel ex defec-
tu plena advertentie; vel ex levitate ma-
teriae, ut si res alicui sub secreto commu-
nicata sit levis; aut ex detectione ejusmo-
di secreti nullum alteri notabile damnum
infertur. Navar. l. c. & in Cap. *Sacerdos*
dif. 6. de pœnit. n. 30. Imò subinde omni
omnino culpâ vacat, si justa revelandi se-
creti sit cauta. Qualis est, l. si in publi-
cum Reipublicæ damnum, vel privatæ
personæ gravem injuriam cedit. v. g. Si
Petrum à proposito, quod tibi secretò re-
velavit, occidendi hominem innocentem,
non possis avertire, potes, imò etiam ple-
rumque debes manifestare, nempe illi,
qui potest huic malo occurtere, sermo
autem est de crimine perniciole & pen-
dente in futurum: si enim crimen jam sit
omnino transactum, non debes manife-
stare: quia talis manifestatio nullam am-
plius habet utilitatem. II. Si secretum
alioqui cessurum sit in grave ipsius, qui il-
lud tibi commisit, detrimentum: ut si
quis occulto impedimento obstrictus à
matrimonio avocari non possit, nisi de-
nuntietur, licita est talis impedimenti de-
nuntiatione tum ob Reverentiam Sacra-
menti, tum ob peccati evitatem. Na-
var. n. 54. Coninch. de Matrim. D. 27.
d. 7. n. 61. Sanch. l. 3. D. 13. n. 6. & alij.
III. Si secretum in grave tuum ipsius, cui
commisum est, detrimentum cedat,
quia si ordinem charitatis spectemus, ne-
mo præsumendus est, se velle ad aliquid
obligare, quod cessurum sit in evidens
& grave propriæ vitæ aut famæ detrimen-
tum,

tum, sed potius propriam incolumitatem alienæ præponere: Leff. l. 2. c. 11. d. 8. n. 54. Bonac. de Rest. D. 2. q. 4. p. 10. n. 49. falso regulariter.

236. Addo regulariter, quia, ut Natur. c. 18. n. 54. Molin. tr. 4. D. 37. n. 9. & alij notant, lecreta Reipublicæ vel exercitū etiam ob evitanda quævis tormenta & ipsum etiam mortis periculum non possunt manifestari: quia falsus Reipublicæ tanquam majus bonum præpondendum est propriae vitæ. Laym. n. 3. Imo etiam, si privato alicui promisisti, te cum propria tua vita periculo secerum servaturum, ad id teneris, si verum est, quod Molin. cit. D. 37. n. 10. & alij probabilitè tradunt, posse aliquem ex motivo Charitatis aut Justitiae tuam vitam pro alterius vita servanda ponere: Si enim id charitatis legi & ordini repugnet, ut multi docent, difficile erit dicere, promissiōnem secreti cum propria vita periculo servandi honestam esse, & obligare. Quid si autem vix vel fraude consecutus es lecreti notitiam, tenerisne id servare, si ob id incursum sis periculum sustinendi gravia tormenta, vel ipsam etiam mortem? Leff. n. 55. negat, te teneri. At verò Laym. n. 5. & alii apud ipsum probabilius affirman: quia quicunque injuriam intulit, tenerur eam tollere, & non continuare: alioqui sicut inferendo injuriam peccavit, ita etiam peccabit eam continuando & propagando; ergo etiam in proposito, qui per injuriam v. g. literas alienas clausas fraudulenter aperiendo venit in secretinotiam, tenetur illud servare, et si ob id in æquale cum altero discriumen sic incursum: quia in pari causa melior est conditio iustæ laeti, quam laudentis: ne videlicet ex propria malitia commodum ferat.

237. Susurrando amicitiam inter plures dissolvi semel. vel: susurrando gravem, (vellevem.) amicorum dissensionem extorti semel: vel breviter: susurravimus. ter, semel: leviter bis. Est autem susurratio nihil aliud, quam manifestatio defectus alieni nata ad dissolvendam amicitiam; & discordiam, id est aversionem animorum & displicantiam inter amicos seminarandam. Bonac. de Restit. D. 2. q. 6. p. 1. n. 1. Reginald. l. 24. n. 121. & alii. Difficiliter detractione & contumelia: quia illa famam, ista honorem laedit; at susuratio tendit ad dissolvendam amicitiam. Nihilominus tamen in susurratione sapientia includitur detracatio & contumelia; quia ad dissolvendam amicitiam aliquando refertur crimen alterius vel falsum, vel etiam verum, sed occultum &c. Et est circumstantia detractionis aut contumelie superaddita specialiter aperienda, Bonac. n. 2. & alii. Est autem susuratio ex suo genere peccatum mortale. Bonac. pun. 2. n. 1. Potest fieri veniale vel ex defectu plena advertentia, vel ex levitate materie, quando videlicet id, quod refertur, est modicum, nec sufficiens de se ad amicitiam inter aliquos dissolvendam; aut refertur per modum joci, non autem leiri. Reginald. n. 172. Imo potest aliquando susuratio ab omni prorsus culpa immunis esse, ut si quis manifeste alterius defectum ad dissolvendam amicitiam perniciosem, & periculosam; modo nullum intercedat mendacium, nec revelatio peccati occulti. Bonac. n. 4. Reginald. l. c. Et ideo ad dissolvendam concubinorum amicitiam potes, secluso tam mendacio & detractione, concubinario dicere, concubinam, quam retinet, esse deformem, publicam meretricem &c.

§. III.

§. III.

Peccata oris contra meipsum.

238. Infamavi meipsum semel. Intellege sine justa causa. Hoc spectat ad prodigalitatem: hæc enim ut in bonis fortuna locum habet, ita etiam in bonis famæ: nec est ex suo genere gravius quam veniale peccatum: et si enim homo sit Dominus famæ suæ, perinde ut opum suarum, non tamen potest eam sine causa dissipare, sive crimen verum propalando, sive falsum imponendo, Bonac. q. 4. p. 10. n. 1. Less. l. 2. c. II. d. 6. n. 30. Navar. c. 18. n. 27. & alii. Nihilominus tamen potest in tali propria famæ profusione etiam peccatum grave committi. I. Si quis ex ejusmodi infamazione reddatur effrænator ad peccandum, vel proximus inde sumat occasionem simile quid perperrandi. Sed hoc fortasse tardò fiet, præsertim cum humili peccati detestatione id manifestes. II. Si quis inde incidat in periculum vitæ, ut si dicat à se occisum Petrum, vel violasse torum cum ejusdem conjugé, perpetrâsse incestum: hæc enim non solum famæ, sed etiam vitæ profusio foret. Less. n. 31. Bonac. n. 5. & alii. Nihilominus tamen potest aliquis etiam non juridicè interrogatus crimen à se verè commissum fateri, ad tormenta tantum levia evitanda, et si mors inde sit secutura; quia talis homo est verè dignus morte ob hoc crimen, ut iuppono: ergo non male agit, si ob honestum finem ad eam concurrat fatendo crimen. Less. d. 7. n. 36. Bonac. n. 6. & alii. Imò ad effugienda tormenta atrocia & valde gravia potest etiam crimen, de quo falso fuit accusatus, sibi imponere, confitendo illud, sed ad cavendum men-

dacium & perjurium (quæ nunquam sunt licita) cum debita æquivocatione, quamvis ob id certò sit morte plectendus. Less. n. 41. Bonac. l. c. Tolet. l. 5. c. 66. & alii. quia cum tanto cruciatu non tenetur vitam suam custodire: certè ob eam servandam non tenetur pati abscissionem tibiæ, in qua longè minor cruciatu est, quam in tortura gravi. Nec tenetur retractare postea suam fallam confessionem delicti, si metuat, ut ad priora tormenta sit revocandus. Bonac. n. 7. Less. n. 48. & alii. Nec refert, quodjuramento illud confirmât: et si enim peccaverit graviter pejorando; quia culpa perjurii non potest absolveri eà criminis falso sibi impositi revocatione, sed per veram pœnitentiam coram DEO. Nisi fortè ejusmodi criminis impositio cedat in grave & publicum totius Reipublicæ aut exercitus damnum, aut persona publicæ, cuius vitam conservare plurimum refert: publico enim bono postponendum est privatum; & ideo si necesse sit, pro eo conservando etiam vitam oportet ponere, & gravissima quæque sustinere. Tolet. Bonac. ll. cc. III. Non licet se ipsum infamare, si bona fama necessaria sit muneri seu officio, quod quis gerit; ut si sit Episcopus, Parochus, Prælatus &c. Less. d. 6. n. 31. & alii. Nec IV. si infamia illa redundatura sit in grave damnum familie, Ordinis Religiosi, vel Monasterii: familiæ enim valde probrosum est, esse in ea latronem, proditorem &c. Ordini Religioso, aut Monasterio, esse in eo Religiosum impuræ & prostitutæ vitæ, aleatorem, histrionem, ebriosum &c. Less. n. 33. Bonac. n. 4. Dixi antem suprà: sine justa causa; quia ex tali causa se ipsum infamare licitum est, & à sanctis viris, ut

S. Augustino in libro Confessionum, & S. Anselmo & aliis factum: & praxis ordinum Religiosorum habet, ut Regulares vel in refectioniis, velloco, ut vocant, Capitulorum sua delicta publicè fateantur. Bonac. n. 2. & alii.

239. *Vanc me jactavi semel;* Jactantia est manifestatio propria excellentiae verbis inordinatè facta supra id, quod ea (nimis excellentia) est in se, vel aliorum existimatione: quod ultimum additur, quia jactantia peccatum committit, qui seipsum laudat inordinatè, non tantum cum non est excellens in se, sed etiam qui licet excellens in se sit, tamen talis non estimatur ab aliis. Tolet. de 7. peccatis. Reginald. l. 17. n. 214. Ejusmodi Thrasones sunt, qui suam nobilitatem, robur, ingenium, doctrinam &c. deprædicant, & extollunt: item, qui laudem querunt ex narratione quorundam factorum à se vel suis: v. g. quid pater, avus, & alii majores sui fecerint: quid ipse fecerit in patria, in Italia, Gallia, aliis provinciis, quas peragravit: quomodo saltaverit, equitaverit; quid in vacationibus domi gloriosum egerit: quam præclarè dixerit ad populum: quanto plausu disputationem publicam solennem absolverit: quā dexteritate & ingenio polleat in agendis & decidendis causis, in decidendis gravissimis questionibus &c. Differt jactantia à superbia, & vano gloria; quod superbia sit appetitus excellentiae: vano gloria appetitus manifestationis: jactantia sit ipsa manifestatio, quam quisque de se facit. Estque ex suo genere peccatum tantum veniale. Tolet. l. c. Less. l. 2. c. 47. d. 6. n. 42. Potest fieri peccatum mortale I. si quis se jactet cum injuria DEI, sibi tribuendo;

quod DEI est; sicut Rex Tyri, qui Ezech. 28. dicebat, DEUS ego sum. II. Cum injuria proximi, sicut Phariseus, Lvc. 18. qui se jactando continebat alios: Non sum, inquiens, sicut cereti hominum, raptiores, adulteri, velut hic publicanus. III. Cum notabili damno proximi & intentione ei nocendi, ac emungendi pecunias injustè; ut si quis se prædicet insignem Medicum, Advocatum, cùm non sit. IV. Cum intentione finis graviter mali; ut si adolescens jactet suum stemma, suas divitias &c. ad puerilam turpiter decipiendam. V. si fiat de peccato mortali; ubi oportet distinguere, & videre, an sit de peccato verè commisso, vel cum desiderio, illud denuo patrandi; an denique præcisè narretur, ut appareat ejus ingenium, dexteritas, experientia, virilitas, ac robur in scelere perpetrando. Si ultimo modo fiat jactantia, jactantia non est peccatum mortale. Less. l. 1. c. 47. d. 6. n. 42. & l. 4. c. 3. d. 8. n. 63. Ceterum de quoque peccato fiat, nulla specie differt ab altera; ac proinde species peccati, de quo quis gloriatur, non est specialiter explicanda ratione meræ jactantiae: hujus malitia in eo quod ad hoc consistit, quod offensa DEI afflatur ut medium ad caprandam gloriam apud homines: id quod æque in quolibet, ac in uno peccato reperitur. Palaustr. D. 2. p. 11. n. 6. quem refert, & sequitur Tambur. l. 2. c. 7. §. 3. n. 11. Et ideo in hoc casu satis est dicere: *Jactavi me de peccato mortali semel.* Quodsi vero jactantia admisceatur, vel desiderium peccati denuo committendi, vel gaudium de eodem commisso, tunc, si mortale sit, explicanda erit illius species in hunc modum:

dum: *Factavi me de furto gravi, fornicatione, blasphemia &c. cum desiderio id, v.g. furtum committendi, semel: vel: cum gaudio de eo commisso, bis.* Nec refert, sit ne peccatum, quod est objectum *factantiae*, vere commissum, nec ne: hoc enim ad variandam *factantiae* naturam seu speciem novam adferendam nihil proflus conductit. Tamb. n.13. Saneh. l.1. Mor. c.3. n.5.

240. *Contra bonos mores & modestiam crassa quadam & inhonestaverba protuli sexies, qualia sunt, si quis dicat: confundabo tibios: lingue clunem &c. quod spectant etiam alia, quae minus honeste, nec sine aurium offensione proferuntur circa naturalia & necessitatem naturae, qualia sunt propria Aurigarum, nautarum, & similiom ex ultima hominum fæce, qui soribus & nugis delestantur.* Sed speciatim exprimere non expedit; solent quoque talia verba *scurrilia* appellari, & ideo potest aliquis confiteri hoc modo: *Scurrilia verba locutus sum sexies.*

241. *Verba obscena ex levitate, non ex animo libidinoso protuli quater.* De rebus turpibus, castitati oppositis, possumus perinde, ut supra de cogitationibus diximus, innoxie & citra omnem culpam loqui, ob bonum videlicet finem v.g. studii causâ; quo paœlo Concionatores, Professores, Medici, chirurgi & similes nihil peccant, et si de rebus turpissimis loquantur, si id faciant animo parandi concionem, aut lectio, medendi &c. At si talis finis absit, culpâ non vacat, qui de obscenis rebus colloquia miscet. Est enim turpiloquium propriè loquendo id, quod instituitur animo libidinoso, hoc est tali, qui ad res ipsas narratas affectus sit, vel in

ipsam veneream delectationem seu comotionem spirituum generationi servientium tendat, aut cum periculo consensûs in ejusmodi delectationem conjunctus sit, ut sane plerumque est. Est autem ejusmodi turpiloquium extra omnem dubitationem peccatum mortale, sicut ipsa delectatio venerea, cuius causâ instituitur. Less. l.4. c.3. d.8. n.63. Filliuc. tr. 30. n.28. Bonac. de Matrim. q.4. p.9. n.18. Tambur. in Decal. l.7. c.8. §.4. n.1. & alii communiter. Nihilominus possunt sermones turpes à peccato mortali excusari, I. si secluso animo libidinoso, (hic etiam in sequentibus ubique semper abesse debet,) instituantur ob volupratem, quæ præcisè capitul ex ipsa narratione aut lepore narrationis. Less. Tamb. Bonac. l.1. c.1. Fill. n.209. alii. II. si sint amatorii tantum inter personas solutas ob vanum amorem conciliandum. Sanch. l.9. de Matrim. D.46. n.37. III. si ob vanum solatum ex suavitate poëeos aut artificii capi solitum fiant. Sanch. n.35. IV. si ad fallendum tempus fiant, aut se à laboribus relevandum: ut solent ab opificibus præcipue junioribus, ancillis ad colum fieri &c. Tamb. l.1. c. V. si fiant joco; quomodo excusari possunt juvenes, præsertim rusticani. Less. l.4. c.4. d.13. n.97. Sed castus animus ab hujusmodi narrationibus & jocis abstinebit; & potius alia queret, quæ tempus fallere, animam oblectare &c. possint. VI. si verba in speciem honesta proferantur, et si sub illis res lascivæ intelligentur: haec enim ad delectationem veneream minus disponunt. VII. Si instituantur inter conjugatos. Fill. n. 208. Tamb. l.7. in Decal. c.3. §.6. n.54. & alii: modò absit scandalum: quod Sanch. n.

36. mo-

36. monet etiam in ceteris cavendum esse; & tantò magis, quanto debiliores spiritu sunt audientes, & verba ipsa obsceniora: hæc enim ex sua ratione venerem valde fovent, & ad eam excitant: quod S. Athanasius in verba S. Pauli ad Ephes. 5. aut *fultilogium*, egregie notavit, præbent, inquiens, verba ad res ipsas ingressum.

242. Jam verò si verba verè sint obscena, ut descripsimus, attendendum omnino est, quis ille animus fuerit? simplex complacentia? an verò desiderium efficax peccandi? & si hoc, circa quas personas? solutas an conjugatas &c. an ut alios ad turpia desideria circa tales & tales personas; an solū ut ad delectationem morosam excitares? item ea coram uno tantum, vel coram pluribus? præterea an illi alii, in quibus turpe desiderium excitare voluisti, fuerint personæ solutæ, velligatae matrimonio, voto castitatis &c. Hæc enim omnes circumstantiae specialiter sunt in Confessione exponendæ. Huc spequant etiam Cantilenæ turpes: de quibus eodem prorsus modo, quo de verbis, discurrendum est; & dicendum est, peccata esse mortalia, si fiant animo libidinoso: venialia, si alio, ut de verbis dictum. Sed enim illud hic breviter addendum est, signum non leve esse, sub prætextu artificiæ elegantis & suavis locutionis, delectatione ipsarum rerum seu objectorum turpium ferri illum, qui de occultis partibus corporis, vestibus, ægrotationibus ad eas partes pertinentibus libentiùs & frequentiùs, quam de aliis rebus loquitur: aut qui metaphoris rerum turpium gaudet, & qui facilè multa ad sensus turpes detorquer. Etsi enim hæc saepe excusentur, vel ob inadvertentiam, vel quia

objectum, de quo agitur, non est adeo obscenum; saepe tamen, quia deliberatè procedunt ex affectu ad res ipsas turpes, à mortalibus non excusatuntur. Tamb. n. 2. & L. 10. c. 1. n. 11. & 13. qui priori loco refert Salas idem docentem apud Palauum tr. 2. D. 2. p. 10. §. 1. n. 5.

ARTICULUS III.

Peccata operis.

Hoc nomine veniunt illa peccata, quæ externo aliquo actu seu facto (prout quidem istud à verbis distinguitur) consummantur: suntque etiam ipsa contra DEUM, vel proximum, vel contra ipsum delinquentem.

§. I.

Peccata operis contra DEUM.

243. Missam die festo sine legitimâ excusatione omissemel. vel: notabilem Missam partem bis: vel: partem Missæ levem ter. Nomine autem Missæ non intelligitur ea, quæ sicca dicitur, sed vera, quæ plus importat, quam sacrificium. Istud enim consistit vel in sola consecratione utriusque speciei, vel simul etiam in ipsa specierum consecratarum sumptuone; Missa verb huic immolationi superaddir plures alias ceremonias, orationes, & actiones, quæ in decursu Missæ à Sacerdote fiunt, vel dicuntur. Fagund. L. 3. c. 6. n. 2. Dicast. T. 1. in 3. p. tr. 5. D. 5. d. 1. n. 18. utrumque requiritur ad Missam, quam diebus festis Ecclesia jubet audiendam, ita ut nec ceremonia solæ sine consecratione, nec consecratio sola sine predictis ceremoniis rationem veræ Missæ contineat. Et hic est communis omnium fidelium sensus.

Uide

Unde officium feriae sextae majoris seu sancte hebdomadæ propriæ non est Missa, ob defectum consecrationis, nec est ulla obligatio ei assistendi, licet ea feria occurrat festum v. g. Annuntiationis B. Virginis, Gavant. in *Comment. ad rubric. miss. p. 3. tit. 26. n. 24.*

244. Obligatio audiendi Missam strinquit quolibet die Dominicæ & festo Ecclesiæ, et si dies festus ex legitima consuetudine solum usque ad metidiem sit observandus. Dicast. d. 4. n. 50. Henr. l. 9. c. 25. n. 2. Suar. D. 88. S. 5. & alii multi. Estque ex suo genere gravis sub peccato mortali. Lugo de *Euchar.* D. 22. f. 1. n. 2. & alii. Tenetque omnes fideles baptizatos cuiuscunque conditionis, statu & ordinis, iationis capaces, & legitimè non impeditos, ipsos etiam Sacerdotes, si quidem ipso non celebrent. Fagund. c. 2. n. 2. Bonac. de *sacram.* D. 4. q. ult. p. 11. n. 7. Paulus rr. 22. p. 16. n. 11. & alii communiter. Nec ab hac lege eximiuntur pueri jam doli capaces, si septennio sunt maiores. Et si enim Sotus, & quidam alii existimant, fideles præceptis Ecclesiæ non obligari prius, quam annos pubertatis saltē atrigerint: hitamen non sunt audiendi: sed potius illi, qui communiter censem, septimo aetatibus anno exploto (hoc enim tempore communiter censetur in pueris usus rationis adesse, qui sufficiat ad peccatum mortale) pueros obligari, nisi expressè excipiatur (ut excipiuntur in præcepto jejunandi, seu abstinendi à duplice refectione, cum dies est jejunii) ad servanda præcepta Ecclesiæ, adeoque ad audiendam diebus præscriptis Missam. Unde consulendum parentibus, ut quamprimum aliquis in eorum liberis appareat usus rationis, assuefa-

R. P. Stoß Trib. Panit.

cient eos sacra frequentare, et si nondum obligentur: hoc enim Christianam pietatem decet: nisi fortassis tam parvi sint, ut neque res divinas ullo modo apprehendere, neque in templo quieti decenterque contineri possint, tunc enim præstat, eos domi manere, ne videlicet alios graviter turbent; & illos ipsos, qui eos adduxerunt, ab oratione, & pietate impedian.

245. Est autem hæc ipsa obligatio alligata diei, atque adeo cum ipso exspirat. Unde qui die festivo sacram non audiuit, non tenetur postero die eum defectum supplere. Dicast. de *sacrif. Miss.* D. 5. d. 4. n. 55. Sed nec uno die plures, quam una Missa est ex præcepto audienda, etiam in die Natalis Domini. Fagund. l. 2. de 1. præcept. Eccles. c. 3. n. 1. Reginald. l. 19. n. 20. Bonac. n. 9. & alii: nullum enim de hoc extat præceptum: & consuetudo, si qua forsan apud plures invaluit, non obligat; præterquam quod nec Sacerdotes, cessante scandalio, teneantur saepius eo die ex præcepto celebrare; & licet tenerentur, non potest à celebratione missæ argumentum desumti ad ejusdem auditionem: ad multa enim obligantur Sacerdotes, ad quæ reliqui non sunt obligati.

246. Jam vero Missa audienda est tota & integra. Lugo n. 3. Tamb. n. 3. & alii omnes. Sumitur ex *Cap. omnes fideles.* & *Cap. Missas. de consecr. dist. 1.* Excusaberis tamen à peccato mortali, si partem tantum leveni omitras. Quænam autem sit, aut censeatur esse levis, postea dicetur. Interim illud moneo, quod qui majorem Missæ partem non potest audire, ad minorēm audiendam non sit obligatus. Quænam autem sit major pars, non satis convenit inter Doctores. Lugo n. 4. vi-

A 2

detur

detur eam habere pro majori parte, quæ adhuc includit consecrationem: unde qui Ecclesiam ingreditur, cùm Sacerdos nondum consecravit, tenetur reliquum, quod superest, audire: quia tunc pars principalis, & quæ potissimum intenditur, audiri potest: & hinc qui primum post consecrationem venit, non tenetur superstiti parti assistere, quia tunc deest pars principalis. Quod exemplo feriæ sextæ in sancta hebdomade confirmare possumus, in qua omnes dicunt, non esse, et si dies festus occurrit, obligationem assistendi rei divinæ tunc peragi solitæ, quia etiæ ad sit communio, & alia quædam, deest tamen Consecratio. Posset autem is, qui post consecrationem accedit, accommodare se sententiae afferenti, sacrificium etiam in sumptu Eucharistiae consistere, atque adeo judicare, se præcepto satisfacere; quia tunc sacrificium non omittit. Quod si autem nec consecrationi, nec sumptioni intersit, nullo modo satisfacere tenet Lugo. Tamb. II. cc. quia tunc in omnium sententia omittit totam substantiam sacrificii. Verum Arriaga. T. 7. D. 57. f. 1. n. 10. videtur sentire, eam partem, quæ illam, quam paulò post modicam dicemus, excedit, pro majori habendam esse, sive deinde includat consecrationem, sive non: tametsi enim inter partes, quæ sacrificium Missæ constituant, consecratio sit maximæ estimabilitatis, atque adeò ceteris sit longè major dignitate; nondum tamen dici potest major esse quantitate, cùm tempus, quod ipsi responderet, sit respectu illius, quod reliquis Missæ partibus responderet, valde modicum: à quantitate enim temporis in hoc puncto præcipue defundendum videtur, quid modicum sit, quid

magnum. Etideo, licet is, qui consecrationi adesse non potest, non possit dici intereste sacrificio, adhuc tamen tenetur assistere reliquis partibus: quia Ecclesia videtur præcipere intereste non solum sacrificio in eo rigore, sed toti sacro, prout omnes alias ceremonias & orationes includit. Unde qui consecrationi non interest, non peccabit mortaliter, modoreliquo sacro, vel majori illius parti intersit; quod inde confirmari potest; quia si sacerdos ex malitia consecret solum panem & vinum, is, qui huic consecrationi interest, in nulla sententia audit sacram, & consequenter nec satisfacit præcepto audiendi Missam; quia Ecclesia non præcipit solum, ut consecrationi, sed insuper ut etiam certis cœmoniis, quæ tamen in eo casu defunt, assistamus. Et hinc licet respectu Missæ, prout est præcisè sacrificium, non sunt quid substantiale, aut notabile, sunt tamen respectu præcepti Ecclesia materia gravis. Neque hinc sequitur, feriæ sextæ majoris hebdomadæ sub gravi obligatione audiendas esse eas ceremonias, si forte in eam feriæ incidat dies festus; quia Ecclesia non præcipit eas ceremonias solitariè sumptas, sed ut sunt partes Missam verè ac realiter componentes: cā autem feriæ non fit Missa, sed communio privata, cui nemo tenerur adesse. Ita Arriaga; cui assentior: quām antem rectè, aliis decidendum relinquo.

247. Colligo, eum, qui unam Missæ partem v.g. ab Introitu usque ad Præfationem inclusivè ab uno; postea alteram, nempe à Præfatione usque ad finem ab altero Sacerdote audit, non satisfacere præcepto Ecclesiæ. Coninch. de Sacram. q. 83. a. 6. dub. un. n. 288. Tamb. I.

4. in Decal. c. 2. §. 1. n. 10. Fagund. 1. Eccl. præc. l. 2. c. 6. n. 12. Lugo de Euch. D. 22. f. 1. n. 8. & alii. quia illæ partes nullam inter se connexionem habent; nec una cum altera tanquam ad unum sacrificium constitendum coalescit, sed quælibet ad suum sacrificium complendum ordinatur ergo præcepto Ecclesiæ non satisfacit; hac enim præcipit unius sacrif. auditionem, non duas duorum mediates: alioqui enim posset eas etiam simul audire; quod licet Bonac. D. 4. de sa-
cer. Miss. q. ult. p. 11. n. 13. Dian. 2. p. tr. 14. R. 18. & p. 4. tr. 4. R. 107. in fine. & p. 5. tr. 14. R. 52. §. Notatamen, & p. 8. tr. 3. R. 89. & alii, ut probabile admittant; Arriaga tamen f. 3. n. 17. Reginald. l. 19. n. 26. Coninch. n. 288. & alii merito rejiciunt tanquam absurdum. Èdem enim ratione possent à tribus, quatuor, aut pluriibus sacerdotibus simul celebrantibus variæ partes Missæ audiiri & satisfieri: quod sanè videtur proslus contrarium esse fidelium sensui, consuetudini ac pie-
tati, fatis declaranti, aliam esse mentem Ecclesiæ, præcipientis auditionem Missæ. Jamque est Propositio hæc 53. inter prohibitas à S. D. N. Innoc. XI 2. Martij 1679.

247. Sed jam quæ pars Missæ sit parva, ut qui eam omittit, non censeatur peccare mortaliter, variant auctores. I. aliqui putant, partem levem esse, quæ est à principio Missæ usque ad Epistolam exclusivè. Suar. de Euchar. D. 88. f. 2. Bonac. n. 16. & plures. II. alii illam, quæ etiam Epistolam cum Tractu includit. Reginald. n. 24. Coninch. n. 285. Fag. n. 3. & alii. III. Nonnulli adhuc sunt liberaiores; nam intra terminos parvæ ma-

teriæ censem comprehendendi etiam Evan- gelium. Hurrad. de Sacrif. Miss. D. 5. diff. 1. Henr. l. 9. c. 25. n. 7. Dian. p. 5. tr. 4. R. 38. in fine. & tr. 5. & 44. quod probabile judicant, Bonac. n. 17. Lugo n. 3. Imò IV. Amalarius, quem refert Laym. l. 4. tr. 7. c. 3. n. 3. putat, totum id, quod est ab initio Missæ usque ad Of- fertorium esse modicum: quod licet Laym. ipse non probet, non audet tam- men damnare peccatum mortalis. Qui ergo ultra eam partem quam levem judica- verit, aliquid omiserit, omittit partem notabilem, & peccat mortaliter, & præ- ceptio de audienda Missa non satisfacit. Poteſt autem quantitas notabilis coalesce- re ex pluribus partibus, quæ per inter- valla omituntur. Reginald. n. 25. Navar. in Man. c. 21. n. 2. & in cap. Quan- do. de Consecr. diff. 1. Not. 10. n. 19.

248. Neque refert, quo loco audia- tur Missa. Poteſt ergo in quaunque Ec- clesia velloco extra propriam parochiam audiiri. Lugo n. 1. Arriag. n. 8. Dicast. n. 57. Navar. c. 21. Man. n. 5. & alii com- muniter. quia nulla de hoc extat lex, vel si aliquando fuit forte obligatio, audiendi sacrum in propria parochia illi tamen postea derogatum est, vel varijs Religio- forum privilegijs, vel contraria consue- tudine. Concilium Trident. quod ſeff. 24. c. 4. de reform. ait, unumquemque teneri suæ parochia interest, loquitur non de Missa, sed Concione, & quidem non aliter, niſi quantum commode fieri poteſt: Sed hoc præceptum, quia com- mode servari non poteſt, saltem com- muniter, ideò receptum non est, ut a- universali confuetudo Ecclesiæ ostendit. Si qui alii textus objic-antur, iij vel intel- ligendi

ligendi sunt de contemptu , aut periculo ignorandi necessaria , veluti Cap. ut Dominicis de Parochiis , vel indeterminatè de audienda missa in parochia aut alio loco , ut cap. 35. si quis de Consecr. deft. 1. Unde Marchant. in suo candel. mystico tr. 4. c. 7. & in Resol. moral. c. 8. frusta , quia sine fundamento , voluit h̄ic scrupulum movere , & non sine iracundia contra Regulares contendere , fideles in eorum Ecclesiis Missam audientes non satisfacere præcepto. Sed & in privatis oratoriis , qualia sunt in arcibus & ædibus nobilium , audiri potest Missa. Bonac. p. 12. n. 4. Palauz tr. 22. p. 16. n. 3. Et alii quia spe-
cato jure communī nullus locus est de-
terminatus ad audiendam Missam : nisi
fortassis ii. qui jus commune arctare pos-
sunt ad certos terminos (quales non sunt
Ordinarii inferiores Juris communis Con-
ditore Navar. l. c.) restringant ad cer-
tas personas ; quia tunc aliae personæ , et
si ejusmodi lacris intersint , non tamen
intersunt cum effectu ad satisfaciendum
præcepto.

249. Ceterum ut censeatur aliquis audi-
re sacram , debet eidem esse præsens :
hæc autem præsentia debet I. esse corpo-
ralis ; non enim satis est , si quis cùm do-
mi procul à Sacerdote existat , eidem se
sola mente præsentem constituat. II.
Eadem tamen præsentia physica non de-
bet esse tanta , ut inter te & sacrifican-
tem vel omnino nullum , vel non nisi
valde modicum spatum intercedat : suf-
ficit , si sit moralis ; qualis erit , si quis
eo loco assistat Missæ , ut vel ipse quid
agatur , percipiat , hoc est , si quis , ut
Sanct. l. 3. de Matrim. D. 39. n. 1. Et II.
notat (loquens quidem de sola assisten-

tia Parochi ad Matrimonium ; sed eadem
est ratio de assistentia fidelium ad Missam
ad id , quod fit , attendat , sensu aliquo ex-
tero vel audiendo vel videndo sacrifican-
tem , vel saltem ita aliis audientibus
vel videntibus se associando , ut ex signis
externis colligere possit , quid à celebra-
nte agatur , spectatâ loci naturâ , et si ipse
per accidens nihil audiat , videat , vel in-
telligat ; modò sit pars illius multitudinis ,
qua prælens dicitur , & est in conse-
cta altaris , per moralem conjunctionem
unita ; id quod in templo non adeo va-
sto semper contingit , etiam post colum-
nam Ecclesiæ , etiam post altare , in cho-
ro pro Religiosis vel Clericis ibi cantan-
tibus. Et potest hæc associatio cum mul-
titudine hominum audientium sacram
etiam in templo valde vasto , quale est
S. Petri Romæ , facere , ut qui poste-
rui sunt in ea multitudine , censeantur
moraliter præsentes esse Sacerdoti cele-
branti. Tamb. n. 12. Hinc autem obiter
patet , eum , qui è suis ædibus , totâ quidem
plateâ , non tamen nimis v.g. pedes
30. vel non multò plures latâ , a templo
dissitis , audiat sacram , præcepto satisfa-
cere ; adhuc enim moraliter censetur es-
se præsens : secus , si distantia fuerit ni-
mis magna. Lugo f. 2. n. 21. Tamb.
n. 14. Dicast. de sacrif. Missa D. 5. d. 4.
n. 59.

250. III. Eadem præsentia debet es-
se humana , id est voluntaria & libera ,
hinc ebrius & dormiens , et si facio sit
physicè præsens , non tamen satisfacit
præcepto. Imò neque si vigilans cepit
interesse , & deinde obdormit ; quia illi
non exercent actionem humanam : iste
verò interrupit. Lugo n. 19. Tamb.
n. ubi

ii. ubi refert etiam Sanch. Tr. consil. lib. 7. c. 2. dub. 33. qui tamen ex metu, quantumvis gravi, audit sacrum, adhuc satisfacit. Sanch. l. 1. Mor. c. 13. n. 4. Palaus tr. 3. D. 1. deleg. p. 17. n. 5. Bonac. deleg. D. 1. q. 1. p. 10. n. 5. & alii. Et ideo famuli, pueri, scholares, &c si qui sunt alii, & qui Missam audiunt ex metu poena à suis Dominis, Parentibus, Magistris &c. alijs infligenda, explent præceptum.

251. IV. Eadem praesentia debet esse religiosa & devota, juxta cap. Dolentes, de celebr. Miss. qualis erit, si fiat cum debita intentione & attentione. Ad intentio nem quod attinet, debet illa esse talis, quā velit audire sacrum: & sufficit, si sit implicita; qualēm haber, qui vult per hunc actum suo officio satisfacere, aut facere, quod alii similem actum exercentes faciunt; sine hac enim voluntate non exercetur actus religiosus: cūm nemo censeatur alterum colere per actum, nisi hunc ipsum ex eo motivo eliciat. Unde, qui manet in templo animo expectandi amicum, declinandi pluvias, aut etiam pia meditandi, non audiendi sacrum; non satisfacit præcepto Missæ, et si interim, dum adeat, legatur. Lugo. n. 23. Tamb. n. 17. satisfacit tamen, qui animo viden di fæminam, aut vanam gloriam aucupandi, accedit ad templum cum intentione simul audiendi sacrum: quia haec duas intentiones se non impediunt. Tamb. Lugo. II. cc. Palaus. p. 18. n. 3. & tr. 22. p. 16. n. 2. Sanch. c. 14. n. 1. Non est tamen necesse, ut habeat intentionem satisfaciendi præcepto, hanc enim legislatores non exigunt, contenti solius operis, quod præcipitur, positio-

ne. Et ideo si immemor, aut etiam omnino ignarus diei festi audiat sacrum, satisfacit præcepto, quia verè exequitur rem præceptam. Lugo. n. 24. Tamb. n. 18. Palaus de leg. D. 1. p. 17. n. 8. Sanch. c. 13. n. 9. Arriag. T. 7. D. 57. f. 7. n. 42. Bonac. de sacrif. Miss. D. 4. q. ult. p. 11. n. 22. Dicast. dub. 5. n. 66. Imò si audiat sacrum cum expressa voluntate præceptum per illud sacrum non impleendi, sed per aliud postea audiendum, adhuc satisfacit præcepto, licet mutata voluntate postea aliud non audiat. Palaus n. 12. Bonac. p. 16. n. 23. Dicast. Tamb. Lugo. II. cc. quia nemo violat præceptum omittendo id, quod non est præceptum; voluntas autem implendi præceptum, non est præcepta. Est tamen ea voluntas utique deponenda: alioqui licet non in effectu, tamen in affectu committetur peccatum.

252. Ceterū Attentio, si de jure naturali & divino sermo sit, debet esse interna, quæ nempe omnes internas voluntarias distractiones ad aliena excludit: non enim non potest non esse irreverentia reus, qui Divina ita distractus peragit. At si de præcepto Ecclesiastico sermo sit, valde probabile est, eum, qui facio assit, & interea mente per omnia aliena objecta vagatur, Ecclesiæ auditio nem sacri præcipienti non satisfacere; probabilius tamen est, in fragilitati accommodatus, ac ipius Ecclesiæ benignitati consonantius, satisfacere, ut Tamb. n. 19. & Dicast. d. 8. n. 100. & apud hunc plurimi alij docent: modò, quod Ecclesia omnino vult ac præcipit, externæ distractiones caveantur, hoc est, actiones, quæ ex se natæ sunt internam

A a 3

atten-

attentionem penitus impedire. Tamb. n. 20. Arriag. n. 38. Vide, quæ n. 106. diximus. Ex dictis autem haec tenus

253. Patet I. sub sacro, etiam ex obligatione audiendo, posse pensum horarum Canonitarum, & alias preces qualcunque, etiam obligatorias v. g. ex votio, pœnitentia Sacramentali &c. persolvi; non enim recitatio impedit externam præsentiam religiosam: imò nec internam. Tamb. n. 16. Palaus tr. 72. p. 16. n. 4. Suar. de Sacram. D. 88. f. 6. versu: septimum caput. & alii communiter.

254. Patet II. Eum, qui tempore sacri ex præcepto audiendi confitetur, non satisfacere suæ obligationi. Lugo. f. 2. n. 22. Arriag. f. 6. n. 36. Tamb. n. 15. & alii communiter: et si enim ea actio religiosa sit, & ad cultum DEI ordinata, impedit tamen attentionem internam. Alioqui possemus etiam eodem Missæ tempore nostra peccata intra vel extra Confessionale recentere Patri spirituali, non animo absolutionem ab ijs obtainendi, sed præcisè consiliu vel auxiliu accipiendi; consulere Theologum circa casus conscientiæ; servire ægrotis &c. sunt enim hæ actiones etiam piaæ. Suppono autem posse vel Confessionem differri, vel certè postea aliud sacram audiui: si enim etiam Confessio differri nequeat, tunc potest, prætermisso sacro, peragi, quia lex de Confessione facienda videtur esse majoris momenti, quam lex de audiendo sacro. Possunt tamen tales sepe excusari à gravi peccato propter materia parvitudinem: sæpe enim brevi tempore expediuntur Confessiones. Neque etiam à sacro interea audiendo impeditur quisquam, dum ad Confessionale stat, & expectat. Hinc autem à fortiori.

255. Patet III. Multò minùs cunctis facere præcepto Missæ, qui exercet tunc quandam actionem externam non piam, si quidem de se nata sit interna attentionem penitus tollere, quales sunt confabulari, nugari, ludere, legere nova, pingere, oculis hinc inde vagari, & alios templum seu ingredientes, seu egredientes arbitrari &c. Nec ab hac lege exemptos se esse existimant Princes, Magnates & similes; tenentur enim si, perinde ut plebei, servare leges non tantum naturales & divinas, sed eriam humanas: vel, si putent, habere se aliquod exemptionis privilegium, ostendant illud. A mortali autem peccato excusari possunt omnes, qui solum per modicum tempus confabulantur &c. Bonac. n. 24, multò magis ii, qui dum serviunt missæ, recedunt ab altari, ut deferant vinum, hostiam, thus, aut aliquid aliud ad cultum sacrificii spectans: imò hi omnino non peccant; censentur enim, dum haec faciunt, non abesse. Palaus n. 7. Lugo. f. 1. n. 6. Bonac. n. 18. & alii.

256. Patet IV. Etiam cæcum, & surdum posse arque adeo etiam debere interesse sacro: quia uterque moralem & humanam præsentiam exhibere potest. Palaus n. 4. Bonac. n. 19. & 20. At si idem simul cæcus sit & surdus? Fagund. l. 2. c. 7. n. 3. tales obligat. Sed Palaus l. c. eum absolvit: eò quod non apparet, quo pacto humanam præsentiam exercere possit.

257. Patet V. auditionem Missæ non consistere in eo, quod quis verba Missæ intelligat; hoc enim rustici aliquique rudes nesciunt; nec in eo, quod quis videat celebrantem; hoc enim cæci nesciunt;

queunt; sed in eo, quod quis per præsen-
tiam corporalem & religiosam celebranti
assistat animo audiendi Missam. Quæ
omnia ex dictis intelliguntur.

258. Verum suntne die festo præter
Missam quadam aliae actiones piaæ ex
præcepto exercendæ? Non sunt. Unde I.
non est concio audienda; nullum enim de
hac exstat præceptum. Palaus tr.9.p.4 n.5.
Fill. tr.27. c.8. n.132. Suar. T.I. de Re-
lig. l.2. de festis. c.16. n.6. Neque II.
aliae preces recitandæ, præter eas, quæ in
Missa dicuntur, assistendo & attenden-
do ad illas. Constat ex usu fidelium: qui
tamen possunt, si velint, tempore Missæ
alias preces sive ex devotione, sive ex
obligatione dicere. Extra Missas ergo
fideles non tenentur aliis publicis Eccle-
siæ precibus seu horis Canoniciis, aut Ve-
spenis assistere: at si assistant, laudandi
sunt. Neque III. communio, etiam
Paschalis, die festo obeunda est: extra
tempus enim paschale sicut absolutè nulla
est obligatio Eucharistiam sumendi,
ita non est hoc potius, quam alio tempo-
re sumenda: tempore vero paschali etiæ
præcepta sit, perinde tamen est, quo
die sumatur, ut haber recepta fidelium
praxis & consuetudo, quæ proinde sus-
stulit, quod Canone 10. Apostolorum de
communione, inter Missarum solemnia
diebus festis peragendâ, constitutum est.
Neque IV. Actus amoris D.E.I super
omnia, aut contritionis eliciendus est.
Palaus n.8. & 9. Suar. n.12. & 14. nul-
lum enim fundamentum est hujus obli-
gationis. Neque V. oblationes sacræ
faciendæ sunt ex vi præcepti de festorum
observatione: Palaus n.7. Suar. n.11.

ita enim consuetudo præceptum illud ex-
plicavit.

259. Hactenus de obligatione audiendi
Missam. Videamus nunc, quænam
causæ sint justæ, quæ possint ab ea excusare.
Adferemus autem non omnes, sed
præcipuas & magis obvias, quæ possunt
generatim ferè ad tria capita revocari: ad
impotentiam, consuetudinem, & pere-
grinitatem. Impotentia autem alia est ab-
soluta, alia moralis: illa est, quæ sim-
pliciter per vires & statum præsentem lu-
perari non potest: ista est, quæ oritur
ex damno vel incommmodo, saltem medio-
criter notabili in bonis vitæ, fortunæ
aut famæ, vel aliquâ difficultate, seu la-
bore mediocri in audienda Missa: hæc
enim est mens Ecclesiæ præcipientis in-
star discriberet & benevolè Matris, atque
adeo nolentis, ut sua præcepta cum gravi,
sæpe etiam mediocri incommodo & diffi-
cultate obligent; nec est necesse, ut dam-
num illud seu incommodum sit proprium:
sufficit etiam alienum, seu proximit̄ imò
juxta Arriagam T.7. D.57. f.5. v.29. in
admittenda excusatione non oportet
multum esse scrupulosum. Certè à pec-
cato mortali contra præceptum de au-
dienda Missa excusari potest is, qui bonâ
fide putat, se habere justam causam, etiæ à
parte rei justa non sit. Hinc ergo in par-
ticulari.

260. Excusantur à præcepto audiendi
Missam I. incarcerati, agroti, lecto affi-
xi, mari navigantes, per vim, vel etiam
ob correctionem domi velut in carcere
detenti, justo superioris præcepto, vel
juramento ad dominum remandum obstri-
cti. Tamb. l.4. in Dec. c.2. §.2. n.3. &
4. Quod si

4. Quod si tamen hi privilegium habeant celebrandi domi vel in carcere &c. probabilius est, eos obligari ad audiendum sacrum, si vel ipsi sint Sacerdotes, vel facilè sine novo incommodo v.g. sine stipendio queant habere sacerdotem, qui faciat sacrum. Tambur. n. 4. Lugo n. 14. & alii, quia vi illius privilegii sublatum est impedimentum, & consequenter materia præcepti reddita servatu possibilis. Dixi autem: si facile &c. quia aliás manent excusati. Non enim Ecclesia, cùm obligat ad Sacrum, obligat simul ad media non consueta, nec ordinaria, quale est conducere Sacerdotem. Bonac. p. ult. n. 14. Suar. cit. D. 88. f. 6. Dicast. cit. D. 5. d. 10. n. 167. Nec refert, et si ipsum huic impedimento derint causam: modò positio hæc non sit nimis propinqua, nec ex animo non audiendi sacram proveniat: quia vi ipsius præcepti nemo tenerit in statu, quo obligatur lege, se conservare, sed quòd perseverans in eo statu impletat obligacionem; ut pluribus tradit, Dicast. D. 5. cit. d. 10. a. n. 144. Quanquam hi omitendo postea sacram non peccent, quia auditio ejusdem non est amplius in eorum libera potestate. II. Convalescentes ex morbo, quibus prodire foras certum est obesse; imò etiam si sit periculum vel dubium tantum, an is egressus sit nocitus; et si enim relapsus ipse in pristinum morbum sit incertus, periculum tamen illius aut dubium est certum, & ideo non tenerur; imò nec potest exire. Dicast. 174. ubi recte notat, quemlibet in tali dubio posse esse suum judicem & assertorem, si sit ipse satis pru-

dens. III. Qui custodiunt castra, urbem, gregem, merces, domum, infantes (vel puerum, qui in templo quietus, & sine aliorum perturbatione contineri, & interea nec solus domi relinqui potest) vel ægrotis assistunt pro solatio, vel necessario auxilio ferendo, aut coquere, vel alia similia, quæ omitti non possunt, curare debent. Bonac. n. 3. 5. 7. IV. Qui Missam audire nequeunt, nisi intermittent grave negotium, quod in aliud tempus differri non potest. Hinc excusantur cursores, nautæ, iter facientes & similes, qui si in Missa audienda morarentur, magnas expensas deberent face-re, aut negligere commodam occasionem itineris, v.g. secios, cùm ipsi viam ignorent, vel pericula metuant. Bonac. n. 6. aliás tenentur ad Missam ante iter, vel in itinere. Multò magis excusantur itinerantes, qui bonâ fide putant, seu aliqua Ecclesia, dum iter agunt, sacram, quod audiant, reperturos, & poste non reperiunt. V. Quibus grave periculum imminet magnarum rixarum, reprehensionum, offensionis &c. apud matutinum, parentes vel Dominos: Fill. tr. 5. n. 227. Bonac. n. 10. Suar. D. 88. de Euch. vers. quintum caput. Si tamen ferè semper fieret, aliud remedium querendum esset: imò si reprehensiones essent tantum duriusculæ, juxta eundem Bonac. & alios apud ipsum, non essent curandæ: essent tantum leve incommodeum. VI. Qui domo exire non possunt ob imminens periculum, ne ab hoste invadantur, vulnerentur, veletiam occidantur, aut à satellitibus comprehendantur, in carceres abducendi. Bonac. n. 9. VII.

VII. Qui non habent vestes statui convenientes: aut solito ac decenti comitatu carent. Bonac. n. 8. Hi tamen non excusantur, si nihilominus ad choreas, aut vana festa egrediantur. Et hinc excusantur etiam agricolæ, qui non habent ocreas aut calceos, si alii ejusdem conditionis homines Missam cum illis audire soleant.

VIII. Quæ ex occulta fornicatione gravidae sunt, & metuunt, ne, si domo exeant, delictum pro paletur. Idem est de conjugatis, quæ marito absente ex adulterio conceperunt, & timent, ne detegantur.

IX. Quæ alia notabile, extraordinarium nempe, lucrum amissuri essent, communè enim ordinarium non præbet sufficiētē causam omittendi sacram.

X. Qui longius distant ab Ecclesia, nec accedere possunt sine gravi molestia & difficultate: ubi spectanda est loci, temporis, personæ qualitas: fieri enim potest, ut qui cælo sereno non excusantur, et si iter paulò longius, v.g. unius milliaris confidendum sit, tempore nivis, aut magnæ pluviae excusentur. Bonac. n. 12. quæ autem distantia absolute sufficiat ad excusandum, non determinant auctores: aliqui verò, dum hoc facere conantur, scrupulos augent, non minuunt. Existimem, salvo meliori judicio, generatim sufficere unam dimidiā leucam etiam legalem Hispanicam, quæ apud Dicast. n. 181. continet tria millia passuum communium, cùm alia vocetur usualis, quæ continet ferè quinque millia passuum, & æquat bonum milliare Germanicum.

XI. Puella, quæ, si domo exeat, credit se ab adolescenti lascivo turpiter concupiscendam: sed censeo, idcirco non esse omittendum sacram; hoc enim damnum & scandalum per ac-

cidens sequitur, nec est curandum: potest ergo puella hæc sine scrupulo templum adire, ut sacrum audiatur, quia utitur suo jure, quo non est privanda ob alterius malitiam: alioqui fæminæ perpetuis prementur scrupulis, incertæ, ac dubiæ, an possint exire domo, audire sacrum &c. Bonac. n. 15. & de matrim. q. 4. p. 9. n. 17. Navar. c. 14. n. 3.

261. Alterum caput, quod n. 259. dixi, excusans ab obligatione audiendi sacram, est Consuetudo. Hæc enim ut legem inducere, ita & tollere vel moderari potest. Hoc titulo excusantur I. Videlicet, quæ mortuo marito per aliquot dies domi se continent. Idem est de filiabus, sororibus &c. II. Fæminæ, quæ post partum, habitamque salutem per aliquot dies, imò & septimanæ domo non egrediuntur. III. Virgines nubiles, si prius, quam nuptui tradantur, in publicum non prodeunt, Tamb. n. 9. Palaus n. 7. Bonac. cit. p. 9. n. 25. & 26. quod si tamen ea eodem tempore soleant exire ad ludos, choreas, & spectacula publica, Palaus l.c. Navar. c. 21. n. 9. non excusat: excusat verò Bonac. n. 26. si sierecepta consuetudo non excundi: sed hæc videtur potius corruptela & abusus; si enim ejusmodi puellæ citra noxam & periculum pudicitæ, aut ne desperditè concupiscantur, adire choreas, spectacula &c. iisque diu astere, imò & choreas ipsas ducere possunt, eur non & breve tempus sacro dare possint, nihil sibi aut suæ pudicitiae metuentes. Illud certius est, fæminas ex solo titulo, quo menstrua patiuntur, non excusari. Palaus l.c. Bonac. n. 27.

262. Tertium caput est peregrinitas. Hoc titulo ab audienda Missa excusantur

B b

pere-

peregrini & vagi , qui sicut festa particularia locorum, in quibus deprehenduntur, non tenentur servare , ut habet communis sententia ; ita etiam opera , quæ alioquin ab incolis præstanta sunt, non tenentur, secluso tamen scandalo, præstare, adeoque nec Missam audire. Quin quod amplius est , peregrini possunt ex loco suæ habitationis, ubi festum est, exire ad locum , ubi idem festum non celebratur, etiam facto domi suæ prius non audito ; modò ante tempus , quo obligatio viget, & in pleris potest, egrediantur. Imò etiam tunc idem peregrini liberi sunt ab obligatione sacri audiendi, et si festum sui domicilii etiam in loco sui adventus celebretur: legibus enim proprii territorii, dum extra illud sunt, non tenentur: nec loci, ad quen veniunt; non enim sunt illius subditi. Aliud est, si festa sint universalia Ecclesiæ: in his enim vagos, aut quoscunque peregrinos ad sacram audiendum, si quidem nullum alium excusationis titulum habeant, obligatos esse, extra dubitatem est. Tamb. à n. 10. Laym. l. 1. tr. 4. c. 12. n. 7. Joan. Sancius in selectis. D. 54. n. 34.

263. Die festo servile opus exercui , id que per notabile tempus , & sine iusta causa semel . Opera servilia vocantur, ad quorum exercitium servos etiam conductios adhibemus , & ad artes mechanicas spectant, & ut plurimum ad corporis utilitatem & exercitium immediate faciunt; qualia sunt arare, fodere, ferere, mettere, ligna, lapidesque cædere, fabricare. Huc ex usu & consuetudine revocantur, quæ spectant ad artem sculptoriam & chirurgiam. Liberalia sunt, quæ fiunt à liberis , & immediate pertinent ad exco-

lendam & instruendam mentem; ut sunt dare consilium, studere, docere, scribere, imò & transcribere; choreas agere, cantare, pulsare organum &c. verbo omnia , quæ spectant ad artes liberales. Huc pertinent, venari, aucupari, pingere, si fiant sine magno apparatu & labore. Laym. l. 4. tr. 7. c. 2. n. 6. Bonac. de fest. D. 5. q. un. p. 3. n. 25. Tamb. in Decal. l. 4. c. 3. §. 1. n. 9. item characteres in typographia collocare , non tamen imprimere, hoc enim utique servile est: sicut & colores terere, gypso parare telas &c. Tamb. l. c.) item etiam distillare aquas &c. Opera media sunt, quæ nec servilia sunt, nec liberalia , ut parare cibos, lavare etiam totum corpus, vestibus se exuere, velindue: iter facere, seu curru, seu equo, seu pedibus, seu navi; ducere jumenta sine onore: nam ducere jumenta, currum, vel navim, mercibus onusta, aut eadem etiam onerare, utique servile est.

264. Ex intentione ipsius operantis non variant prædicta opera suam naturam. Unde quæ servilia sunt, non desinunt esse talia, et si vel bono fine fiant v.g. ad sublevandos pauperes, vitandum otium &c, reparandam Ecclesiam; vel gratis absque ulla spe luci; sicut nec vice versa ea, quæ liberalia sunt, desinunt esse talia, quid fiant ob lucrum aut mercedem. Palau. tr. 9. de fest. p. 5. n. 3. Bonac. p. 2. n. 26 Suar. de fest. l. 2. c. 24. n. 3. Tamb. n. 3. Idem est, siue hæc fiant ex officio, siue non. Bonac. n. 25. Tamb. l. c. Ad rationem operis servilis impertinens quoque est, siue fiat cum defatigatione corporis & labore, siue non; siue brevisive longo tempore &c. nihil enim horum naturam operis immutat.

265. Jam

265. Jam ex operibus servilibus nullum præter ea, quæ vel jure vel consuetudine permitta sunt, licet die festo exercere: ita enim ab Ecclesia in *Cap. Licer. de feriis.* præscriptum est, & communis consuetudine introductum. Nihilominus tamen regulas artium mechanicarum & servilium discere, & memoria mandare licitum est, cum non sit servile. Bonac. n.25. prope finem. Suar. c.26. n.6.

266. Ex liberalibus autem nullum die festo prohibitum est, præter pauca in jure specialiter excepta, quæ & forensia dicuntur, & sunt I. Mercatus, quo nomine intelliguntur nundinæ non tantum publicæ & solennes, quæ semel vel sæpius intra annum in aliquo certo loco celebrantur; sed etiam hebdomadariae, quæ scilicet determinato die intra hebdomadem instituuntur: & præterea ipse actus mercandi v.g. contraclaus emptionis, venditionis, locationis, permutationis &c. Palaus p.6. n.5. Bonac. n.10. Suar. c.29. n.2. Tamb. c.4. §.I. n.1. & alii.

267. II. Placitum: quo nomine intelliguntur tres speciales actiones ad strepitum judiciale pertinentes, videlicet *Citatio*, *Processus* ipse, qui fit per causæ cognitionem examinando testes, exhibendo instrumenta &c. & *Sententia* prolatio. Et haec actiones, tam in ordine ad causas criminales, quam civiles; imò & ad spirituales, quales sunt beneficiariae & matrimoniales, non solum sunt prohibita, sed etiam ut ex *cap. ult. de feriis.* & *L. ut in die C. de feriis.* constat, ipso jure irrita, ita ut litigantes non possint huic annulationi cedere, utpote factæ ob finem publicum v.g. Religionis, cui fini nullus privatus derogare potest. Laym. n.7. Pa-

laus n.7. & alii; colligiturque expressè ex *cit. cap. ult.* Et in hoc distinguuntur Judicium à mercatu: hic enim solum prohibetur *cap. I. de feriis*, factus tamen tenet. Palaus p.5. n.7. non item Judicium. Vallet verò Excommunicatio die festo contra aliquem lata; absolutio à censuris, & omnis actus Jurisdictionis voluntariae: consilium petere ab Advocato, aut ab eodem informari judicem &c. Denique nec appellatio die festo est prohibita, vel quia non est actio judicialis: vel quia spectat ad propriam & necessariam sui defensionem, quæ quolibet die est licita. Bonac. n.13. Palaus n.14. & alii.

268. III. Juramentum, non tantum judiciale, quod fit coram judice; sed etiam extrajudiciale; id quidem non omne, sed solum illud, quo firmantur contractus & conventiones sub nomine mercatus prohibitæ. Palaus p.8. n.3. Suar. c.30. n.17. Et idcirco, qui die festo contractum prohibitum celebrari, eumque juramento confirmat, duplex peccatum committit, specialiter in confessione explicandum, Palaus I. c. Econtra verò, si judicium & contractus die festo celebrari possint, etiam Juramentum licet præstari potest; concessio enim principali, & accessoria conceduntur. Palaus n.4. Suar. I. c.

269. Quod jam attinet ad actiones, quas supra dixi medias, ea die festo licet exerceantur: nulla enim de iis extat prohibito. Et idcirco cum die festo liceat iter agere, licet quoque opera ad id necessaria vel inservientia præstare, v.g. patare equos, currui jungere, in flumine remigare &c. accessorum enim sequitur naturam sui principalis. Laym. n.5. & alii. Hinc & excusat possunt agalones & au-

rigæ: hi enim ut iter, quod ante diem festum ingressi sunt, continuare possunt juxta Laym. l. c. ita etiam possunt onera levare, & imponere, quantumvis alioqui hoc servile fit: quin imò quia ejusmodi actionibus plerumque modicum tempus impendi solet, idem auriga & agasones sive ex officio, sive quicunque alii, non sunt dammandi peccati mortalis, et si iter suum etiam incipiunt, & nullam aliam excusationem habeant, modò, si possint, priùs audiant sacram. Tamb. c. 3. §. 1. n. 12. Dian. p. 2. tr. 1. M[is]cell. R. 36.

270. Ceterū obligatio abstinendi à prohibitis, stringit omnes fideles septen-
nō majores & rationis capaces: estque ex suo genere gravis, nisi vel necessitas, vel consuetudo legitima, velalia iusta causa excusat, veletiam parvitas materiae. Quæcunque autem ex ijs fiant, in ordine ad festi violationem perinde est: nec quidquam ad diversificandam speciem ejus violatio-
nis facit operis prohibiti diversitas, qua-
liscunque demum ea sit. Et ideo si trans-
gressio sit gravis, sufficit dicere. *Opus*
prohibitum exercendo diem festum graviter (vel si levis fuit, leviter) *violabis.* Sed neq; necesse est exprimere ipsum diem festum, aut ejus qualitatem: perinde enim est, quicunque fuerit; nec mutat speciem, et si dies paschæ fuerit, qui violatus est. Vi-
de dicta p. 1. n. 73.

271. Potest autem à peccato mortali excusare parvitas materiae, id est, si tem-
pus, quod prohibitis impenditur, est bre-
ve: in quo assignando aliis sunt nimis laxi, qui nempe gravitatem materiae solū agnoscunt in tertia diei parte: alii nimis rigidi, qui videlicet materiam gravem putant esse spatium unius duntaxat horæ: alii

medii & benigni, qui scilicet ajunt, spa-
tium duarum horarum esse quid notabile,
atque adeò sufficiens ad peccatum morta-
le: alii denique mitissimi, qui tum pri-
mū putant graviter peccari contra præ-
ceptum abstinenti die festo ab operibus
prohibitis, cùm ijs plus quam duarum ho-
rarum spatium impenditur. Tamb. §. 2.
n. 1. Dian. l. c. & p. 5. tr. 5. R. 6. Et alii,
quibus assentior, si de servilibus loqua-
mar; nam in forensibus & judicialibus
quantitas materiae non ex quantitate tem-
poris, sed qualitate operis est desumenda.
Palaus p. 3. n. 5.

272. Quin & alia sunt, ob quæ obliga-
tio abstinendi à servilibus omnino cessat,
I. Est necessitas publica: ut si reficiendi
sint pontes, fontes, parandum aliquid in
repentinum Principis adventum, com-
munem populi latitudinem &c. Filluc. tr. 27.
n. 21. II. Necessitas privata: sic rusti-
cis ob supervenientis pluvias metum licet
fanum, aut segetes colligere: vitriarijs,
falinarijs, coctoribus laterum in opere
persistere &c. Fill. ibid. Ex eodem excusantur famuli & ancillæ, qui diebus felis
à prandio vestes sibi reficiunt, cùm id alij
diebus facere non permittantur. Imò
Tann. D. 8. de Relig. q. 6. n. 8. concedit,
licere die festo acu pingere, discendi, aut
exerceendi causâ. Similiter Diana. p. 3. n.
5. R. 8. §. Notandum est etiam. & p. 4.
tr. 4. R. 62. in fine concedit, & absoluē
excusat Domicellas die festo laborantes,
si ad fugandum otium id faciant, sed
Tann. Laym. l. 4. tr. 7. c. 4. n. 2. Tamb.
§. 2. n. 18. aliud sentit; cùm sint alii modi,
quibus otium vitari possit. De agasonibus,
& alijs itinerantibus jam n. 269. dixi.
III. Pietas: sic licet defunctorum insignia

pasæ

parare, tumbas & vestes funebres confidere, canas pauperum, viduarum, aliarumque personarum miserabilium decidere, ne expensis graventur. IV. Consuetudo à Prælatis cognita & tolerata. Sic nundinæ etiam solennes diebus celebrantur, quæ licet opus servile non sint, specialiter tamen sunt prohibitæ: sic licitæ sunt locationes, permutations, venditiones & emptiones rerum parvi momenti, officinis præterim clausis factæ, & à rusticis, qui alijs diebus impediuntur: item causarum civilium inter rusticos, si alijs diebus adesse nequeant, agitations & decisiones. Sic piscari licet, etiam lucri causâ: sic opifices die festo ad vesperum parant materiam pro labore diei sequentis, rusticci acount falces &c. V. Absentia à loco, ubi festum celebratur: ex quo si quis etiam animo laborandi exeat ad locum, ubi festus dies non agitur, potest ibidem servilia operari: nec per illam intentionem peccat, cum utatur suo jure. Tamb. n. 20. & alii. VI. Dispensatio vel Papæ, vel Episcopi, aut ejus Vicarij, vel habentis auctoritatem quasi episcopalem. Quales sunt Prælati Regulares exempti, Superiores Religionum respectu suorum subditorum; Capitulum item sede vacante. Palauus tr. 9, p. 10. n. 5. Tamb. à n. 21. & alii: imò & Parochi, non tantum cùm difficilis est accessus ad Episcopum, sed etiam eodem presente. Tambur. n. 31. Tandem etiam ad Confessarium subinde pertinet saltem declarare, an causa excusationis justa sit, vel non. Laym. c. 2. n. 5.

273. Toto anno nunquam celebravi, eft nullum habuerim impedimentum. Etsi Tambur, de exped. sacrif. l. 1. c. 6. §. 2.

n. 1. Lugo. de Euchar. D. 20. f. 1. & alii probabiliter censeant, non esse gravem obligationem celebriandi, atque adeo sacerdotem, qui, seculo contemptu & scandalo, tota vitâ nunquam celebrat, modò in paschate communicet, non peccare mortaliter: contrarium tamen videatur longè probabilius, propter verba Christi Matth. 26. & Luc. 22. Hoc facite in meam commemorationem: his enim verbis præceptum celebrandi impositum esse declarat Concil. Trident. sess. 22. c. 1. quod, cùm sit grave, etiam peccatum grave erit, nunquam celebrare, nisi iusta causa excusat. Bonac. defacrif. D. 4. q. ult. p. 7. n. 1. Navar. in Man. c. 25. n. 88. Coninch. q. 82. p. 2. n. 206. Reginald. l. 29. n. 46. & 166. Suar. D. 80. f. 1. & plures alii apud Bonac. satisfacit autem, qui saltem sèp̄ius, quam quater in anno celebrat, ut colligitur ex cap. Dolentes. de celebr. Missar. ubi Innocentius III. reprehendit illos, qui vix quater in anno celebrant.

274. Præter hanc obligationem, omnibus sacerdotibus communem, adhuc alii tituli sunt, quibus celebrare tenentur sacerdotes, videlicet I. ratione Capellaniæ; & id juxta numerum in literis foundationis expressum, quem propriâ auctoritate minuere non possunt. Possunt satisfacere per alium, nisi expressum sit, ut per se faciant: quodsi ratione impedimenti celebrare non possint, non tenentur alium substituere, si impedimentum sit breve, unius hebdomadæ, imò unius mensis; secūs, si longum: nisi forte stipendum tam tenue sit, ut alendo Capellano infirmo non sufficiat. Laym. lib. 5. rr. 5. c. 3. n. 7. & alii. II. B b 3 RATIO-

Ratione beneficii. Et ideo tenentur Paroehi celebitate, quoties parochiani ex præcepto tenentur Missam audire, vel ex consuetudine solent, v.g. in funeribus, Benedictionibus nuptiarum &c. vel etiam rationabiliter petunt. Azor. T. l. l. 10. c. 24. q. 2. Possunt per alium satisfacere, si sint legitimè impediti: alias ex mente Concilii Trident. sess. 23. c. 14. de Reform. in propria persona celebrare debent, cum id in officijs parochialibus personalem exigat operam. III. Ratione stipendii oblati, & quidem, ut Palaus tr. 22. p. 14. n. 8. docet, ex justitia: satisfaciunt, si per alium id faciant. IV. Ratione promissionis; nam & ex hac, si acceptetur, oriri potest obligatio gravis, vel levis, prout fuerit mens obligandi. Quodsi habueris animum te obligandi, sed abstrahendo, an graviter, vel leviter. Diana. p. 2. tr. 17. R. 9. & Sanch. de Matrim. l. 1. D. 5. n. 25. Leand. de Sacram. T. 2. tr. 8. D. 4. q. 16. docent, si promissis non stes, te tantum peccare venialiter: imò Dicast. desacris. tr. 5. D. 4. d. 22. n. 421. putat, promissionem humanam, seu homini factam, præcisè ut promissio est, non obligare graviter, cum nec fidelitas, ad quam illius promissionis impletio spectat, gravem inducat obligationem. Sed habenda hic est ratio rei promissæ; & spectanda illius, qui promissionem sibi factam acceptat, mens. Et ideo licet Missam in se sit magnum quid, ejus tamen iactura, ut Sanch. notat, non solet magni fieri; & ob id pauci, qui plura sacra alijs promittunt, nec legunt, peccant mortaliter.

275. Missam celebravi duplice pro ea accepto stipendio semel. Pro sacrificio

Missa stipendium justum, lege nempe vel consuetudine taxatum, accipi posse, certum est, non quidem in pretium fructus ex sacrificio percipiendi, aut laboris eidem sacrificio intrinseci (hæc enim clara esset Simonia) sed in sustentationem sacerdotis sub obligatione fructum sacrificii applicandi illi, qui stipendium offert: dignus est enim operarius mercede suâ Matth. 10. neque os bovi trituranti alligandum. I. Corinth. 9. Interim tamen I. non satis facit uno sacrificio, qui duo justa stipendia, sive ab uno, sive à pluribus accipit. Palaus tr. 22. p. 14. n. 6. ex communis: & qui aliud docet, aut exercet in praxi, peccat mortaliter, & incurrit excommunicationem latæ sententiæ, extra articulum mortis soli Papæ reservaram, ut videre est in speciali constitutione ab Alessandro VII. super hac re edita. Imò neque II. satisfacit uno sacro, es si singula stipendia sint inæqualia seu non justa: hoc ipso enim, quod sacerdos accipiat minus stipendium, remittit, quod deest; & unâ tacite promittit, se offerentium postulato statutum. Palaus. l. c. & alii: ita expresse statuit Congregatio Concilii Tridentini. Neque III. qui plura à diversis accipit stipendia, & dividit fructum sacrificii, uni applicando satisfactorium, alteri imperatorium &c. hæc enim distinctio damnata est & rejecta à dicta Congregatione. Multò minus IV. qui offerenti stipendium applicant fructum, quem vocant specialissimum: hæc enim ita proprius est sacrificanti, ut eum nulli alteri applicare possit. Et licet esset applicabilis, tamen post dictæ Congregationis decretum ab Urbano VIII. confirmatum non posset pro eo distinctum stipen-

stipendium accipi. Neque V. potest Sacerdos Missam, pro qua unus obtulit stipendium, alteri simul applicare ex liberalitate: mens enim offerentis stipendium est, totum sacrificii fructum participare. Neque VI. qui stipendium taxato majus accepit, potest alteri Missam celebrandam committere, parte illius stipendiis sibi reservata: id enim expressè vetuit sèpibus citata Congregatio. Laym. lib. 5. tr. 5. c. 1. n. 4. ni forte detur non intuitu sacrificii, sed solius personæ, quæ danti singulariter chara est, & amica. Dian. 2.p. tr. 14. R. 10. & 13. quin & Capellanus, qui pro paucis Missis haber pingue stipendium, non tenetur plus alteri dare, quam quod taxatum est; quia Capellano non datur stipendium pro sacrificio. Dian. R. 11. Neque VII. potest sacerdos pro Missa, quam quocunque denum titulo obligatus est applicare ad certam intentionem, stipendium accipere, alioqui peccaret contra Justitiam, vel certè contra fidelitatem. Hinc I. Capellani tenentur Missam applicare pro fundatore, et si in literis foundationis non exprimatur: possunt tamen, si ad quotidianam Missam teneantur, aliquoties in anno v.g. quater vel sexies pro se, vel suis, vel aliqua causa occurrente (non pro aliis, accepto stipendio) celebrare; idque ex præsumpta fundatoris voluntate: si enim de expressa contraria constaret, neque hoc possent. Tamb. de exped. sacrif. l. 3. c. 3. §. 1. n. 8. & alii. II. qui accepto stipendio tenentur legere sacrum, etiam tenentur legere juxta potentium intentionem. III. Parochi pro Missa, quam ad nullam certainam intentionem, sed præcise ratione officii pastoralis legere tenen-

tur, non possunt accipere stipendium. Barbos. de potestate Episcopi Alleg. 24. n. 23. & de Parocho. c. 11. n. 10. qui id à Congregatione Cardinalium declaratum esse testatur. Sed Lugo de Euch. D. 21. s. 1. n. 21. Dian. p. 2. tr. 14. R. 26. ajunt, de hac declaratione authenticè non constare, & ideo tradunt contrarium, quod propter auctoritatem tantorum virorum tutum est.

276. Sub celebratione Missæ levem deftum commisiter. Qualis est, omittere hymnum Angelicum, Symbolum Nicænum, nomen unius aut alterius Sancti in Canone; vel ea, quæ certis temporibus interponuntur inter Communicantes, & Hanc igitur; particulam enim in formis confecrationis, Fill. tr. 5. n. 155. Dian. R. 59. & p. 5. tr. 5. R. 45. & 63. item orationes dici solitas, dum sacerdos le sacris vestibus induit: item in Missa majori Epistolam aut Evangelium à Ministris canendum: non enim in præcepto est, ea submissâ voce legere. Nec refert, quod aliqui id faciant; multa enim sunt conueta, quæ non sunt præcepta. Dian. p. 2. tr. 14. R. 42. & p. 5. tr. 5. R. 46. & tr. 13. R. 95. celebrare sine cruce in altari, aut cum una tantum candela cerea extra casum necessitatibus: aut cum lumine olei vel adipis in calu necessitatibus. Dian. cie. p. 2. tr. 14. R. 45. & 67. Negligere rubricas, quæ sunt minoris momenti v.g. in formandis crucibus, faciendis genuflexionibus, inclinationibus capitis, humerorum &c. elevationibus oculorum &c. Nam quæ graviores sunt, (quales sunt, quæ verè præceptivæ sunt, nec certè aliae, quam quæ aliquid substantiale sacrificii continent, aut magni mysterii signi-

significativæ sunt, ut infusio aquæ in vi-num) negligere, utique peccatum mor-tale esset: quale etiam esset, in forma calicis omittere illa verba, *Novi & eterni testamenti &c.* quæ etsi certum non sit, esse de essentia formæ, non defunct tamen, qui docent esse: & ideo omittens illa verba exponit Sacramentum periculo nulli-tatis, & consequenter graviter peccat. Bonac. D. 4. sèpius cit. q. 3. p. 2. n. 2. & alii communiter.

277. *Ad altare privilegiatum, cum tamen obligatus essem, non feci sacrambis.* Constat sacram in Ecclesia vel alio loco, ac etiam profano, legitimâ aucto-ritate ad id deputato, legendum esse, aut legi posse. Sed id fusiūs prosequi non est modo nostri instituti. Huc spe-ctat, si Capellanus, vel alius obligatus pro stipendio Missam celebrare in tali Eccle-sia vel altari, non celebret in tali altari &c. hic enim plerumque peccat morta-liter. Fagund. in 1. præcept. l. 3. c. 9. n. 6. Excusantur tamen, qui ter vel quater intra unius anni spatium in destinato facel-lo non celebrat. At vero, qui stipem accipit pro Missa in certo altari privile-giato legenda, & eam non legit, non sa-tisfacit; etsi legat in alio altari cum num-mismate benedicto, existimans, se cum illo animæ profuturum: tenetur enim omnino in altari privilegiato legere Mis-sam, & quidem de Requiem, alias indul-tum ipsis non suffragabitur: ut declara-vit sacra Congregatio Rituum 13. Julii 1601, nisi forte eo die occurrat festum duplex de præcepto: hoc enim die, ut eadem Congregatio declaravit 24. April. 1626. Missa de Requiem, legi non potest. Ceterum, qui in diverso loco celebrat,

peccat quidem, sed ad restitutionem sti-pendi non tenetur, nisi ratione minora frequentiæ subtrahat defuncto aliquod suffragium, quod tenetur aliis precibus compensare. Diana p. 2. tr. 14. R. 29.

278. *Missam unam legi pro altera ter.* v.g. cùm legenda esset de Sancto, legide feria, vel vice versâ; vel Missam As-sumptionis, aut Nativitatis B. Virginis ex-tra suum diem. Hoc enim est peccatum veniale, si quidem sine justa causa fiat, Tannerus T. 4. D. 5. q. 10. d. 1. n. 6. re-latus à Diana R. 55. & p. 4. tr. 4. R. 39. Qui autem titulo vel stipendi, vel Ca-pellaniæ tenetur certain determinatam Missam v.g. de B. Virgine, vel pro de-functis legere, non satisfacit, legendi aliam, juxta Layim. l. 5. tr. 5. c. 1. n. 15. Palauus tamen tr. 22. p. 14. n. 10. Lugo. D. 21. de Evch. f. 2. n. 35. Dian. R. 31. & p. 3. tr. 6. R. 2. putant, satis esse, le-gere Missam de festo, vel die currente, ut proinde talis non peccet saltem mortaliter, nec teneatur ad restitutionem. Non debent tamen facile legi Missæ Vo-tive, aut de Requiem, maximè diebus Dominicis, maximè privilegiatis, & cùm occurrant duplia ex præcepto. Si tam-en funus deferatur ad Ecclesiam, potest etiam istis diebus Missa de Requiem legi, sed ab uno tantum, ita ut ceteri sacer-dotes, qui ad funeris celebritatem confluant, legant de Dominica, & festo dupli saltem primæ & secundæ classis. Ceterum cau-ja justa commutandi Missam censemur esse major erga talem sanctum devotione peten-tis Missam, vel eam legentis, juxta Cap. quidam de celebrat Missarum.

279. *Sub sacrificio Missa usus sum berucâ ter.* Berrucæ usum tempore sacri-
cii li-

cii licitum esse , dupli argumento suaderi potest: tum quia subrogatum sapit naturam illius , cui subrogatur: ergo & berruca, seu capillus fictus sapit naturam veri; hunc autem tempore sacrificii non deponimus, nec est, qui possit, nisi parum sapiat, suadere deponendum esse; tum quia in hoc casu cessat causa prohibitio-
nis, nimis irrevenerentia, si capillus fi-
ctus, ut fieri potest, sit ad modestiam &
decentiam clericalem compositus: certe
jam passim cum ejusmodi capillo coram
Caesaribus, & Regibus sine ultius irreve-
nentia nota Magnates eorum comparere
solent.

280. Nihilominus tamen omnino te-
nendum est, usum fictorum capillorum
tempore sacrificii illicitum esse , seclusa
speciali facultate , necessitate aut con-
suetudine legitimè introductâ. 1. Pro-
pter specialem prohibitionem *Cap. Nullus Episcopus. de consecrat. dif. i.* ubi absque
ullo discrimine prohibetur quocunque
capitis velamen non naturale , quale cer-
te est berruca; hæc enim non est prin-
cipaliter & per se inventa , & in usum
deducta, ut vice capillorum verorum
esset, sed potius, ut suppleret defectum
pileoli: id quod usus aulicorum, quibus
velut primis auctoribus & inventoribus
debetur usus berrucæ, satis ostendit: his
enim cum grave esset & molestum, totis
diebus, aut tempore valde longo coram
principibus adstare detecto capite , nec
conveniret, uti pileolis, tegumentum ex
capillis præcipue humanis confectum,
quod berrucam appellârunt, invenerunt,
& usurpare cœperunt. Subsumo jam:
atqui pileolum sine coma adoptiva ferre
tempore sacrificii non licet; ergo nec

R. P. Stoz Trib. Pœnit.

cum ea coma: habet nimis & hic lo-
cum tritum illum, subrogato eadem cum
illo, cui subrogatur, convenire predica-
ta: atque adeo sicut unum , nempe pi-
leolum, ita & alterum, quod in ejus lo-
cum successit, nempe berrucam, per di-
ctum Canonem censi esse prohibitum.
2. quia cum dicitur, subrogatum sapere
naturam illius , cui subrogatur, non ha-
bet ubique locum , præcipue in odiosis,
inter quæ numerantur, quæ dispositioni
juris communis adversantur , è quorum
numero est usus comæ adscrittiæ. Et si-
mile quid cernitur in commutatione vo-
torum, quæ si sint reservata , non ideo
etiam materia, in quam commutantur,
continuò est reservata , ut docent Sanch.
I. 4. Mor. c. 40. n. 46. & I. 8. de Matrim.
D. 9. n. 20. Suar. de Voto. I. 6. c. 20. n. 15.
Palaus de Voto. D. 2. p. II. n. 5. Tamb. in
Decal. I. 3. c. 16. §. 4. n. 34. & alii. 3.
Quia etiæ ejusmodi capilli adoptivi possint
ad clericalem decentiam componi, & co-
ram Principibus absque ulla injuria no-
ta ab eorum Magnatibus adhibeantur, id
tamen non potest ad sacrificium trans-
ferri, cum ad altiorem potestatem, nem-
pe Pontificiam, spectet, declarare, quid
in ordine ad sacrificium speciem irreve-
nentia habeat , vel non: authenticata
enim legis interpretationem facere, spe-
ctat vel ad ipsum ejus conditorem , vel
eo superiorem, ut notum est ex tract. de
legib. Sacerdotem autem, cum celebret,
nudo id capite debere facere, constitutio-
nis est Pontificia, ut videre est in dicto *Can.*
Nullus. & Decreto sacræ Congregationis
Rituum ab Urbano VIII. approbato, Mis-
salibus novis jussu ejusdem Urbani VIII.
editis, præfixo, ubi Pontifex sic loquitur:

C c

Nemo

Nemo andeat ut pileolo in celebratione Missarum sine expressa licentia Sedis Apostolica, non obstante quacunque contraria consuetudine. Accedit ad hæc praxis Curia Romana, in qua ipse etiam Pontifex non celebrat, nisi detecto capite.

281. Dixi autem 1. seclusâ speciali licentiâ, quam hodie dat solus Pontifex, ut constat ex dicto Urbani VIII. & diversis S. Congregationis Rituum decretis apud Gavant. *ad Rubric. Missal. p. 2. rit. 2. Lit. F.* à quibus non recedendum, saltem si facilis ad Pontificem sit accessus: si enim hic sit difficilis, eandem Episcopî aut alij Praelati suis subditis etiam hodie, ut olim, dare poterunt: quod est commune aliis legibus Pontificiis. Dux II. *Necessitate*, hæc enim si manifesta sit & evidens, præbet sufficientem causam, etiam dum Sacrum sit, utendi capillitio factio: sic nimur & aliae leges Pontificiæ cessant obligare, cum in eorum observatione cernitur manifesta necessitas. Ut verò dispensetur, vel etiam declaratur, eum usum esse licitum, non debet esse necessitas valde gravis, sed sufficit, si iudicio viri prudentis & docti non sit omnino levis, sed notabilis consideratio: qualis, si Marchino apud Tambur. *de Sacrif. l. 1. c. 7. §. 4. n. 1.* credimus, est, qua oritur ex nimia Regionis frigiditate, senectute, capitis debilitate, calvitie, vel (quod ego addo) ex alia capitis deformitate. Hac ergo necessitate existente, licitum erit, (si accedit saltem prudens declaratio) uti berrucâ sub Sacro, abique alia dispensatione: quod colligitur ex dicto decreto. *Urbani VIII. & Can. Nullus.* quorum priori loco dicitur, ne-

mo audiat: posteriore nullus presumat: non est autem præsumere, velaudere, cum necessitas urget, nec est opportunitas petendi dispensationem. *Palau de Sacrif. tr. 22. p. 10. n. 10. Laym. l. c. Dux III. consuetudine legitimè prescripta:* hoc enim legem, quæ usum pileoli tempore facri prohibet, abrogari posse, & in ejus locum introduci usum ejusdem pileoli, commune est aliis legibus. Sic in Regno Chinensi, ubi juxta morem gentis irreverentia signum est caput aperiisse, Sacerdotes velato capite etiam totum Sacrum faciunt: quamvis ad removendum omnem scrugulum Pius V. licentiam ad id dederit, teste *Præposito de Sacram. l. 8. a. 3. d. 6.* apud Tambur. n. 5.

282. Quacunque autem usus bernicæ, ut hactenus ostensum est, tempore facri stillicuus, non tamen peccati venialis limites excedit, si quidem contemptus absit, & scandalum: Et ita tenet Marchinus apud Tambur. n. 1. idem infra n. 4. sentientem, quibus ex Diana p. 2. tr. 14. R. 8. & Marchino de ordin. T. 1. p. 3. c. 4. n. 11. relato à Tambur. addendi sunt Silvester, Angelus, Tabien, Rodriq. Henricus, Graffius, Barthol. ab Angel. Miranda, Scortia, Fagund. Petrus de Ledesma, qui licet loquantur de pileolo, idem tamen sentire debent de berruca, quæ lucceſſit in locum pileoli.

283. Sub sacrificio Missæ usus sum vestibus sacerdotaliibus, aut vasis sacris, (calice nempe aut patena) aut alijs paramentis, v.g. corporali, purificatorio, sat fôrdidis ter. Mortale peccatum est, celebrare cum vestibus, paramentis &c. notabilitat

tabiliter immundis: magna enim per ejusmodi sordes irreverentia sic mundissimo Sacramento. Tolet. l. 2. c. 2. Sa V. Mis-
sa. n. 15. Laym. n. 15. Suar. D. 81. f. 6. in
fine. Bonac. de Sacrif. D. 4. q. ult. p. 9.
n. 23. Sumitur ex cap. Relinqui. de cu-
stod. Evchar. ubi Innocentius III. Prä-
cipimus, inquit, ut oratoria, vasa, cor-
poralia & vestimenta munda & nitida
conserventur: nimis enim absurdum vi-
detur, in sacris sordes negligere, qua dede-
cerent etiam in profans. Notent hæc sa-
cerdotes, præcipue rurales, qui sapientam
immunda habent corporalia aut purifica-
toria, ut si loco mantillium esse deberent,
ea à communis mensa cum nausea repelle-
rent. Sacerdos tamen subditus, si de
ista paramentorum sordidie moneat, &
nihil proficiat, excusari potest, si ob sa-
crificandi necessitatem iis nihilominus
utatur.

284. *Celebravi sine vestibus sacris se-
mel.* Vestitu communi & profano sacri-
ficare nunquam licet, nisi in casu gravissi-
mo mortis alioqui certò inferenda: si
tamen in contemptu Religionis mors
intentetur, nisi vestitu profano celebre-
tur, mors potius obeunda est. Laym. n.
17. Coninch. q. 83. a. 3. n. 250. ubi
excusat eum, qui in populi, sacro alio-
qui carituri, concurso uititur cingulo non
benedicto; pro quo tamen, sicut & pro
manipulo stolam adhiberi posse tradunt.
Laym. n. 18. Coninch. l. c. Navar. c. 25.
n. 84. Ceterum vel unam sacramentum ve-
stium, præcisâ inadvertentiâ omittere,
peccatum mortale esse, cum non paucis
tradit Bonac. n. 27. cù quodd in re gravi-
us Ecclesiæ, haec vestes in reverentiam
sacrificij introducentis, violetur. Ubi

breviter nota, has vestes desinere esse
sacras, si ita frangantur, ut ad suum us-
sum non sint amplius aptæ: ut si cingu-
lum ita frangatur, ut neutra pars sufficiat
ad sacerdotem cingendum; secus, si
longior pars adhuc sufficiat. Aliqui ta-
men cum Sa n. 12. existimant, adhuc
sufficere, si prius, quam omnino dividatur,
connectantur, nam si post ruptio-
nem necienda sit, etiam ipse putat, am-
mitti benedictionem, nec amplius usui
esse posse, si alterna pars non sufficiat.
Vide Dian. p. 2. tr. 14. Ref. 57. v. No-
tatione.

285. *Celebravi sine ministro bis.* Mi-
nistrum sub sacrificio adhibendum esse,
communis est Ecclesiæ consuetudo. Et
peccatum veniale est, eum sine justa cau-
fa non adhibere: imò Bonac. de Sacrif.
D. 4. q. ult. p. 9. n. 33. putat esse mor-
tale: sed paulò rigidius. Debet autem
esse masculus, non feminus, adeo qui-
dem ut Suar. D. 87. f. 1. Laym. n. 13. &
alii apud ipsum existimènt, melius esse si-
ne ministro celebrare, quam feminam
ad altare respondere, portigere urceolos,
&c. interim tamen nihil obstat, si fæ-
minæ, prælettim Moniales, ex loco re-
moto sacrificanti respondeant. Suar. l. c.
Imò in quibusdam locis, præsertim in
pagis, consuetudo ab Episcopis cogita
& tolerata habet, ut sacerdos sine mini-
stro respondentem celebret. Porrò Min-
ister debet esse talis, I. qui audientibus
non sit offendiculus. Unde Theistites aut
valde deformes ad hoc ministerium non
sunt admittendi: & qui ejusmodi mini-
stros constituunt, aut admittunt, satis in-
dicant, se de tanti mysterij, quod geritur,
Majestate non habere debitam existima-
tionem.

tionem. II. Debet Sacerdoti præeundi respondere posse, & quidem tam aptè, ut verba non detruncet, malè non proferat, aut etiam omnino omittat. Non est tamen talis ad ipsum altare publicè corrigendus: id enim fieri nequit sine ipsius celebrantibus, aut audientium perturbatione; corrigitur privatim, & tuos dedoceatur errores. III. Debet, quæ ad sacrificium Missæ spectant, posse peragere, v. g. librum deferre, porrigitur ureculos, & reliquas ad ipsum pertinentes cæmonias callere. Aliás, si materialm inceptam suâ culpâ tradat, à peccato sacrilegij non excusat: Bonac. n. 35. Suar. D. 87. f. 1. Reginald. l. 29. n. 165. & alij. Quamvis multi Sacerdotes, præfertim rurales, librum ipso deferant. Ceterùm præstat, ministrum, si haberi nequeat, omittere, quam sacrificium, præfertim die festo. Tamb. l. 1. e. 7. §. 5. non enim videtur ab Ecclesiæ usu & ordinatione recedere, qui, ut præcepto de audienda Missa satis faciat, sine Ministro celebrat: tunc autem ipse debet Ministri defecatum supplere, & proferre ea, quæ alioqui minister debet.

286. *Celebravi sine libro semel.* Librum adhibendum esse præscribitur Regulae sive ritus Missæ; & per se loquendo, obligant sub peccato mortali, saltem si liber, quo quis utitur, non contineat Canonem; exponit enim se periculo graviter errandi. Coninch. n. 251. Suar. D. 83. f. 6. Navar. c. 25. n. 83. Bonac. n. 29. & plures apud ipsum. Excusari tamen potest, qui cum præstantis & constantis sit memoria, meritò confidere potest, se nihil notabile omissurum. Laym. n. 17.

287. *Celebravi sine Crucifixo ter.*

Nam & hujus usum præscribunt Rubricæ: qui tamen omitteret, non esset peccati, nisi venialis, condemnandus. Suar. l.c. Reginald. n. 197. Vasq. D. 233. n. 26. etiam à veniali absolvit, qui sine Cruce celebrat, si facilè haberi non possit, aut causa honesta subsit: sed si vera sint, quæ statim dicentur, nunquam occurret necessitas aut causa excusans à celebratione sine Cruce. Non debet necessariò referre ipsam Christi Crucifixi imaginem: sufficit si sit simplex Crux è ligno vel charta efformata; vel, si nec talis ad manus habeti possit, creta vel carbone &c. descripta, quod probat P. Georg. Gobat in *alphabeto sacrificante.* n. 171. imò Tamb. l. 1. c. 6. contentus est Cruce vel Crucifixo depicto in pariete vel tabula adlatu. In altari, in quo prostat venerabile Sacramentum, adhuc Crucifixum collaudandum esse, contendit Gavant. in *Rubric. Missal.* p. 1. tit. 20. Lit. V. At Pax Jordanus l. 4. tit. 1. n. 236. negat, tum propter Lateranensis & multarum aliarum Ecclesiæ praxin; tum quid tunc non fatis appareat, quo loco commodè collaudanda sit Crux. Servetur quoad hoc usus cuiusque Ecclesie, nec turbetur Sacerdos, si forte videat abesse Crucem, nec moneat Sacristam, ut apponat.

288. *Celebravi sine luminaribus semel.* Luminaria sub Sacrificio Missæ accendenda jubent Rubricæ, & communis fus, adeo quidem, ut, qui sine omnilimine celebrat, peccet mortaliter. Suar. D. 81. f. 6. ubi testatur, ita sentire orantes. In casu tamen necessitatis etiam non nimis magna sufficit unum; & quidem, si cera haberinequeat, ex oleo; imò & sebo. Laym. n. 17. Dicast. D. 4. d. 4. n. 160.

160. Tamb. l. i. c. 5. §. 4. Bonac. n. 30. Reginald. n. 196. Quin Suar. D. 72. f. 4. gravis peccati venialis damnat illum, qui fine lumine ministriat Evcharistiam: quod ego intelligo extra sacrificium; licet enim etiam intra illud soleat peculiare lumen accendi pro Communicantibus, ejus tamen omissione per se vacat omni culpa: sicut & si contingat tempore Consecrationis. Dicast. n. 162.

289. *Celebravi, cum altare suis mappis non esset instrutum, semel.* Mappæ, quæ & tobaliæ appellantur, tres sunt adhibenda, una, saltem superior, tam longa, ut ex utroque latere ad terram usque pertingat; duas breviores, vel saltem una duplicita, Corporali subiecta, et si totum altare non tegat. Laym. n. 11. Bonac. n. 24. Suar. D. 81. f. 6. Sa. V. Missa. n. 7. Reginald. n. 194. & alii, quos tuto sequi licet, quidquid Gavant. p. 1. in Rubr. Miss. tit. 20. Lit. O. sentiat in contrarium. Non est autem necesse, ut ha mappæ sint benedictæ: quin etiam aliquando ex necessitate poterit adhiberi mappa laicorum, quæ postea rursus ad mensam profanam adhibeat. Suar. Laym. II. cc. Tann. D. 5. q. 10. n. 48. Azot. T. 1. l. 10. c. 28. q. 8. & ah. Porro celebra sine omni mappa, esset irreverentia quædam, & culpâ saltem veniali non vacaret.

290. *Celebravi semel, cum altare non esset suo pallio ornatum.* Pallium, quod vulgo etiam antependium vocatur, impetrant Rubricæ cit. Tit. 20. quod ex usu potest etiam esse consecratum ex asseribus pictis, aut alia materia, si vel paupertas vel necessitas vel alia causa honesta id permittat, aut requirat. Nec tamen hinc majus,

quam veniale peccatum committetur, si nullum adhibeat pallium; modò, quod in prioribus quoque observandum est, contemptus ablit aut scandalum.

291. *Calice non consecrato usus sum inter celebrandum semel.* Etsi ex præscripto Rubricarum tit. de Ritu celebrandi. §. 1. calix deberet esse aureus vel argenteus, vel certè cuppa deberet esse argentea & inaurata: Gavantus tamen p. 2. tit. 1. Tann. n. 52. Laym. n. 11. Bonac. n. 16. & alii admittunt etiam stanneum; Sa. V. Missa n. 18. ob paupertatem etiam plumbeum: sed Suar. secl. 7. Laym. n. 12. & alii, plumbeum rejiciunt, saltem quoad cuppam: nam pedem calicis ex plumbo esse nihil prohibet, Coninch. d. 3. n. 244. Ligneum, et si olim in usu fuerit, aut etiam vitreum, hodie nemo admittit propter Can. 145. *Ut calix. dift. 1. d. Consecrat.* sicut & si sit ex ære vel aurichalco: nisi, ut Fagund. in 1. præcept. Eccles. l. 1. c. 3. n. 21. advertit, saltem sit inauratus: quod tamen in calice argenteo, vel stanneo nec Doctores requirunt, nec usus. Debet autem consecrari vel sacro chrismate inungji, vel ab Episcopo vel ab alio inferiore habente potestatem, quales sunt multi Abbates. Laym. l. o. præfertim insulati. Definit esse consecratus, si tam notabiliter frangatur, ut ad usum constitutum seu sacrum non sit amplius idoneus, Bonac. n. 15. & alii, ut si pes avellatur à cuppa, nisi forte sit tornatilis. Coninch. n. 248. Quod si verò aurum, quo calix est illitus, paulatim deteratur, & novum inducatur, non est opus nova consecratione, Coninch. n. 246. Sa. V. Calix. n. 2. tum quia calix per inaurationem nec frangitur, nec fit alius: tum quia rotunda calicis materia cum auro

consecratur; & ideo sacrum ad se trahit non sacram; sic nimis & Ecclesia non indiget novâ consecratione, et si muri ejus saepius ita dealbentur, ut ex prima dealbatione nihil amplius super sit. Coninch. l.c.

292. Ceterum in sacrificio Missæ scienter uti calice non consecrato, peccatum est mortale: ut communis habet sententia, & varii juris textus. Quodsi autem quis utatur calice, quem bonâ fide existimat consecratum esse, cum tamen non sit, ipse quidem a peccato immunis est, calix vero per talem usum non consecratur, neque adeo redditus habilis ad usum in sacrificio. Lugo de Euchar. D. 20. n. 62. Dicast. cit. D. 4. n. 199. quidquid contradicit Dian. p. 5. tr. 13. R. 60. alioqui posset tandem etiam dici omne id, in quod defluit per incuriam sacer sanguis, fieri sacram: quod nemo admittit. Eadem ratio est patenæ, tam quoad materiam, ex qua sit, quam quoad ejus consecrationem, & execrationem.

293. Altari non consecrato pro Missa usus sum semel: Altare pro sacrificio Missæ adhibendum esse, non est dubium; adeo ut peccat mortaliter, qui absque altari sacrificat. Debet autem id esse consecratum ab Episcopo, vel alio habente potestatem sioi concessam a Ponifice. Hic enim solus ex plenitudine potestatis potest eam concedere etiam simplici Sacerdoti. Laym. n. 1. & alii. Item communiter debet esse lapideum, per Cap. Altaria dist. 1. de consecratis. vel ut Lay n. l.c. & Dicast. n. 142. putant ex opere lateritio, vel ex gypso, ad mixto cimento; & vel firmum, vel portatile, seu, ut vocant viaticum, sufficit autem, si superior tantum pars alterutrius sit lapidea & conse-

crata, & tam ampla, ut saltem majorem, patenæ & calicis partem capere possit. Laym. l.c. n. 2. & quem refert. Suar. D. 81. f. 1. si enim tam ampla non sit amplius haec altaria, amittunt luam consecrationem, nec possunt porro servire ad usum sacrificii. Quin & si fixum à suo stipite seu inferiori structura removeatur, desinit esse consecratum, si simul cum suo illo stipite per modum unius sit consecratum: imò juxta aliquos etiam tunc, si se pulchrum, ut vocant, seu loculum entum, in quo sacræ reliquiae reconduntur, fragratur, aut removeatur. Verum Dicast. n. 138. & 146. Tamb. l. 1. c. 5. §. 1. Coninch. d. 2. n. 240. & alii id negant, & ideo a peccato absolvunt illum, qui potro pergeret in tali altari celebrare sacram, cum nullo jure reperiatur imposita necessitas altaribus, dum consecrantur, imponendi sacras reliquias: id quod multò magis locum habet in altaribus viaticis.

294. Sacra vasa & linteal quæ nimis contingunt Corpus Christi, qualia sunt calix, patena, corporale, & purificatorium, & pileolis ille five linea, five argenteus aut aureus, in quo sacræ hostie reponuntur. *Sine necessitate, aut alia iusta causa tetigi semel.* Eiusmodi vasa aut linteal, dum actu Eucharistiam continent, attingere lacum, aut Clericum Diacono inferiorem, peccatum mortale esse, communis est Theologorum sententia; ita exigente lumina Reverentia Christo Domino debitâ: unus est, qui ceteris in hac parte sit clementior, Ochagavia apud P. Georg. Gobat in Alphab. sacrif. sed à sententia communi ceterorum omnium non est recedendum, nisi, ut Navar. c. 7. Mar. n. 4. notat, cogat textus aut ratio, cui

cui commode responderi nequeat. Unde graviter monendi, & vero etiam reprehendendi sunt illi auditui, seu laici, seu Regulares, qui vasa illa, quibus nocte Nativitatis Domini ablutio a servari solet, absque scrupulo tangunt, & ab altari ad altare transferunt, cum iis adhuc verè continetur Sanguis Christi: qui tamen à peccato mortali excusari possunt sola bona fide, & ignorantia invincibili, quam utique de pellere debent ii, quorum interest. Excusa e etiam potest laicum necessitas, si ipsum Corpus Christi immediatè tangat, in peccato etiam mortali constitutus, ut si id ē terra vel luto reverenter elevet, cum nullus alius sit, qui hunc Eucharistia, alioquin indignè tractanda, honorem & cultum deferat. Henr. 18.c.40. n.2.

295. Predicta vero vasa, cum a sacris speciebus vacua sint, sicut & corporalia, pallias, purificatoria, ciboria, & similia, etiam postquam sacras species jam semel contigerunt, a laicis, si contemptus absit, citra gravem; immo &, si justa causa adsit, citra omnem, etiam venialem culpam tangi posse, ex communione docet Laym. cit. c.6. n.19. quodsi vero nulla causa tubsist, at esse peccatum solum veniale. Id quod etiam Azor. T.1. l.9. c.9. q.6. Paulus T.2. tr.8. D.1. p.6. n.24. & T.4. tr.22. p.10. n.15. & alii apud ipsos docent, tum propter vasa jura defumpta ex Diff. 1. de Consecrat. quibus id videtur decussum esse: tum ex pax & stylo Curia Romana, à qua sapientia privilegia impetrantur, ut tonsurati, vel in minoribus constituti possint sacra vasa contingere; quod argumento est, lacrorum vasorum, præcipue sacro christiane unctorum tactum, non tantum istis, scilicet privilegio, sed etiam

& multo magis laicis esse illicitum. Sed his non obstantibus.

296. Pyxides, ciboria, sphærae seuluulae pro Monstrantibus; ut vocant, compositæ, cui benedicta sint, possunt ab omnibus sine culpa tangi, quando sacram Eucharistiam nondum continuerunt. Laym. n.22. quod ipsum etiam est decorporalibus, pallis, & purificatoriis, non solum quando ad usum sacrum nondum sunt adhibita, sed etiam quando post sacrum usum jam sunt lota: Bonac. cit. p.9. n.22. Et alii, id quod usus communis & praxis habet: traduntur enim hæc post primam lotionem etiam famulis, prælertim virginibus; denudo lavanda, & si opus sit, reficienda. Quin eadem, etiam postquam sacras species attigerunt, possunt ab omnibus, & quidem etiam ante omnem lotionem, sine peccato veniali contingi. Tamb. de sacrif. Miss. 1.1. c.2. §.1. n.7. ex una enim parte hæc sacro christmate non unguntur: ex altera vero ex solo contactu Eucharistia non videntur tantam dignitatem contrahere, quantum ex sacra unctione calices, aut res alia consecrata: quoniam sola consecratio non sufficit ad laicos prohibendos a contactu rerum christi mate unicarum; alias nec campanas, nec altaria, nec muros templorum possent sine culpa, satem veniali, contingere; nam hæc sacro christmate unguntur. Quodsi autem purificatoria ex usu sacro aliquid sanguinis imbibent, aut corporalia minimam aliquam Corporis Christi particulam continuere queant, non refert: tum quia Sanguis in purificatoriis exsiccatur, & sic definit ibi esse: tum quia id, quod de particulis hostiæ dicitur, est per accidens, & de raro contingibus, & ideo libertatem

tatem ea tangendi non debet impedire: nisi etiam velis propter simile periculum eadem corporalia, purificatoria & similia non esse amplius reponenda in cistis & arcis profanis, quod tamen passim sine scrupulo & delectu fit. Quando ergo casu fortuito in his continentur sacræ species, Angelorum, qui specialiter dicuntur ad Eucharistie custodiam esse deputati, erit, præsentem Christum humiliter venerari, & cavere, ne qua ipsi inferatur irreverentia.

297. Major difficultas est de patenis & calicibus: sed & hæc vasa nudæ manu extra sacrum ministerium sine ullo etiam veniali peccato possunt ab omnibus, etiam laicis, etiam fæminis tangi, et si nulla sit necessitas, modò contemptus absit. Sotus, Bartholomæus ab Angelo, quo se ferte, & sequitur Tamib. *de Sacrif.* l. 1. c. 2. §. 1. n. 12. multum faventibus Sanch. l. 2. *Mor.* c. 43. n. 27. *in fine*, Palao T. 2. tr. 8. D. 1. p. 6. n. 24. & Emmanuele Sa in genuina editione. *V. sacra* n. 3. ubi ait, sacra tangi à laicis sine contemptu, aut nullum esse peccatum, aut levissimum. Et ratio est, quia de obligatione, etiam sub peccato tantum veniali, abstinentia simplici istarum rerum contactu, non constat, ut patebit: quod enim nulla lege statutum est, non est afferendum. *Cap. Legatur* 24. q. 2. & *cap. 2. de translat. Episcop.* Certè ut S. Thom. *quodlib. 9. q. 7. a. 15.* apud P. Georgium Gobat *in clypeo clementium Judicium.* n. 130. ait, periculosè determinatur, aliquid peccatum esse mortale, nisi expressa veritas habeatur: Cui prorsus affine est illud Gabrielis *in 4. dist. 15. a. 2. insine*, apud eundem P. Georgium Gobat. n. 134. id alibi sèpiùs repe-

tentem & inculcancem pronuntiatum: Theologi, inquit, non debent esse faciles ad afferendum, alias actiones, aut omissiones esse peccata mortalia.

298. Sed jam quod attinet ad textus ex cit. *Dish. 1. de Consecrat.* objici solitos, generatim dico, illos non loqui de simplici contactu, de quo nobis est sermo, sed vel I. de contactu, qui addit gestationem factorum vasorum, que solet fieri intra sacram Missæ ministerium, ut *textus can. 25. & 23.* quod colligitur ex priori textu, qui est de fæminis sacratis, quas sacra vasa contingere, & incensum circa altare deferre, Pontifex vocat pestem quam citissime resescandam: quod de simplici ejusmodi vasorum extra ministerium lacrum contractu, in quo nec juxta adversarios alia est, nisi culpa ventalis, dici non potest. Vel II. loquuntur de contactu in ordine ad usum profanum, ut *textus can. 41.* & duo sequentes: Quanquam *textus can. 42.* quoad vestimenta sacra, v. g. casulas, amictus, albas, ut vocant, non est amplius in usu: hæc enim alacis passim tanguntur, nemine illis movente scrupulum. Vel III. continent tantum consilium, ut *textus can. 26. 30.* & 31. quorum priores duo utuntur verbo non oportet, postremus vero verbo non licet, & præterea *textus can. 42.* qui utitur verbo non debet; sed juxta doctrinam de Legibus communiter recepram tam verbum non oportet: quam non debet, solam denotat convenientiam & decentiam: id quod de verbis quoque imperativi modi ibidem tradi solet: nisi materiae subjectæ gravitas, vel majorum auctoritas aliud suadeat. Quod si autem omnino contendat quis, etiam his textibus impositum esse pre-

præceptum, id vel grave erit, si de contactu in sacro Missa ministerio sermo sit; vel solùm leve, cuius obligatio ex causa non adeò gravi cessare potest, ut Fagund. *in 1. præc. Eccles. l. 3. c. 21. n. 32.* notat.

299. Ex eo, quod privilegia pro licentia tangendi vasà sacra petantur, nihil contra nos infertur; ea enim sepe peruntur & dantur vel ad tollendos solùm scrupulos, non ad aliquid novum concedendum; vel pro sequentibus contrariam opinionem, ut tradunt Suar. *D. 81. de Euchar. f. 8. §. 4. addendum.* Lezzana *T. 2. qq. Regular. c. 8. n. 34.*

300. Sed nec *textus can. 40. cit. Dif.* qui jubet corporalia priùs, quam laicis dentur, lavanda à Diacono, & aquam lotionis mittendam in sacrarium, obest: quia, ut Suar. *l. c. notat,* in ea lotione tandem nihil intervenit, quam simplex contactus, quem graviter prohiberi, ex illis imperativi modi verbis, *Diaconi cum humilibus ministris lavent* &c. non colligitur: ea enim solùm indicant, quæ fuerit mens Pontificis circa ejusmodi rerum attactum, videlicet eum spectare ad Diaconos & alios ministros: an autem etiam aliis competit, id nec ait, nec negat. Certè si quis diceret, *Ostiarii januas aperiant,* ostenderet quidem ostiariorum officium id esse, non tamen prohiberet, quò minus alii quoque, quamvis non ex officio, januas Ecclesiæ possent aperire. Præterquam quod canon hic, quoad modum lavandi corporalia, ferè sit abrogatus: ubi enim ea lavantur in sacrario? ubi à Diacono cum ministris? cur non ergo potuerit abrogari etiam quoad lotionem à Diacono faciendam?

R. P. Stez. Trib. Pænit.

301. Atque ex his tandem patet, etiam Cereos, quos Agnos DEI vocant, ab omnibus etiam fæminis, cujuscunque status & conditionis, nuda manu tangi posse, modò contemptus absit & irreverentia: non enim extat textus, qui id prohibeat, & ut Sanch. *l. 2. Mor. c. 43. n. 27.* ait, usus jam sic obtinuit. Sed eosdem cereos liquefacere, & ut plures similes haberi possint, cum alia cera non benedicta miscere, non licet secluso privilegio: quod inde sat is constat, quod Pontifices sibi solis rigidiissimè refervent potestatem benedicendi ejusmodi cereos: satis enim hæc reservatio indicat, Pontificem nolle, ut res profana per commixtionem studio factam convertatur in lacram. Sed nec licet eosdem cereos miao, auro, aliòve colore depingere sub pœna excommunicationis Papalis, quam incurunt etiam illi, qui eos vendunt, aut vendendos proponunt, excusari tamen hi possunt, si præcisè materiam vendant, ut expensas, quæ in iis conficiendis fiunt, recuperent. Bonac. *de præcept. D. 3. q. 1. p. 4. n. 12.*

302. Reliquias sacras furatus sum semel. Est hoc furtum sacrilegum, & ex suo genere peccatum mortale. Bonac. *n. 9.* Sanch. *n. 23.* Laym. *l. 4. tr. 7. c. 5. n. 18.* & alii. Excusat tamen potest materia parvitas: quæ non est pensanda semper ex quantitate materia ablata: sed ex existimatione, quam homines de talibus Reliquiis habent, & ex earum raritate. Sanch. Bonac. *ll. cc.* Unde etsi particula ex sancta Christi Cruce, vel spinea ejus Corona sit satis modica, peccatum tamen erit mortale eam suffurari. Excusant autem, qui sacras reliquias ex manibus Infidelium

Dd

extra-

extrahunt; sunt enim hi iniusti earum detentores, nec ullam eis exhibent reverentiam. Laym. n.17. Sanch. Bonac. ll.cc.

303. *Sacras reliquias vendidi, vel emi semel.* Est hæc negotiatio in cap. 2. de Reliquiis. & in Concilio Trident. Sess. 25. in Decreto de invocatione &c. Et reliquias Sanctorum, severè prohibita, & est aperi-
tissimè simoniaca. Laym. n.19. ex sensu omnium. Nihilominus tamen, si ea vel ab infidelibus, vel hæreticis detineantur, licitum est eas emere, non quidem ut res sacras, sed earum quasi vexationem seu indignam tractationem, aut injustam possessionem redimere. Laym. n.17. Sanch. n.22. ubi etiam refert Philiarchum de offic. Sa-
cerd. T. i. p. 2. l. 3. c. 9. ad finem.

304. *Sacras Reliquias, cum fornicar-
er gestavi semel.* Philiarchus l.c. à Sanch.
c. 40. n. 28. & Dicast. tr. 8. D. 9. d. 8. n. 719. relatus existimat, peccare graviter illum, qui dum exercet actum venereum, v.g. fornicationis aut mollitiei, gestat sacras reliquias, & hanc adeo circumstantiam in confessione necessariò explicandam esse: quod ego facile admitterem, si talis actus ex intentione Sanctorum reliquias in honordi exerceretur. Sed existimo, non facile tam scelestum aliquem esse, ut tale aliquid audeat vel perpetret. Cum ergo actus venereus non habeat specialem aliquam & directam oppositionem cum cultu & reverentia Sanctis debita; idcirco sentio cum Sanch. Dicast. ll.cc. Laym. n. 18. Lugo D. 16. n. 513. actum turpem exercere gestando simul Sanctorum reliquias, continere quidem aliquam irreverentiam, non tamen mortalem, quæ sit necessariò in confessione exponenda. Unde multò minus conju-

ges carnaliter se cognoscentes, dum faciat reliquias ad collum deferunt, ad hanc circumstantiam explicandam urgendi sunt, nec ea à confessariis per interrogations elicienda: hoc est enim inutilis curiositas. Bonac. n. 8. Poterit tamen ejus, quod gestatur, sanctitas esse tanta, ut indecentia in tali actu eosque crescat, ut merito centeri possit esse gravissima: ut, si Sacerdos secum habens Sanctum Sanctorum Dominum in Eucharistia fornicaretur; hunc enim nec Lugo, nec Dicastillo audent excusare à peccato gravi contra Religionem. Dealii peccatis mortalibus, qua à gestante sacras Reliquias committuntur, v.g. de detractione, contumelia, furto, perjurio &c. est eadem ratio, quod non videantur continere aliquam erga Sanctos irreverentiam: nisi forte, ut Dicast. notat, Sacerdos deferens, etiam secreta (quod fieri potest) Eucharistiam, corona hominum aleis, chartisoliis &c. ludentium aut rixantium se misceret, & una luderet, rixas cum aliis ordiretur, verbena infligendo &c. hæc enim utique graviter dedecent talem Sacerdotem.

305. *Sacras Reliquias dedi mee amasti semel.* Si dedit ut pretium turpis commercii, utique fædissimam & sacrilegum commisit simoniam. Si dedit ad turpem amorem, vel amicitiam & benevolentiam conciliandam, vel conservandam, sacrilegium est ob abusum rei sacrae, & peccatum mortale, ob finem, qui intenditur, graviter malum. Excusabitur à peccato, si donatio hæc nulla prædictarum, aut simili alia perversa circumstantia vitetur.

306. *Sacrilegè communicavi semel.* Est hoc peccatum mortale, & contingit, si quis

quis sine causa accedat ad sacram Eucharistiam malè dispositus. Sunt autem dispositio-
nes ad dignam & fructuosam Eucharistia-
m sumptionem requisitæ duplicitis gene-
ris: unæ se tenent ex parte corporis, alte-
ræ ex parte animæ. Et quidem ex parte
animæ plus non requiritur, quām ut pec-
cato mortalī non sit contaminata: à quo
proinde purganda priùs est per Confessio-
nem; & quidem, quod probabilius, ex præ-
cepto divino lato à Christo, & per Apo-
stolos tradito, vel, ut Concilium Trident.
Seff. 13. c. 7. loquitur, Ecclesiastica con-
suetudine declarato: nisi necessitas com-
municandi & defectus Confessarij excus-
set, de quo infrà; sed tunc præmitenda
est contritio. Unde indignè & sacrilegè
communicat, qui vel in uno tantum, vel
etiam in pluribus peccatis mortalibus con-
stitutus communicat. Non autem pro
peccatorum pluralitate sacerdos peccat, qui
pluribus peccatis mortalibus obstruetus
communicat. Est tamen èd gravius pec-
catum, quò plura vel majora sunt peccata,
cum quibus quis communicat. Tambur.
in Method. Commun. c. 1. §. 2. n. 3. Hæc
autem gravitas limites circumstantiæ so-
lùm aggravantis non excedit. Ceterum si
quis inculpatè ignoret suum peccatum
mortale, & Eucharistiam sumat, non pec-
cat: imò, quæ est probabilior Theolo-
gorum sententia, justificatur: ut adeo
huic satis sit, solum peccatum, si postea in
memoriam redeat, aperire, nullâ factâ
mentione nuperæ communionis, utpote
culpa omni vacantis.

307. Sed si quis primùm è confessio-
nali egressus turbæ jam statim communi-
catorum permixtus sit, aut etiam ad
crates jam flectat, teneturne recedere, ut

peccatum, cuius nunc primùm recorda-
tur, aperiat? Etsi non desint, qui tales,
saltē dum mensæ Communicantium
nondum proximè assistit, obligent ad hoc
peccatum Confessatio priùs aperiendum,
quām sacra sumatur Eucharistia, existimo
tamen benignius esse, & famæ conser-
vandæ aptius, & humanæ fragilitati con-
formius, si talis ad confessionem repe-
tendam non compellatur, sed potiùs,
etiam secluso scando, permittatur, opus
cæptum prosequi, & Eucharistiam sume-
re: ex una enim parte indecentia quædam
videtur, actionem alioqui tam sanctam
& etiam inchoatam abrumpere: ex altera
verò idem jam est rectè dispositus, cùra
à tali peccato jam verè, saltē indirectè,
sit absolutus. Henrig. I. 8. c. 46. n. 3.
Tambur. §. 8. n. 63. Pagund. 3. *præc. Eccl.*
I. 3. c. 9. n. 14. nec, cùm, ut modò dixi,
jam sit justus, opus est, ut eliciat novam
contritionem: modò intentionem habeat,
illud peccatum proximè confitendi.

308. Sed & ex parte corporis ad di-
gnam communionem aliud non requiri-
tur, quām jejunium, ut constat ex usu Ec-
clesiæ, & Cap. 49. *Sacramenta.* de Con-
secrat. Dist. I. Debet autem hoc jeju-
num esse naturale, sicutum in carentia
omnis cibi & potūs etiam medicinalis; &
perfectum, adeo ut excludat quenlibet
cibum & potum minimum, per actionem
vitalem, quæ sit vera manducatio & po-
tatio, assumptum & in stomachum traje-
ctum. Nec datur in hoc jejunio parvitas
materiæ, & incipit à media nocte, hoc est,
à primo campanæ, etiam minoris, quā
horarum quadrantes indicantur, sono. De
quo proinde defectu si constet, eo die
non est amplius ad communionem acce-
der-

dendum: Quod si verò quis dubitet, an, quando comedit, aut bibit, media nox jam transierit, Laym. l. 5. tr. 1. c. 5. §. 4. n. 36. Dian. p. 3. tr. 4. R. 29. Joan. Sancius in selectis D. 42. n. 9. tales ad communio-nem admittunt; quod sit in possessione suæ libertatis. Sed Sanch. de Matrim. l. 2. D. 41. n. 40. Lugo de Evch. D. 15. f. 2. n. 44. & alii repellunt: & meritò; quia legis ecclesiasticæ, à qua hæc obligatio provenit, possessio est antiquior; & qui-libet, qui beneficium aliquod postulat, de-bet suam illius recipiendi capacitatem probare.

309. Si quis autem communicet non jejunus, peccat mortaliter, quia violat præceptum grave. Causa tamen justa ex-cusare potest: qualis est I. si periculum mor-tis ex quacunque causa, etiam ex sententia judicis, immineat. Et potest in eodem mor-bo sèpius, post aliquot tamen dies, v. g. sex, vel, ut Laym. l. 5. tr. 4. c. 6. n. 20. notat, etiam duos dies viaticum à non jejunio repeti, si sit incommodum jejunio dare Evcharistiam, sive hæc incommoditas ex parte dantis sive ex parte recipientis se te-neat. Tamb. c. 5. §. 10. n. 19. & 20. Imò Sa-cerdos non jejunus celebrare potest, si nulla adsit particula consecrata ad dan-dum alteri viaticum. Tamb. cit. n. 20. & c. 2. §. 8. n. 32. Quin & illud probabile est, quod etsi non liceat ægro non jejunio ex sola devotione communicare; si tamen morbus sit diuturnus, nec Communio, nisi post sumptam medicinam, sumi pos-fit, id liceat: & quidem, ut Escobar. tr. 7. Exam. 6. §. quonam modo. ex Hur-tado tradit, toties quoties sano jejunio dari potest. Verùm hic spectanda est loci consuetudo, quæ saltem in longo morbo,

videtur permettere, ut post septem vel octo dies communio detur non jejunio. Lugo D. 15. f. 3. n. 66. II. si sit periculum, ne Evcharistia pereat, vel male tractetur: tunc enim etiam à Laico non jejunio, etiam præsente Sacerdote sumi poterit. Lugo f. 4. n. 86. & alij. II. si ex omissione communionis oriturum sit verum & grave scandalum: tunc enim prævalet naturale præceptum, omnibus commune, de scando non dando.

310. Communionem paschalem nuper sine ulla causa neglexi. Est hoc peccatum mortale, utpote contra præceptum grave. Constat ex ipso textu præcepti à fidelibus semper ita intellecti: & ex Cap. omnis u-triusq. de penit. & remiss. Duplex est autem sumenda Evcharistiae præceptum, Ecclesiasticum unum, alterum Divinum. De priori constat ex modò dictis: obligat autem omnes fideles adultos, & rationis capaces: quin & parvulos, qui, cùm te-ppennium egressi sunt, majestatem hujus Sacramenti probè nörunt: in quo discernendo multum tribui potest judicio pa-rentum, ludimistrorum, & Confessan-rum & similium. Ego, salvo meliori judi-cio, existimo, istos, si Sacramentalis að-solutionis verè sint capaces, ab Evcharistia Sacramento non esse facilè repellendos: cùm ad hoc multò minùs, quam ad illam validè, sine conditione &c. dandam re-quirantur. Et sumenda est Evcharistia, ut præcepto satisfiat, in propria Parochia, nisi vel privilegium, vel licentia Parochi aliud permittat: & quidem intra tempus ab Ecclesia determinatum, quod est paschale à Dominica Palmarum, ad Do-minicam in Albis inclusivè durans: nisi forte in aliquibus locis propter vastitatem,

aut

aut difficultatem accedendi ad propriam Ecclesiam Parochialem hic terminus amplietur : quod etiam ipsi Parochi possunt facere. Intra hunc ergo terminum , nisi aliud obstat, paschalis Communio peragenda est: non quasi ei termino sit alligata, & cum eo expiret : neque enim terminus ille positus est ad obligationem finiendam , sed ultra illum præcisè non differendam sine causa. Sic nimirum & juxta L. 23. §. 1. v. sed ipse. ff. de receptis arbitris. obligatus solvere debitum certo die, v. g. ad Calendas Majas manet adhuc obligatus , licet eo die omiserit solutionem. Quod si quis prævideat , se neque paschali , neque toto reliquo tempore communicare posse , tenetur antevertere , quia totus annus est terminus communionis ab Ecclesia præceptæ : ergo quoconque tempore potest impleri, deber. Potest verò etiam Confessarius ex justa causa differre suo pœnitenti tempus communicandi post pascha, juxta cit. cap. omnis utriusque. Et tunc tenetur ille communicare juxta Confessarii dilationem. Satisfieri autem huic præcepto posse per Communionem indignam fuit antehac satis communis sententia , quia etiam per hanc sumitur verum Sacramentum ; quod non accidit in Confessione sacrilega : hæc enim , ut constat , non est verum Sacramentum , quale tamen Ecclesia præcipit. Sed jam est 55. inter prohibitas à S. D. N. Innoc. XI. 2. Martii 1679. unde apparet , quod Ecclesia per suum Præceptum intendat non tantum , ut fideles sumant Evcharistiam , sed ut etiam debitè sumant ; sicutque jam istud non minus quam illud spectet ad substantiam rei præceptæ juxtan. 390, insr. & seq.

311. Porro præceptum Divinum sumendi Evcharistiam (tale enim præceptum dari constat ex illis verbis, Joan. 6. nisi manducaveritis Carnem filii hominis & biberitis ejus Sanguinem, non habebitis vitam in vobis) obligat saltem pro articulo mortis ; & si etiam extra quandoque obliget (ut sanè obligare plurium est sententia) de ejus executione fidibus non est injiciendus scrupulus ; cum vix ullus sit tam frigidè Catholicus , ut non aliquoties per annum in majoribus saltem festivitatibus Christi aut B. Virginis communicet : certè si cetera delint omnia, etiam per annuam seu paschalem communionem eidem præcepto abunde satisfit. Allatum verò illud est huic mortis articulo ; ut proinde eo cessante, ejus quoque obligatio cesseret. Sed

312. Quid si quis paulò ante eum articulum , v. g. ante octo vel etiam decem vel ipso illo die , ante paucas horas communicavit ; teneturne etiam tunc , cum primum in eum articulum incidit, communicare ? Laym. n. 4. Lugo. f. 2. n. 37. Tamb. l. 5. §. 2. n. 5. & alii probabile esse judicant , non teneri ; probabilius tamen mihi est , quod docent alii , teneri : eò quod tunc præceptum nondum viguerit ; & seclusa speciali inter debitorem & creditorem conventione, (de qua tamen in præsenti non constat) obligationi nondum contractæ sed primum contrahendæ non satisfiat per opus illam præcedens : sic nimirum hodierna auditione sacri non satisfit obligationi crastinæ diei, in quem incidit festum. Idem est de eo , qui hodie recitat totum officium canonicum , existimans se crastinæ obligationi satisfacere : cum

D d 3

tamen

214

tamen gravissimè erret. Hinc autem obiter

313. Pater, judicem teneri reo ad mortem condemnato concedere tempus sumendi Eucharistiam. Palaus T. 4. tr. 21. p. 20. n. 5. & alii, et si timeatur, ut reus concessio illo tempore evadat, aut aliqui scandalum patientur. Bonac. de Sacram. D. 4. q. 7. p. 1. n. 6. nisi forte reus intra tempus concessum pertinaciter nolit communicare: tunc enim sententia etiam capitis executioni mandari poterit, et si timeatur, ut in malo statu decedat: alias daretur malefactoribus per ejusmodi dilationem occasio eludendi publicam protestatem, & evadendi Justitiae manus non sine periculo gravium in republica incommodorum securitorum. Bonac. n. 7.

314. Communicavi ad captandam vanam gloriam vel benevolentiam apud parentes, preceptores, superiores &c. bis. Etsi aliqui majorem hic culpam agnoscere velint, majorem tamen, quam veniale non video: quia actus ex objecto seu fine suo suam sumit malitiam: atque adeo major seu gravior non potest esse in actu, quam sit in objecto: vanam autem gloriam ex suo genere non esse nisi levem culpam, dixi n. 185. Tamb. in Meth. commun. c. 1. §. 4. n. 9.

315. Sub ipsa sacra communione fui distractus, semel. Si quis in peccato veniali communicet, duplicitate habere potest peccatum; vel ut in ipso actu communicandi committatur, ut si quis tunc voluntarie ad alia v.g. profana, quæstiones philosophicas aut Theologicas distrahitur; vel ut merè habitualiter, quatenus nimis commissum quidem est, sed nondum vel expiatum, vel condonatum

aut retractatum. Cum peccato veniali merè habituali communicare, nullam novam malitiam continet: quia ex una parte peccatum veniale non impedit primum Eucharistiæ effectum: ex altera vero non est fundamentum obligandi homines, ad omnem melioram, quæ esse potest, dispositionem recipiendi Eucharistiæ, adeoque ad removendum omne peccatum veniale. Valsq. de Euchar. D. 207. n. 18. Joan. Sancius in select. D. 21. n. 9. quos refert & sequitur Tambur. i.e. quibus addendus est Dicast. tr. 4. D. 9. d. 3. n. 55.

316. Major est difficultas de peccato veniali sub ipsa communione admisso, v. g. de distractionibus voluntarijs; he enim tunc temporis ut plurimum admittuntur. Et quidem culpam veniale in ijs agnoscit Tamb. n. 13. ed quod irreverentia quedam sit, Christum hospitem recipi ab anima, omnia alia præter ipsum aut ad ipsum spectantia, studio cogitate. P. Georg. Gobat prope etiam peccati mortalis damnat ejusmodi voluntarias distractiones; sed non audet propter suum illud familiare pronuntiatum, ex S. Thoma, & Gabriel, n. 297. allatum. Certè nec venialia, quando potest, sunt asserenda. Unde cum Eman. Sa. V. Euchar. n. 22. & alijs, quos ex Dian. p. 3. tr. 4. R. 31. refert Dicast. n. 41. sentio, cum affectu (utique vigente) peccati venialis ad communionem accedere, præter illud, non esse novum irreverentia peccatum: id quod & Joan. Sancius in select. D. 23. n. 32. in specie admittit de distractionibus voluntarijs. I. quia ex una parte peccatum veniale in ipsa Eucharistiæ sumptione admissum non impedit

pedit primarium ejus effectum: ex altera verò non est fundamentum præter propriam ipsius actùs malitiam novam aliam in eundem actum refundendi. II. quia in ipsa communione nullibi præscribitur; nec ipsa communionis natura eam requirit. Et licet communiter specialem aliquam, saltem levem, irreverentiam agnoscant in distractionibus inter orandum voluntariè admissis, id tamen non statim transferendam est ad distractiones itidem voluntarias inter communicandum: oratio enim est locutio ad DEUM, & ideo facilius est agnoscere irreverentiam in iis distractionibus: at verò Eucharistia est cibus, quem si quis distractè sumat, non apparet, quā ratione novam & specialem malitiam contrahat. Nihilominus tamen utique consulenda est attentio, ut voluntariae saltem distractiones caveantur: neque enim omnia, quæ peccata non sunt, continuò sunt facienda. vide infra lib. 2. n. 134.

317. Post sacram communionem me statim rebus profanis impendi. Colloquiis videlicet vanis, jocis, risibus, lusui, compotationi indulsi. Hæc enim licentia ab irreverentia, saltem venialis, notā non videtur posse excusari. Multò magis damnandus esset, si quis esset tam scelus, & tam effrenatælibidinis, ut ab ipsa statim communione ad fornicationem provolare: hæc enim esset gravissima irreverentia contra sanctitatem tanti Sacramenti. Lugo D. 16. quod Dicast. cit. D. 9. n. 733. non improbat. Notent hoc etiam Sacerdotes, qui sacrum vix absolvunt, cùm omissis illis, quæ alioqui post sacrum dici solent, precibus, prouunt ad negotia profana, œconomica, rusti-

cana tractanda, atque utinam non & ad peccata gravia.

318. Peccati mortalis mihi conscius celebravi semel, Confessione non premissâ, idque ob defectum Confessarii, & urgen- te necessitate. Indubitatum est, eum, qui peccato mortali obstrictus est, tene- ri ex præcepto Divino confiteri prius, quam celebret; & id quidem non quia conjecturus est Eucharistia Sacramen- tum (quoad hoc enim præcisè non est alia ratio hujus Sacramenti, quam alio- rum) sed quia idem Sacramentum etiam est suscepturnus: ad quod requiritur jux- ta modò dicta status gratia recuperan- dus, si amissus est, per Sacramentum pénitentiarum; hoc enim est proprium ipsius Eucharistie. Et licet hæc obligatio sit communis omnibus Sacerdotibus, quan- tumvis contriti sibi videantur, celebra- turis: specialiter tamen spectat ad illos, qui celebrarunt Confessione non premissâ, & urgente necessitate: his enim Concilium Trident. sess. 13. cap. 7. posuit speciale præceptum his verbis: quod si ne- cessitate urgente Sacerdos absque prævia Confessione celebraverit, quam primum confiteatur: quod postea Rubricis Ro- mani Missalis tit. de defect. cap. 8. in hæc verba insertum est: si quis in casu ne- cessitatis non habens copiam Confessoris in peccato mortali absque contritione celebreret, graviter peccat; secus si conteratur: debet tamen, cum primum poterit confiteri. Quæ verba tam Concilii, quam Missa- lis ita olim fuerunt intellecta, ut nec il- lud confiteatur, nec istud debet, denota- ret verum aliquod & rigidum præcep- tum sub peccato mortali obligans, sed solummodo vel consilium & piam adhor- tatio-

tationem, vel præceptum leve sub peccato veniali obligans: id verò quod dicitur *quamprimum*, plus non importaret, quām Sacerdotem debere confiteri, quād voluerit iterum celebrare, et si id primum futurum sit post spatiū etiam plurimum mensium, ut adeo Sacerdos quoad hoc laicis omnino pareret: utrique enim ante novam Communionem tenentur peccata nondum expiata confiteri. Ita docuerunt graves, nec pauci authores: fuitque sententia valde plausibilis, & utroque, ut ajunt, brachio excepta.

319. Sed ea hodie nihil amplius habet probabilitatis, postquam ab Alexandro VII. non solum doctrina ipsa, sed etiam praxis est prohibita sub Excommunicatione latæ lententiae extra articulum mortis Papæ reservata. Itaque tenendum omnino est, Sacerdotem peccati mortalitatis sibi consciū, si urgente necessitate, & Confessario, cui suum delictum patefaciat, non præsente, celebret, obligatum esse sub gravi peccato ad quamprimum confitendum. De obligatione gravi, seu sub peccato mortali constat ex pœna contra transgressores statutâ: quæ cùm gravissima sit, (quæ enim inter pœnas spirituales gravior esse possit excommunicatione latæ lententiae, & ipsi etiam Pontifici reservata?) necessariò supponit culpam gravem, cùm pœna ex culpa metienda sit.
Cap. Felicis de pœn. in 6.

320. Quando autem Sacerdos, qui necessitate constrictus celebrat, Confessione ex penuria Confessarii non præmisca, teneatur postea confiteri, non aliter seu à Trident. seu à Missali determinatum est, quād quod debeat id fieri *quamprimum*: quid verò denotet hæc

particula *quamprimum*, neutro loco determinatum est. Si intelligatur in sensu prædicto, qui est Fagund. in 3. præ. Ecc. tr. 3. l. 3. c. 8. n. 9. Binsfeldii & aliorum apud Dianam p. 2. tr. 14. R. 60. is est nimis laxus, & post dictam Alexandri VII. declarationem nequit sustineri. Si vero sumatur ita (ut sumit Sancius in scel. D. 32. n. 14. & Tann. T. 4. D. 5. q. 8. n. 27.) ut statim finito sacro facienda sit Confessio, interpretatio memoratae particula est nimis rigida: si enim ante Missam non erat copia Confessarii, ratissime erit statim à Missa finita: leges autem non feruntur pro raro contingebus.

321. Alius ergo prædictæ vocis *quamprimum*, sensus est, nimis, intra triduum à tali, de qua sermo est, celebratione missæ, confitendum esse. Diana 2. p. tr. 14. R. 60. & p. 9. tr. 3. R. 33. id enim censetur quamprimum fieri, quod fit intra triduum. *L. fin. C. de error. advoc.* & *L. fin. C. de iudiciis.* Et idcirco si quis Sacerdos, intra hoc spatiū non confiteatur, peccatum est mortale; & quidem cùm sit speciale præceptum à reliquis distinctum, etiam specialiter in Confessione proxima explicandum. Quod bene notandum est Sacerdotibus: non enim hi, ut aliqui existimant, à gravi peccato excusari possunt propter ignorantiam hujus præcepti invincibilem. Quoniam enim modo hæc excusatio locum habere pollet, non video: non enim existimare possum, Theologiz, etiam Moraliz, Professores officii sui tam incurios esse, ut cùm agunt de dispositionibus animæ ad Communionem requisitis, non meminerint tam gravis præcepti, vel saltem, ut olim

olim erat, consilii & exhortationis. Certe etiam libri hanc doctrinam pleni sunt: quomodo ergo ignorantia invincibilis pro tegumento malitiae ostendi potest? Eam tamen in nonnullis reperiri non negaverim. Quodsi ergo aliqui sint, qui ea ignorantiam verè laborent, Confessarius omnino tenetur, eos de errore, in quo sunt, commonefacere: nam ex una parte non potest quoad hoc deesse ipses emendationis secuturæ: ex altera vero, Confessarius est non solum judex, sed etiam Magister poenitentis, atque adeo in tali casu tenetur ex officio eum erudire, & admonere.

322. Ceterum hoc Tridentinum præceptum non obligat I. Laicos in peccato mortali per Confessionem non expiatto, sive ex devotione, sive ex præcepto, communicantes. Nec II. Sacerdotes mo re Laico communicantes, ut sit in feria quinta sanctæ hebdomadæ. Nec III. illos, qui nullæ urgente necessitate, sed ex malitia omittunt Confessionem, quam facile potuissent præmittere. Fill. tr. 8. n.22. Lugo D.14. f.7. n.150. & alii: quia Concilium expresse loquitur de eo, qui ex necessitate omisit Confessionem, ac proinde justè accessit: in rebus autem odiosis non sunt extendenda præcepta. Nec IV. illos, qui in ipso Sacrificio sive ante, sive post consecrationem se novo peccato mortali obstrinxerunt: hi tamen tenentur, velante confessionem vel sumptionem hujus Sacramenti contritionem elicere: nisi forte, quod intra Sacrificium nanciscantur occasionem confitendi, sine scandalo & murmure populi: quod raro quidem fieri; fieri tamen poterit, cum Sacrum concione abrum-

R. P. Stoß, Trib. Poenit.

pitur, & Sacerdos interea ab altari ad Sacristiam ex more consueto recedit. Neque V. illos, qui formaliter integrum fecerunt Confessionem, & intra Sacrificium recordantur obliiti peccati. Arriaga de Euchar. D.46. f.3. n.35. sed tamen h̄ poterunt tutò peragere sine nova contritione per ea, quæ n.307. sunt dicta, quibus consonat Arriaga n.34. 28. & 34. Qui verò omittit malitiosè Confessionem Sacrificio Missæ aliqui necessariò præmittendam, non committit plura peccata mortalia, ut aliquibus videtur, sed unum tantum: quia tam Confessio & contritio, quam oblatio & consecratio ad eandem ordinantur Communionem: ubi autem unum ordinatur ad alterum, in aestimatione morali non censentur esse diversa.

323. Sed jam necessitas, ob quam omitti potest Confessio, non debet esse levius nec gravissima: sufficit, si sit gravis, qualis est I. si pro jam morituro consecranda sit hostia. Bonac. D.4.q.6.p.1.n.22. II. si Sacrificium aut Communio omitti non possit sine gravi infamia, vel scandalo. III. si teneatur Sacerdos ex officio celebrare, ut populus Sacrum audiat: aut fideles id jure suo exigant: neque per alium id perfici possit. Sed & alius Sacerdos, qui non est parochus, idem poterit juxta Dian. p.9 tr.3. R.9. & alios. IV. si urgeat præceptum annua Communionis, vel si Sacerdos ipse non possit audire Sacrum, nisi celebret.

324. Neque tamen ad omittendam Confessionem sat's est, adesse necessitatem celebrandi (communicandi) sed præterea requiritur, ut desit copia Confessoris. Deesse autem censetur, I. si

Ee verè

verè nullus sit præsens : ad absentem vero ut accedas, temporis angustia non permittunt, vel magna in eo accessu apparet difficultas, quæ pensanda est ex debilitate virium, ætate, aut aliis circumstantiis, v.g. aëris inclemens, ut si densa nix aut pluvia cadat continua, aut distantia, Bonac. D. 4. q. 6. p. 1. n. 30. Tamb. c. 1. §. 6. n. 19. Quanta autem distantia sufficiat, non omnino convenit. Gavantus 3.p. tit. 8. n. 3. in Rub. Missal. absolute dicit, tunc non adesse copiam Confessarii, quando is longius abest, quam ut commodè adiri possit. Sed quam procul debeat abesse? Quibusdam nimia videtur, si in ito duæ horæ sint insumentæ, & totidem in reditu, saltem in hyme. Canus apud Lugo D. 14. f. 5. n. 83. & Dicast. tr. 4. D. 9. d. 6. n. 104. putat distantiam trium (nempe Italorum, ut exponit Dicast.) milliarium, quæ conficiunt quinque circiter horæ quadrantes. Alii etiam tunc, cum saltem aliquoties, et si non singulis diebus, adeundus est; sed quod Canus dicit, Dicast. rejicit: ego tamen existimo, non esse omnino abjiciendum, ne in ejusmodi objectis semper hæreamus ancipites & incerti, an non remotius iter possimus absolvere, ut Sacerdotem, cui confiteamur, reperiamus. Imò censeo adhuc brevius iter quandoque præbere causam ante sacrum non confitendi, ut si Parochus manè primum mortaliter peccet, & intereadum tempus celebrandi advenit, alii labores parochiales erunt obeundi, qui, ut Confessarium etiam ad unum dunxerat quadrantem horæ dissitum accederet, non permittebant, sed in hoc semper id cavendum, ne habentæ nimium laxentur.

II. si non adsit, nisi idiomaticis, quod ego calleo, prorsus ignarus. III. si non adsit, qui habeat jurisdictionem in peccata mortalia; necis, qui confiteridebet, possit vel ex Jubilæo, vel privilegio dare. Huc reducitur, quando quis tantum habet casum reservatum, nec patet aditus ad Superiorem, vel Superior se mel iterumque per pium Confessarium rogatus negat potestatem absolvendi. Quid autem si quis præter peccatum reservatum habet alia seu mortalia seu venialia, fieri possit aut debeat, jam sup. n. 63. dictum est. IV. si quis præfensi non possit confiteri sine gravi suo vel alieno damno, quia videlicet probabile periculum est revelationis, vel quid simile. Et quidem si omnium mortalium tale periculum timeatur, potest omitti Confessio: si autem alicujus tantum seu aliorum, potest se gerere, ut supra citato loco de casibus reservatis est dictum. V. non tamen censendum est, deessit Confessorem, si absit, cui quis solet ordinari, & nunc etiam cupere confiteri; vel cui majori cum devotione aut utilitate confiteretur; vel si adesseret privilegiatus, & Parochus proprius abesseret. Lugo n. 106. Tamb. n. 18. Bonac. n. 27.

325. Celebravi bis matutino nondam dicto. Barbosa de potestate Episc. p. 2. alleg. 24. n. 15. numerat. 39. autores, inter quos sunt duo Sancti, Antoninus & Raymundus: & duo Pontifices, Innocentius IV. & Pius V. nunc Beatorum numero adscriptus, qui damnant talen peccati mortalis: quibus ex Gavanto in Rubric. Miss. p. 2. tit. 1. addendus Francolinus de tempore horarum Canonie c. 42. & ipse etiam Gavantus. Negat tamen

tamen mortale esse, ipse Barbosa, & alii 20. quos citat, quibus plures alios addit Diana, p. 2. tr. 4. R. 36. Utraque sententia ob insignem auctoritatem est valde probabilis, alterutram sequeris tutò. Egó tamen, cùm conscientiæ, quantum fieri potest, non sint gravanda, postrem ceu benignorem existimo præferrandam esse: præsertim cùm etiam rigidiiores tentantia propugnatores à mortali peccato excusent eum, qui ex justa causa, quæ facile non deerit, celebratio ni Missæ non præmittit recitationem Matutini & Laudum. Monent etiam ex minoribus aliqui, hoc non esse in praxi deducendum, cùm Missa valde serò, v.g. in meridie celebratur: putant enim hunc talem nimis serum esse, & à peccato non excusandum, quod ego non improbo: non quidem, quod censeam, recitationem Matutinum cum Laudibus necessariò præmittendam esse celebrationi; sed quod idem Matutinum suo tempore non sit recitatum; quod, si causa honesta non permittat, non licet, ut infra dicetur.

326. In mortali peccato constitutus absoluvi aliquem semel. Certum est, eum, qui peccato mortali obstrictus absolvit penitentem, peccare mortaliter. Ratio universalis etiam pro administratione seu confessione aliorum Sacramentorum est: quia actiones Sacramentales, hoc ipso quod nomine & in persona Christi à Ministero exerceantur, censentur mortaliter & specialiter esse ipsius Christi actiones: & ideo ob suam sanctitatem & dignitatem exigunt, ut Minister sit in statu gratiæ; dedecet enim peccatorem & hostem Christi in munere tantæ dignitatis,

& sanctitatis tam immediatè sustinere personam Christi, ut sit unum agens cum Christo. Unde ortum habet illud: Sancta sanctè esse tractanda. Potest tamen esse etiam peccatum veniale, vel omnino nullum; idque vel ob defectum plenæ advertentia, vel gravem recipientis necessitatem; potest enim hæc esse tan ta, ut minister non habet spatiū ad gratiam se præparandi: hoc enim casu Christus clementissimus Dominus potius vult suo jure cedere, quam velle, ut homini graviter indigenti non succurratur. Lugo de Sacram. in genere D. 8. f. 9. n. 151. & alii, sufficit autem, si minister perfectam contritionem eliciat prius, quam Sacramentum conficiat, neque enim ut gratiam recuperet, debet ad confessionem ullius Sacramenti, etiam Eucharistia, Confessionem peccati mortalis præmittere: cùm hujus obligationis nullum sit fundamentum. Nihilominus tamen Sacerdos celebratus ad id tenetur, non quidem quia conjecturus est Eucharistiam, sed quia eam recipit.

327. Et spectat hæc obligatio confiendi Sacramentum in statu gratiæ ad quemicunque ministrum, etiam non consecratum. v.g. Laicum, si in statu peccati mortalis baptizet: nisi, ut paulò ante dixi, excusat vel inadvertentia, vel gravis necessitas suscipientis non relinquat spatiū recuperandigratiā: quilibet enim, qui conficit Sacramentum, etiam Laicus, & in extrema necessitate est verus Sacramenti minister ad id à Christo institutus, atque adeo sustinet immediatè personam Christi: & ideo contra reverentiam Sacramenti est, ipsum à ministero ad id instituto confici in statu pec-

cati mortalis : quod vel maximè locum habet in Sacerdote peccatore conficiente Sacramentum, quamvis in extrema necessitate, & quamvis non solenniter. Lugo n. 150. Palau T. 4. tr. 18. p. 5. n. 10. & 11.

328. Ceterum, quæ hæc tenus dicta sunt de Sanctitate Ministri conficiens Sacramentum, communia sunt omnibus Sacramentis, ita ut nullum eorum confici possit licet nisi a ministro in gratia constituto : nam validè a ministro peccatore confici certum est, modò reliquorum, quæ ad Sacramenti valorem requiruntur, nihil desit : inter quæ non postremum locum obtinet Intentio Ministri, quæ est voluntas, non præcisè res & verba, quæ adhibet Ecclesia, adhibendi, sed faciendi id, quod Christus per talen extenam ceremoniam instituit.

329. Est autem hæc intentio multiplex. I. directa, cum aliquid in se intenditur. II. indirecta, cum aliquid in alio, velut in sua causa intenditur, quod accedit, cum quis sciens se in somno verba baptismi v.g. proferre, ad somnum se componat animo tunc baptizandi. III. actualis, cum quis actu vult confidere Sacramentum: ad quod sufficit, ut dum confessurus est Sacramentum, animo præsens sit, & attendat, nec est opus, ut corde vel ore dicat: volo v.g. consecrare: ut scrupulosi faciunt. IV. Habitualis, quæ est intentio præterita non retrata: & alia est merè habitualis, quæ videlicet ita præcessit, ut licet non sit revocata, vi tamen illius opus præsens non fiat: alia vero virtualis, ex præcedenti actuali, relicta in aliquo, vi cuius

censemur in opus præsens influeret: quem haberet, qui vocatus ad baptismandum infantem, actu veller id facere, & postea vi illius actus accederet ad Ecclesiam, præpararet necessaria, inciperet ceremonias, formam baptismi sine nova intentione, & attentione, sed ad alia distractus proferret. Quid virtualis addat supra merè habitualem, non est expedient dicere. Placet id, quod Dicast. tr. 1. de Sacram. D. 3. d. 6. §. 2. n. 100. & aii dicunt, intentionem virtualē esse continuam successionem intentionum actualium, tam tenuium tamen, ut non advertantur: quod explicari potest familiar exemplo citharædi, qui dum citharam pulsat, ad singulos digitorum motus debet habere actualē voluntatem movendi illos: alsoqui statim cessaret a pulsū cuius ratio est, quod cum digiti se ipsos ad istum pulsū applicare non possint, indigeant alio principio applicativo, quod est actus voluntatis imperantis hunc, & non aliud motum digitorum; hos enim actus licet citharædus non advertat, verè tamen habet. Estergo voluntas virtualis in administratione Sacramentorum nihil aliud, quam voluntas actualis, remissa tamen, & cum remissa advertentia faciendi & habendi ea, quæ aliunde no scuntur esse necessaria ad tale Sacramentum. Sed hæc alii fusiū prosequenda & pertractanda relinquamus: non enim ea nostri sunt institui. Manum ergo a tabula.

330. V. Conditionata intentio est, quæ habet adjunctam conditionem propriam dictam, seu quæ non est efficax, nisi conditio, sub quæ elicitur, existat. Est autem conditio una de præterito, ut si quis

quis absolvat aliquid, si nondum sit absolitus; alia de praesenti, ut si absolvias alium, si sit capax; alia de futuro; ut si absolvias, si dimiserit concubinam, alienum restituerit &c. VI. Absoluta, quæ nimurum est ab omni conditione libera & independens; ut si dicas: Ego te absolvo a peccatis tuis. VII. Implicita, quæ aliquid intendis non in te, sed in alio, in quo inclitum est, seu cum quo alterum conexum est, vel naturaliter, vel per legem humanam: ad quod tamen requiritur, ut tibi hæc connexio sit nota. Hinc qui scit (quis autem hoc neficiat, cùm vel in scholis inculceretur.) Subdiaconatus ex lege Ecclesiastica annexum esse votum Castitatis, & illum ordinem recipit, voti reus est: alias non: nisi forte habeat intentionem sumendi hunc & alios maiores ordines eo modo, quo cæteri solent, aut in Ecclesia consuetum est: nam hæc intentio est implicita, quando quistalem actum auctor ceremonias vult peragere eo modo, quo aperit talem nationem, gentem, Rempublicam aut communitatem solet peragi. Talem quoque intentionem habetis, qui proferens verba consecratoria vult facere id, quod cæteri Sacerdotes per ea verba solent: item qui habet voluntatem satisfaciendi suo officio &c. VIII. Explicata est, cùm quis aliquid in se sub sua specifica ratione intendit: ut si, qui baptismum conferre velit, dicat: Ego te volo baptizare &c.

331. Ceterum ex his intentionibus ad valorem Sacramenti non sufficit I. intentionis indirecta. Est communis, quia licet illa actionis, si extra sonnum, aut ebrietatem fieret, esset actionis veræ sacramentalis, talis tamen modus non est, idque ob-

defectum libertatis, quam Christus ad confectionem Sacramenti requisivit: quia, ut ex usu, sensu, & declaratione Ecclesiæ constat, voluit, ut ea actionis esset humana, qualis non est sine vera libertate. Cur autem somnus & ebrietas tollat libertatem, non autem distractio, explicat Dicast. §. 3, & Lugo D.S. Quod autem baptismus auctoritatem conferri possit adulto extra statum usus rationis, non refert: quia plus requiritur ad agendum, quam ad recipientum.

332. Nec sufficit II. merè habitualis: quia hæc non est operativa. Quod autem eadem sufficiat ad applicandum fructum sacrificii, ratio est, quia ad applicationem sacrificii non requiritur voluntas factiva sacrificii, sed applicativa valoris seu fructus per sacrificium ex alia intentione factiendum obventuri, & respiciens valorem, non ut effectum, sed ut purum objectum.

333. Nec III. requiritur expressa intentionis conferendi fructum Sacramenti: hac enim in voluntate conferendi Sacramentum includitur: qui enim vult alium Sacramentum conferre, hoc ipso etiam vult effectum, qui ex Sacramento consequitur; juxta illud tritum: qui vult antecedens, vult etiam consequens.

334. Nec IV. requiritur actualis intentionis: alias enim omnia plena forent scrupulis: nimis enim pronum est subadministratione Sacramentorum mentem ad alia averti, & ad id, quod modo in praesenti agitur, actu non attendere: actu, inquam, de quo interrogati possimus rationem reddere: quod addo propter intentionem virtualem, quæ semper actum, et si cum non advertamus, nec de eo ratio-

Ee 3 nem

nem reddere possimus, importat. Actualē verò intentionē ad validam Sacramenti confectionem sufficere, nemo negat; quia melior illā non potest excogitari.

335. Sufficit etiam V. intentio virtuatis, & implicita: illa quidem, tum quia sufficit ad operandum humano modo: tum quia, ut paulò ante dixi, ex una parte actualis non requiritur: ex altera verò intentio virtualis est ejsmodi, ut vi illius minister verè moveatur ad legitimam materialē & formam adhibendam. Jam verò etiam implicitam sufficere, inde patet, quia alioqui innumeri orientur scrupuli & dubitationes de valore Sacramentum, cùm eorum ministri frequentissimè non habeant aliam intentionem, quam implicitam. Ut nihil dicam de facto S. Athanasii, qui in lusu puerili dicitur aquam astudisse, & verba baptismi protulisse eo solū modo, qui aliis baptizantibus communis est & usitatus: & tamen hunc baptismum approbavit Alexander Patriarcha Alexandrinus.

336. Debet verò VI. intentio per se esse absoluta. Ita enim Christum voluisse, ut sua Sacraenta independenter ab omni conditione à Ministro apposita administrarentur, & suum haberent effectum, communis est Ecclesiæ & Doctorum sensus. Dixi autem: *Per se*: quia per accidens, & ex justa causa fieri potest, ut Sacramentum conficiatur ex intentione sub conditione de præterito vel præsenti: quæ proinde si subsistat, etiam Sacramentum valet & subsistit: talis enim conditio non suspendit significationem sacramentalem, & æquivaler absolutæ. Idem sumitur ex Cap. 2. de baptism. ubi jubemur,

eos, de quibus dubitatur, an sint baptizati, sub conditione baptizare: quod fieri non posset, si talis baptismus non esset validus. Nihilominus tamen mortaliter peccat, qui sub conditione præsenti, vel etiam præterita conficit Sacramentum, si nulla causa justa subsit: si enim subsit (si verè post omnem diligentiam adhibitam adhuc dubium sit, an baptismi Sacramentum v.g. verè sit collatum &c.) licitum est Sacramentum sic administrare: tunc enim nulla illi sit irreverentia: perinde autem est, sive conditio mente concipiatur, sive ore proferatur. De conditione futura contingente (nam necessaria v.g. si cras Sol orietur, non apponitur nisi ad significandam certitudinem a Christo, cui proinde non officit: perinde enim est, ac si dicatur, quam certum est, cras Solem oritum, tam certum est, me hoc velle) paulò aliter est sententiam: nempe Sacramentum ita collatum nullum est; cùm Christus, quod ex Ecclesiæ & Doctorum consensu unanimi constat, noluerit suorum Sacramentorum vim & efficaciam voluntati suorum. Ministrorum ita alligare, ut non haberent quidquam virium & efficaciarum, nisi quatenus Ministri vellent: hoc enim si esset, quæ tandem certitudo de Sacramentis ritè susceptis haberi posset? quæ quies animæ? Habent ergo Sacraenta ut causæ necessariae, quæ, ubi omnia ad agendum requisita adint, statim suum habent effectum. *Vide inf. l.z. n.85.* Excipiendum hinc tamen est Sacramentum Matrimonii, cuius fundatum est contractus, cuius naturam Christus, cùm hoc Sacramentum instituit, non immutavit: ac proinde sicut contractus ipse, ita etiam Sacramentum, potest

potest alligari conditiōni futurā, ut, sicut ab ejus eventu valet valor contractū, ita & Matrimonii valor, quod omnes docent.

337. Debet praeferē VII. intentio ministri versari circa materiam & personam certam ac determinatam: ut ex ipsis Sacramentorum formis patet, quæ vel constant pronominē demonstrativo, vel ad certam personam diriguntur. Non est tamen hæc ministri intentio ad certam materiam vel personam alliganda, ut, si ea, quam adeste putar, verè non adsit, Sacramentum nolit conferre: quia se exponeat periculo nihil faciendi. Unde valet abſolutio, et si pœnitens, quem Sacerdos putat esse virum vel Paulum, sit fæmina, vel Petrus. Excipiendum tamen est hic Matrimonium, cuius valori obſtetur error circa personam: ut si ducas Annam, cùm volueris Mariam. Laym. l.5. tr.1. c.4. n.6. & alii.

338. Quodsi autem intentio sufficiens & necessaria desit, mortale peccatum est. Quod nemo negat: qui enim sic adminiſtrat Sacramentum, id suo fraudat effectu, quod est grave sacrilegium. Nec est, quod aliqui piè magis, quād doctè & verè docent, dicendum, DEUM pro sua misericordia supplere hunc defectum; non enim id fundatur in ulla lege, promissione, vel necessaria ratione. Unde, si constater hujusmodi defectus, v.g. baptismum ab aliquo scelerato Sacerdote collatum esse sine ulla debita intentione, Sacramentum denuo effert conferendum absolute, & cum necessaria intentione. Quo modo autem Sacerdos tam sacrilegè baptizans se gerere possit aut teneatur, non est nostri instituti. Fuis & ut solet, doctè id prosequitur P. Georg. Gobat in suo Baptizantium alphabeto a n. 210.

339. Quando verò Sacerdos Sacramentum quocunque sacrilegè, sive dein ex defectu intentionis, aut alio voluntario circa materiam & formam errore administravit, quomodo se geret, cùm se de tanto sacrilegio accusabit apud Confessarium? An explicabit in particulari & enucleatè speciem, & numerum Sacramentorum, dicendo: *Sacramentum baptismi ter: pœnitentia sexies administravi in statu peccati mortali?* Equidem licet omnia Sacraenta inter se specie distinguantur, modus tamen, quo singula sunt ad ministranda, in omnibus est idem specie: in hoc enim, quod omnia sunt sanctæ, id est, in statu gratiæ, conficienda, non differunt: eti pro majori ipsius Sacramenti dignitate gravius sit peccatum hoc, quād illud Sacramentum conficeret. Diana tr. 7. R. 59. & p. 5. tr. 14. R. 56. 9. Sed queres quinto, hoc spectat ad circumstantias mere aggravantes, quas necessariam confessionis materiam non esse, jam p. 1. n. 89. diximus. Hic ergo talis satisfaciens si dicat: *In peccato mortali consumuita Sacraenta* (si quidem verè plura ministraverit: alias dicet: *Sacramentum*) *administravi semel.* Illud solùm hīc bene animadvertisendum, an unum & idem Sacramentum v.g. Pœnitentia, uno quasi continuo & moraliter non interrupto tractu & serie sit pluribus ministratum. Illud enim uni duntaxat ministrare, et si specie non differat ab eo, cùm pluribus successivè sine morali interruptione ministratur, differt tamen, ut infra dicitur, numero: & peccata etiam quoadnumerum differentiam distincta in confessione explicanda esse, notum est. Talis ergo sic dicit: *Sacraenta sacrilegè ad-*

ministravi ter : & inter hac unum pluribus successivè.

340. *Audiri confessionem, vel confessiones, in statu peccati mortalis constitutus, semel.* Suar. D.28. de pœnit. s.1. n.3. Bonac. de pœnit. D.5. q.4. f.2. p.2. §.3. diff.2. n.7. & 8. exprimunt, peccatum mortale esse, si quis audiat confessiones itidem in peccato mortali constitutus. Sed ego memor illius, quod jam sapientius ex S. Thoma & Gabriele retuli, peccata mortalia non esse sine evidenti ratione, vel auctoritate sufficienti asserenda, judico, benignius esse tractandum hujusmodi Confessarium; modò priùs, quam absolutionem impendat, eliciat contritionem. Et ita judicat etiam Lugo de pœnit. T.2. D.8. f.9. n.159. & 160. P. Georg. Gobat tr.1. *Experiment. Theol.* n.55. ubi in hanc sententiam refert etiam Marchant. *in resol. pastor.* tr.1. c.4. n.3. Quodsi tamen aliquis sit, cui rigidior sententia placeat, hoc saltem habebit favoris, quod unum tantum peccatum committat, et si multorum confessiones sine morali interruptione excipiat. Dian. p.1. tr.7. R.43. & p.5. tr.7. R.7. §. Dixernunt. & p.9. tr.8. R.66. nec proinde teneatur numerum personarum exprimere, quidquid rigidius pronuntiet Bonac. n.7.

341. *Eucharistia Sacramentum in statu peccati mortalis distribui bis.* Bonac. l.c. etiam hunc damnat peccati mortalis, & adstringit ad numerum personarum, quas successivè hoc Pane Angelico reficit. Sed eum tam gravi noxa absolvunt Lugo & alii: quia Sacramentum non conficit, sed aliunde jam confessum distribuit. Sed fistendo etiam in Bonac. sententia, satis est dicere, sc. cum esset extra statum gratiæ,

pluribus successivè sine interruptione notabili Eucharistiam præbuisse, absque ulla necessitate scrupulosè dicendi, quoniam fuerint illæ persona. Hic autem obiter ex occasione addendum, nullum exercitium Ordinis aut alterius Sacramenti præter ipsam Sacramenti confectionem à peccatore prodeuntem esse peccatum mortale. Palauis T.4. tr.18. p.6. n.2. & alii. Et ideo Episcopus, aut Sacerdos conficiens v.g. christina pro confirmatione, consecrationem templi, altarium, sacrorum vasorum, benedictionem virginum, aut populi cum venerabili Sacramento, prædicatores Verbi Divini, Diaconum aut Subdiaconum cantantes solenniter Evangelium, aut Epistolam, non peccant mortaliter, et si eas functiones peragant in statu peccati mortalis; non enim actiones illæ peculiariter censentur esse actiones Christi, aut ad sanctitatem ex opere operato conferendam ordinate. Palauis n.4. Dian. p.3. tr.4. R.195. in fine, Lugo de Sacram. in genere D.8. f.9. n.152. Coninch. q.64. a.6. d.1. n.39.

342. *Distractus administravi Sacramentum semel.* Sub pronuntiatione ipsius formula, ex qua quodvis Sacramentum constat, voluntariè distrahi ad aliena, peccatum veniale esse, Tamb. l.l. de Sacram. c.2. §.1. asserit: nisi fortassis distractiones tantæ sint, ut secum trahant periculum grave, substantiale errorem committendi: tunc enim utique sub gravi culpa cavendæ sunt. Et ita sentit etiam P. Georg. Gobat in exper. Theol. tr.1. n.97. & 202. quorum tamen priori loco excipit cum Tamb. confectionem Eucharistie: sub hac enim eum, qui voluntarias admittit distractiones, damnat uterque peccati mortalis.

Iis. Sed ego super hoc meam mentem jam *suprā n. 109. & seq.* aperui: & ab ea recedendi necessitatem nondum video, cùm ante oculos verterur illud, quod Tamb. de sacrif. l.1. c.6. §.2. n.4. script: Nullus, inquiens, est obligandus sub culpa lethali, nisi manifestè constet de præcepto obligante: in cuius confirmationem adducit Suarez. de legib. l.7. c.15. Dian. p.4. tr.3. R.58. Marchant. & Marat. Pro prælenti autem, quam Tamb. agnoscit, obligatione, nullum constat extare præceptum. Multò minùs per voluntarias etiam distractiones essentia ullius Sacramenti destruitur, nisi forte id velis assérere de Sacramento Extremæ Unctionis; cùm enim hoc institutum sit per modum precatio[n]is, id per ejusmodi distractiones tolli necesse est, si verum est, quod, ut *supra n. 103.* vidimus, docent non pauci, per easdem substantiam Orationis pessumdar. Sed prædictam Extremæ Unctionis formam destrui per distractiones etiam voluntarias, Lugo, & nisi fallor, cum eo etiam reliquì negant. Unde non parùm roboris accipit sententia benignior, asserens, eum, qui dum horas canonicas recitat, ad longè alia distraictus est, adhuc satisfacere præcepto Ecclesiastico de recitandis horis.

543. *Sacrilegè confessus sum semel.* Potest confessio variis modis esse sacrilega, seu invalida; præcipue vero his. I. Quando quis sciens, ac volens sine ulla iusta causa omittit peccatum aliquod mortale. De quo nemo dubitat. II. quando quis inter confitendum mentitur circa gravem materiam necessariam, seu peccatum mortalis, & quando scit, id esse mortale: vide quæ suprā diximus, n.32. & seq.

E. P. Stoz. Trib. Pœnit.

III. Quando quis ad confessionem accedit, nullo præmisso examine, & ea de causa peccatum mortale omittit. Ita quidem communior & vera fert sententia. De necessitate examinandi conscientiam priùs, quām confessio instituatur *suprā 1.p. à n. 2.* dixi. IV. Quando quis sine omni prorsus dolore confitetur: est enim, ut p.2. n.2. vidimus, dolor seu detestatio peccati ad valorem confessionis tam necessaria, ut si nulla, saltem ut *ibid. n.47.* diximus, ante absolutionem eliciatur, grave committatur sacrilegium, et si materia confessionis sint sola peccata venialia *sup. n.3. & 65.* Hic autem breviter reprehendendus est, quorundam seu error, seu scrupulus, dum dicunt, se nuper confessos fuisse sine sufficienti dolore. Velenim hac sua phrasi & modo loquendi indicant, se omnino nullum habuisse dolorem; vel aliquem, qui tamen ad Sacramentum fructuosè percipiendum non sufficerit. Si primum: seipso involvunt, & clare mentiuntur, nam dicunt, se habuisse dolorem, (id enim verba ipsa, quibus utuntur, aperte sonant) cùm tamen nullum habuerint; quare tales dupliciter peccant, mentiendo videlicet circa materiam confessionis gravem, & omitendo necessarium dolorem. Si secundum: manifestè errant: qui cuncti enim dolor, modo iis, de quibus *sup. p.2. à n.17.* affectus sit conditionibus, sufficit ad valorem confessionis, et si, ut n.16, tradidimus, sit remississimus. Imperitè igitur dicunt, se non habuisse dolorem sufficientem. V. Quando quis confitetur sine proposito se emendandi, vel potius, quando quis habet expressum propositum se non emendandi, cùm enim juxta dicta n.90. ad confessionem

Ff

vali-

valide & fructuosè instituendan sufficiat propositum virtuale seu implicitum, inclusum in dolore, non potest debito proposito carere, qui verè de suis peccatis dolor, ac proinde nec confessio reddi invalida ex defectu propositi, nisi tunc, cum expressum propositum elicetur se omnino non emendandi. Sed cum hoc tam malo proposito nec verus dolor consistere potest: nec quisquam facile tam malus est, ut cum eo confessionem instituat.

344. Ceterum undecunque proveniat invaliditas confessionis, peccatum grave committitur, quod postea specialiter in confessione explicandum est: & sufficienter dicto modo explicatur. Non est enim necessarium dicere, quænam, aut quantum peccata sint omissa: sive enim unum sive plura peccata, sive hujus aut illius speciei sint omissa, ad variandum hoc sacramentum nihil refert: modò peccata omissa aperiantur in nova confessione, & cum iis etiam cetera, quæ jam in priori confessione tacitilega sunt exposita. Cum enim per ejusmodi confessionem sacrilegam non sint remissa, necesse est, ut, si quæ in ea peccata mortalia fuerint exposita, postea in nova & proxima confessione omnia iterum secundum numerum, speciem, & circumstantias necessarias aperiantur, una cum iis, quæ fuerunt sacrilegè omissa, & ab ultima confessione de novo sunt perpetrata. Ut autem molestia, quæ alioqui in repetitione peccatorum, jamalià quoquo modo confessorum cernitur, haud parùm sublevetur, multum refert, cuinam Sacerdoti denuo confitearis; eidem nempe, cui prius confessus es? an alteri? Si enim alteri; singillatum omnia retexenda sunt, priori confessione nihil suffragante. Si eidem;

magnō licet compendio uti: nam si generatim & confusè meminerit statū & gravitatis peccatorum, vel saltem pœnitentiae à te injunctæ, vel pœnitens ipse memoriam ejus reficeret, dicendo: hanc & hanc pœnitentiam sibi nuper fuisse impositam, non est necesse, speciatim omnia revolvare. Sufficit, generatim & confusè se accusare de omnibus nuper dictis, addendo prætermissa, & interim facta, & ipsam etiam culpam Sacramenti violati. Nam suppositâ priori speciali confessione, generalia hæc verba sunt virtualis repetitio priorum, & pariunt Confessio sufficientem notitiam ad ferendam sententiam. Quodsi autem & iste nec statū aut peccatorum etiam in confuso, nec pœnitentia injunctæ ullam notitiam habeat, aut habere possit, utique confessio illa tota erit repetenda: perinde ac si ante nunquam fuisset facta. Navar. c.9.n.16. Reginald. l.6. n.16. Coninch. P.7.d.10. n.106. & 107. & D.10.d.12.n.102. Bonac. D.5.s.2. p.3. n.15. Henr. l.5.c.4. n.4. Fill. tr.7.c.4.n.102. si quis verò male temel confessus postea hujus defectus immemor, saepius bona fide confiteatur, valentur posteriores confessiones; & idcirco sola illa, quæ fuit invalida, repetenda est. Quæ verò per inculpatam oblivionem, aut legitimam causam in confessione prætermissa sunt, ea duntaxat supplenda sunt postea. Quid autem, si sola circumstantia sit omissa, fieri possit, dicitur infra n.598.

345. Sanctissima Nomina JESUS & MARIA debito honore non sum prosecutus. Potest hoc fieri I. verbo, temere ad quidlibet pronuntiando, quod spectat ad peccata oris, & inter ea refe-

ren-

rendum, estque vana Divini nominis usuratio: vel II. factio: ut si quis haec nomina chartis descripta collo circumferat ad artes superstitiones &c. hoc enim esset sacrilegium grave; item si quis eadem inscribat chartæ, quam quis sciret projiciendam in terram & pedibus passim concundandam, aut reponendam in loco sordido ad usus non satis mundos &c. in quo nisi bona fides, aut ignorantia ad excusandum sufficiat, peccatum saltem veniale committetur: personam enim, quas haec nomina representant, dignitas & excellentia meretur, ut nomina earum representativa in majori habeantur honore.

346. *Alicujus beati, nondum canonizati nomen inferni precibus in Missa sacrificio dici solitis semel.* Cultus, qui Beatis, etiam nondum canonizatis, exhiberi potest, alius est privatus, alius publicus: ille est, qui abique ulla majorum auctoritate exhibetur, & verò etiam exhiberi potest à quolibet, etiam si alii sint præentes, & videant illum à me deferriri Beato: modò non inferantur etiam privatis precibus, quae sunt alias publicæ & publico Ecclesiæ nomine funduntur, ut sunt Litaniæ Omnium Sanctorum. Cultus publicus est, qui auctoritate & nomine Ecclesiæ aut Pontificis determinatur, à quo proinde, utpote ab eo, ad quem haec determinatio unicè pertinet ex Cap. *Audivimus de Relig. & veneratione Sanctorum*, expectandum est, quid licet; ut adeò, qui sine Pontifica auctoritate ex proprio motu & pietate, quâ erga certum Beatum fertur, tum in Missa v.g. inferat orationi *Acunctis*, aut de eo faciat Commemorationem, non rectè faciat. Sanch.

I.2. q. Mor. c. 43. n.5. Bellarm. L.1. de Sanctis. c. 10. Neusserus de horis canonicas. D.7. q.1. n.12. loquens quidem de officio canonico; sed par est ratio de alio quoconque publico cultu. & alii. Melius ergo, & Beato, ut non dubito, gratius erit, si quis privatam suam pietatem imperio & sanctionibus Ecclesiæ postponat, velut obediens filius. Quod autem altaria Beatis nondum canonizatis erigantur, non refert; hic enim cultus, et si publicus sit, ab Ecclesia tamen permittitur & conceditur: à concessis autem ad non concessâ non valet argumentum; excepto illo cultu, qui licet in bullâ non exprimatur, habet tamen cum concessâ aliquam connexiōnem; & hoc ipso etiam conceditur, ut Neusser. n.12. ex Joanne de S. Thoma docet. Deferatur ergo Beatis cultus, quem deferre licet: Certum enim mihi videtur, Beatis non placere cultum, quem nôrunt ex Ecclesiæ placentis sibi non competere. Sed qualis in hoc admittatur culpa, non satis ab auctoribus exprimitur. Existimem veniali non esse majorem. Granadus putat, esse mortalem; cui ego facile accessero, si loquatur de eo, qui ejusmodi cultum velut publicè retinendum in Ecclesia introducere velit: in hoc enim Doctores convenient, grave præceptum esse prohibens, introducere novum, & stabilem cultum sine legitima auctoritate. Et hinc Missa de Beatificato non potest dici extra ejus diem natalem. Bellarm. & Congregatio Rituum apud Dianam p.2. rr.1. Miscell. R.55. id, quod apud eundem 4.p. rr.4. Miscell. R.231. docet etiam Granadus. De quibus videri potest declaratio duplex sacræ Congregationis Rituum, quarum una ap-

Ff 2 pro-

probata est ab Innocentio X. 1652, altera ab Alexandro VII. 1660. ut proinde post-hac decreta Beatos aliter aut alibi publice, v.g. per celebrationem Missæ colere non liceat, ante quam sit à Pontifice permisum.

347. *Votum in re levi violavi ter: in re gravissimel.* Res levis sunt v.g. tria, Pater & Ave, Salve Regina, Ave Maris Stella, De profundis &c. Res verò gravis est v.g. Communio, Confessio, Rosarium B. Virginis, Jejunium. Quia autem vota omnia concipiuntur ex eodem motivo colendi DEUM, atque adeò Religionis, omnia sunt ejusdem speciei, nec est necessarium explicare materiam, nisi forte voti violationi adjungatur aliud peccatum; ut si is, qui die festo vovit audire sacram: tunc enim & votum & præceptum Ecclesiæ violabit, & duplice in contrahet malitiam contra duas species Religionis, nempe contra Religionem voti, & obligationem præcepti. Tamb. I. 2. c. 1. §. 16. n. 99. & c. 3. §. 2. n. 20. Lugo de Panis. D. 16. f. 5. n. 255. Idem est de eo, qui jejunium in Vigilia alicuius Apostoli præceptum vovit, & non servavit &c. Est autem votum deliberate promissio DEO facta de meliori bono, hoc est, de talibono, quod non impedit executionem boni illius, quod vovens hic & nunc possidet. Sic votum de contrahendo matrimonio est nullum, quia impedit statum cælibatus, in quo vovens nunc est, & matrimonio secundum se melior. Sic & votum de re indifferenti, v.g. abstinendi à lusu, quamdiu manet in sua indifferentia est nullum: sic votum de homicidio, quale fuit, quod edidit Jepheth, fuit nullum; quia de re mala, quam tanquam DEO

gratam aut placitaram promittere, gravis est blasphemia.

348. Voti obligatio est ex suo genere gravis: potest esse levis. I. ex parvitate materiae, quæ, ut Tamb. I. 3. in Decal. c. ii. §. 2. n. 4. & I. 1. c. 1. §. 3. n. 13. expendit, delumitur, vel I. ex i.e. absolute in se spectatâ, velex comparatione ad totum, quod promittitur, vel ex conductientia seu utilitate, quam habet ad finem. II. ex intentione voventis: etsi enim voti obligatio sit naturalis, penderet tamen ea à voluntate hominis, tanquam conditio prævia, ut tantum vel tantum obligaret. Unde si homo vœlit, potest in materia gravis tantum leviter velle obligare; non tamen vice versa graviter, si materia sit levis. Unde in interpretatione voti fieri unicè attenditur ad mentem voventis tanquam veram & sinceram obligationis Regulam ac normam: non enim aliter, quam sic, & in dubio omnium minimè censetur se voluisse gravare. Quando autem de hac mente non constat, ut sancè sepe non constat, inspicienda imprimis est natura voti: & videndum, qualis ea sit, & inde de gravitate obligationis judicandum. Deinde etiam verba, quibus vovens est usus, sunt consideranda, & juxta eorum communem & frequentem acceptationem judicandum. Quisque enim censetur sua verba menti velle conformare, & juxta morem patriæ proferre. Debet tamen vovens verborum sensum intelligere, alias non poterit illum intendere, quæsanè notitia semper est præsumenda. Palauus D. 1. de voto. p. 12. n. 2. § 4. Sanch. I. 4. Mor. c. 11. Layim. I. 4. tr. 4. c. 3. n. 3. & alii.

349. Sed occurrit jam quæstio huic loco,

loco, utreor, non importuna, quid, si quis vovit abstinere à vino, tandem censendum sit grave, atque adeo ad peccatum mortale constitendum sufficiens. Palauis, *tr.de ioto.D.1.p.12.n.21.* Sanch. *c.12.n.21.* eam quantitatem assignant, quæ vino moderatè utentibus sufficiat pro prandio: quod etiam Diana. *p.5.tr.R.37.* probat: ut adeò quidquid notabiliter infra hanc quantitatem est, peccati venialis terminos non excedat. Quantum verò illud sit, quod vino moderatè utentibus sufficiat, non explicant: quid si hoc petamus ex Religiosorum adibüs? apud hos enim moderatum vini usum in eorum prandii vigere, mihi est indubitatum: apud hos ergo modicissima communiter quantitas est, quæ ad medianam mensuram ascendit. Videtur hoc Tamb. *c.15. §.16.n.15.* justò laxius; quasi non parùm sit, & non materia tantum peccati venialis, quidquid infra est.

350. Sed hoc præter admirationem nihil continet : & perinde est , ac , si quis in genere furti (in quo ponamus nunc tres julios requiri & sufficere ad quantitatem peccati mortalis constituerandam) exclamat, contendáque nimis laxum esse dicere , duos julios cum dimidio esse materiam levem, atque adeo peccati tantum venialis. Verum hic scopulus communis est omnibus aliis materiis, in quibus datur peccatum mortale ex gravitate , veniale vero ex levitate. Et is, si ullibi , removendus est in Sacro Confessionis tribunal , in quo cum Confessarius pro tuo officio judicare debeat de gravitate culpi, necessarium omnino est, ut ipse definiat , quid in similibus materiis magnum sit, quid parvum, ut decerne-

re etiam possit , an poenitens suus graviter vel tantum leviter peccaverit. Quod ergo in eo privato & secreto tribunal iudicium ferre licet , cur id non licet etiam extra ? Et ne scrupulis aperiamus viam, non omnia in prudentis arbitrium sunt conjicienda : non enim is semper ad manus erit , cum vel maximè fuerit necessarium. Optandum ergo est, ut in similibus auctores ipsi categoricum & resolutum ferant iudicium , quid ipsi censeantur. Id quod jam olim etiam optavit P. Simon Felix Magnus in hac nostra Provincia Theologus etiam in Moribus.

351. Votum quando est absolutum, statim ut editum est, obligat: & quidem si sit negativum, pro quolibet sequenti tempore, iuxta capacitatem tamen materiæ: at verò si affirmativum, absque temporis determinatione, impletum est statim, hoc est, quam primum commodè fieri potest. Laym. n. 5. Tamb. §. 3. n. 5. Palaus. p. 13. n. 4. aliás dilatio, si nulla ejus sit justa causa, culpâ veniali non carebit: Tamb. 11. Sanch. c. 14. n. 21. modò non sit probabile periculum, votum grave omnino omittendi; & votum ipsum tale sit, ut in ejus dilatione nihil nisi mora temporis appareat, posítisque adeo res promissa v. g. jejunium, auditio sacri, peregrinatio, &c. etiam post longam moram adhuc integrè praestari. Quod si autem voto adjicias terminum, id potest dupliciter fieri I. ita ut terminus ille sit ad voti executionem in illum usque diem suspendendam: & tunc ante illum non obligat ad modum voti conditionalis, cui id est simile; nec teneris illum diem prævenire, et si præ-

Ff 3 videos,

videas, tunc ab impleione voti impediendum: Palaus n.2. Tamb. n.2. & alii. Imò nec si prævenias, tuae obligatiōni satisfacis, nisi aliunde constet aliud. II. Terminus præfigi potest ad voti executionem ultra illum non extendendam. Et tunc et si regulariter non tenearis votum ante implere, potes tamen anticipare. Imò si prævideas, te post illum ab executione voti perpetuò impediendum, etiam teneris. Palaus, n.3. Tamb. n.3.

352. Votum conditionale non obligat prius, quām conditio, sub qua fit, eveniat, & quidem in sua specifica forma Tamb. §.6. n.4. Palaus. p.17. n.5. & alii. Et, si conditio unicè pendeat à voventis arbitrio, potest ea non ponit, absque ullo peccato, nisi aliunde sit præcepta: tunc enim qui eam non ponit, utique peccat, non quidem contra votum, sed contra præceptum, quo conditio peccaminosa prohibetur: v.g. qui vovet ingressum Religionis, si intra totum annum non fornicetur, non tenetur voto, si fornicetur; peccat tamen nihilominus non quidem contra votum, sed contra naturale præceptum de non fornicando: quia verò hæc vota ut plurimù sunt impeditiva melioris boni, idcirco non obligant. Quodsi autem conditionis positio alterius arbitrio commissa sit, adhuc impediri potest; modò vis, fraus, dolus, metus non interveniat. Et ideo si vovisti religionem, si pater non contradixerit; poteris bonis arbitribus v.g. precibus non importunis &c. hunc consensum impedire: si autem ad hoc fraudibus & dolis fueris usus, à voto non eris liber, et si pater non consenserit: ut ergo tutus sis, necesse est, ut

dolum, fraudem &c. tollas & patrem in sua contradicendi libertate constitutas,

353. Huc spectat votum pœnale, cum res promittitur in pœnam seu vindictam delicti, si fortè committatur: quod duplificimodo fieri potest, vel I. ita, ut solū pœna voveatur, non autem evitatio delicti: ut, vovo jejunium, si blasphemavero: & hoc est votum simplex pœnale; nec, qui eo obstrictus blasphemat peccat contra votum, sed quia conditio purificata est, voto tenetur ad eam pœnam subeundam, & si non subeat, tum demum violat votum. II. Ut tam evitatem delicti, quām etiam pœnam ipsam in eventum delicti voveat: ut, si voveat, (ex honesto fine) non ludere, & si luserit, jejunium: & hoc votum est duplex, unum absolutum non ludendi, alterum conditionatum de jejunio in eventum lusus: & ideo si ludat, peccat contra votum absolutum, & quia conditio est impleta, ad pœnam præstantam tenetur; quam proinde si non præstet, denou peccat. Ceterum pœna, si sit moderata, & quæ soleat repeti, toties solvenda est, quoties votum violatur: si autem pœna sit extraordinaria, & quæ non soleat repeti, pro prima tantum transgressione subeunda est: hæc enim, nisi aliud expresse constet, videtur esse mens voventis. Tamb. §.7. n.2. Palaus. p.18. n.6. & alii. Si quis autem dum votum pœnale transgreditur, à culpa excusat, quacunque de causa; pœna non erit reus: ubi enim nulla culpa est, nulla etiam pœna debetur. Tamb. n.4. Palaus. n.3. imò nec pœnareus eris, si dum transgredieris votum, illius non sis memor. Laym. c.5. n.3. Palaus. n.3. Tamb.

Tamb. n. 4. & l. i. c. 2. §. 10. n. 19.
§. 25.

354. Ceterum voti obligatio cessat, et si nullius, eam auferentis, auctoritas intercedat. I. si finis, ob quem editum est, unicus & adaequatus & motivus cesset, aut non obtineatur; cessante enim causa etiam effectum cessare necesse est. II. si materia illius redditus incapax obligationis vel tota; vel si sit divisibilis & communiter dividi soleat, atque etiam divisibiliter sit promissa; tunc enim saltem pars illa, que redita est inepta, amplius non ligat; ligat vero illa, que est apta: non enim utile vitiari debet per inutile, juxta Cap. Utile. de Reg. juris in 6. III. si terminus, qui executioni voti praefixus est, sit lapsus, si quidem designatus is sit ad obligationem finiendam, non merè differendam, de quo n. 351.

355. Quodsi vero jam voti obligatio tollatur alicuius auctoritate, id sit irritatione, dispensatione, & commutatione, qui modi ab aliis fusè expenduntur. nostrum non est, diu illis immorari; pauca & quæ frequenter occurrere possunt, producere lubet. Itaque vota ab impuberibus edita irritari possunt a patre, & hoc deficiente, a tutore, auctorio, qui pupillo ex juris dispositione in vicem patris est: & hoc etiam longo tempore post annos impubertatis Laym. c. 7. n. 6. Palau. D. 2. p. 8. n. 2. Tamb. c. 16. §. 3. n. 9. Bonac. de prec. D. 4. q. 2. p. 7. §. 2. n. 18. & alii. modò post eos annos non fuerint obligatoriè ratificata; ad quod non sufficit, voluntas ea vota exequendi, nec ipsa eorum executio, neceorundem etiam frequentissima repetitio: sed

ex parte quidem voventis requiritur, ut sui illius voti debilitatem probè nōrit, & ea non obstante nihilominus se de novo obliget, ac si nunquam fuisse obligatus: vel certè ut, si eam sui voti debilitatem ignoret, intendat illud nihilominus confidare eo eventu, quo invalidum esset. Tamb. n. 57. & segg. Bonac. p. 1. n. 16. Nec vota semel irritata reviviscunt: quod intellige de irritatione directâ: per hanc enim voti obligatio omnino tollitur: obligatio autem semel sublata non reviviscit. L. Cūm ex causa. C. de remiss. pignorum. Bonac. n. 36. & alii.

356. Qui dispensat in voto, debebat habere justam causam: DEUS enim, cuius nomine aut auctoritate fit dispensatio, non approbat eam, nec acceperat, si temerè & sine causa fiat. Est enim aliâ dissipatio & dissolutio, quæ DEO non potest esse grata. Non est autem necesse, ut de sufficientia cause evidenter constet, (tunc enim non est opus dispensatione, cum voti obligatio tunc per se cesseret, sine ulla alterius auctoritate interveniente) sed sufficit, si bona fide de ea constet, et si postea deprehendatur esse insufficientis. Tamb. §. 4. n. 14. Sanch. l. 4. Mor. c. 45. n. 10. & alii. ad conciliandam autem causâ sufficientiam pluvium conduceat videre: an votum fiat cum imperfecta deliberatione, quæ ortum habere potest ex etatis teneritudine, tristitia, metu, aut aliâ passione mentem perturbante, & voluntarium minuente; item ex facilitate vovendi, quod fœminis solet esse proprium... Huc spectat, si notabilis aliqua difficultas, etiam prævisa, superveniat. Tamb. n. 24. si dubium oriatur de intentione se obligandi. Tamb.

Tamb. l.c. Palaus. p. 9. n. 11. Sanch. n. 39. si executio voti cedat in damnum temporale proprium ipsius voventis , vel alienum reipublicæ , vel propriae domus & familie. Laym. l.c. Tambur. n. 19. Palaus. n. 15. & 16. imo si spectetur major aliqua spiritualis utilitas voventi per concessam dispensationem obventura. Tamb. n. 22. aut , si vovens in executione voti multis scrupulis vexetur: hoc enim est damnum spirituale , cui pium est succurrere. Tamb. n. 23. Si causa dispensationis sit gravis , tum ea danda est absolute: sicut & si plures leves ad constitutendum unam gravem concurrant: si fecus, admisenda est commutatio. Minor tamen requiritur & sufficit ad dispensandum in tempore exequendi votum , aut circa aliam ejus circumstantiam , quam ad omnino dispensandum in voto. Hinc illi , qui vovit peregrinationem in cilicio, in pane & aqua &c. ex minori causa possunt eae circumstantiae tolli , quam ipsa peregrinatio promissa sub illis circumstantiis.

357. Præterea dispensatur in voto debet habere legitimam potestatem , & jurisdictionem : qualem & quidem ordinariam habent Papa in omnes fideles: Episcopus, etiam non consecratus, in suos diaconos : Capitulum sede vacante : Legatus Pontificis in sua provincia; penitentiarius summi Pontificis : Prelati Ordinum exemptorum Tamb. §. 4. n. 4. & quidem, ut Tamb. n. 7. notat, etiam respectu Novitiorum circa vota , tam in sacculo , quam in Novitiatu edita. Quinam habeant delegatam in votis dispensandi facultatem , & quantam , noverint illi ipsi , qui eam habent. Certum

est, Parochos nec dispensandi vota , nec commutandi juramenta habere potestatem: cum eam illis consuetudo nondum concederet , ut concessit circa festa & jejunia. Tamb. l.c. Palaus p. 9. n. 1. Sanch. c. 38. n. 25. & l. 8. de Matrim. D. 9. n. 27. & alii: multò minus eam habet simplex Sacerdos , Sanch. ll. cc. aut Abbatissæ respectu suarum monialium. Tamb. n. 9. Sanch. cit. l. 4. c. 39. n. 7. idque ob defectum spiritualis jurisdictionis.

358. Sed enim & hoc certum est, omnibus, Papâ inferioribus , quinque vota esse reservata , ita ut in iis solus Papa, si quidem facilis ad eum sit accessus, possit dispensare. Si enim ipse adiri non possit nisi difficiliter , & causæ extraordinariae sint , quæ urgeant hoc remedium , & moram non patientur: poterit Episcopus ex præsumpta Pontificis voluntate dispensare: bonum enim Ecclesiæ regimen postulat, ut in ejusmodi extraordinariis eventibus sit , qui remedium adferre possit. Tamb. §. 4. n. 37. Uti & ille, cui quandoque extraordinaria in iisdem votis , saltem quibusdam, dispensandi potestas conceditur , ut in Jubilæis solet respectu trium peregrinationum. Reservatae autem sunt tres peregrinationes , Romana ad limina Apostolorum , Compostellana ad S. Jacobum, & Jerosolymitana ad visitandum Domini sepulchrum; votum item Castitatis, & Religionis. Quia vero reservatio odiosa est, erit stricta interpretationis, ita ut memorata modò vota tunc tantum censeantur reservata , cum strictè sunt talia. Palaus. p. 11. n. 1. & alii. Qualia sunt I. si sint absolute: Hinc conditionalia

v.g.

v.g. si voveo religionem, si è naufragio evasero &c. reservationi non subjacent, non tantum, ut Palaus. p.12.n.13. Tamb. n.31. *& alii* docent, ante, sed etiam post conditionem impletam, Tamb.*ibid.* Palaus. n.15. Idem est, si votum sit disjunctivum de materia reservata, & non reservata: ut si voveas religionem, aut quavis feria sexta jejunare. Palaus. n.6. Tamb. n.30. quod locum habet, et si pars non reservata redditum sit impossibilis. Palaus. Tamb. II. cc. vel etiam pars reservata fuerit electa, sine novo tamen voto. Tamb. n.31. *& alii.* Idem de voto pœnali in materia reservata. Palaus. n.15. Tamb. I.c. II. si sunt perfecta, id est, si totam materiam intra terminos illius objecti complectantur. Hinc reservata non sunt vota castitatis temporalis, non fornicandi, non contrahendi matrimonium, non se polluendi, non petendi debitum conjugale, &c. Sanch. c.40. à n.48. Palaus n.1. votum item virginitatis, intelligendo solum corporis integratatem, in qua virginitas consistit: item votum de voto castitatis faciendo, aut de sanctis ordinibus suscipiendis. Palaus I.c. III. si non modificata. Hinc votum nudis pedibus visitandi limina Apostolorum, non est reservatum quoad hunc modum adjectum: sicut nec votum determinatae Religionis v.g. Franciscanorum, Carmelitarum &c. quia determinatio hujus Religionis in particulari ad votum Religionis ut sic, quod est reservatum, revocari potest potius ad modum seu circumstantiam accidentalem, quam ad ipsam Religionis in communi substantiam. Quod bene notandum est: potest enim servire multis, qui postquam fecer-

R.P. Stoz. Trib. Pœnit.

runt votum Religionis determinatae, deinde verò ab eo libenter essent liberi: possunt enim hi dispensari, quoad hunc modum, ut ab eo quidem sint liberi, voto tamen interim Religionis in communi sint & maneant obstricti. Præterea Religioni debet esse approbata. Palaus p. 11. n.3. Sanch. n.71. IV. si sunt certa, id est, de eorum valore nullum sit dubium: si enim dubium sit (undecunque tandem id oriatur) an votum sit emissum, absolute, an sub conditione, an cum sufficiente libertate aut notitia, quæ, qualis, & quanta esset voti obligatio? gravis an levis? cessat reservatio. Tamb. in Decal. I.I. c.3. §.7. V. votum n.15. sicut & si quis ad materiam reservatam voluisse se solum sub peccato veniali obligare. Palaus. n.2.

359. Commutatio voti potest fieri vel in opus melius ac perfectius, vel in opus æquale, vel minus. In mensuranda æqualitate non est attendendum, quid in se melius, sed quid omnibus consideratis DEO sit gratius: sæpe enim opus in se melius est, non tamen DEO in præsenti gratius: talis est oratio respectu jejunii, eleemosynæ &c. unde jejunio per votum promisso non rectè semper substituitur oratio, præsertim modica. Sanc. c.56. n.6. Bonac. de zoto. D. 4. q.2. p.7. §.3. n.4. alii. sufficit autem, ne via scrupulis aperiatur, si opus bonum si de judicetur esse æquale voto. Qui tamen aliquam praxin æqualitatis in commutatione votum servandæ desiderat, eam exhibet Tamb. I.3. in Decal. c.16. §.6. *toto*, & Sanch. à n.1.

360. Possunt vota commutare omnes illi, qui habent potestatem, etiam delegatam

Gg

gatam

gatam tantum, in iis dispensandi. Palaus p. 14. n. 4. & T. 4. tr. 25. p. 10. n. 3. Laym. l. 4. tr. 4. c. 8. n. 2. cui enim licet, quod est plus, licet utique, quod est minus. *juxta Reg. 53. de Reg. juris in 6.* in eodem nempe genere: plus autem est tollere voti obligationem dispensando, quam commutando. Vota tamen ipsa non debent esse reservata: tunc enim a solo referente, vel ejus, si quem habet, superiore, vel alio habente ab ipso potestatem commutari possunt. Nec si in favorem & utilitatem terrui edita sint, ab eoque acceptata, possunt amplius, nisi bonum publicum aliud exigat, commutari; nisi ipso in cuius favorem sunt edita, consentiente: non enim huic semper gratius est, quod est melius: adeoque jus, quod illi per acceptionem acquisitum est, servandum est integrum.

361. Quando verò votum mutatur in opus melius, id est quilibet propriâ auctoritate. Sanch. c. 49. n. 4. Palaus de voto D. 2. p. 15. n. 2. Laym. n. 19. Tamb. §. 5. n. 3. DEO enim majus bonum est gratius, & ideo illud loco minoris acceptat. Nec ulla ad hoc opus est causa. In d. etiam quisque privatâ suâ auctoritate potest votum suum mutare in æquale: quia DEUM in opere æquè bono acceptando non esse invitum, ut credamus, ejus benignitas suadet. Tamb. n. 14. Bonac. n. 8. & alii: neque hîc opus est magnâ causâ; sufficit vel sola spes (quæ sane nunquam deerit,) fore, ut vovens materiam subrogatam promptius, alacrius, aut cum majori devotione exequatur. Si derique fiat commutatio in opus notabiliter minus, intervenire debet aliqua dispensatio: ac proinde etiam fieri

non potest, nisi ab habente potestatem dispensandi, nec, nisi causa, quæ ad dispensandum sufficiat, adsit: alioqui ut dispensatio, ut n. 356. dictum est, ita & commutatio est nulla.

362. Quandoque vota commutantur in aliam materiam, absque ullius auctoritate interveniente: possunt enim ex speciali prærogativa Pontificis in Religionis approbatæ ingressum mutari omnia vota antecedentia tam realia, quam personalia. Laym. Palaus. II. cc. Tamb. n. 4. Sanch. c. 52. n. 6. & quidem, si ingessus hic fiat per solennem professionem, vi ipsius juris saltem Ecclesiastici, sine alio novo profitentis actu, Sanch. l. 5. c. 5. n. 38. vel, si fiat per vota simplicia, ut si in Societate JESU, vi nova voluntatis habitæ ab ipsomet ingrediente Religionem. Sanch. n. 96. quali etiam opus erit, si fiat hæc mutatio in simplicem, (qui per Novitiatum fit) ingressum in Religionem approbatam; in hunc enim mutari posse vota indicat. Tamb. l. c. &c colligitur, ex cap. scriptura de Voto, et si sunt reservata. Sanch. l. 4. c. 16. n. 23.

363. Factâ autem per legitimam jurisdictionem commutatione, prioris voti obligatio omnino extinguitur, & oritur nova, ita ut materia subrogata etiam vi voti sit executioni mandanda, & quidem sub eadem culpa, sub qua prior erat præstanta. Sanch. c. 55. n. 2. Estne autem etiam posterior materia summo Pontifici reservata, si prior fuit? Palaus p. II. n. 5. Tamb. §. 4. n. 34. Sanch. c. 40. n. 46. & alii docent, non esse: id enim, quod dici solet, subrogatum induere naturam illius, cuius loco substituitur, non habet locum

locum in odiosis. Sed quid? si materia posterior facta sit voventi inutilis aut impossibilis? an reviviscet prioris voti obligatio? non reviviscere, docent Sanch. n.15. Laym. n.28. Palaus. p.18. n.2. & alii: obligatio enim semel extinta non reviviscit juxta L. cum ex causa C. doremis. pignor. & L. qui res, §. aream. ff. de solution. Et gratis asseritur, commutationem fieri iuò conditione redeundi ad antiquam obligationem, si vovens novam materiam subrogatam non exequatur. Votitamen posterioris materia subrogata potest rursus commutari in aliam, nisi forte potestas commutandi limitata sit ad unam tantum vicem. Sanch. c.54. n.24. Et si quis à materia subrogata velit redire ad priorem, poterit id facere, etiam cum materia substituta fuit melior. Laym. n.27. Sanch.55. n.26. & L.8. de Matrim. D.9. n.21. Palaus. n.8. & 10. Tamb. §.7. n.4. alii. et si enim pius votum per commutationem omnino extinguitur, ex benigno tamen & interpretativo DEI, qui est creditor voti, consensu, & ut fideles ad vovendum alliciantur, præsumimus, DEUM hanc nobis libertatem dedit, & quidem ita, ut licet in alia & alia opera facta fuisse hæc commutatio, adhuc in nostro arbitrio esset, hanc vel illam ex pluribus materiis subrogatis amplecti. Tamb. l.c. Less. l.2.c.40.d.16.n.111. Palaus.n.11. nisi forte vovens cessiterit huic juri, quod fecisse censetur, si priorem materiam novo voto promisit, vel usui commutationis renuntiavit. Palaus. l. c.

364. *Juramentum, quod servare tenebar, non servavi, in re gravi semel. vel: in re levi bis.* Sermo est de juramento

promissorio de re licita; si enim sit de re illicita, utique non obligat ad hui executionem juxta dicta n.188. Fit autem juramentum promissorum vel I. soli DEO, & voto æquiparatur; vocaturque pium, vel II. in utilitatem ipsius hominis, & est promissio humana sub invocatione testimonii Divini, diciturque non pium. Materia juramenti pii est eadem, qua voti: & ideo debet esse possibilis, licita, & honesta, & melioris boni non impeditiva. Tamb. l.3. in Dec. c.3. §. 3. n. 7. Juramenti promissori non pii principaliter in ipsius hominis utilitatem facta materia est, quæcumque sine peccato potest executioni mandari. Tambur. n. 11.

365. Juramentum promissorum licitum ex natura sua parit obligationem, ut habet communis & certa sententia, eamque ex suo genere gravem; levem ex parvitate materiae; ut si jures te recitatum salutationem angelicam. Imò sèpe omnino non ligat, ut pluribus exemplis monstrat. Sanch. l.3. Mor. c.11. n.16. Sunt verò juramenta promissoria pia omnia, ut n. 347. de votis dictum est, ejusdem speciei, nisi sint de re aliunde etiam v.g. ex Voto, præcepto &c. obligatoria: si enim sint, plures erunt malitia specie diversæ pro specifica obligationum diversitate, ac proinde etiam specialiter in Confessione aperiendæ: ut si quis vovisset, & jurasset die festo audire sacrum.

366. De tempore, quo incipit obligare juramentum, eodem modo sentendum est, ut supra de voto. n.351. sed neque de juramenti duratione, seu modo, quo solius temporis lapsu cessat ejusdem obligatio, aliud quam de voto tenendum

nendum est : est enim quoad utrumque hoc punctum eadem juramenti & voti ratio.

367. Sed & juramenti obligatio , et si nullius interveniat auctoritas , cessat adhuc variis modis . I. Sires , qua tempore juramenti editi fuit bona , successu temporis fiat illicita , vana , indifferens , impeditoria majoris boni , ad finem intentum inutilis , vel ejusdem potius destruictiva &c. II. si res jurata non maneat in eodem statu , sed notabiliter mutetur : modò hæc mutatio non sit prævisa : si enim prævisa sit , juramentum adhuc valebit. Hinc qui juravit dare eleemosynam magnam , ad eam non tenerur , si ipse fiat pauper : nec qui juravit puellæ , se eam ducturum , tenetur , si illa fiat leprosa , si fornicetur &c. rebus enim notabiliter mutatis , nec promissio amplius valet , consequenter nec juramentum , quod illi adjungitur. III. Si causa motiva adæquata & unica cesseret : si enim solùm causa impulsiva cesseret , manet juramenti obligatio ; sicut & tunc , cùm ex pluribus causis adæquatis una duntaxat cesseret , & istæ plures cause per modum plurium sint intentæ : si enim indivisibiliter per modum unius omnes intentæ sint , tum vel unâ tantum deficiente cesserat juramentum obligare. IV. Si ita ferant conditiones , quæ in quolibet juramento promissorio tacitè ex natura ipsa , vel Juris dispositione , vel Doctorum consensu subintelliguntur , quales sunt : si potero: salvo jure & auctoritate Superioris: manente re in eodem statu.

368. Quod si verò ad juramenti cessationem concurrat alicujus auctoritas , ea

fit irritando , dispensando , seu potius relaxando , & demum etiam commutando. Juramenta non pia irritare possunt , quorum potestati seu jurisdictioni materia jurata subiecta est. Si verò sint pia , & soli DEO facta , possunt irritari ab omnibus , qui vota possunt irritare ; si verò eadem minus principaliter , & secundariò fiant etiam in gratiam hominis , possunt adhuc ab iisdem irritari , si vel versentur circa materiam eorum potestati subiectam (caenam deciditur in Cap. venit. no. de jurejur.) vel circa contractum , vel promissionem , quæ Dominatiya Prae- lati , Patris , Tutoris &c. potestate infirmari potest : juramentum enim sequitur naturam & conditiones actus , cui apponitur.

369. Omnia juramenta pia possunt dispensari : quia eadem illorum cum votis est ratio. At verò si sint non pia , non possunt , si sint acceptata : quia nemo potest suo jure , quod acquisivit juramentum acceptando , privari , nisi bonum publicum aliud exigat : vel injuria præcesserit : ut si latroni iures dare pecuniam ad vitam conservandam. Imò si nondum sint acceptata , possunt , et si coram testibus fiant , relaxari ; tunc enim solius Religio- nis vinculum adest , quod ex causa solvi potest. Tamb. c. 7. § 3. n. 3.

370. Potest autem Pontifex omnia omnium fidelium juramenta dispensare , modò in ea cadat dispensatio : qualia etiam sunt , quæ principaliter sunt DEO ; et si minus principaliter sunt etiam homini : si enim principaliter fiant in utilitatem hominis , & hic ea acceptando acquisivit verum jus in rem juratam , nec Pontifex dispensat , nisi salus animæ , aut bonum

bonum publicum exigat. Reliqui verò Papā inferiores, qui vel ordinariam, vel delegatam potestatem habent (ii verò sunt omnes, quos supra in votis dispensare posse, dixi n. 357.) possunt eorum duntaxat, in quos potestatem habent, juramenta dispensare, cum limitatione tamen paulò ante addita; & exceptis præterea juramentis Papæ specialiter reservatis, qualia sunt, quæ sunt circa materiam, quæ si voto promissa esset, Papæ esset reservata; nempe approbata Religio, castitas absolute & perpetua, peregrinatio triple, Compostellana, Jerosolymitana & Romana ad Limina Apostolorum. Circa quæ tamen juramenta

371. Nonandum est, juramenti obligationem posse separari ab obligatione voti (vota enim communite fiant sine juramento) posse etiam conjungi, & si pia sint juramenta, regulariter conjungi: ea enim juramenta regulariter non fiant sine promissione: promissio verò in materia Religiola ordinariè fit DEO, & ideo est votum. Ad hoc autem dignoscendum spectanda præcipue intentio jurantis. Vel enim tale opus intendit intuitu cultus Divini; vel ut voluntatem suam in eo proposito ex alia occasione concepto firmet. Si illud, est votum: si istud, juramentum tantum. In dubio præsumendum est pro voto: quia in tali materia frequenter sic evenire solet. Quando ergo ea obligaciones, juramenti & voti, in materia reservata conjunguntur, juramentum est Papæ reservatum: & tam illius, quam voti obligatio suam retinet rationem: & ideo si votum juratum violetur, dupliciter peccatur contra Religionem: sunt enim duas rationes specie distinctæ: unde etiam utraque

specialiter in confessione est aperienda. Quodsi autem ea obligationes separantur; & juramento jungatur, non votum, sed simplex & nudum propositum rem faciendi, simplex etiam erit vinculum: & licet sit circa materiam alias Papæ reservatam, ipsum tamen non est reservatum: est enim reservatio odiosa, & ad alios casus non expressos, vel ad aliud vinculum diversum non extendenda. Tamb. n. 7. qui postea n. sequenti addit, juramenta pia per lestantia, id est, quæ sunt absque voto, posse dispensari ab habentibus potestatem dispensandi in votis: sunt enim ea juramenta votis affinia, & in communi loquendi modo habentur ut vota, & ideo, qui dat potestatem solvendi unum, censetur dare potestatem solvendi etiam alterum.

372. Eodem modo possunt dispensari juramenta principaliter in obsequium DEI facta, licet minus principaliter ob utilitatem hominis: sive is ea acceptaverit, ut ex Fagund. T. I. in Dec. I. 2. c. 49. n. 10. docet Tamb. c. 17. n. 15. sive non; ante acceptationem enim homo in eam rem nullum habet jus acquisitum.

373. Ceterum ut dispensatio juramenti sit valida, requiritur causa justa. Est enim dispensatio actus jurisdictionis, quem dispensans nomine DEI exercet: DEUS autem dispensationem sine justa causa factam non acceptat; nec ad eam dedit licentiam. Si juramenta sint pia, requiruntur eadem cause ad eorum validam dispensationem, quæ ad voti dispensationem requiruntur. Si autem juramenta sint non pia, cause ea relaxandi sunt ferme haec. I. Si ex parte extorquentis juramentum sit turpitudine, injuria &c. II. Si temerè, inconsideratè, ex passione

iræ &c. fiant. III. Si dubium sit, an iuramentum valeat? an cedat in præjudicium tertii? an ex ejus observatione nascatur occasio peccandi? si enim certum sit, tale periculum nascitum, non est opus relaxatione: per se enim cessat. Tamb. c. 7 §. 2. n. 16.

374. Juramenta pia cessant per commutationem ob eisdem causas, eodem modo in substitutione materiae, ut vota. Non pia autem principaliter homini facta in ea forma specifica, quæ res jurata est, servanda sunt; cum illi bonum æquale, vel etiam majus sæpe non sit æque gratum. Illud hic singulariter

375. Notandum est, materiam, in quam iuramentum commutatum est, non esse praestandum sub eodem vinculo iuramenti, Tamb. §. 5. n. 1. Res enim substituta nec jurata est, nec sub novo, ut pono, iuramento acceptata. Aliud est in voto: nam hoc ipso, quod quis materiam acceptet, censetur eam D E O promittete, atque adeo consentire, ut vinculum prioris voti transferatur in materiam substitutam, quod in iuramento non ita se habet: non enim continuò, quod quis promittat aliquid facere, censetur id sub iuramento promittere, ut constat. Tenetur ergo solum ex pacto, quoad rem illam materiae juratae substitutam consensit. Et ideo si res subrogata sit gravis, peccabit graviter: si levius, leviter.

376. Cessat iuramentum etiam remissione; tunc nimurum, cum homo, in cuius favorem principaliter factum est, vel remittit obligationem, vel promissionem non acceptat; quod quemlibet facere posse, etiam sine causa, docet Tamb. §. 2. n. 1. promissio enim etiam jurata ha-

bet hanc tacitam conditionem: *f alter vel
lit acceptare.* Imò si quis aliquid juret
principaliter in suum ipsius commodum,
v. g. se, cum pauper sit, petitum à divi-
te eleemosynam &c. potest sibi met ipsi
hoc iuramentum remittere: si enim recipiens
alienum iuramentum in suam utili-
tatem factum potest remittere, cur non
idem etiam possit recipiens proprium iu-
ramentum. Tamb. n. 5. Certe Palauis ait
T. 2. tr. 13. D. 2. p. 17. §. 2. iuramentum
de non vendendo minoris pesse remitti
ab ipsomet jurante, quando in suam ipsius
propriam utilitatem est editum: cur ergo
& alia similia iuramenta non possint ab
eodem remitti? Notent hoc mercato-
res, & similes alii, quibus nihil familia-
rius est, quam ut jurent, mercem viliori
pretio à se vendi non posse.

377. Adhac potest iuramenti obliga-
tio benignè aliquâ interpretatione mini-
gari: quæ quidem, quantum materia sub-
iecta, vel verborum usus aut proprietas
permittit, strictè facienda est per L. quid
quid adstringenda. ff. de verbor. obligat.
In ea autem facienda I. mens seu inten-
tio jurantis est attendenda: cum enim
iuramenti obligatio liberè assumatur, non
est ultra jurantis intentionem extenden-
da. Unde qui fecit iuramentum non lu-
dendi, nihil cogitans, an lusus sit mode-
ratus, vel non; potest moderatè ludere;
nemo enim, nisi aliud expresse intendat,
censetur velle sibi moderatum lusum pro-
hibere. II. Si de mente jurantis non
constet, presumendum est juxta id, quod
verba juxta communem usum significant,
vel materia jurata permittit vel exigit.
Unde qui juravit ingredi Religionem, fa-
mulari in hospitali &c. potest ingredi
quam-

quamcunque etiam minùs strictam, modò approbatam, non tamen tantum per paucos dies &c. Laym. l.4. tr.4. c.3. n.1. Palaus T.3. tr.14. D.2. p.14. n.1. alii. III. Restringendum est juramentum juxta naturam actus, cui adjungitur: accessoriū enim sequitur suum principale juxta Reg. juris. 42. in 6. Unde juramentum fortius omnes conditiones, vel restrições, quas propositum, aut promissio, cui adjungitur, habet vel ex loquentis mente, vel juris dispositione, vel legitima consuetudine. Hinc qui jurat non expellere conductorem domū, vel agri &c. potest eum expellere, si biennio solutionem pensionis non præstat: juris enim dispositione potest expelli conductor, si eo tempore non pendat, quod debet. IV. Juramentum non censetur fieri in præjudicium tertii: Hinc qui juravit alteri secretum, potest, si videat id alii nocitum, revelare iis, qui prodefesse possunt. Tamb. n.7. & 8. Palaus n.28.

378. Officium horarum Canonicarum omisi totum semel: vel: notabilem ejus partem: vel, quod Lugo de Paenit. D.16. n.547. Dian. p.2. tr.12. R.23. & alii plures ab isto relati tradunt, brevissimè: *Omissione Divini Officij peccavi mortaliter* bīs: quia totalitas est circumstantia tantum aggravans intra eandem speciem: ac proinde noir est necessariò confitenda, juxta p.1. n.86.

379. Esse autem obligationem recitandi horas canonicas, etiam privatum, constat ex continua praxi Ecclesiae, & communis sensu omnium Doctorum. Est que ea I. gravis sub peccato mortali: materia enim est gravis. Et I. certe lex humana possit, ut suppono, etiam cum materia

gravis est, tantum leviter obligare; gravitas tamen obligationis in præsenti colligitur potissimum ex Clement. 1. de celebrat. Missar. juxta quam omittens Officium Divinum excommunicari potest; quæ poena ut culpam, ita & obligationem gravem supponit. Cap. nemo Episcopor. m.11. q.3. Et licet Clementina videatur potius ad publicam Divini Officii recitationem in choro apud Ecclesias Cathedrales & Collegiatas spectare, nihilominus tamen eam etiam ad privatam recitationem pertinere, jam pridem explicavit consuetudo, quæ sane sola, si cetera desint omnia, sufficit ad gravem obligationem introducendam; vel certè ad ostendendum, eam esse introductam.

380. Excusare tamen potest justa causa, de qua infrā: & levitas materiae: in qua assignanda alii sunt nimis laxi, alii nimis rigidi, alii demum benigni & clementes. Omnium laxissimi sunt Richardus & Angelus, qui dicuntur à peccato mortali excusare illos, qui bis vel ter intra annum omittunt Divinum Officium: si non fiat ex contemptu vel consuetudine. Sed hi non sunt audiendi: si enim omissione illius officij semel non est gravis, nunquam erit gravis: neque enim parvitas materiae definienda est ex ordine ad totum annum: alias etiam semel vel iterum omittere sacram die festo, aut comedere carnes in Quadragesima non erit grave. Aliquid his concedi posset, si obligatio recitandi horas, audiendi sacrum diebus festis &c. attingeret totum annum & singulos illius dies indivisibiliter per modum unius; tum enim verò tolerari posset, modicum quid esse, semel vel bis veletiam sapienter intra annis spatium horas omittere. Sed singulis die-

diebus suas singulas obligationes seorsim per modum plurium respondere, dicetur paulò post. His alii sunt minus laxi, nempe Marchinus, & Marchantius, quorum ille apud Dianam 6. p. tr. 6. R. 6. iste vero apud eundem 7. p. tr. 10. R. 15. putant, unam ex parvis horis esse materiam levem: quibus consentit in omnem ferè laxitatem projectus Caramuel in Reg. S. Benedicti D. 21. n. 1408. Sed hanc lententiam innumeris autores, ut ait Tamb. l. 2. in Decal. c. 5. §. 2. n. 11. rejiciunt, & specialiter valde exagitat Pasqualigus in qq. Canon. cent. 1. q. 29. improbatque sacra Congregatio Indicis apud Dian. p. 11. tr. 1. R. 25. cuius decreto omnino standum est.

381. Alii sunt justò rigidiores, ii nimis, qui dicunt, materiam gravis seu mortalium peccati esse, si quis omittat, vel I. totum principium unius horae usque ad finem ferè primi psalmi, ut Navar. c. 10. de orat. n. 44. imò in Man. c. 25. n. 98. ad eam minus sufficere indicat his verbis: *omittere parvam partem, putare unam divisionem, aut partem versus, etiam sine voluntate repetendi, non est plus quam veniale*: quasi omittere aliquid ultra, sit peccato veniali majus. vel II. decimam partem, ut Moneta apud Bonac. de horis D. 1. q. 5. p. 1. n. 2. vel III. tertiam partem alicujus horae, ut Azor apud Bonac. de horis D. 1. q. 5. p. 1. n. 2. vel IV. medietatem illius, ut Reginald. l. 18. n. 143. Fill. tr. 23. n. 246.

382. Alii denique benigniores sunt, & medium tenent, dum docent, unam parvam horam esse materiam sufficientem ad committendum in hac re peccatum mortale. Et hi sunt Less. l. 2. c. 37. d. 9. n. 52. Bonac. l. c. Tamb. l. 2. Dec. c. 5. §. 2. n. 246.

n. 10. Gavant. in Rubric. Breviar. s. i. c. 5. tit. 1. n. 4. & quem Diana p. 4. tr. 4. R. 216. refert Bonartius c. 19. n. 12. non enim vero simile est, Ecclesiam piam matrem perpetuis gehennæ ignibus subjecere illum, qui leviorem partem omittit. Certè scopus Ecclesiae est, per suas leges animas suavi modo ad Christum ducere: non autem illaqueare eas nimia præceptorum austritate. Et hæc est sententia in præcepta, & tenenda; & meliori jure humaniorem vocare possumus, quam Angelus suam ita indigitaverit. Qui ergo minus omittit, quam totam parvam horam, non peccat mortaliter. Nomine vero parvæ horæ veniunt omnes præter Matutinum cum Laudibus. Ne autem quis existimet, ipsam horam parvam omittendam esse, ut peccatum mortale committatur, adeò ut quantumcunque sit, quod ex reliquo officio sparsim & per intervalla omittitur, sit peccatum tantum veniale, (huc enim esset nimis ridiculum) sciendum est, etiam illum peccare mortaliter, qui interruptum in toto officio omittit tantum, quantum æquat unam integrum parvam horam. Tamb. l. c. quia partes diversæ spectantes ad unum ejusdem diei officium coalescent in unum, & conficiunt tandem notabilem quantitatem, seu æquivalentem unius horæ.

383. Faceunt hæc negotium Vesper Sabbathi sancti: reum enim peccati mortalis facere illum, qui eas omittit, viderur esse durum, propter nimiam earum partitatem. Sed Theologi communiter adhuc censem, etiam has esse materiam sufficientem ad peccatum mortale: quia et si ratione quantitatis non sint magnæ, sunt tamen magna ratione qualitatis, quatenus

tenus sunt Hora ob certum mysterium certo tempore præscripta. His tamen non obstantibus peccati mortalis damna illum, qui eas omittit, non audet Tamb. n.ii. non tantum propter extraordinariam parvitatem, sed etiam quod propter diem illum tantæ lætitiae & indulgentiae, & alias prolixas, quæ eo die in Ecclesia præcesserunt, preces, finis & præceptum orandi graviter non videatur laedi. Sed redeamus iam ad reliqua, quæ ad obligationem Officii Divini spectant.

384. Est ergo ea obligatio II. quotidiana, id est, quæ quolibet per annum die, nullo excepto vigeat, urgéatque, adeò ut peccet mortaliter, qui vel uno die omiserit Officium Divinum, vel notabilem ejus partem. Nec tolerandi sunt, qui apud Reginald. n.143. ausi sunt dicere, omissionem talen non esse peccatum mortale, nisi fiat ex contemptu vel consuetudine. Est enim Officium Canonicum in se spectatum res gravis: præceptum autem de re gravi (nisi aliud de mente Legislatoris constet, ut sanè hinc non constat) obligare graviter ex dictis n.379. patet. Et certè si hæc transgressio ex suo genere non est peccatum mortale, neque tunc erit, cùm ex consuetudine iteratur: alioqui peccata venialia ex mera consuetudine repetita facerent unum peccatum mortale. Neque verum est id, quod ex consuetudine fit, fieri ex contemptu: alias mentiri jocose ex consuetudine esset mentri ex contempro, & consequenter, juxta hos quidem, peccatum mortale: peccatum enim quamunque leve; imò & omissione consilii, si fiat ex contemptu formali, censetur esse peccatum mortale.

R. P. Stoß Trib. Pœnit.

385. III. est alligata diei, id est, ut cum die incipiat, & cum die desinet. Cùm ergo dies incipiat ab una media nocte, id est ab hora duodecima unius noctis, & duret usque ad duodecimam alterius noctis, ita & pensum Horarum Canonicarum persolvere debet, qui tuæ obligatiōni vult satisfacere; ut adeò qui intra totam hujus temporis latitudinem Officium Divinum, vel partem illius non recitavit, non teneatur defectum istum postero die supplere. Unde nec pridie potes hujus diei officium aut partem illius recitare; sicut nec hodie audire sacram, ut crastino, qui eis festivus, die ab obligatiōne audiendi sacram, si liber, Bonac. de Horis. D.1.q.3.p.3.n.3. Regin. Id. n.180. & alii. Excipiendum tamen hinc est crastinum Matutinum cum Laudibus, quod potest ex receptâ consuetudine hodie recitari. Palau de Horis D.2.p.4.n.3. Bonac. Reginald. II.cc. Less. d.12.n.79. & quidem horâ quartâ tam in hyeme quam aestate, ut ex praxi communis tradit Reginald. I.c. referens etiam Azorium T.1. l.10. c.9. q.5. & Suar. de Relig. tr.4. l.4. c.17. n.14. vel etiam mediâ quartâ, juxta Bonac. n.16. vel etiam ipsâ horâ terrâ juxta Gavatum in Rubr. Breviar. T.2. f.1. c.5. tit.6. n.6. vel horâ secundâ juxta Molfesium & Fabrum apud Dianam p.2. tr.12. R.39. imò etiam statim à meridie, præfertim in Quadragesima juxta quendam apud Sanch. T.2. l.7. c.2. dub.37. quod Tambur. c.5. §.5. n.3. merito dicit esse nimis laxum, cùm priora Doctorum platica paulò antea dixerit esse probabilia, & querilibet posse sequi, quod magis placuerit. Nihilominus tamen crastinum Matutinum non est recitandum prius,

Hh

quam

quam hodiernum officium totum sit perfolatum: id enim si fiat sine justa causa, peccatum est veniale: est enim contra intentionem Ecclesie, nolentis, ut prius, quam hodierni diei obligatio extincta sit, sequens impleri incipiat. Palau p. 4. n. 4.

386. IV. est de certo & determinato officio, ita ut in ordine ad satisfaciendum precepto unum brevius non possit substitui in locum longioris. Quando autem queritur, an haec mutatio aliquando licita, non est quæstio I. de eo, qui in itinere constitutus venit ad locum, in quo servatur alius ritus & forma, quam domi: v.g. domi recitandum est juxta formam Romanam, quæ in loco tui adventus non servatur. Nec II. de eo, qui cum teneatur ad aliam, quam ad Romanam formam, venit ad locum, in quo Romana forma est usu recepta; uterque enim potest sequi titum loci, ad quem venit Bonac. p. 1. n. 7. Tamb. §. 2. n. 36. Hoc enim peregrinis commune est & licitum, ut quemadmodum in materia de legibus docetur, sui loci legibus non teneantur in territorio alieno, sed possint, si velint, leges loci, ad quem veniunt, sectari, et si diu & permanenter in eo non sint habitaturi. Nec III. de eo, qui in domo Religiosa exempta aliquamdiu moratur: perinde enim est, ac si extra suum territorium commoretur, & idcirco eodem cum peregrinis jure gaudet. Nec IV. de Capellanis Monialium. Hi enim ut Missam possunt legere de Sancto, quem Moniales per Proprium suum celebrant; ita & possunt officium horarum de eodem recitare: cum relativorum seu congenerum idem sit iudicium. Præterquam quod Capellanus Monialium aequipare-

tur Beneficiario: Beneficiarius autem potest, immo iuxta aliquos etiam debet, Ecclesiæ, cui adscriptus est, officium recitare, ubiqueunque tandem sit. Tamb. §. 2. n. 33, referens pro se etiam Quintanaduen. t. 8. singul. 7. Nec V. de Religiosis exceptis, qui utuntur Breviario Romano: hi enim ex concessione Trident. Concilii, possunt omisso officio Sancti vel feria, quod pro illa die praescribit Romanæ Ecclesia, servare festa Dæcœfana, atque adeo de illis recitare officium, non tamen tenentur, nisi sunt festa Dæcœfana Patronorum, & alia universalia. Tamb. n. 5. Palau p. 2. n. 9. & ali. Nec VI. de iis, qui recitant cum socio, sive ab eo ad hoc invitentur, sive non: modò aliunde id non sit veritum, Tamb. n. 27. Id enim videtur sequi ex natura Societatis, in quo contractu socii sunt pares in lucro. Adde, quod id, quod lex seu privilegium disponit in uno ex relativis, extendi soleat ad alterum; cum relativorum eadem sit ratio, L. 16. ff. de acceptilat. Nec VII. de Capellano Episcopi: tenetur enim hic Capellanus se conformare Episcopo quoad officium; ut declaravit Sacra Congregatio Rituum II. Junii 1605. Nec VIII. de eo, qui habet privilegium recitandi feria V. officium de Venerabili Sacramento, aut die Sabbathi de Immaculata Concepcione: nam & hic non mutat officium unum in aliud: sed recitat id, quod ex privilegio occurrit tali die; quod etsi sit ad libitum, nihilominus ei officium feria vel simplicis occurrentis cedit. Idem est de eo, qui ex simili privilegio, potest die non impedita recitare Horas de Fundatore sui Ordinis.

387. Sed IX. de eo, qui, cum formâ Roma-

Romanâ utatur, eo die, quo de sancto ex praescripto esset recitandum, vult recitare deferia: vel vice versa. Et de hoc solo præsens quæstio eventilanda est, si quidem nolis aera verberare. Et licet am esse hanc mutationem unius officii in aliud, docent plurimi Autores, cum his tamen limitationibus: modò non fiat ex contemptu, nec ex consuetudine & frequenter, nec sine rationabili causa; sed raro, & ex iusta causa: alias agnoscunt in ea mutatione peccatum mortale, si frequenter &c. fiat; veniale vero, si raro contingat; vel etiam nullum, si fiat ex rationabili causa; quemad putant esse etiam solam maiorem devotionem erga certum Sanctum. Ratio est: quia iam impletur præceptum quoad substantiam, licet non quoad modum: substantia enim præcepti consistit in hoc, ut recitentur septem Horæ Canonicae; ad modum autem spectat, ut eo die reciteretur hoc determinatum officium de tali feria, vel de tali Sancto. Hoc tamen non obstante nihilominus

388. Tenendum est, nunquam esse licitum, Officium hujus diei mutare in aliud; & eum, qui hoc scienter facit, peccare mortaliter, & præcepto Ecclesiastico de Horis minimè satisfacere. Palau D. 2. p. 1. §. 1. n. 17. Bonac, *de Horis* D. 1. q. 3. p. 1. n. 17. Gavant, *in Rubr. Breiar. s. 1. c. 5. tu. 2. n. 7.* Tolet. l. 2. c. 13. §. *Qualitas & alii.* Ratio est: quia qui non recitat hoc determinatum officium de tali Sancto, de tali feria, constans exhibet certis, & non aliis psalmis, lectionibus, Hymnis &c. non exhibit opus ab Ecclesia præscriptum; ergo non satisfacit præcepto: ad hoc enim requiritur, ut opus in tua specifica forma & ratione, & non in

alia exhibeat, ut notum est, nec id probare pluribus oportet.

389. Ad hoc respondent adversarii, & negant, et si aliud Officium recitetur, non exhiberi substantiam rei præceptæ; circumstantiam ejusdem operis vero non exhiberi, concedunt. Substantiam autem Officii Divini vocant illud Horarum Canonistarum compositum, quod constat ex septem horis: circumstantiam vero, quod haec horæ constent ex his psalmis distributis per tempora, festivitates, & dies.

390. Sed facile refelluntur. Pontifex enim dum præcipit recitationem Officii Canonici, intendit Officium non utcunque indeterminatum, & præcisè ut constans ex septem horis generatim, sed officium determinatum in particulari, constans ex his certis psalmis, hymnis, & lectionibus, prout per dies distribuuntur in Breviario: id quod satis constat ex ipsius Pii V. verbis; quæ in Bulla hac super re editâ & Breviariis præfigi solita sic habent: *Hoc nostrum Breviarium præcipimus obserari, statuentes, quoque, qui Horas Canonicas dicere debent, ad dicendum ex hujus Romani Breviarii præscripto & ratione omnino teneri, neminemque nisi hac formâ satisfacere posse:* ubi per Ratios Breviarii intelligitur formula Horarum, ex quibus Officium Divinum constat: per præscriptum vero, quod dædem hora constans ex iis proslis, non autem ex aliis psalmis &c. prout in ipso Breviario per tempora & dies distribuuntur: utrumque ergo, præscriptum nempe, & rationem, substantiam & circumstantiam Pontifex suo præcepto intendit, & complexus est: quod inde potest ulterius sic firmari. An enim circumstantia sit rei præ-

Hh 2 ceptæ

cepsæ tantum accidentalis modus, vel potius ad substantiam pertineat, melius & efficacius aliunde colligi non potest, quam ex fine, quem Legislator intendit, ita ut illa sit circumstantia substantialis, quæ ingreditur finis intenti substantiam; illa accidentalis, quæ in eum finem non ingreditur, seu quæ non est pars finis intenti: atque finis, quem Pontifex in Horis Canonis intendit præter cultum DEI, est uniformitas Officii Divini, in Ecclesia Romana: & hunc finem Pontifex non assequeretur, si ista mutatio passim, ut aliqui volunt, esset licita: signum ergo est, recitationem de tali Sancto &c, esse de substantia præcepti. Et sanè si uniformitas hæc, quæ in coordinatione Officii ex talibus psalmis &c. per tempora & dies facta consistit, esset tantum mera circumstantia accidentalis, non esset opus tot decretis Pontificum, quibus prohibetur, ne quis reciteret Officium de Sancto, quamvis secundum Ritum Romanum, nisi sit in Breviario Romano Pii V. præscriptum, vel ejus Officium à Pontifice aut sacra Rituum Congregatione concessum: item ne Officia, uni Ecclesie pro Sancto aliquo concessa, ad aliam ex auctoritate Episcopi extendantur, ut videre est in decreto Urbani VIII. edito 28. Apr. 1628. item non fuisse opus, ut Cardinalium Congregatio specialiter, ut Gavantus l.c. n. 1. refert, declarareret, Officium de Venerabili de Immaculata Conceptione esse concessum cum restrictione ad certum tempus, & ne recitetur in Adventu &c. Quæ omnia satis denotant Officium non ut cuncte septem horarum &c. sed talium ex talibus psalmis &c. compositum recitandum esse.

391. Nec novum videri debet, id, quod

alioqui tantum est circumstantia, quandoque esse de circumstantia actus. Innumeræ hujus exempla passim sunt obvia. Unum produxisse sufficiat. Solet quandoque Pontifex Magnatibus concedere, ut in privatis Oratoriis, quæ in eorum arcibus, aut castellis extructa sunt, liceat diebus festis sacram, quod sit, audire, cum expressa declaratione, ut, præter familiares necessarios, nemo aliis, et si eo die in tali loco inter sit Missa, satisficiat præcepto: ubi clarum est, ad substantiam actus, qui est sacram devotè audire, spectare etiam, ut sacram non in quoconque indeterminato, sed in certo, hoc & non alio loco, audiatur, ita ut si aliter fiat, præceptum non impleatur. Quando ergo voluntas præcipientis fertur intrinsecè non solùm in substantiam actus, sed etiam in aliquam ipsius actus circumstantiam, tunc non latifit præcepto, si actus solus ponatur sine illa circumstantia: hæc enim tunc jam pertinet ad substantiam, cum sit objectum voluntatis, quæ hic & nunc eodem actu fertur in objectum & illam circumstantiam; neque aliter vult objectum, nisi ut vestitum tali circumstantia. Etsi ergo recitare Officium tali die de tali Sancto, vel feria sit circumstantia? sed quia Pontifex vult, ut recitentur Hora tali circumstantia vestita, ideo si aliter ores, non implet in individuo hoc Pontificis præceptum.

392. Manet ergo stabilitum, hoc determinatum Officium ex talibus psalmis &c. concinnatum esse recitandum ex tanta obligatione, ut si aliud recitetur, non satisfiat. Restat nunc id agere, an talis obligatio sit gravis? & an cadat in singulos dies? Et gravem illam esse, sumitur ex dictis n. 379. Non enim solent

lent Pontifices contra culpas veniales sanctificare peculiares Bullas & decreta, nec tam graves statuere pœnas, quales statuit Pius V. & renovavit Urbanus VIII. Nec Adversarii hic se opponunt: hoc ipso enim agnoscunt in ea mutatione culpam ex suo genere mortalem, quod dicant, eam posse fieri levem, si mutatio illa fiat ex causa, si fiat raro, si inæqualitas inter unum & alterum Officium non sit magna. Sed de his limitationibus postea constabit. Interim omnino

393. Censeo, hanc obligationem cadere in singulos dies: non enim est ulla, etiam vel apprensatio, cur ab ea obligatione hic potius quam ille, tot & non plures sint eximi? certe velenues sunt eximendi, vel nullus; quia causa, quæ à peccato mortali hodie excusat, sufficiet etiam ad excusandum cras, perendie, & sic deinceps: si ergo semel licet; licet etiam frequenter, etiam semper: cùm singulis diebus adsit novum præceptum; sicut in Quadragesima ad jejunandum. Dian. p.2. tr.12. R.3. Nec est, ut Suar. T.2. de Relig. tr.4. l.4. c.23. n.15. vult, facienda compensatio, ut recitetur sacrorum verborum moles æqualis ei, quæ præscribitur; nam si aliud Officium recitans satisfacit, ad quid illa compensatio? si vero non satisfacit, nec compensatio juvabit. Nam ideo non satisfacit, quia non recitat, quod est prescriptum. Unde non sufficit recitare vel majus, vel æquale; sicut pro assistentia sacrificii non satisfacit, qui die festo aliud opus rependit, quantumvis majus sit, si tamen detur opus sacrificio hoc incremento majus.

394. Jam quod attinet ad limitationes, ob quas videri possit veniam mereri

illa mutatio, ut non censeatur gravis. I. est, justa causa. Sed quæro, qualis & quam gravis debet esse causa? Si enim tanta requiritur, quanta requiritur & sufficit ad ipsam Officij omissionem, tum ea potius obligationem illius diei omnino tollet, quam ut permittat mutationem Officij in Officium: constat enim talis causa exstante cessare obligationem. Ad quid ergo proderit illa mutatio? cur pro Officio, cuius obligatio pro nunc cessat, substituatur aliud? si autem sufficit quælibet occasio, aut commoditas occurrentis ad mutationem istam aliquoties faciendam, non video, cur non sufficiat ad faciendam semper: nemo enim tam plumbus erit, qui non possit quotidie sibi causam, qualecumque demum efficiere.

395. Dicunt ergo alii II. eam mutationem, ut à peccato mortali sit immunis, debere fieri raro, non frequenter. Ergo ut video, qui bis tantum mutaret Officium, jam peccaret mortaliter. Nam particula sape, multoties, frequenter, in duabus duntaxat actibus verificantur juxta Gloss. i. in Cap. de Vita & honest. Clericorum. Sed nimis parci sunt hi, qui dum totis viribus contendunt, posse citra culpam gravem unum Officium mutari in aliud, constringunt etiam licentiam ad unum duntaxatactum. Cur non extendunt ad plures? etenim si prima mutatio non excedit culpam levem, nec secunda, nec reliquæ excedent, etiam ut conjunctim sumptæ per modum unius collectiois: non enim mera & sola actus venialiter mali repetitio seu multiplicatio, quantumcumque frequens sit, facere potest, ut grave fiat, quod est leve; saltem cùm plures

res illæ materiae non coalescunt in unam, simul ex præcepto debitam uno tempore, sed quilibet suum certum tempus respicit, & ejus lapsu cessat obligare: alioqui ex multis peccatis venialibus v.g. mendaciis jocosis & officiosis frequentissime multiplicatis tandem una constitui poterit materia sufficiens ad peccatum mortale: quod à nullo admittitur; & meritò. Est enim sementis plurimorum scrupulorum & perplexitatum, cum quisque metuere possit, ne forte hoc vel illud peccatum veniale sit ultimum, ex quo cum reliquis præcedentibus consurgat materia gravis. Maneat ergo mutationem unius officii in aliud, si semel est levis, semper esse levem.

396. Eodem modo expediendi sunt illi, qui dicunt, per frequentem ejusmodi mutationem graviter laedit finem Ecclesiæ, qui est uniformitas in precibus publicis. Nam si in prima mutatione non agnoscunt aliam, quam veniale læsionem illius finis: nec aliam possunt agnoscere in secunda, tertia, quarta &c. cum enim nulla habeat cum altera ullam connexionem aut coalescentiam, singula manent peccata venialia, nec unquam constituent peccatum mortale: perinde ut, qui in quadragesima comedendo parvum carnis laedit præceptum de carnibus non comedendis; licet enim hoc per totam quadragesimam singulis diebus continuet, non tamen committeret unquam peccatum mortale, quia singulæ illæ transgressiones sunt & manent leves, & cum suo unaquaque die expirat, ita ut earum objectum nunquam coalescat in unum, quod ad peccatum mortale suf-

ficiat, quantumcumque alias materia in fine quadragesimæ futura sit magna, ita & in praesenti de mutatione Divini officii in aliud. Quodsi adversarii admittant, ut sane videntur debere, incutient in sententiam Lesslii. l.2. c.37. n.77. & aliorum plus quam triginta apud P. Georgium Gobat in *Diff. problematica* 3. n.16. docentium, servari substantiam præcepti, quodcumque officium Breviarii concessi dicatur: quam tamen ceu justo laxiorem & conuetedini Ecclesiæ repugnantem, ut apud P. Gobat. n. 886. videre est, communiter non probant: in quo nec videntur servare doctrinæ consequentiam, ut apparebit, nisi fallor, si quis ea, quæ haec tenus dicta sunt, perpendeat: omnia enim eò tendunt, ut monstrant, obligationem recitandi hoc determinatum officium semper esse levem, si semel est levis: prout etiam paulò supra dictum est: neque enim consuetudo, quantumvis inveterata, ullum peccatum ex suo objecto leve extrahit è genere aut specie venialium, quod bene est norandum & saepius inculcandum. Suar. l.3. deleg. c.28. n.9. Sanch. l.1. Mor. c.5. n.1. Bonac. de peccat. D.2. q.3. p.5. n.14. Palaus. T.1. tr.2. D.2. p.9. §.4. n.2. quin imò nec frequens transgressio legis arguit ejusdem contemptum. Suar. Bonac. Sanch. l. cc. Et licet id, quod alioqui leve est, si ex contemptu formaliat, peccatum grave evadat, manebit tamen leve, si contemptus absit. Itaque etsi mutatione unius officii in aliud ex levi fiat gravis, si ex contemptu contingat, manebit tamen levis, si ex contemptu non fiat.

397. Sed

397. Sed ego huic tam largæ sententiæ nunquam potui assentiri: sed neque dum possum. Persisto ergo in eo, quod n.388. dixi, videlicet, illum, qui pro uno officio dicit aliud, præcepto non satisfacere, quia non præstet id, quod est præceptum: &, si scienter hoc faciat, peccare mortaliter; quia violat grave præceptum. Dixi: *si scienter id faciat.* quia si ex inculpata inadvertentia id faciat, à peccato excusabitur; nec ad quidquam alind tenetur, si intra totum vigentis & currentis obligationis tempus nulla erroris commissi memoria occurrat: si enim intra illud tempus occurrat, tenetur illum errorem corriger ab eo loco, in quo eum deprehendit, & reliquum officium, quod tali diei responderet, prosequi & absolvere. Etsi verò valde laudabile sit, id, quod per errorem vel etiam sponte recitatum est, repetere totum, sufficit tamen ea duntaxat repetere, quæ ad proprium ipsius diei officium pertinent, quamvis sit solum hymnus, aliqua lectio, Antiphona, oratio in horis. Less. l.2.c.37. n.77. Bonac. de horis D.1. q.3. p.4.n.6. Tolet. l.2. c.13. §. qualitas. Ex dictis

398. Inferritur I. Illum, qui vel scienter vel per errorem etiam inculpatum hodie recitavit Officium, quod primùm aliquo ex posterioribus diebus recitandum erat, v.g. de S. Joanne Baptista, omnino obligatum esse ad idem officium denuo repetendum illo ipso die, quo verè occurrit. Lugo in *Respons. Moral.* l.5.d.8. n.2. & 14. referens etiam Villalobos l. p.1r.22.n.3. quia Ecclesia dum præcipit officium, illud non præcipit, ut semel in anno dicatur, sed ut determinatè di-

catur hoc & non alio die: ergo quitali die non recitat hoc derterminatum officium de S. Joanne, præcepto Ecclesiæ non satisfacit, quia verè non exhibet, quod est imperatum. Nec excusari potest, quod de eo Sancto jam hodie per errorem etiam inculpatum recitaverit: per hoc enim obligationi, quæ primùm cras urgebit, non satisfacit: atque adeo cras iterum de S. Joanne tenetur recitare: perinde ut si quis per errorem quantumvis inculpatum hodie jejunavit, aut sacrum audivit, & à servilibus abstinuit, existimans esse, cum tamen non sit, diem jejunii, aut festivum tenetur cras, cum verè erit dies jejunii, aut festivus iterum jejunare, audire sacrum, & abstinere à servilibus.

399. Inferritur II. Illum, qui hodie non recitavit officium legitimum v.g. de S. Matthæo, non teneri illud cras repetere, imò nec posse cum effectu satisfaciendi hodiernæ obligationi. Lugo. n.5. quia obligatio recitandi de S. Matthæo erat alligata huic diei: ergo illo transacto cessat; sicut si vigilia sit hodie, & tu bonâ fide putans esse primùm cras, non jejunes, non obligaris cras ad jejunandum: sicut nec ad facrum cras audiendum, si tu hodie illud non audieris, bonâ fide ratus, diem festum hodie, cum tamen sit, non esse, sed primùm cras futurum.

400. Inferritur III. Multò minùs rectè facere illum, qui ex devotione, quantumvis non vulgari erga S. Apolloniam Patronam in dolore dentium recitat officium de eadem Sancta Ritu, qui alias simplex est, duplicitis, quia qui recitat officium totum de Virginibus, recitat officium

ficium longè diversum ab eo, quod hodie v.g. tali feria vel forte etiam die Dominica, si quidem in eum incidat nona Februarii dies S. Apolloniae facta, recitandum erat, ut notum est: ergo non satisfacit præceptio Ecclesiae; in ordine enim ad satisfaciendum huic præcepto perinde est non recitare, quod præceptum est, ac recitationem omnitio omittere. Sed eti demus ejusmodi mutationem ritus simplicis in duplice vacare culpâ mortali, adhuc tamen erit illicita, quia contraria Pio V. præcipienti, nullam in officio faciendam esse additionem: notabilis autem & magna esset additio, si ritus officii, quia alioqui simplex est, & maxima ex parte serialis, mutaretur in ritum duplicum & festivum. Ut taceam, ritum festis non privatâ, sed suprema se dis Apostolicæ auctoritate tribui posse, ac debere. Gavant. in Rubr. Breviar. f.2. c.2. n.25. Meminerint ergo hi devoti, meliorem esse obedientiam, quam victimam. Sed jam

401. Transeamus ad eos, qui sunt obligati ad recitandas horas canonicas. Ehi sunt. I. qui eti sacris non sint iniciati, habent tamen beneficium Ecclesiasticum, modò non sit tam tenuë & macrum, ut saltem tertiam sustentationis honestæ partem non ferat. Tamb. l.2. in Decal. c.5. §.1. n.24. Non est autem obligatio recitandi horas toties, quot quis habeat beneficia. Bonac. de horis. D. 1. q.2. p.4. n.27. & idcirco etiam qui negligit eas horas, committit unum tantum peccatum: nisi forte præter beneficium habeat adhuc alium titulum. v.g. Ordinis sacri; hunc enim Bonac. q.5. p.1. n.4. duplicitis peccati mortalis reum

constituit: sed unius tantum reum esse mitius tradunt Palau. D. 2. p.1. n.3. Diana. p.2. tr.12. R. 22. & p.4. tr.4. R. 219. & alii. quia eti tituli diversi sint, principaliter tamen eandem virtutem Religionis respiciunt. Porro incipit obligatio hæc statim à die possessionis pacifice adeptæ. Bonac. p.5. n.1. imò ab hora, in qua possessio capta est. Gavant. f.1. c.4. n.5. & alii. II. Initiati sacris Ordinibus, & quidem statim ac ordinati sunt subdiaconi, tenentur ad onus Divini officii ab ea hora, quæ in Choro tunc temporis dicenda esset. Azor. l.10. c.13. q.17. Bonac. n.10. & alii apud ipsum. Quodsi anticipent recitando horas prius quam initientur, tenentur eas iterum recitare. Bonac. n.11. quia obligationi nondum contractæ non satisfit per anticipatam solutionem, nisi specialis conventio, de qua tamen hic non constat, inter creditorem & debitorem id permittat. III. Regulares, siue soli professi tam mares, quam feminæ choro addicti, ad idem onus adstringuntur, saltem ex usu & consuetudine passim receptâ, & vim legis gravis habente. Incipit in his obligatio ab hora editæ professionis, ut in similibus dictum est paulò antè. Dixi autem l. soli profesi: ad excludendos Novitios, qui nomine Religiosi non veniunt, cum de odiosis seu oneribus agitur: nec pro illis est consuetudo. Palau. D. 2. p.1. §.3. n.1. Dixi II. ad chorum deputati: ad excludendos in primis fratres Laicos seu Conversos, qui non ad chorum, sed ad ministeria temporalia deputati sunt. Deinde ad excludendos etiam quoscunq; alios Religiosos, choro non mancipatos; quales præter alios sunt Religiosi Socieratis JESU,

JESU, qui ad horas canonicas non adstringuntur prius, quam factis ordinibus sunt iniciati.

402. Sunt tamen nihilominus causæ, quæ ab obligatione recitandi heras canonicas excusat. I. Est carentia breviae; quæ si culpabilis sit, v.g. quia abjecisti breviarium, aut domi reliquisti cum prævisione te alibi nullum reperturum; eo solùm tempore peccas, quo reliquisti vel abjecisti, reliquis autem diebus, quibus Breviatio cares, non peccas amplius, quia illæ omissions non sunt voluntariae. II. Infirmitas: quæ tamen ut excusat, non debet esse levis: hæc enim non adserit morale impedimentum; sed nec debet esse necessariò gravissima: non enim pia Mater Ecclesia cum tanta severitate nobiscum agit: sufficit, si sit notabilis, hoc est, talis, ut ex recitatione officii immineat aliquod in valetudine malum non parvæ considerationis, v.g. cruditas stomachi, magnus dolor aut gravedo capitatis, virium laßitudo &c. Tamb. in Dec. cap. 1. 2. c. 5. §. 8. n. 13. Quodsi dubium sit, consulatur Medicus, Confessarius, aut Superior, & eorum judicio stetur. Bonart. de horis 1. 2. c. 38. n. 13. Quodsi & hi dubitent, liber eris ab horis: non enim teneris te gravi periculo exponere. Palaus. p. 6. n. 10. Tamb. l. 1. in Dec. cap. 3. §. 7. V. hora Capon. n. 2. & alii. Neque ex eo, quod æger cum aliis loqui, aut fabulas & historias profanas legere possit, rectè infertur, cum etiam cum DEO posse vel debere loqui per recitationem officii: hoc enim mentem collectam requirit, quod ægris difficile accidit; illud autem mentem ægri distrahit. Tamb. l. 2. c. 5. §. 8. n. 14. III. Con-

valescentia ex gravi morbo v. g. febri: cum enim imbecillitas illa sit vera infirmitas, pia Mater Ecclesia per aliquod tempus requiem ab officio concedere putanda est: in his autem diebus numerandis non est rigidè procedendum, sed beuignè pro gravitate præteritæ infirmitatis & præsentis difficultatis. IV. Cæcitas, aut alia oculorum mala, eaque haud levis dispositio: si tamen occurrat dies, cuius officium integrum memoriam quis retineat, debet id recitare. Palaus. n. 11. Bonac. D. 1. q. 6. p. 2. n. 6. Dian. p. 4. tr. 4. R. 11. & p. 5. tr. 6. R. 16. & alii. Non tamen tenetur recitare integrum commune aut speciale officium, quod hoc die non occurrit, et si illud memoriam teneat. Elcobar. tr. 5. Exam. 6. n. 61. quia Ecclesia præscribit variationem officii per ferias, & Sanctorum solennitates. V. occupatio repentina, & gravis, quæ omitti nequit, aut différi sine aliorum offensione, estque tam longa, ut tempus, quod recitationi officii sufficiat, totum sibi vendicet. VI. surdus tamen non excusat, cum per se legere possit. An autem seipsum audiat, nec ne, parvum refert; cum facile percipere possit, quid dicat. Præterquam quod non sit necessarium, seipsum audire. Azor. T. 1. l. 10. c. 11. q. 4. & alii, rati sufficere solam verborum articulationem, licet ab ipso etiam recitante percipi nequeant. VII. Iter etiam longum aliquot dierum facientes, aut gravibus laboribus aut negotiis intenti non excusantur, nisi forte ita laſſati sint, ut horas, quas in vesperrum distulerint, non possint, nisi cum magna difficultate recitare: quia haec laſſitudo infirmitati comparatur. Ita Coto-

II

nius,

R. P. Stoß Trib. Penit.

nus, quem refert & sequitur Bruno Neuf-
ker. de horis. D. 14. q. 9. n. 19.

403. Quicunque autem legitimè ex-
eufatus est ab obligatione recitandi offi-
cium canonicum, non tenetur I. audi-
realium id recitantem. Bonac. p. 1. n. 8.
Navar. c. 11. de orat. 6. quia præceptum
est de recitando, non de audiendo.
Nec II. alium, qui sui loco dicat, con-
stituere. Suar. de horis. l. 4. c. 28. n. 12.
Bonac. n. 7. onus enim recitandi officium
est personale. Nec III. alias preces, quas
facilè possit, v.g. rosarium recitare. Bo-
nac. n. 8. & plures alii apud ipsum, hæc
enim compensatio nullo jure præcepta
est. Nec IV. mente duntaxat aut visu
percurrere, si voce non possit. Quia
Ecclesia præcipit recitationem, non ut
cunque, sed vocalem. Nec V. horas,
quashodiæ non dixit, eras supplore. Bo-
nac. n. 6. & alii; cùm enim sit onus al-
ligatum diei, ejus obligatio cum ipso die
transit, & exringuitur. Nec VI. qui so-
lus non potest recitare horas, potest ve-
ro cum socio, sibi eum adsciscere, et si
alioqui facilè possit. Sancius in select. D.
15. n. 2. Tamb. l. 2. in Decal. c. 5. §. 8. n. 11.
& solitus sit adhibere locum. Palau. D. 2. p. 6. n. 15; facultas enim admittendi
socium, etiam sponte se offerentem, est
aliquod privilegium: privilegiis autem
tantum utimur, quando volumus. Quæ-
ratio locum haber etiam in beneficiatis:
quare & hi eximendis sunt ab obligatione
adhibendi socium.

404. Et quoniam incidit mentio de
socio recitandi horas, pauca de eo hîc
addere opportunum videtur. Quare I.
modus alternandi horas est licitus. Fill.
17. 23. c. 7. n. 240. Suar. c. 25. n. 2. Bo-

nac. q. 3. p. 2. §. 1. n. 5. Patet ex usu &
conuentudine, quæ toto orbe Christiano
recepta est, atque in rebus incertis inter-
pres certissima. Cap. Cum dilectu, de
conuentudine. quod verum est sicut in
aliis rebus, ita etiam in Ecclesiasticis,
ex Cap. Ecclesiasticarum. dist. 11. II. Non
est necesse, ut socius, qui adhibetur, sit
ad recitandum obligatus: satis est, sicut
etiam Laicus. Suar. Fill. II. eo. Bonac. n.
6. tunc quia ita in choro fit, ex quo ad
privatam recitationem translatus est iste
alternatim dicendi horas modus: tum
quia consuetudo sicut habet. III. si uter-
que socius sit ad recitandum obligatus,
quikue suam partem ita recitare debet,
ut alter eam & audire & percipere pos-
sit; cum enim unus alterius socii partem
physicè non recitet, debet eam morali-
ter recitare & suam facere, quod ex be-
nigna Ecclesiæ concessione fit auscultan-
do. IV. si plures sint futuri socii, labo-
rem recitandi horas ita partientur, ut
duos constituant choros, in quorum uno
unus etiam esse potest, in altero reliqui:
velita, ut uterque chorus constet ex
equali sociorum numero, v.g. hinc tres,
& inde etiam tres. In quo tamen non est
necessæ, ut singuli singulos audiant, per-
cipiantque. Bonac. n. 9. Illud obser-
vare debent, ne, five duo, five plures si-
mul recitent, ita festinato percurrent
Psalmos, ut dum unus chorus suam par-
tem nondum absolvit, alter suam jami-
cipiat: hoc enim si in quantitate nota-
bili fieret, chorus ita festinans peccaret
mortaliter: cùm enim illam partem au-
dire non possit, non potest etiam in ea
cum altero choro communicare, & con-
sequenter juxta consuetam Ecclesiæ pra-

xin nec recitare. Bonac. n. 3. Reginald. L. 18. c. 11. n. 146. Tamb. §. 3. n. 8. sed Sacerdotes bene morati raro quoad hanc præoccupationem peccant mortaliter; quia ea semper levis est, & solum in aliquibus versiculorum initii contingere solet. V. sufficit, si una pars reciter antiphonas, capitula, responsoria, lectio-nes & orationes; altera vero pars haec eadem solum audiat. Reginald. c. 12. n. 158. Fill. l.c. Bonac. n. 11. & alii: hic enim modus etiam in choro observatur. Excipe, quæ secreto dici solent, ut *Pater, Ave, Credo & similia*: haec enim à singulis dici debent. Suar. de horis. l. 4. c. 25. n. 5. Fill. n. 241. VI. si plures quam duo simul recitent, non possunt versus sigillatum juxta numerum sociorum ita partiri, ut unus solus possit dicere unum versum, alter alterum, tertius tertium, & sic deinceps, ceteris au-dientibus. Regin. Fill. l. cc. Tamb. §. 4. n. 23. Bonac. n. 10. Suar. n. 3. & alii. Hunc enim tertiatim v.g. dicendi ho-ras modum Ecclesia nec in choro per-mittit. Aliud est de lectionibus: haec enim singulæ juxta numerum Sociorum à singulis dici possunt, ceteris attentè au-dientibus; nam & hoc usus Ecclesia ha-bet. Suar. n. 4. Azor. T. 1. l. 10. c. 7. q. 9.

405. Sed dubium modò superest: An, qui legitimè impeditus non potest totum officium recitare, potest partem, ad eam dicendam obligetur? Suar. c. 28. à n. 22. & n. 27. Bonac. p. 2. n. 7. & alii putant, quemlibet teneri ad eas ho-ras, quas commodè potest recitare; sive illæ majorem, sive minorem Divini officii partem constituant. Sed haec sen-tentia est nimis rigida, & perplexitatibus

plena: quis enim infirmorum v.g. de-terminet, quo horæ sint grave documen-tum allatur? aut quis affirmet unam so-lam horam ex parvis notabiliter obfutu-ram sanitati &c. His ergo anxietatibus, quibus benigna Mater Ecclesia suos filios utique non intendit implicare, ut obvia-natur,

406. R. Eum, qui majorem officii Di-vini partem recitate non potest, potest autem minorem, ad neutram obligari: & è contrario eum, qui minorem non potest, potest majorem, obligari ad ma-jorem, omisso licet minori. Azor. c. 13. q. 4. & 5. Less. l. 2. c. 37. d. 9. n. 54. Escobar. tr. 5. exam. 6. c. 5. §. non potest, Palau. D. 2. p. 6. n. 9. Tambur. in Decal. l. 2. c. 5. §. 8. n. 3. & alii: tum quia ita consuetudine videtur receptum; con-suetudine autem non est melior legum interpres: tum quia major pars trahit ad se minorem, non autem vice versa: tum quia sic suavius redditur onus reci-tandi horas, & scrupulis minus obnoxius. Ceterum minorem officii partem Navar. de orat. c. 11. ait esse solum Ma-tutinum; Laudes vero cum reliquis horis majorem. Garzias de beneficiis. T. 1. p. 3. c. 1. n. 222. quem refert & sequitur Joan. Sancius in selett. D. 15. n. 1. ait, Matutinum & Laudes simul esse partem, si non ma-jorem, saltem potiorem. Id quod etiam Escobar. l.c. sentit. Sed inter senten-tias à S. D. N. Innoc. XI. prohibitas est 54. quæ docet, eum, qui non po-test recitare Matutinum & Laudes, potest autem reliquas horas, ad nihil te-neri.

407. Non est autem hoc loco omit-tendum, quod habet Sancius n. 2. &

robat Palaus. n.7. Tamb. n.10. Diana. p.2. tr.12. R.43. eum, qui non potest notabilem ac principalem horæ partem recitare non esse obligatum ad reliquum ejusdem horæ pensum solvendum : sine ea enim parte non subsistit hora canonica; & ideo qui potest solos Psalmos Matutini recitare, non verò lectiones, non tenetur Matutinum, etiam feriale recitare, quia psalmi sine lectionibus non constituant substantialiter Matutinum juxta formam à Pio V. præscriptam. Sancius, Palaus, Tamb. II. cc. Diana. l.c. & p.9. tr.16. R.48. Idem est de eo, qui Psalmos horarum scit, nescit verò capitula, & orationes: nam neque hi Psalmi sunt substantiali ger horæ canonica juxta Piu V. formam.

408. Hic tamen excipiens est unicus casus, nempe cum quis in Subdiaconum ordinatur: et si enim novus hic Subdiaconus primo suæ ordinationis die non teneatur recitare majorem Divini officii partem, nihilominus tamen tenetur minimum ad Vesperas & Completorium ob præceptum supervenientis & cadens super eas horas, qua sine respectu ad reliquias sunt capaces gravis obligationis. Qui tamen hunc Subdiaconum veller à toto onere pro eo die liberare, Authorem haberet Brunonem Neuffertum tr. de horas. D.12. n.2. &c. quem Diana p.10. tr.11. R.16. refert. Leandrium. Sed hoc est contra generalē Ecclesiæ consuetudinem, & idcirco nec deducendum in praxim particularē.

409. Denique qui manè tempore adhuc ad dicendas horas opportuno, se toto reliquo illius diei tempore legitimè impediendum à recitatione prævideret, te-

netur manè prævenire, &c. si impedimentum exigit, totum officium anticipando dicere; & vicissim, qui prævidet tantum vespere suppetere tempus, quod horarum peso per solvendo sufficiat, tenetur vespere recitare: quæ est multo probabilior sententia; quia præceptum, quod intra tempus currentis & vigentis obligationis occurrit, debet, quando potest, impleri. Sic qui videt, te non posse sacro, quod horā nonā ultimum legitur, interesse, tenetur alicui priori, cui nempe potest, interessere; & vicissim, qui nullum ex prioribus audire potest, tenetur audire ultimum. Tamb. de expedi. commun. c.4. §.4. n.39. & alii communiter. Neque verum est, quod aliqui putant, quamlibet horam ita certo tempori affixam esse, ut una cum illo etiam cesseret obligatio horam: ei correspondenter dicendi. Hinc qui manè prævidet, fore ut, post prandium vel ob accessum febris, vel ob inhabilitatem ex convivio contrahendam, non possit vesperas cum completorio dicere, tenetur eas anticipando dicere ante prandium.

410. Horas Canonicas interruptim recitaviter. Matutinum à Laudibus, etiam totā nocte, et si nulla causa subfit, separari posse, usus & praxis etiam timoratorum habet. Non est tamen necesse, et si laudabiliter fieri possit, Matutinum ita separatum absolvere cum oratione diei, nisi in Nativitate Domini, ubi id expressè præscribitur: nec Laudes inchoare cum Pater noster &c. Aīc; cum nulla de his exster Rubrica seu consuens, seu dirigens. Bonac. D.1. q.3. p.3. n.14. Azor. l.10. c.8. q.4. Tamb. l.1. in Decal. c.5. §.3. n.11. ex Sanch. l.7. confit.

consil. c. 2. d. 20. n. 2. Et idem alio-
qui dici posset, dum reliqua officiū par-
tes aliqua de causa interrumpuntur, quod
tamen hactenus nemo dixit. Sed & ho-
rae reliqua ab invicem etiam longo tem-
pore separati possunt. Sermo ergo est
de una eadēque hora; & queritur: An
inter ejus partes fieri possit interruptio?
v. g. si quis inchoato jam Matutino vo-
cetur ab amico ad ludum, negotia, &
similia, vel ad assistendum ægrotō ani-
mam agenti? Omnes fatentur hanc in-
terruptionem fieri posse: quantum au-
tem temporis inter partes abruptas in-
tercedere possit, non convenient. Ali-
qui putant, de auctor; alii summum trium
horarum spatio non posse esse longior-
rem; & tanta si fuerit, peccatum esse
mortale, si pars jam recitata & abrupta
sit notabilis, & non denuo repetatur.
Sed Tamb. l.c. & alii, quos refert, ex-
istimant nocturnum à nocturno, psalmum
à psalmo, versum ejusdem psalmi à ver-
su posse tam intra, quam extra chorūm
(scandalum absit, & rubricarum con-
temptus) quacunque longo tempore
separati, modò intra tempus, quo ob-
ligationi quotidiane recitationis satisficeri
solet ac potest, persolvantur: quia ex
una parte non obstante eā interruptione
intra latitudinem temporis, quo præce-
ptum impleri potest, totum Officium
persolvitur: exaltera vero parte non ap-
paret gravis irreverentia in eā interruptio-
ne, ut appareret in interruptione Missæ:
hæc enim non est sola oratio, sed sacri-
ficiūm, cui plus debetur. Forma autem
Sacramentorum si notabiliter interrum-
patur, redditur irrita, quia amittit suam
significationem: at vero psalmi, imo

411. *Horas Canonicas recitavi ordine
in erubis.* Ordo, quo recitandæ sunt
horæ canonicae, habetur in Cap. Pres-
biter Disf. 91. & Cap. 1. de celebr. Mis-
sæ. & est iste: ut prius recitentur Ma-
tutinum & Laudes: dein Prima, Tertia,
& sic deinceps. Hic ordo (secluso scandalō & contemptu) non obligat grayi-
ter; cum non sit de substantia officiū.
Culpa tamen venialis erit, si fiat sine
causa rationabili. Navar. de orat. c. 21.
n. 30. si vero fiat cum causa, omnino nul-
la Tamb. n. 12. Hinc qui manè non
habet ad manus, nisi Diurnum, potest sine
scrupulo peccati, etiam venialis, recitare
horas, domi recitaturus Matutinum ejus-
dem diei; ea enim carentia Breviarii est
causa sufficiens: qualis erit, si quis ab
amico invitetur ad recitandum Primam,
cum ipse nondum recitaverit Matuti-
num.

412. *Horas Canonicas recitavi tempore
li 3 inde-*

indebito semel. Tempus debitum, quo horæ sunt dicenda, est totum illud, quod ab hora 12. unius noctis fluit usque ad horam itidem duodecimam alterius noctis. Et ideo, licet, si quis intra spatiū istud horas recitet, satisfaciat, nihilominus tamen hora ipsa totum hoc tempus ita inter se partiuntur, ut Matutinum cum Laudibus & reliquis horis vendicet sibi tempus Matutinum: Vesperæ vero & Completorium pomeridianum. Noveris tamen, istud non esse terminum finienda, sed solūm non differenda obligationis. Si ve autem hoc tempus anticipetur, sive invertatur, ita ut quod priori tempore recitandum erat, recites posteriori, & vicissim, si ex aliqua causa v. g. majoris commoditatis in studiis continuandis, patrandâ concione &c. id facias, omni omnino culpâ vacabis: si vero sine causa tempora singulis horis canonicas assignata non observes, peccabis venialiter. Intra latitudinem tamen culpæ venialis, majus peccatum est postponere, quam anticipare: illud enim negligentia, istud vero providentia adscribitur. In quadragesima Vesperæ dici possunt privatum post prandium. Cum Rubrica feria IV. Cinerum nullum præceptum imponat. Qui Matutinum crastinæ diei dicturus est hodie, ut *juxta n. 385.* potest, præcisè ex eo, ut cras suavius & mollius dormire possit, peccat venialiter. *Navar. de orat. c. 3. n. 54.*

413. *Horas canonicas abscissis, in modo etiam omissis verbis recitaviter.* Si hæc abscissio aut omissio verborum sit voluntaria, & in materia notabili, est peccatum mortale; veniale, si materia sit levius. Tamb. n. 4. si sit involuntaria propter

inadvertentiam, aut nimiam fatigus balbutiem, aut in veteratam & incorrigibilem consuetudinem, excusari potest à peccato. Tamb. n. 6. Nec refert, unde ea verborum omissio proveniat: saepe nimia lingua præcipitania illius est causa. Ex abscissione vero syllabarum, etiam cum voluntaria est, non adeo frequenter constituetur materia gravis.

414. *Horas canonicas loco distractiōnibus obnoxio recitavi, quater.* Etsi perinde sit, quo loco, etiam sordidissimo (de quo Tamb. §. 6. n. 2. cum Palao T. 2. tr. 7. D. 2. p. 4. pronuntiat, illum, qui temere & sine delectu talem locum ad horas canonicas, aut alias preces recitandas eligit, peccare venialiter) recitentur horæ; tamen venialiter peccabit, si quis eligat locum distractiōnibus valde expostum; quale est v. g. publicum forum aut platea, ubi frequens est hominum concursus, clamor, aut strepitus profanus, aut quo habentur fervidae aut clamose Disputationes v. g. Philosophicae; hoc enim loco, qui recitat Officium Divinum, exponit se manifesto periculo plurimarum distractiōnium, & juxta probabilem aliorum sententiam præcepto etiam non satisfaciendi: cum igitur quisque tenet officium attentè, sine distractiōnibus etiam merè internis (si de præcepto Divino loquamur) recitare, tenetur etiam ea cavere, quæ possunt attentionem impediare.

415. *Horas canonicas situ corporis indecenti recitaviter.* Etsi perinde sit, quo situ corporis recitentur horæ, cum nulla de hoc extet lex; tamen cavendum est etiam hic contemptus & irreverentia; qualis esset, si quis sine necessitate decumbens,

cumbens, vel sub immodestâ corporis positione temerè & sine delectu recitaret: alius à peccato veniali non erit immunis, cùm aliquam modicâ in DEUM irreverentiae suspicionem arguat. Sedere verò, cùm standum; stare aut sedere, cùm ex præscripto Rubricæ genuflectendum est, si absque contemptu fiat, non excedit culpam venialem: imò Bonac. p.6. n.1. & Palaus t.2. p.10. n.14. putant, omnino nullum esse peccatum, cùm Rubrica non præceptum, sed solum consilium dare videatur.

416. Officium defunctorum, quod nuper secundâ Novembris recitandum erat, omisi. Est hoc officium pars, & quidem notabilis officii illius diei; & ideo, qui Romano Breviario utuntur, tenentur illud eodie sub peccato mortali recitare. Est sententia communissima. Neque enim Pontifex, dum ob varia vitæ hujus negotia sustulit obligationem recitandi Officium defunctorum sub peccato, comprehendit officium illius diei. Unde & dies secunda Novembris in Calendario & Martyrologio vocatur commemoratione defunctorum. Potest ex diurna Germania praxi, & jam pridem contra Rubricas præscripta totum defunctorum officium recitari post secundas diei omnium Sanctorum Vesperas. Imò Tamb. §.2. n.14. probabile judicat, non esse obligationem ullam eodie recitandi officium defunctorum; cùm Rubrica, quæ cas preces præscribit, non sit præceptiva (neque enim verbo obligationem significante utitur) sed solum directiva. Videri potest Diana p.2. tr.12. R.42. & p.4. tr.4. in fine quæst. un. ubi longam de hac materia instituit Disputationem.

417. Litanias omnium Sanctorum in

feriis Rogationum omisi semel. Etiam hæc communissima sententia & Cap. Rogationes de Confess. Dist. 3, sunt pars & quidem notabilis officii illius diei: & ideo qui eas omitit, peccat mortaliter. Idem est de Litanis in festo S. Marci. Sunt alligatae diei, ita ut non possint pridie cum Laudibus conjunctim dici, ut de officio defunctorum dixi. Ita contra Gavant. in Rubric. Breviarii. f.6. c.16. n.6. docet Tamb. §.5. n.7. tum quia in Rubrica nihil est, ex quo colligi possit, dictas Litanias anticipari posse: tum quia Litanæ privatim recitandas succedunt in locum assistentiarum ad Processionem; ergo sicut processio nequit anticipari, ita nec Litanæ: tum quia pro Litanis expressè habetur, eas *hodie* recitandas esse, ut videre est in Rubrica ad festum S. Marci; quæ particula in Officio defunctorum non habetur. Unde cùm tam in festo S. Marci, quam in feriis Rogationum dicatur, Litanias ab iis, qui Processioni non intersunt, recitandas esse *Post Laudes*, illud *Post* hunc sensum habet, ut idem sit, quod suo tempore, id est, crastino die, si *hodie* dicantur *Laudes* de S. Marco, vel *crastinæ* Rogationum feriæ.

418. Ceterum ut clericus assistentia ad Processionem satisfaciat, & exinde liber sit à Litanis privatim recitandis, non est satis, quod corpore duntaxat præsens sit, de reliquo confabulationibus, legendis & narrandis novis, aliisque tractandis intentus, ita ut, quid circa Litanias fiat, prorsus ignoret; hæc enim est præsentia in re materialis, & perinde se habet, ac si Clericus Processioni omnino non intersit: neque enim dici potest præsens alicui rei, dum ad aliud attendit. *L. Coram*

ram Titio. ff. de Verbor. signif. Et possumus in hujus rei confirmationem exemplum petere & adducere ab obligatione, quam Canonici habent, assistendi Officio Divino in Choro; hi enim eti physice presentes sunt, moraliter tamen & humano modo non sunt, si actiones externas internæ attentionis impeditivas exerceant; & idcirco neque sua obligationi satisficiunt, neque quotidianas distributiones suas facere possunt. Ita etiam ii, qui physicè presentes sunt Processioni, dum tamen ea, quæ dixi, exercent, formaliter, & morali ac humano modo non interficiunt; adeoque meritò censeri possunt, processionem omnino omittere; nimirum rem cum substantiali defectu peragere, idem est, ac eam omittere. Et hinc talis fabulator &c. Clericus tenetur adhuc privatum dicere Litanias, si quidem suam conscientiam peccato gravi nolit onerare. Notent hoc Canonici, & alii Clerici, qui et si eo duntaxat, quo dixi modo interlunt, putant tamen, se rem gestisse pœclarè. Erranti, errant! ut ergo securi sint in conscientia, debent Litanias ita alternatim dicere, ut una pars canendo præeat, altera respondendo subsequatur; vel certè ita dum alii alternant Litanias, alii devotè & attente audiant; si quidem hoc mos ita ferat.

419. *DEO pro acceptis beneficiis ingratitudo suis bis.* Ut ingratitudinis vitium melius declaretur, paucis, quodnam gratitudinis officium sit, aperiendum est. Itaque gratitudinis est. I. agnoscere, & estimare beneficium, saltem ex affectu conferentis. II. Benignè illud acceptare; speciem enim contemptus vel exiguae estimationis habet repudiatio. III. Gratias agere;

quamvis Magnates erga homines vulgares hoc non soleant. IV. accepti beneficij meminisse, & illud suo loco & tempore laudare. V. Beneficium re vel obsequio referre; sed non statim. Qui enim, ut Seneca *l.4. de Beneficiis in fine* ait, festinat reddere, non animum habet gratiæ hominis, sed debitoris; non enim videatur estimare id, quod in beneficio est precipuum, nempe gratuitum Benefactoris animum: ita enim solvit, ac si ille non gratis, sed intuitu securæ compensationis dedisset. His oppositi sunt ingratitudinis gradus; nam I. beneficium non agnoscit, nec estimat; sed potius vilipendit. II. Beneficium dissimulat, non agendogratias. III. Beneficium non retribuit, sed potius malam pro bono reddit. IV. Beneficium vituperat. V. Beneficium loco maleficij habet: qui est summus ingratitudinis gradus. Ingratitudo itaque erga DEUM. I. est, non conari Divina beneficia obsequio & cultu pro modulo compensare. II. Ratò vel nunquam gratias agere. III. Ratò vel nunquam beneficiorum Divinorum meminisse. IV. Malum pro bono reddere. Huc spectat omne peccatum; quodlibet enim est ingratitude erga DEUM, sicut & inobedientia; repugnat enim illi obligationi, quæ, ratione beneficiorum à DEO acceptorum, obstringimur ad cavenda illa, quæ eum offendere possunt. V. extenuare, negare, vel vituperare beneficia DEI. Quò spectat, negare beneficium Redemptionis, & Gratiaæ necessitatem, quod Pelagiani fecerunt. VI. Illa loco maleficij habere & estimare: quod damnati faciunt, & nonnulli scelerati homines, qui potius pro maleficio quam beneficio

ficio habent, quod à DEO non sinantur
perpetuū hoc mundo & ejus deliciis frui.

420. Ceterū ingratitudo alia est for-
malis, alia materialis. Formalis est, quæ
oritur ex directa intentione, beneficium
vel Benefactoris animum vilipendendi, ne
ratione beneficii videaris ei obnoxius.
Hoc modo ingratī sunt, qui beneficium
vel animum benefactoris extenuant, aut
finistre interpretantur, ne videantur ei
quidquam debere, aut ne cogantur esse
grati, agendo gratias, aut ne impediantur
a malo rependendo. Est peccatum ex suo
genere mortale; potest fieri veniale velex
defectu plenæ advertentiae, vel ex parvi-
tate materiae, ut si beneficium sit parvum,
vel ab homine privato profiscatur; nolle
enim hominis privatib[us] beneficium agno-
scere, parùm incommodi videtur illi ad-
ferre, leposità ejusdem offensâ. Less.
I.2. c. 47. d. 3. n. 16. § 19. Materialis
est, quæ non procedit ex illa, quam dixi,
directa & expressa intentione vilipenden-
ti beneficium, sed citra omnem contem-
ptum vel omittit debitum gratitudinis of-
ficium, vel aliquid contra benefactorem
committit: quæ est circumstantia gene-
ralis, nec peccatum mortale, nisi ex acci-
denti, ut si benefactori indigentie chari-
titate reddendum sit beneficium, & omit-
tatur. Less. n. 18.

421. Artem divinotorum exercui se-
mel. Ea est, cùm mediis illicitis aut mo-
do indebito furorum contingentium
notitia (quæ alioqui soli DEO propria
est) queritur; sive fiat per somnia, sive
per aquam, sive per stellas aut carmina &
similia; & ideo hæc non sunt specialiter in
confessione explicanda juxta dicta p. i.
n. 65. nisi intercedat paetum cum dæmo-
nibus. R. P. Stoz. Trib. Pœnit.

ne, idque vel expressum, vel tacitum: de
quo ibid. n. 66. Huc spectat Zingaros de
sua aut aliorum fortuna consulere: de
quo ibidem.

422. Superstitione exercui ter. Ad ve-
rum DEI cultum duo spectant, nimirum
I. ut colatur verus DEUS; contra quod
peccant idololatriæ, magi, malefici, & di-
vinatores: de quorum ultimis jam aliquid
num procedenti dictum: de prioribus vi-
deri possunt Sanch. I.1. Mor. c. 38. n. 41.
Fill. tr. 24. à c. 7. & alii. II. Ut verus
DEUS colatur modo debito, excusus de-
fectu consistit cultus falso, & superfluuus.
Cultus falso est, quando res non sacra
habet pro sacra; vel quando Minister
non facer fungitur officio Ministri con-
secrati. Hac ratione peccant, qui falsas
Reliquias exponunt pro veris; qui falsa
miracula prædicant; qui ministrant in or-
dinibus non susceptis. Sanch. I.2. à
n. 15. & alii. Hæc ex suo genere sunt pec-
cata mortalia. Laym. I.4. tr. 10. c. 1. Sanch.
c. 37. & alii. Cultus superfluuus est, qui à
contuetudine Ecclesiæ abhorret; veluti
nolle die Sabbathi fila ducere in honorem
B. Virginis, cùm tamen interim alia ser-
vitia præstes; die Solis ne minimum qui-
dem lignum findere; eodem die jejuna-
re, cùm alii non jejunent; die commu-
nionis nolle incedere nudipedem &c.
Huc spectat adhibere sub sacrificio cære-
monias contra consuetudinem Eccle-
siæ v.g. formare plures cruces, pluries
dicere Alleluja, dicere Gloria, vel Credo,
cùm non est dicendum &c. et si fiat ex
devotione (hæc enim corrigenda est)
quia sunt præter consuetudinem Eccle-
siæ. Huc etiam spectat Missam audire,
nontamen nisi ante Solis ortum, cum
certo

Kk

certo

certo numero, situ, & ordine cereorum; vel Sacerdotis, qui vocetur Joannes; vel qui habeat staturam Christi &c. quia hic cultus ex se est inanis, & ad excitandum spiritum inutilis. Hæc sunt ex genere suo peccata tantum venialia: imò læpe nulla ob simplicitatem vel ignorantiam.

423. *Vanam observantiam exercubis.*
Est hæc obseruantia supersticio, quâ commodates humanæ & varie corporum mutationes quæruntur non à DEO, sed per media inutilia, & à DEO non constituta. Est peccatum mortale ex suo genere, nec potest fieri veniale ex parvitate materiae; quia ejus deformitas consistit in hoc, ut effectus, qui propriè DEI est, dæmonis potentiar adscrībitur. Potest fieri veniale; vel quia non adhibetur certa fides, licet timeatur ita esse, vel futurum; vel quia intercedit bona fides & ignorantia: modò hæc non sit crassa, nec adsit dolus, ut, si monitur à Parochio, vel aliis, quibus tenentur credere, nolint def̄stere, vel suborto dubio non inquirant veritatem. Less. d. 10. n. 65. & 66. & alii.

424. Exempla vanæ obseruantiae magis obvia sunt, sumere potionem vel bolum ad scientiam aliquam subito acquirendam, gestare Amuleta, ligaturas & involucra falsis characteribus consignata contra vulnera, vel subitam mortem, vel ad conciliandam invisibilitatem, impenetrabilitatem, amorem &c. excus forruito conjicere de eventu v.g. sibi aliquid mali vel boni eventurum, ut: si manœ domo egrediens pedem offendas, ideoque domum regrediaris metuens iter infaustum fore; si egresso foras prima occurrat virgo, & idcirco putes, diem fore

sterilem & infelicem, prosperum vero & secundum, si mereris: quæ exempla & alia affert S. Augustinus à Lessio n. 65. relatus: dies aliquos habere tanquam faustos, aliquos etiam infaustos, & idcirco negotium omittere, v.g. die Veneris nolle ungues resecare; fæminarum carminaticum benedictiones & preces ad morbos depellendos adhibere; projicere statuam alicuius Sancti in flumen, ut pluat: credere, Missas defunctis non prodesse, nisi legantur septem cum septem candelis certi coloris, & septem eleemosynis; certo festo v.g. S. Joannis certa orare, vel festo S. Matthei hedera folia aquæ imponere, ut cognoscatur, cui debeant nubere: quibusdam precibus, imaginibus, vel characteribus aut crucibus tribuere certam & infallibilem vim v.g. evadendi hostem, expellendi morbos, non moriendi sine confessione, non incedendi in infortunium &c. vide Sanch. c. 40. à n. 28.

425. Potest autem vanitas obseruantiae ex variis signis deprehendi. I. ex insufficientia cause adhibita ad effectum; si nempe nec habent naturalem virtutem, nec de supernaturali legitime conster. II. Ex admixtione falsæ vel vanæ, & ad eum effectum inutilis, tanquam tamen necessarie circumstantiæ, v.g. si flagellatio fieri debeat certa hora, numero, manu, flagro serico; si nomina adhibeantur ignota, vel characteres peregrini, verba & facta falsa, vel apocrypha, v.g. Christum habuisse febrim, spasim &c. item si ponatur vis in certo modo scribendi, v.g. Evangelium S. Joannis à virgine, oriente Sole &c. si certæ insufflationes adhibeantur, certus situs, motus &c. III. Ex ipsarum vilium personarum, & saepe male-

maleficio suspectarum conditione. IV. Ex modo operandi, ut si opus causam applicet in loco ita distante à passo, ut iuxta Philosophiam communiter receptam causa in subjectum tam distans non possit operari: securus est, si sub opinione sit, an possit, nécne. V. Ex certa formula verborum, quae si etiam manente eodem sensu mutentur, putantur vim nullam habere.

426. Quodsi ex his circumstantiis deprehendi nequeat, an effectus à bono vel malo Angelo, vel causa naturali procedat, in dubio standum est pro causa naturali & in favorem operis judicandum, non esse superstitionem & à dæmons: dubia enim in meliorem partem sunt explicanda. Quod equidem verum arbitror, si dubium hoc oriatur ex eo, quod non constet, an effectus excedat vires naturales: cùm enim innumeræ agentium naturam vires nos lateant, non est quod ex eo, quod virtus illa dubia sit, eam causam naturali negemus; nec est absque necessitate vel ad miraculum, vel ad occultam boni malevi Angelii operationem recurrendum. Quodsi vero constet, effectum esse supra vires causarum naturalium, in dubio habendus is est pro superstitione, etiam cùm verba sacra adhibentur, nisi maxima operantis sanctitas, vel alia urgentissima indicia suadeant, eum à DEO vel bono Angelo provenire Sanch. n.44. Ex quibus

427. Pater, non facile superstitionis damnandas quasdam observationes, quas ex devotione populus Christianus bonâ fide frequentat, de quibus non constat, an sint superstitiones, si nihil alioqui malum annexum habeant, & bona fide exerceantur.

Talis v.g. est, quod panis & alii cibi in parasceve Crucifixō admoveantur, morborum remedia futuri; de qua re Gretserus de Crucel. 2. c. 62. Talis etiam videtur, quod res quædam certæ majorem quædam vim & efficaciam habere putentur in certis Sanctorum festis collectæ, vel adhibitæ: de quo Laym. c. 4. n. 4.

428. An autem vanitas istarum superstitionum populo sit manifestanda, dubium est. Tann. T. 3. D. 5. q. 7. n. 47. etiam apertas superstitiones, si bona fide absque expressa dæmonis invocatione exerceantur, & nulli alioqui sint perniciosæ; privata quidem admonitione non sine debita cautione improbandas esse, ne plus alioqui obfit correptio, quam pro sit; dum prius populus ob bonam fidem nihil, aut saltem tantum venialiter peccavit; postea sublatâ ignorantia in eadem re peragenda peccat mortaliter. Præstat ergo homines rudes, qui bona fide & ex devotione aliquem Ritum ab Ecclesia non receptum observant, v.g. circa templum alicuius Sancti ter jumentum circumducunt, aliquando in sua simplicitate relinquere cùm difficulter abducantur ab eo, quod bonâ fide à suis majoribus acceperunt.

429. Ceterum expedit, imò necessarium est, superstitiones in particulari explicare in confessione, saltem nunc, cùm, quod frequenter contingit, novam speciem v.g. sacrilegii continent. De reliquo, si nulla circumstantia specifica concurrat, satis erit dicere, ut suprà, exercui superstitiones Eccl. Tamb. l. 2. c. 1. §. 5. n. 15. Reginald. l. 6. c. 4. n. 114. ita ut non sit necesse dicere: semel per pyromantiam, bis per hydromantiam, ter per necromantiam Eccl.

430. *DEUMtentavi semel.* Non est sermo de tentatione, prout idem est, ac induc^{tio} ad malum seu peccatum; hujus enim DEUS est incapax: sed prout idem est, ac experimentum capere de alicujus perfectione, viribus &c. Estergo tentatio DEI dictum vel factum, quo quis experimentum capit de Divina perfectione, v.g. potentia, sapientia, justitia, misericordia &c. an videlicet ex verè insit DEO. Sanch. l.2. Mor. c.34. n.1. Palaus n.17. D.2. p.1. n.4. Est duplex, una formalis & expressa, altera, tacita & interpretativa. Formalis est, cum quis expressa & directa intentione aliquid facit ad sumendum de DEI perfectione experimentum; ut, si petat miraculum, quo innotescat, Catholicam fidem esse veram; si te præcipitem deseturri, vel in puteum falias, ut expetiaris, an DEUS sit misericors, ut non sinat te laedi. Conjugatur quandoque cum infidelitate, ut si procedat ex dubio pertinaci de Divina aliqua perfectione, num ea DEO verè insit. Tacita est, quando aliquid sit absque expressa intentione capendi experimenti de Divina quapiam perfectione; illud tamen, quod sit, ejusmodi est, ut suæ naturâ ad nihil aliud referri possit, quam ad sumendum de Divina perfectione experimentum; ut si quis velit à cibo abstinere totis quadraginta diebus ad imitationem Christi; aut periculo se committat, è quo vel nullo modo, vel non nisi miraculose possit eripi; vel si media naturalia omittat, sperans à solo DEO effectum, v.g. in morbo periculoso respuens medicinam, peténsque ac sperans ab eo solo sanitatem. Less. l.2. c.45. d.1. n.4. Item si homo studis sine causa & necessitate velit absque

præparatione concionari, sperans à DEO sibi suggestorū esse conceptus.

431. Formalis tentatio DEI est ex genere suo peccatum mortale, in qua cuncte etiam materia, quia continent tum dubitationem de perfectionibus Divinis, quia in gravem DEI contemptum redundat; tum etiam magnam irreverentiam, curiositatem agendo cum DEO, tanquam cum ludione aut fauore curio forum.

432. At verò tentatio DEI interpretativa, cui dubitatio illa non est conjuncta, plerumque est peccatum dunitat veniale ob imperfectionem actus, ignorantiam, inconsiderationem, vel parvitudinem periculi. Imò sepe nullum, quando scilicet justa causa subest, v.g. DEI infinitus, necessitas, vel pia utilitas. De reliquo est etiam ex suo genere peccatum mortale. Huc pertinent vulgares purgationes, quæ solent fieri ferro candentia, vel aquâ fervente, in quibus expectatur iocunditas ope Divina, extraordinario modo præstanda, quæ reprobantur Cap. *Omnibus*, & Cap. *Consulnisti*. 2. q. 4. Item purgationes, quæ habent duello, in quo expectabatur, ut DEUS patrem innocentem tueretur; quod damnatur Cap. *Monomachiam* ibidem & Cap. 1. & 2. de purgatione vulgari, & à Concilio Trident. Seff. 25. c. 10. de reform.

433. Expressa DEI tentatio specie differt ab interpretativa. Sunt, *dærelig. T. 3. l.1. c.3. n.6.* Sanch. n.11. Palaus n.7. Illa enim procedit ex dubio de perfectione Divina, cujusmodi dubium continet malitiam specie distinctam contra fidem. Et licet non procedat ex tali dubio, tamen speciali modo repugnat reverentia erga DEUM; & ideo adhuc differt specie ab inter-

interpretativa, & est specialiter in confessione explicanda. Suarez, l.c.

§. II.

Peccata operis contra proximum.

434. Parentes torvo vulnū ferē semper intuitus sum, & tam affrē allocutus, ac si eos odio haberem. Et hoc contra amorem, quem parentibus debemus, & peccatum mortale. Tolet. l.s. c.1. Tambur. in Decal. l.s. c.2. §.2. n.4. Bonac. in 4. precept. Dec. D.4. p.3. n.3. Navar. in Man. c.14. n.11. &c. alii. Manum ad percutiendum patrem vel matrem sustuli semel: vel: isdem injuriōe minatus sum. Repugnat hoc reverentia, quam parentibus exhibere tenemur: & est peccatum mortale. Tolet. l.c. Bonac. D.6. p.2. n.4. Tamb. n.12. Fill. tr.28. c.1. n.17. & alii. Patrem vel matrem leviter percussi semel. Etiam hoc est peccatum mortale: quia injuria hoc ipso, quod parentibus inferatur, censetur continere gravem malitiam. Fill. l.c. Tamb. ll.cc. Navar. n.12. si tamen filius id agat ad necessarium sui defensionem, non peccat. Covar. in cap. Raynati. de testam. n.9. Idem est ad defendendam patriam vel reipublicam, cuius pater est hostis: bonum enim privatum cedit publico, & Patria plus quam parentibus sumus obstricti. Parentes graviter contristavi semel. Peccat mortaliter, qui parentibus norabilem mestitiam affert. Reginald. l.10. n.24. Parentes ob eorum paupertatem, vilem statū conditionem, ex contemptu nolui recognoscere semel. Et hoc reverentia paternae repugnat, & quidem graviter. Bonac. Tamb. n.17. Azor. p.2. l.2. c.2.

q.10. At si non ex contemptu id fiat, sed ad vitandum aliquod incommodum sinistrae opinionis, vel detrimentum in vita, honore, aut pecunia, non erit peccatum mortale, dummodo iis filii nihilominus succurrant in rebus necessariis. Tamb. Fill. ll.cc.

435. Parentibus non obediri quater. Et quidem I. si id fiat in iis, quae spectant ad bones mores, est peccatum mortale, speciatim in confessione declarandum; ut si filius præcipienti parenti, nescoretur, ne ludis prohibitis yacet, ne noxias familiaritates soveat &c. non obediat. Quodsi pater non præcipiat, sed solum suam interponat auctoritatem, replicata etiam admonitione, ipsa inobedientia non erit mortalis. II. si contingat in iis, quae ad dominū gubernationem spectant: hæc si levia sint, obligatio obediendi est tantum levis: gravis verò, si sint gravia, maximè si accedat contemptus, vel pertinax obstinatio. Ceterum in iis, quae ad negotium animæ & salutis æternæ pertinent, filius est sui juris, nec tenetur obediere, quantumvis exaggerent & multiplicent parentes sua præcepta. Et ideo filii etiam invitis parentibus (si non egeant; de his longè aliter discurrendum, ut videre est apud Auctores) possunt ingredi religionem: & parentes ipsi, si vel vi, vel dolo, vel fraude aut metu abstrahant suos liberos ab ingressu ad religionem, peccant graviter; & tenentur suum filium sic impeditum in pristinum libertatis statum restituere. Legi potest Epistola S. Hieronymi ad Heliodorum, ubi gravissimis verbis ostendit, DEO in his plus obediendum esse quam hominibus. Deinde etiam in matrimonio contrahendo non potest filius impediri.

Kk. 3.

dixi

S'for

Bullaria
niterha
E. M.
S. 1. A

diti à parentibus; et si enim peccet gravi-
ter, si contra voluntatem parentum indi-
gnam; familiae futuram opprobrio ducat,
matrimonium tamen tenet, nec potest id-
circo ex hac reditari. Quod si tamen paren-
tum consilium exquirat, nec consensum
impetrat, potest contrahere eum se digna:
quia electio status est omnino libera, Less.
l.2.c.40.n.43. Sanch. l.4. Mor. c.15. Fill.
n.20. Unde ad istam electionem non
requiritur facultas parentum, nisi ex qua-
dam decentia.

436. *Præceptoribus* (vel pædagogis)
non exhibui debitum honorem & reveren-
tiā ter. Possunt hujus rei exempla esse,
quæ supra de Parentibus dixi, præsertim
autem, si discipuli non obedient mandatis
Præceptorum in materia spectante ad bo-
nos mores. Et potest haec inobedientia
esse peccatum mortale, vel veniale pro-
ratione materiae, in qua versatur præcep-
toris voluntas.

437. *Negligenter studiū*: Scholarum,
aut studiorum tempore insui vacavi, vel
otio semel. Potest esse grave velleve, pro-
ut fuerit obligatio studendi, vel profes-
tum scholasticum procurandi. Haud
dubiè enim si filius multo tempore in Aca-
demia versetur, & in recessu ab ea ad ædes
paternas nihilo doctior sit, quam fuerit
in accessu, gravi peccato se obstringit,
quia verè sumptus, eosque non leves fecit
frustra; perinde est, ac si eam pecuniam
sit verè furatus.

438. *Subfannavi alterum semel*. Sub-
fannatio est actus, quo quis alterius hono-
rem violat cum intentione ipsum confund-
endi, vel inducendi erubescientiam non
sine perturbatione pacis internæ, & tran-
quillitatis animi; & contingit, cum quis

motu corporis, vel membrorum v.g. as-
so rugato; labiis extensis &c, ludibrio ali-
quem habet. Ab hoc specie non differt
irrissio & illusio; differt tamen, quod sub-
fannatio factis; irrisio verbis fiat. Bonac.
de resist. D.2. q.5. p.1. n.15. Est pecca-
tum mortale ex suo genere, Bonac. n.11.
Nec tamen una ab altera differt specie,
ni ratione alterius circumstantiæ adjun-
ctæ; si enim fiat in Sanctos, continet mali-
tiam irreligiositatis; impietatis, si fiat in
parentes &c. Et sunt haec circumstantiæ
speciatim exprimenda in hunc modum.
Subfannavi Santos semel; parentes bi.
Potest tamen subfannatio & deriso fieri
peccatum veniale vel ex defectu plenæ ad-
vertentiæ, vel ex levitate materiae; si de-
fectus & contemptus sit parvus. Quan-
doque etiam nullum peccatum; ut si sit
moderata correctionis causâ cum debitis
circumstantiis, vel ob convenientem re-
creationem vel jocum, opportuno loco,
& tempore, ac festivè cum debita mode-
ratione, sine derisi contemptu & offensi-
one, in quo tamen diligens cautio est ad-
hibenda.

439. *Alterius confessionem sciens legi*
semel. Confessionem alterius scripto con-
signatam studio legere, grave peccatum
est. Reginald. l.24. c.6. n.121. præter-
tim si peccata gravia seu infamantia con-
tineantur: si enim moraliter certus sit
(quod tamen vix contingere potest) non
nisi minutissima & minimè infamantia eo
scripto contineri, tunc si ex mera curiosi-
tate legat, non est censendus plus quam
venialiter peccasse. Laym. l.5. tr.6. c.14.
n.19. An autem hic teneatur sigillo, quod
est confessionis, nondum definitio. Quid-
quid verè sit, certissimum est, eum teneri
sigillo

figillo, seu secreto naturali arctissimo; cuius tamen obligatio ob parvitatem materiae minuitur; imò si bonum publicum exigat, etiam tollitur. Et hinc licet, qui peccata mortalia lecta aliis evulgat, peccet mortaliter; solum tamen venialiter peccat, qui venialia ex tali scheda cognitam manifestat. Laym. l.c. quin &c ab omni peccato excusat, si eiusmodi evulgatio ad publicum bonum conservandum sit necessaria. Interim tamen nec Judex, nec Praelatus ex sola tali notitia ad criminis inquisitionem aut punitionem procedere potest; imò si processus jam sit institutus, rescindi debet, & pro infecto haberet. Laym. ibid. Lugo de Just. Disp. 37. sect. 12. n. 147. & seqq. Atque hoc secreto obligatur etiam is, qui schedam Confessionis casu & ignorans legit; licet enim talis non peccet, cum incipit legere, tenetur tamen, postquam advertit, qualis sit scriptura, abstinere; alioqui si perga legere peccabit.

440. *Litteras alienas aperni, & legi sine rationabili causa, & absque tacito vel expresso illius, a quo vel ad quem scriptae sunt, consensu semel: vel brevius: aperni & legi injuste.* Aperire litteras alienas & legere, illo, a quo vel ad quem datae sunt, rationabilitate invito, est peccatum mortale. Navar. in cap. Sacerdos. de Pœnit. d. 8. n. 10. & 11. & in Man. c. 18. n. 53. Reginald. n. 11. & alii, & quidem apud quoddam Religiosos, etiam reservatum, si litteræ sint a subdito ad superiorrem, vel vice versa, & dolose retardentur, quod minus ad eum, ad quem sunt destinatae, perveniant, vel aperiuntur, licet iterum claudantur & mittantur. Suar. T. 4. de Relig. tr. 8. l. 2. c. 18. n. 13.

Idem est de litteris, si adhuc clausæ legantur ad candelam vel solem: tum quia ex tali lectione sequuntur eadem incommoda: tum quia apertio litterarum est prohibita propter lectionem; ergo si haec sequitur etiam sine apertione, erit illicita: tum quia quæ in fraudem legis fiunt, à lege prohibita censeri debent. Ceterum eiusmodi litterarum apertio & lectio verè mortale est peccatum, quando timeri potest, secuturum inde notabile damnum infamiae, aut quocunque aliud; vel quando justè timeri potest, eā viā deveniri posse in notitiam alicuius rei, quam secretam esse mulsum expediāt; vel quamvis, a quo, vel ad quem mittuntur litteræ ita clausæ, optat vel maximè esse occultam: & damnum, quod ex eiusmodi aperiōne verè ac re ipsa sequitur, refaciendum est, sive illud sit in bonis futuræ, sive corporis &c. Et licet nullum inde sequatur documentum, tamen ipsa injuria, qua sit aperiendo litteras, tanta esse potest, ut nihilominus attentâ qualitate rei, quam quis vult esse secretam, pertingat ad culpam mortalem.

441. Potest verò haec apertio vel lectio alienarum litterarum quandoque effrantum venialiter mala, vel ob inadvertentiam actus, vel parvitatem materiae, ut si res contenta sit exigui momenti, quāmque adeò parvi æstimet tam scribens quam accipiens litteras: hoc enim peccatum, si nihil aliud accedit, nec prudenter timeatur, solius est curiositatis. Navar. l.c. Lugo. de Just. D. 14. n. 148.

442. Imò quandoque omni culpa vacat eadem apertio & lectio, ut si fiat I. tempore

tempore belli ad avertendum damnum exercitus, reipublicæ. Sic princeps potest aperire litteras non tantum hostium, sed etiam aliorum, quæ tempore belli ex finitimus hostium locis veniunt. Idem etiam possunt ministri Principum, quoties bono publico judicant esse necessarium. *Navar. l.c. Reginald. n. 120.* Tendentur tamen hi ministri secreta, quæ legerunt, non propalare perinde ac alia secreta. *Imò si certò scirent, nihil in talibus litteris contineri, quod esset reipublicæ damnosum, tenerentur desistere ab earum lectione, quia illud solùm licitum est, quatenus est necessarium ad bonum publicum conservandum.* Et idcirco etiam non plus possunt legere, quam quantum ad hunc finem sufficit. *Reginald. l.c. Quin & privatus potest alienas litteras aperire, ex quibus justè timeret, aliquod sibi aut proximo damnum parari, ut illud fugiat, aut impedit.* II. Superiores Regularium possunt suorum subditorum litteras (modò non mittantur ad superiorem majorem, vel talem, quem statura eximant, nec ab eo veniant) licet aperire & legere, sive ex Religionis statuto, sive ex consuetudine. *Dian. p. 3. tr. R. 55.* III. si ejus, qui mittit litteras, vel ad quem mittuntur, accedat tacitus vel expressus consensus, ut cum amicus litteras ad amicum, vel socium miseras aperiat, ne illius negotia gravem jaclaram patiantur, velut melius peragantur: bona interim fide credens, nihil iis contineri, quod is, ad quem mittuntur, velit ab altero ignorari, sed potius talem apertio nem placitaram. *Navar. ad cap. cit. Sacerdos. de pœnit. dist. 6. n. 10. & seqq.*

443. *Quodsi litteras dilaceratas, & ab ipsomet Domino in locum publicum abjectas recolligas, & junctis partibus legas, à peccato faltem mortali excusant te Laym. l. 3. tr. 3. p. 1. c. 4. n. 4. & alii, quia haec litteræ pro derelictis habentur, Nihilominus tamen Rebell. de just. p. 1. l. 9. q. 7. n. 8. & alii putant, ejusmodi collectorem peccare graviter & leviter, pronotione danni &c. ex litteris sic collectis & lectis secuti: & meritò; non enim talis projectio in publicum videtur esse signum sufficiens, quod, qui sparfit, velia talia fragmenta habere pro derelictis, & esse primò occupantis, ut iis possit pro suo libitu uti: alias licitum quoque esset, fragmenta Confessionis Sacramentalis scripto consignata in publicum projecta colligere & legere, quod non est ulla ratione admittendum. Vide P. Gobat in perdocto suo Quinario tr. 5. c. 19. n. 80. & in experient. tr. 7. n. 857.*

444. *Ex occasione prædictorum obiter moneo, fas non esse, publicum instrumentum aut chirographum creditoris de præstita solutione, testimonium de nobilitate, doctoratu &c. amissum supplere substituto in locum prioris, quod deinceps pro authentico & originali habetur: esset enim ejusmodi praxis repub. tam perniciosa, quam ulla alia. Covar. var. resol. c. 2. n. 3. quem refert & sequitur Laym. n. 3. quibus addit. V. falsarius. Mendo.*

445. *Furtum grave commisi semel; leviter. Non est hic necessariò dicendum, quantum id fuerit, quod furto ablatum est v.g. an decem, triginta, octoginta &c. floreni fuerint; est enim haec circumstantia merè aggravans, quam confessio-*

fessionis materiam necessariam non esse, jam p.1. n.86. dixi. Tamb. in *Meth. Conf.* l.2. c.8. §.1. n.1. Multò minus necessarium est dicere, an fuerit aurum, vel argentum, aut pannus aut aliud simile: modo explicetur, an fuerit quantitatis notabilis. Reginald. l.6. n.114.

446. Quænam verò materia in generali furti notabilis sit, sufficiens ad constitendum mortale? quæ modica nullo Jure seu naturali, seu divino, aut humano definitum est; & idcirco judicio viri prudentis decidendum relinquitur; quæ enim indefinita relinquitur à lege, arbitrio viri boni sunt definienda. L.1. ff. de jure delib. & cap. de causis. de offic. deleg. Variæ ergo de hoc sunt sententiae; quarum aliae sunt nimis laxæ, ut eorum, qui cum Bannes apud Tamb. in *Decal.* respectu ditissimi Regis admittunt centum aureos: aliae nimis rigidæ; eorum nempe, qui cum Navar. in *Man.* c. 17. n. 3. lit. F. dimidium Julium vel unum, vel etiam duos admittunt: aliae mediæ, & moderatæ; & hæc ipsæ adhuc valde diversæ, aliis plus, aliis minus requirentibus, ut videre est apud Lugo de just. D.16. f.2. n.22. Alii reducunt has sententias ad duas sere classes, quarum una gravitatem materie in furto delimit ex respectu ad diversas circumstantias, præcipue personarum, quibus aliquid furto auferitur, scilicet, an sint divites, an pauperes &c. altera absolute & absque respectu ad has vel illas circumstantias.

447. Verum ego cum Tamb. n.1. & Reginald. l.23. c.1. n.18. existimo, in definienda quantitate mortalis furti necessarium attendendum esse ad perso-

K.P. Stoz Trib. Pœnit.

nam, seu Dominum rei ablatæ, & ad rem ipsam ablatam: furtum enim in duobus fundatur, videlicet in detimento, quod proximo infertur, & in eiusdem rationabili involuntario, seu displicentia seu molesta, quam proximus ob rem ablatam, percipit: in quo ipso duo adhuc sunt attendenda, quorum unum est, quæ res ablata Domino fuerit necessaria; alterum, quantum idem eam rem estimaverit: si enim ea res neque necessaria est Domino, neque is eam magni facit, non censetur gravis fieri injuria per eam ablationem. Unde minus requiritur ad furtum mortale respectu pauperis, quæ respectu divitiae; quamenim quantitatem homo dives parvi facit, alius, qui est mediocris fortis seu fortunæ, magni astimat; & quam hic parvi, pauper magni facit. Ad discernendum autem, quam quisque quantitatem pro magna habeat, putem, potissimum attendendum ad id, quod cuique pro sua persona & conditione sufficiat ab hominem non infirma fortis sustentandum per integrum diem: talis enim quantitas humano modo non solet repudari modica.

448. Itaque materiam ad furtum mortale sufficientem, seculo omni alio externo damno, judico, esse unum circiter aureum: respectu communium personarum quatuor vel quinque regales seu julios: respectu demum pauperum, unum vel duos julios. Est autem julius juxta nostram monetam Germanicam decem assium seu crucigerorum, quoruna sexaginta conficiunt unum florenum, in Imperio Romano usitatum. Addidi autem *Circiter*, & *Vel*, quia quantitas haec non potest statui mathematicè, sed mo-

L1

raliter

S702

Bullata
niteria
E. M.
7. 1. A

raliter tantum; perinde ut nec justa pre-
cia constiunt in indivisiibili, nisi sint à le-
ge vel consuetudine taxata. Hinc cum
malitia & gravitas furti dependat fere à
qualitate personarum, non censenda est
quantitas esse parva, nec ab ipsis contem-
nenda, per quam possint comparare sibi
bona ad personales suos usus notabiliter
utilia. Et quia, quoad pauperes & perso-
nas mediocris fortunæ, quantitas proposi-
ta videtur sufficere, ad se juxta condicio-
nem suam honestè uno die sustentandum;
respectu vero personarum divitium ad ali-
os usus, quia licet si species usum persona-
lem ipsarum, non multum noceat sur-
reptio unius aurei, notabiliter tamen no-
cet, si species alios usus, ad quos per ta-
lem quantitatem notabiliter juvarentur,
v.g. ad solvendum servo stipendium, aut
ad subveniendum alteri cuiquam domes-
ticæ necessitatibus &c. Neque si illi abun-
dant, flocci faciunt rerum suarum abu-
sum, sed eas non minus tutas esse volunt
ab injuria, quam velint alii. Et hæc de
quantitate furti mortalis: quæ mino-
rem qui assignaret, nimis durus esset,
quod ob rem tam parvam peccati mor-
talis, atque adeo æterni supplicii reum
constitueret: quivero majorem assigne-
ret, in qua daretur excusatio à mortali-
viam aperte ad furti liberius perpetran-
da.

449. Nec solum in furto attenden-
dum est ad qualitatem ipsius personæ,
sed etiam ad voluntatem ejusdem, quam
ei surreptio displiceat & adveretur;
sicut enim potest in furto fieri peccatum
veniale ratione parvæ materiæ, ita etiam
ex imperfectione invitæ voluntatis domi-
ni peccatum veniale fieri potest, quod

alioqui mortale foret. Nam ad acceptio-
nem, in qua consistit natura furti, perinde
requiritur, ut ipsa fiat domino invito, ac ut
sit rei alienæ: quod bene notandum est
uxoribus, liberis, domesticis, inter quos
etiam amici sunt reputandi; in his enim
major quantitas ad furtum mortale, re-
quisitur, quam in extraneis.

450. Et quoniam furta minuta fre-
quentissima sunt, quæ à fidelibus ad Sa-
cram pœnitentia tribunal perferuntur,
idcirco, ut, quid delictum sit, sub
unum conspectum dem, rem sic accipe.
I. qui rem exigui valoris furripit, cum
ad fuerit animus furriendi in notabili
quantitate, v.g. qui cum furripit nummum
plumbum, voluit furati aureum, pe-
cat mortaliter; non enim id, quod fur-
to ablatum est, sed mens furantis aten-
ditur, ut ex S. Hieronymo habetur. 14.
q. 6. cap. fin. II. qui animo furandi ma-
gnam quantitatem, incipit furati modicam,
in singulis peccat mortaliter; vo-
luntas enim tendit in objectum grave:
singulæ tamen illæ acceptiones non ha-
bent gravem furti externi malitiam. III.
qui sine dicta intentione successivè per-
venit ad materiam notabilem, peccat
mortaliter ultima acceptione: nisi vel
inter hanc & priores acceptiones inter-
cedat mora notabilis, ratione cuius laetus
non videatur graviter ferre ultimum fur-
tum, vel ante eandem ultimam acceptio-
nem habuerit quis feriam voluntatem
restituendi priorum furorum materiam:
propter ejusmodi enim retractionem
ultima illa surreptio nullam amplius cum
prioribus habet connexionem, & ipsa in
se est levis. Dian. p.3. tr. 6. R. 25. Idem
est, si quis in aliis materiis in unam co-
lescen-

Iescentibus; ante ultimam actionem, quā completerur sufficiens ad peccatum mortale materia, de prioribus culpis doleat, & restituendi habeat voluntatem. IV. qui ex industria & consilio congregandi magnam suramam à diversis modicū quid furatur, peccat mortaliter, v. g. utendo staterā vel mensurā dolosā, accipiendo à pluribus modicam gabellam &c. modus enim iste angendi rem suam humanae societati valde repugnat, & est omni reipublicae bene institutae apprimè pernicioſus, quin & DEO exodus juxta illud Proverb. 20. Pondus & pondus, mensura & mensura, uteumque abominabile est apud DELIM. V. si plures communī consilio simul vel successivē faciant uni eidēmque personā plura furtū parva, quæ simul lumpia graviter nocent, peccant singuli mortaliter; singuli enim sunt causa totius damni. At si singuli seorsim & independenter ab aliis modicū quid furentur, nullus eorum, etiā furtū ab aliis commissi sit conscient, peccat mortaliter, nisi forte videat simul ab aliis modicū accipientibus vastari v. g. vineam, exhaustri aerarium &c. ratio enim tunc dicit, singulos graviter obligari ad abstinentiam, nisi enim singuli prohiberentur graviter, damnum gravissimum inferretur domino. VI. qui, postquam pervenit ad materiam notabilem, committit rursus furtū levia, peccat in singulis mortaliter, si memor prioris furtū, & cū possit, nolens illud restituere, furetur: quia voluntas in posterius furtū non fertur solitariē, sed simul cū præcedente summa, quæ gravis est. VII. Furtū esculentorum, & poculentorum, quæ à famu-

lis committuntur, si sint de rebus ordinariis claudī non solitis, & in propriū comodum auferantur, non autem ut vendantur, etiā paulatim perveniant ad notabilem quantitatem, non sunt peccata mortalia, quia tunc censetur dominus tantum quoad modū, non quoad substantiam invitus. Sanch. l. 7. Mor. n. 31. Laym. l. 3. tr. 3. p. 1. c. 1. n. 8. Less. l. 2. c. 12. n. 48. qui tamen n. 50. monet Confessarios, ne facilē in furtis etiam minutis dissimulent, sed pro conditione & capacitate personarum, semper aliquam restitutio- nem injungant, quæ fiat vel reddendo eandem rem, si exter, vel pretium rei, vel jubeant majori obsequio, quām ex contra-ctu teneantur, compensare, ut hoc modo ab hujusmodi peccatis absterrantur. VIII. Famulitenentur ex lege charitatis, ne res dominorum per fures auferantur, impedire, si facilē & sine notabili suo damno possint: ex justitia vero solus ille, cui cura penū custodiendæ demandata est: qui proinde solus ad restitutionem tenetur. Less. c. 15. n. 74. Laym. tr. 2. c. 5. n. 7.

451. Sed jam redeamus ad principium, & quid furtum sit, quale peccatum, & quotuplex, paucis explicemus. Est ergo furtum rei alienæ acceptio dominorū rationabiliter invitō. Est peccatum ex suo genere mortale: potest fieri veniale ex parvitate materiae, & ex imperfectione voluntatis invitæ. Imò potest esse omnino nullum, ut si dominus sit irrationabiliter invitus, quod contingere potest, cū quis in extrema necessitate constitutus accipit id, quod ad eam de-pellendam sufficit, & requiritur: imò hoc casu omnino non est furtum. Pri-

ma enim rerum divisio facta est ea conditione, ut, si necessitas occurret, antiquum suum statum recuperarent, & de-nuo, saltem quoad usum, inciperent esse communes pro articulo præsentis necessitatis. Quodsi aliquis necessitatem etiam extremam patiatur in bonis, quæ na-tura non voluit esse omnibus communia, qualis est status nobilis aut opulentus, non poterit propria auctoritate alteri quidquam surripere, quod ad eum sta-tum conservandum est necessarium. Lu-go D.16. de just. f.7. n.160.

452. Præter varias furti divisiones duas sunt præcipuae & huc faciunt. Una est in furtum simplex & qualificatum. Simplex est, quod supra definitum est, & nullâ circumstantiâ, quæ speciem mutet, vestitum. Qualificatum est, quod cum circumstantia alia & quandoque ta-li, que etiam speciem mutet, conju-nctum est: & est præcipue duplex, sacrilegium, & violentum; istud est, quod fit per quandam violentiam, & dicitur Rapina; illud verò tripliciter sit. I. Cùm res sacra v.g. calix consecratus, in quo-cunque loco existat, surripitur. II. Cùm res sacra, v.g. idem calix, vel res Eccle-siæ propria, v.g. pecunia ex loco sacro, nempe ex Ecclesia, furto sublegitur. III. Cùm res profana quidem est, sed Eccle-siæ per modum custodiæ singulariter tra-dita; vel per modum pignoris, deposi-ti, mutui &c. accommodata. In aliis ca-fibus ratio sacrilegii in furto non reperi-tur: & ideo si quis alicui diviti in Eccle-sia existenti crumenam, aut sellam ad maiorem ejusdem commoditatem in Ec-clesia positam furetur, non committit sacrilegium: sicut nec is, qui Parochio,

quamcumque denum rem, quam ille proprio, non Ecclesiæ nomine, possi-det, turatur: & ideo non debet ista, nisi ut simplex furtum confiteri. At ve-ro furtum sacrilegum unum ab altero non differt specie. Tamb. l.2. in Meth. Conf. c.5. §.2. n.5. Et idcirco sufficit dicere; *Sacri egum furtum grave commis-semel.* Et quoniam rapina etiam continet circumstantiam specificam, ideo & hac specialiter est manifestanda in huncfere modum. *Rapinam in re gravi commis-semel.*

453. *Vestigial defraudavi bis.* Sermo est de vestigali evidenter justo: si enim vel certum sit, vel probabile, vel etiam dubium tantum, esse injustum, in conscientia non esse solvendum, etiam cum petitur, communis est sententia. Vestigial ergo justum eo modo solvendum est in conscientia, quo lex illud imponens obligat. Lugo. D.36. f.4. n.39. Potest autem ea lex condi vel I. ita, ut solvatur vestigial, licet non petatur: vel II. ita, ut nemo teneatur id solvere, nisi petatur: vel III. ut obliget solùm ad pa-nam, si forte quis deprehendatur id non solvisse. Quoniam autem modolex hac de facto obliget, non est facile dicere. Existimem, omnino probabile esse, eam legem in conscientia sub peccato non ob-ligare, cùm sit pœnalis, saltem mixta: communis autem sententia habet, leges pœnales etiam mixtas, præfertim civiles, sub peccato non obligare. Nihilominus tamen consilium Molinæ apud Lu-go. n.43: observandum est, nimis monendum esse populum ad solvenda tributa, & bene de iis judicandum, & an-tefactum omnitio consulendum, ned- frau-

fraudentur: post factum verò & tributum jam defraudatum, posse defraudatum à restitutione excusari.

454. *Salarii defectum tacitè compensavisi semel.* Salarium est merces laboris, & debetur famulis, & operariis, quamdiu laboraverint, aut per ipsos non steterit, quin, postquam conduēti sunt, laboraverint. Nec ferè major querela est, quām ministrorum, qui Principibus aut alius magnatibus suam locaverunt operam, se non habere competens salarium. Sed hi in memoriam revocent, *salaria*, etiam cū justa sunt, non consistere in indivisibili, sed tuam habere latitudinem, ita ut eorum alia consistant in summo gradu, alia in medio, alia demum in infimo.

455. Jam si quis convenit cum domino de pretio justo, licet infimo, non potest sibi facere compensationem, quia nulla ipsi irrogatur *injuria*. Bonac. *de restit.* D.3. q.7. p.4. n.3. Hinc sartores, qui cum domino vestis convenerunt de justo pretio, quāvis infimo, non possunt absque ipsius voluntate, saltem præsumptā, retinere sibi reliquias notabiles panni vel serici titulo modici pretii. Dian. p.3. tr.6. R.16. Et p.4. R.176.

456. Quodsi tamen stipendium sit infimo, sed adhuc justo, minus, duo sunt præcipue consideranda. I. an famulus, sciens eam tenuitatem, nihilominus sponte, & verò etiam cum precibus, ut admittatur, nullo singulare ipsius domini conductoris commode, paciscatur de eo stipendio; tenerur enim tunc eo esse contentus, nec potest quidquam amplius petere, aut tacitè compensare: sicut enim merces, ita & opera ultroneæ vi- lescunt. Bonac. D.3. *de restit.* q.7. p.3.

n.6. Laym. l.3. tr.3. p.1. c.1. n.10. Quodsi verò famulus dura necessitate compulsus consentit in tam tenuē stipendum, quia nimis nunc non est, cui suam operam majori pretio locari possit, nec is, cum quo nunc agitur, plus dare vult, stipendum ex justitia supplendum est usque ad æquivalentiam, præterim si istius famuli opera fuit ipsi necessaria & valde utilis. Less. l.2. c.12. d.10. n.63. Bonac. *derefit.* D.1. q.ult. p.2. n. 16.

457. Considerandum est II. an cum tenuitate stipendi conjuncta sint alia emolumenta, eaque non modica, quibus servitum præstitum vel præstandum videatur sufficenter compensari, v.g. commoditas studendi, opificium, artem musicam, seu vocalem seu instrumentalem &c. addiscendi, spes promotionis ad majora officia, beneficium &c. hæc enim sunt magno æstimabilia, & idcirco meritò venire possunt in partem stipendi. Quodsi jam famulus tali domino suam locet operam cum animo tale aliquod emolumentum percipiendi, & dominus hanc famuli mentem adverat, ex justitia tenetur supplerre, si famulus nihil eorum, quæ speravit, percipiat: quia hoc tacitè in contractum venit. Less. l.c. modò interim id sedulò caveat famulus, ne intendat hoc pacto dominum obligare ad procurandum beneficium Ecclesiasticum: hæc enim esset Simonia. Less. c. 24. d.4. n.26. Quando verò famulus obsequia, stipendio majora, velit gratis liberali animo, ex pietate &c. præstare, dominus ex justitia illi nihil debet, sed solùm ex gratitudine. Bonac. D.1. q.ult. p.2. n.15. Et D.3. q.7. p.4. n.5.

458. Sed quid si famulus nullo sui la-

L1 3

boris

boris determinato pretio suam alteri ad-dicat operam, sed in Domini arbitrio re-linquit, poteritne Dominus dare, quod lubet? Non poterit: tenetur enim dare saltem infimum; cùm famuli mens nullo modo sit, ut Dominus quantitatem pretii determinet ex merito suo arbitrio, sed ex æquitate, quæ omnino requirit, ut detur saltem infimum justum. Less. n.24. Bonac. dicta p.4.n.10.

459. Nec est stipendium, et si famu-lus propter morbum, quo detinetur, la-borare nequeat, diminuendum pro tem-pore infirmitatis; si quidem consuetudo & conventio id ita ferat. At seclusa ista consuetudine vel conventione non est sol-venda merces pro tempore morbi: quia stipendium solvit ob operas quotidiana-s. Bonac. n.13. & alii, quos referr. Ne-que enim Dominus tenetur ex justitia fa-cere expensas in ægrotum famulum; non enim ullo jure constat, hanc obligatio-nem, seclusa consuetudine aut pacto, ad Dominum spectare, modò famulus non existat in extrema vel gravi necessitate; tunc enim Dominus tenetur saltem ex le-ge charitatis famulo ægro subvenire. Bonac. l. cit.

460. Quin nec famulo, qui termino nondum elapso decedit à famulitio, de-betur tota merces, sed tantum pro rata temporis præteriti, nisi pactum vel con-suetudo aliud permittat; aut etiam compen-satio damni, quod Dominus ex præ-maturo isto discessu patitur, exigat: tunc enim vel totum stipendium negari potest, vel saltem quantum respondet damno il-lato. Bonac. n.12.

461. Ceterum, si operario, famulo, vel cuicunque alteri officiali non omnino cer-

tum sit, stipendium constitutum esse infa-infimum justæ mercedis gradum, non po-terit ex rebus Domini facere compensa-tionem: quia in dubio, an aliquid ex justi-tia debeatur, non habet locum compen-satio, ut Fill. tr.36. v.6. n.103. Less. dicto dubio 10. n.48. & alii communiter merito docent. Quando autem constitu-tio mercedis clarè injusta est, tunc enim-verò poterit fieri tacita compensatio, Fill. n.105. Less. n.63. Bonac. D.1. de resti-g. q.ult. p.2. n.16. Laym. l.3. tr.3. p.1.c.1. n.10. Tolet. l.5. c.15. qui insuper recte monent, id locum dunt axat habere, cùm modus alius justam mercedem commode impecrandi non superest (nam si talis modus suppetat, peccabit quidem occul-tè accipiendo, sed ad restitutionem non tenebitur. Tolet. l.5. & alii.) nec plus accipiat, quam debetur, neque scandu-lum aut aliud gráve incommodum alteri sequatur. Longè aliter docuerunt illi, quorum sententia est propositio 37. inter 65. à S.D.N. Innocentio XI. prohibi-tas.

462. Eodem modo discurrendum est de filio v.g. mercatoris, vel cauponis, qui administrat bona parentis: nam & hic, seclusa alia seu tacita seu expressa con-ventione, potest à patre exigere salarium, perinde ut alius extraneus, cui quoad hoc comparatur, & si id impetrare non possit, vel exigere non ausit, potest clām accipe-re. Dian. p.4. rr.4. R.66. & alii: quod Laym. cit. tr.4. c.8. n.6. judicat probabile, & ipsis etiam Confessariis favorable est, ut cum tali filio familias mitiùs agant, nec facile urgeant ad restitutionem, nisi ultra æstimationem sui laboris aliquid acceperit.

463. Ne

463. Ne verò isti , qui queruntur sua stipendia esse justo minora, seipso, velut suspecti in propria causa judices , decipiāt, & jaqua illis patefiat ad injustam stipendiū determinationem, ea non est ipsorum arbitrio relinquenda, sed ex loci, in quo eiusmodi operarii, famuli vel officiales occupantur, consuetudine communiter receptā taxandum. Id ergo censembitur esse justam stipendium, quod alii eiusdem sortis & conditionis operarii, famuli &c. communiter accipiunt; seu quando non defunt quām plurimi alii, qui sponte, nulla necessitate &c. compulsi intervinere velint pro eodem stipendio : res enim tanti valet, quanti aestimatur: vel quando de tanto pretio liberè convenitur inter herum & famulum. Less. c. 24. d. 4. n. 23. Bonac. d. 3. q. 7. p. 4. n. 9. Fill. tr. 36. c. 6. n. 102. & seq. sicut enim contractus præsumitur celebrari juxta loci consuetudinem, ita etiam taxari pretium rerum, v.g. laborum & famulis exhibitorum. Illud interim extra aestimationem non est dimittendū, quod etiam jam supra insinuavi, quod, sicut multitudo vendentium minuit pretium mercis, ita & multitudo cupientium suam alteri operam loquare, quantitatē stipendiū seu mercedis. Molin. T. 1. tr. 2. D. 83. Valsq. de restit. c. 5. §. 1. d. 10. quos refert & sequitur Laym. tr. 3. p. 1. c. 1. n. 10. quibus addē Lessium c. 12. d. 10. n. 63.

464. Auctarium pretiū ex rebus alienis venditis comparati mibi servaviter. Sunt quibus Dominus vestem, libros, aut simile quid vendendum committit, designato pretio: & hi proxenetae vocantur; siāmque domino vendori operam exhibere possunt, vel gratis, vel constituta-

mercede pro labore & diligentia in venditione rei adhibenda, vel cum expresso vel tacito pacto de retinendo excessū. Si primum, proxeneta nec excessum pretii ex re vendita comparati retinere potest, nec quidquam aliud ex iustitia exigere. Si secundum, iterum non potest retinere illum excessum. Nec refert, quod dominus premium designaverit: non enim ideo proxeneta præsumere potest, dominum velle ipsum excessum, velut laboris & industriae præmium relinquere, cum de mercede sit utrinque conventum: & designatio pretii videatur solū facta, ne res minori pretio vendatur, non autem ne majori, si forte occasio ferat: hic enim debet esse sensus mandati. Si tertium, potest retinere excessum pretii. Tacitum autem pactum intervenire censetur, si dominus commiserit proxenetae venditionem nullo pro eis labore & diligentia stipendio promisso: censetur enim pro stipendio concedere id, quod ultra pretium designatum acquisitum est, modò non nimium excedat diligentiam, & laborem; non enim mens domini videtur esse, de excessu nimis magno retinendo, sed de eo, qui industriae & labori respondeat. Less. l. 2. c. 21. d. 19. n. 138. Bonac. D. 1. de restit. q. 2. p. 6. n. 16. Fill. tr. 35. c. 6. à n. 144. Lugo D. 26. de just. s. 9. n. 199. & seqq. Palau tr. 32. D. 4. p. 16. & alii. Quando autem famulo res committitur vendenda, tenetur excessum domino referre, si ordinariam duntaxat & moralem industriam adhibuit in vendendo; ad hanc enim ex famulatu tenebatur: si autem per industriam extraordinariam rem pluris vendidit, quām communiter valeat, potest retinere, quod superest, utpote

fru-

fructum suæ industriae. Tamb. de sacrif. l.3. c.1. §.5. n.16. prope finem. Bonac. D.1. derefit. q.2. p.6. n.19.

465. Quodsi verò proxeneta rem illam pretio à Domino indicato sibi compararet, & postea suo nomine pluris venderet, non faceret contra Justitiam, ac proinde nec ad restitutionem obligaretur: quia eam justo pretio sibi à Domino comparavit, & postea justo pretio suo nomine vendidit. Bonac. n.17. nisi forte Dominus expressè ei mandasset, utrem venderet tanti, quanti intra latitudinem justi pretii vendi posset: tunc enim teneretur eam diligentiam adhibere, & rem illam eo pretio, quod ali obtulissent, sibi vendicare. Less. n.139. Fill. n.146. Ut autem sciri queat, an mediator ille rem suo vel mandantis nomine vendere voluerit, videndum est, quo animo fuerit, voluisse tne rem illam, si quounque casu vel tempore periret, sibi potius, quam alteri perire; hic enim animus indicio esset, illum rem, utpote sibi emptam, suo, non alterius nomine vendidisse. Lugo n.152. Ex quibus breviter

466. Patet, quid sentiendum sit de sartoribus, quibus, cum ex mandato alterius emunt paup'num vel ericum pro ueste conficienda, mercatores solent aliquid de pretio remittere: poterunt enim sartores eam partem retinere, si sincerè ac fideliter agant negotium illius, pro quo mercem emunt, neque apud alios mercem æque bonam minori illo pretio reperissent. Lugo n.153. Fill. n.149. Dian. p.1. tr.8. R.26. Bonac. n.15. Aliud est, si ejusmodi mandatarius rem mandantis non gerat utiliter, v.g. si accedat ad officinam alicujus, ibique rem majori pretio

emat, quam empturus fuisset, si ad alterius officinam accessisset; tunc enim teneretur incrementum pretii restituere, eo quod inscio & invito illo, cuius negotium suscepit, infideliter egerit: cum mandatum illi commissum intelligatur, ut minoris emat, quantum potest. Bonac. l.c. Idem est de œconomis, & quibuscumque aliis seu famulis seu ancillis ad forum missis, ut cibaria &c. emant: nam & hi non possunt sibi servare eam pretii partem, quam post nundinationem ex pretio aetimationis detraxerunt.

467. Rem furtivam emi semel. Si quis id bona fide faciat, de virtu rei nihil sciens, vel dubitans, non peccat quidem emendo; tenetur tamen rem illam restituere, si adhuc apud emptorem extet in se vel aequivalenti; vel certè in quantum factus est ditor. Quodsi autem mala fides intercessit in ea emptione, emptor & peccavit, & aequè tenetur ad restitutionem faciendam, vel Domino rei, ut Bonac. q.4. p.1. n.1. docet, et si pretium solutum non esset recuperaturus; vel, quod Lugo D.17. s.2. n.37. Dian. p.2. tr.3. Myscell. R.4. Et alii docent, ipsi furi, ut ab eo recuperet suum pretium; quia non constituit rem pejori loco, quam fuerit ante, & consequenter Domino non infert damnum. Ex quibus obiter

Patet, eos, qui à sartoribus emunt fragmenta panni seu uestium, peccare: ut Villalob. apud Dian. p.4. tr.4. R.176. tradit; licet Sanch. apud eundem Dian. excusat eos, qui ista emunt à sartoribus magistris, eo quod his plerumque detrahatur plus à mercede justa, quam mercantur ista fragmenta, adeoque licet earent.

468. Pe-

468. Pecunias à parentibus ad necessaria comparanda (vel ad viatum, ad liberos emendos) collatas in notabili quantitate inutiliter consumpsi semel: v. g. in lusus, compotationes &c. Et est ipsi facienda restitutio, si constet, eam profusionem contra ipsorum voluntatem esse factam.

469. In lusu defraudavi alium regravavi semel: re levi ter. Ludus est certamen quoddam suscepit ad competentem animi oblectationem, cui, ne omnino langueat, adjungi quandoque solet partum vel contraactus, ut victori res ab utroque exposita cedat. Ex natura sua non est illicitus, si debitæ concurrant conditiones, & aliunde non interveniat scandalum, aut justa prohibitio, aut nulla se iniquitas misceat, aut peccandi occasio. Conditiones autem ad ludum justum & licitum requisitæ sunt fere hæc. I. est, ut ludens possit liberè disponere de re, quam ludo exponit: alias non poterit dominium rei illius in alium transferre. Et ideo qui à Religioso, non potente alienare, lucratus est, tenetur restituere. Laym. l.3. rr.4. c.21. n.5. & alii. II. Ut alter alterum ad ludum non pertrahat per vim, opprobria, dolum, aut aliam injuriam. Bonac. D.2. derefit. q.3. p.2. n.1. Tamb. l.8. in Decal. rr.2. c.9. §.1. n.5. Lugo de just. D.31. f.2. §.2. n.28. Less. l.2. c.26. d.2. n.9. alias qui metu incusso alterum ad ludum pertraxit & lucratus est, tenetur restituere. III. ut ludens non utatur fraudibus: de qua conditione postea pluribus. IV. ut utriusque colludentis sit æqualis conditio: in contractibus enim fervanda est æqualitas, nisi contrahentes cedant suo jure. Et ideo qui ludendi peritiæ alterū longè superat, cer-

R. P. Stoz. Trüb. Pœnit.

tusque adeò mortaliter est, se lucraturum, non potest lucrum acquisitum retinere; et si nullam aliam fraudem, vel simulationem, quā alium ad ludendum induceret, adhibuerit. Lugo §.4. n.46. Dian. p.4. tr.4. R.186. & p.7. tr.9. R.29. Bonac. n.4. Si tamen imperitior alterius colludentis excessum, vel ab eo monitus, vel alia ratione nōrit, & nihilominus velit ludere, Dian. p.7. tr.9. R.31. Bonac. l.c. & alii communiter docent, peritiorem posse lucrari, quia scienti & volenti nulla fit injurya. Sed Lugo n.50, id non admittit, nisi ex circumstantiis præsumatur spontanea donatio, uti præsumi potest, si res sit parva, vel quando alter generosus, & liberalis est, vultque eā jacturā ludi delectationem emere.

470. Ceterū fraudes, quibus inter ludendum utimur, aliae sunt licitæ, aliae illicitæ. Illæ sunt, quæ vel ex mutuo consensu, saltem tacito, vel juxta regulas ludi, aut consuetudinem receptam adhibentur; & numerantur fere hæc. I. si quis advertens, se certò lucraturum, auger sponzionem, vel, ut augeat adversarii, simulat metum. II. si quis sciat, se inferiores chartas habere, atque ideo se vincendum, potest simulari, & augere sponzionem, uralter timeat, & recusat, ac relinquat ipse, quod erat appositum. III. si inspiciat chartas alterius ex sola ipsius negligentia, & ablique fraude. IV. Potest tacere, si videat alterum in numerandis signis errare, aut plures accipere chartas, quam deberet: ob quem excessum debeat postea perdere, quod est appositum. V. si inter ludendum discat à tergo nōsse chartas, quas antè non signavit, nec novit. VI. Potest quis numerare pauciora pun-

Mm Cta,

cta, quām habet, &c. postquam adversarius exhibuerit plura, potest ipse licet exprimere, quæ habet, &c. sic lucrari. Lugo n.34. Dicast. *de iust. l.2. D.5. d.3. n.9.* Diana *cit. p.7. tr.9. R.43.* & alii.

471. At verò fraudes illicite sunt. I. Si quis chartas occultis notis designet, ut eas à tergo dignoscatur. II. Si plura puncta in se numeret, vel pauciora in adversario. Si tamen videat, adversarium non omnia puncta numerare, quæ si numeraret, lucraretur, non tenetur illum admonere: haec enim lex ludi, ut error proprius noceat erranti. Sed nec circumstantes tenentur ex justitia de illo errore monere, nisi ea cura illis esset demandata. Lugo n.36. Bonac. n.2. & alii, quos Diana R.44. refert. III. si primum locum ex industria occupet, quando non ad se, sed ad adversarium attinebat: & is multum confert ad lucri eventum. IV. si defraudet numerando pecuniam, ludo perditam, & debitam. V. si arte componat chartas, ut non casu, sed ex certa dispositione sibi meliores obveniant. VI. si dicat & fingat, se habere chartas, quas non haberet, & adversario credente & non curante, sua fictione vincat. VII. Si ex industria ita se componat, ut sui adversarii chartas videre possit: secus, si casu & ex negligentia adversarii eas videat. VIII. Si ab aliquo circumstantium per signa accipiat notitiam de chartis adversarii, ut videlicet scire possit, quando debeat acceptare, vel recusare adversarium, augentem sponctionem. Lugo n.35. de quibus etiam Diana R.44. & seqq. videndum est. Qui his fraudibus uitetur, tenetur restituere saltem id, quod est iniquè lucratus. Bonac. n.6.

472. Denique etiam preces & alia pia opera v.g. pro animabus purgatoriis vendita proponi possunt, modò in iis postea persolvendis debita reverentia adhibetur. Lugo f.1. n.5. Bonac. p.1. n.8. Diana R.41. Nec est, si preces in ludo honesto utrinque solvenda proponantur, periculum ullius simoniae incurrendæ; sicut est, si uno preces proponente, alter quid temporale solvendum proponeret: rem enim spiritualem pro spirituali commutare, non est prohibitum, nisi de Jure humano in certis materiis, v.g. in beneficiis.

473. Detrahentibus famæ aliena in re gravi aures præbni semel: in re levi bù: Qui est causa gravis detractionis, tacite vel exprelè ad eam alterum impellendo ac movendo, peccat mortaliter contra charitatem & justitiam: contra charitatem quidem, quia infamanti præbet scandalum. Arg. cap. Ille, qui & seqq. 22. q.5. contra justitiam verò, quia dat causam justæ infamionis. Lugo *de iust. D.14. f.8. n.123.* Laym. l.3. tr.3. p.2. c.3. n.14. Bonac. *de refut. D.2. q.4. p.11. n.1.* Fil. tr.40. c.4. n.121. Less. l.2. c.11. d.4. n.19. Quod si tamen utrique exiguum deminutum à delinquente inferatur, veniale tantum peccatum est: sicut & si quis arbitretur, detractionem fore levem, detractor verò præter intentionem erumpat in gravem. Laym. l.c.

474. Quin & is, qui, et si non sit causa detractionis, eâ tamen auditâ delectatur, peccat ex suo genere mortaliter contra charitatem: hoc enim ad odium spectat, si delectatio de jactura alienæ famæ per se & directè in eam tendat. Bonac. n.4. si verò per accidens ob detrahentis facun-

facundiam, rei novitatem, est peccatum veniale. Bonac. n. 5. Laym. l.c.

475. Quodsi verò auditor neque sit causa iusta infamacionis, neque è auditâ delectetur, adhuc peccat mortaliter contra charitatem, si, cùm absque gravi suo incommodo possit, non impedit, vel redarguat, sive expresse, sive tacite; quod sit v.g. discedendo, sermonem avertendo, vultum tristem exhibendo: nam aquilo dissipat pluviam, & facies tristis linguas detrahentium. Proverb. 25. At si non impedit, vel ex verecundia rationabili ob auctoritatem detrahentis, vel ex metu aliquius non levius mali, sibi alioqui certò vel probabiliter eventuri, vel quia non sperrat, sive sua admonitione quidquam proferatur, omnino non peccat. Bonac. n. 7. Lugo à n. 126. Quod autem attinet ad delectationem de detractione, debet se acuare, ut n. prec. dixi: de inductione verò ad detrahendum, ut paulò post de scandalo dicetur.

476. Cum proximo rixatus sum semel. Rixa vulgariter confundi solet cum contentione, sed non rectè: hæc enim in verbis consistit, illa in factis proximum lædentibus; & definiri solet: alteratio factis, quibus unus alterum lædere co[n]atur, exercita, v.g. in lutum projicendo, cædendo pugnis &c. unde est quoddam bellum auctoritate privata suscep[t]um. Est peccatum mortale ex suo genere, saltem ex parte invadentis. Fill. 17. 28. c. 9. n. 201. nam ex parte invasi vel nullum est peccatum, si sit adjustam suâ defensionem, nec excedat modum inculpatæ tutelæ: vel solum veniale, si eum modum excedat parùm: si enim excedat notabiliter, erit etiam mortale. Fill. n. 202. Po-

test quoque fieri veniale ex parvitate materiae, ut sit, cùm parvi pueri inter se pugnis decertant. Coninch. de charit. D. 32. d. 1. n. 1. *Discordiam gravem seminavi semel: levem quinquies.* Quid discordia sit, & quale peccatum, n. 145. expli-
tum est.

477. *Inimicitias graves seminavi semel: leves ter.* Est autem inimicitia nihil aliud, quam odium, quo personæ alicui malum volumus, vel quia nobis molesta est, & vocatur odium abominationis; vel præcisè quia malum ipsius est; & vocatur odium inimicitiae. Utrumque est ejusdem speciei, & ex suo genere peccatum mortale: fit veniale ex defectu avertentiae, vel parvitate materiae.

478. Et quoniam occasio ita fert, addamus pauca de dilectione inimicorum. Itaque tenemur I. Inimicos non tantum non odio prosequi, sed etiam eos positivè amare: id quod Matth. 5. v. 43. expressum est his verbis: *Ego autem dico vobis: diligite inimicos vestros.* Hinc de malo inimici non licet gaudere, quia malum ipsius est, v.g. non possumus gaudere hostem insigni clade esse ad internecionem detulum; præcisè ex eo, quod stragesista sit ipsi illata: hoc enim est peccatum mortale, cùm malum sit magnum. At verò de eadem clade gaudere idcirco, quia per eam à Republica remotum est tam grave flagellum, non est peccatum: quia gaudium non tendit in cladis illationem, sed liberationem à malo, quod alioqui incumbebat Republicæ. II. Tenemur inimico in necessitate-constituto succurrere: & III. eum à generali affectu, & beneficiis, quibus alios prosequimur, non excludere. Coninch. de charit. D. 24. Mm 2 d. 6.

d. 6. n. 85. Suar. *de charit.* D. 5. f. 5. n. 7.
& alii: nam neque DEUS inimicos suos à generali affectu omnes salvandi, & communibus beneficiis, quæ humano generi præstat, excipit: facit enim Solem suum oriri super bonos & malos. Et ideo peccat, & quidc ex genere suo mortaliter, qui, cùm orat pro aliqua comunità, excludit inimicum, nolendo illum esse participem suarum precum. Si tamen causa justa aliud suadeat, non est illicita ea exclusio à communibus beneficiis. Sic si eleemosyna impertienda non sufficiat omnibus, possunt excludi calumniatores: tunc enim excludis inimicos, non quia inimici sunt, sed quia non potes omnibus succurrere. Coninch. n. 87.

479. At verò specialia benevolentia, amicitia, & familiaritatis signa nemo tenetur inimico exhibere. Coninch. n. 89.
& alii apud ipsum: quia nemo plus tenetur diligere inimicos, quam alias: sed aliis non tenemur semper specialia benevolentia signa exhibere; ergo nec inimici. Hinc I. qui dissoluta amicitia aut familiaritate, quam cum altero habuit, non vult illum alloqui, salutare, aut in pristinam familiaritatem admittere, non tenetur: sicut nec tenetur inimicum ægrotum invisere, mæstum solari, hospitio excipere &c. hæc enim sunt signa benevolentia particularia, quæ communiter non solemus omnibus exhibere. Coninch. n. 91. Suar. n. 8. & 9. Laym. 1. 2. tr. 3. c. 4. n. 2. Quodsi autem inimicus prius te salutet & alloquatur, non solum contra urbanitatem, sed etiam contra charitatem est, non resalutare. Bonac. d. 3. *de char.* q. 4. p. 3. n. 4. modò, ut idem notat, salutatus non sit longè emi-

nentioris conditionis. Imò si petat veniam, debes eam dare, & in injuryam illatam remittere. Bonac. n. 5. cum Reginaldo l. 17. n. 124. Valen. T. 3. D. 3. p. 3. & aliis, quos refert. Regulariter veròis, qui potius offendit, debet veniam & reconciliationem petere. Bonac. n. 6. Quodsi tamen negotio reconciliationis ex odio vel vindicta procedat, nec læsus ab eo proposito velit desistere, peccat mortaliter, nec absolvendus est à Confessario, donec deponat odium. Bonac. n. 3. Sæpe etiam omission illa conjunctum habet scandalum non leve, quod similiter ex obligatione gravi auferendum est.

480. II. Etsi decens sit, & christiana charitati conforme, satisfactionem pro injurya illata condonare, quod docent Azor & alii apud Bonac. n. 5. læsus tamen ad id non est urgendus importunè; quia cùm iudex possit injuriantem punire, etiam læsus potest id ipsum petere: modò sine animo vindictæ vel odii; sicut enim non licet vindictam privata auctoritate sumere, ita neque licet aliquid ex odio vel spiritu vindictæ facere. Bonac. n. 5. Nihilominus quia pauci sunt, qui sua jura coram iudice prosequi possint, secluso affectu odii, vel vindictæ; idcirco omnino suadenda si est sententia Azorii. Et licet injurya ex animo condonanda sit; nemo tamen tenetur eò conniti, ut ex memoria pellatur, cùm id sit valde difficile, & quibusdam etiam impossibile, ut ex Silvestro V. *Charitas.* q. 6. notat Laym. Alia est ratio parentum, Prælatorum &c. hi enim possunt correctionis causâ subditos in se peccantes à communibus beneficiis, & amoris indiciis excludere. Laym. n. 1. modò id non fiat ad longum tempus, aut cum scandalo.

481. Pro-

481. *Proximum graviter delinquentem non correxi semel.* Correctio fraterna est admonitio per se primò ordinata ad proximum à peccato revocandum. Est actus vel misericordia, vel Charitatis Theologicae secundum diversa motiva, ex quibus procedit. Darur de ea verum præceptum. Palaus D.3. p.1. n.2. Suar. D.8. f.1. n.3. & T.4. de relig. tr.10. l.10. c.7. n.10. Est affirmativum, ac proinde juxta communem sententiam non semper obligat, sed certò tantum tempore, certisque circumstantiis concurrentibus, quarum aliae se ex parte materia, leu peccati corrigendi; aliae ex parte personæ corridentis; aliae ex parte personæ corrigendæ tenent.

482. Ex parte materiae requiritur I. ut peccatum sit commissum. Palaus p.2. n.2. colligitur ex illo *Marth. 18. & Luce 17.* ubi dicitur, si peccaverit, nou si peccaturus est; his enim tacite insinuatur, correctionem supponere lapsum. Nihilominus si proximus in solo peccati periculo constitutus sit, adhuc id impediendum est, non quidem vi correctionis, sed vi defendendi honoris divini & boni proximi. Palaus l.c.. Suar. T.4. de relig. tr. 10. l.10. c.8. n.3. & 8. Coninch. D.28. d.3. n.35. & alii. II. ut peccatum nondum sit emendatum, aliás correctio esset inutilis. Tanner. T.3. D.2. q.5. d.4. n.78. Suar. D.8. f.2. n.1. ex communi. III. Ut constet, peccatum esse commissum. Tanner. n.79. Palaus p.4. Coninch. d.6. n.87. Suar. f.3. n.1. aliás non poteris corrígere. Nemo privatus, etiam Confessarius, tenetur, imò nec potest in aliis delicta inquirere: hoc enim esset nimis odiosum, & natum ad alios turbandos, variisque suspiciones & indignationes excitandas.

Prælati tamen & pastores suorum subditorum delicta investigare non prohibentur: ratione enim officii hanc facultatem acquisierunt. Modum autem, quem Prælati in subditorum vitam inquirentes debent servare, fusè explicat Lessius l.2. c.19. d.12. Judicia tamen temeraria, & suspicções vanæ, ne in hoc misericordie genere bona existimatio, proximo debita, temerè lèdatur, diligentissimè sunt cavendæ.

483. Ex parte corridentis requiritur I. potentia, ut nimur posse corrigere. Poterit autem quisque, etiam privatus, etiam peccator corrígere; omnes enim tenentur jure divino: & sola Sacramentorum administratio requirit in ministro gratiam. II. ut nullum tum ipsi corripienti, tum aliis notabile damnum, cuius merito potior habenda sit ratio, immineat ex ea correctione. Tann. n.79. Palaus p.6. n.1. Coninch. d.6. n.124. Bonac. cit. q.4. p.7. n.11. Dian. p.4. tr.4. R.228. & p.7. tr.3. R.26. tam gravis enim obligatio repugnat suavitati legis Christi; non est ergo fidibus imponenda, nisi forte in extrema vel quasi extrema necessitate æternæ damnationis proximi: de qua videndum est Palaus n.4. & Diana cit. p.7. tr.3. R.27.

484. Ex parte denique corridenti requiritur I. ut sit probabilis spes futuræ emendationis. Tann. n.83. Suar. f.3. n.2. & 3. Palaus p.5. n.1. & 3. ex communi: aliás correctio esset otiosa, imò & nociva, cùm non in utilitatem, quād detrimentum proximi cessura esset. Si dubium sit, an profutura sit; certum autem non nocituram, adhuc est adhibenda. Palaus n.5. Coninch. n.92. Dian. p.3. n.5. R.93.

Mm 3

&

& p. 4. tr. 3. R. 72. omittenda autem in dubio, an sit nocitura. Suar. n. 3. Coninch. n. 93. Palaus n. 4. Dian. p. 7. tr. 3. R. 22. & alii: extra quidem articulum mortis, in hoc enim corrigendus est proximus, et si timeatur, ut evadat deterior. Palaus n. 6. Coninch. n. 94. Suar. l.c. II. ut correctio censeatur esse moraliter necessaria, ita ut non sit probabile, peccatum sine ea aliunde, vel a se vel ab alio emendandum. Tan. n. 83. Coninch. n. 115. Palaus p. 6. n. 5. Suar. n. 7. Unde si delinquens sit homo aliqui timoratae conscientiae, qui speretur facile surrecturus, nec in periculo ulterius ob meam omissionem peccandi constitutus, non teneor illum corrigere: nam sola perseverantia in peccato commisso, non inducit obligationem corrigendi proximum. Palaus p. 2. n. 6. Coninch. n. 117. Dian. R. 11.

485. Jam si prædictæ conditiones concurrent, correctio est omnino adhibenda, & quidem statim. Suar. n. 8. ex communi: nisi causa justa suadeat illius dilationem, v.g. si ipes sit proximum alio tempore fructuosiùs emendandum. Palaus. p. 6. n. 6.

486. Est autem obligatio adhibendæ correctionis fraternalę ex suo genere gravis. Potest fieri levis ex parvitatem materiae, si nimis tunc materia sit levis: nulla, si vel una ex conditionibus prædictis deficit, aut pudor vel verecundia me retardet. Suar. n. 5. Palaus. n. 2. Diana p. 4. tr. 4. R. 228. Navar. c. 14. Man. n. 26. Debet tamen hic pudor & verecundia esse gravis, quam etiam cordatus nequeat facile superare: nam ob levem pudo-

rem non est facilè omittenda correctio, alias nunquam fieret. Si enim in communibus necessitatibus tenerur etiam privatus corriger peccantem, et si detinendus, aut aliam levem injuriam passurus; multò magis debebit, licet pudorem patiatur. Coninch. n. 126. Ex quibus omnibus breviter. Patet, privatum aliquem non facilè peccare mortaliter, si omittat correctionem ex aliquo timore: quia facilè sibi persuadet, & saepè probabiliter, se vel nihil effecturum, vel alterum sine sua opera emendandum. Coninch. n. 127. Dian. p. 4. tr. 4. R. 228. & p. 7. n. 5. R. 61. & alii.

487. Est denique aliquis ordo in fraterna correctione servandus, & quidem ille ipse, quem Christus Matth. 18. prescrispsit, videlicet I. ut peccatum corpias secretò. II. Si hæc privata monito non sufficiat, coram testibus. III. Coram Ecclesia, id est, Prælatis, & Pastori bus. Potest tamen hic ordo quandoque prætermitti: & quidem I. si delictum sit publicum. II. si quis suo jure cessisset, ut possint sua delicta immediate ad superiorum deferri; ut cedunt quidam non nulli Religiosi, præsertim Societatis JESU, quorum constitutiones etiam quoad hoc a summis Pontificibus approbatæ sunt, Tann. n. 106. Suar. f. 6. n. 8. Diana p. 3. tr. 2. R. 37.

488. Importunis vexationibus crevi alteri molestiam, ter: vel concitavi ad impatientiam semel. vexationes si verbis fiant (ut plerumque solent) inter peccata oris recensenda sunt sub nomine verborum charitatem proximi offendentium. Sunt vexationes plerumque tantum pecata

cata venialia: possunt fieri mortalia, si iis proximus ad peccatum mortale conciteretur.

489. Totam curam animarum Capellano reliqui, ita ut nihil eorum, quæ ad eam spectant, ipse unquam egerim. Est hæc commissio contra finem residentiæ in propria parochia. Est etiam contra rationem totius officii Parochialis; qui enim aliquod officium gerendum suscipit, simul etiam tacite obligat suam personam ad proprias illius functiones præstandas: & nisi crederetur id facturus, nunquam ad illud officium eveheretur: nunquam enim Princeps constituet gubernatores urbium, provinciarum &c. praefectos arcium &c. qui putantur non per se, sed per alios, licet æquè dignos, vel forte etiam digniores administraturi. Unde Parochus, qui licet in loco sui beneficii commoretur, non tamen ipse suum officium in persona præstat, ex mente Concilii Trident. non est censendus residere, ut notat etiam Sylvester V. Residentia in principio: idem enim est inutiliter adesse, quod abesse, ut apud Barbos. de Parocho c. 8. n. 40. docet Carranca de Resid. Episcop. c. 3. Et ideo non immiterò in cap. Inter corporalia. de Translat. Episcop. dicitur, illam Ecclesiam viduam esse, quæ licet Episcopum habeat, (idem est de Parocho) inutilem tamen perhibetur habere: quis autem inutilior illo, qui cum alicui ministerio exercendo sit addictus, eorum tamen, quæ ad illud spectant, agit nihil: & ideo tales verè non sunt Parochi, sed umbra potius & simulachrum Parochorum: & cum in te gravi desint suo officio, peccant mortaliter, & in conscientia non sunt securi. Nec obstat,

quod juxta 72. Regulam juris censeatur quis per se facere, quod per alium sibi substitutum facit; hoc enim tum tantum verum est, cum alicujus cura & industria non eligitur ad personale munus, sicut eligitur in Parocho. Unde in Cap. quia nonnulli. de Clericis non resident. dicitur: Cum igitur Ecclesia, vel Ecclesiasticum ministerium committi debuerit, talis ad hoc queratur persona, quæ residere in loco, & curam ejus valeat per seipsum exercere. Nihilominus tamen possunt Parochi ad majorem suam quietem suis Capellani, consuetudine ita declarante, multa & magis ardua committere, velut nocte surgere, multas audire Confessiones, procul ire ad ægrotos & similia; dummodo tamen iis non utantur, tanquam hominibus, qui portent pondus diei & astum, sed ut sociis laboris. Possev. de officio curati. c. 1. n. 10.

490. Ab beneficio, quod habeo, diu & ultra tempus concessum absui. Parochi tenentur, ut Palaus tr. 13. D. 5. p. 1. ex communis tradit, jure tam Divino, quam humano in loco sui beneficii parochialis residere, & peccant graviter non residendo: ille tamen, qui mox est reversus, non censetur à sua Ecclesia abesse, juxta L. Postliminum, §. captivis, & L. nihil. ff. de captivis & postlim. revers. Unde tempus, quo Parochus à sua Ecclesia abesse potest, debet esse breve; quale est non tantum paucarum horarum, sed etiam duorum aut plurium, etiam octo dierum; immo ut scrupulus omnis procul esset, Concilium Trident. sess. 24. c. 12. de reform. determinavit tempus, & censuit, respectu rotius anni modicum esse, quod est duorum mensium,

sium, sive dein hoc spatum continuetur, sive interpoletur. Quodsi Parochus ultra hoc tempus abesse velit, necessaria ad id est specialis licentia expressa, (neque enim tacita sufficit, nisi causa sit notoria, & moram accedendi ad Episcopum non patiatur,) ab Episcopo etiam obtenta (non enim sufficit eam præcisè petere) Palaus p.5. n.6. & quidem in scripto: alias erit nulla. Palaus n.8. Causa vero, ob quam hæc licentia dari potest, debet esse gravis, qualis est I. Christiana charitas. II. urgens necessitas. III. obedientia debita majoribus, Papæ videlicet aut Episcopis. IV. evidens Ecclesiæ, cui quis præfet, aut reipublicæ, utilitas: desumptæ sunt hæc cause ex Concilio Trid. Sess. 23. c.1. & explicantur à Laym. l.4. tr.2. c.6. n.4. & 5. Interea tamen dum Parochus abeat, substituendus est alius vicarius idoneus, vel ab ipso Episcopo, si istius ad eam absentiam licentia sit necessaria; vel ab ipso Parocho, si ad breve à jure concessum tempus absit: optimum fuerit, si vicinum Parochum substituat; licet enim ordinariam jurisdictionem non habeat, nisi in suum gregem, jurisdictionis tamen delegandæ est capax. Sanch. l.3. de Matrim. D. 31. n. 11.

491. *Ad confessiones meorum subditorum excipiendas non accessit, licet fuerim rogatus & vocatus semel.* Hæc est una ex nobilissimis officiis pastoralis partibus; & ad eam explendam Parochus habet gravem obligationem, & quidem toties, quoties subditi justam causam confitendi habent, & opportuno tempore velloco petunt. Laym. l.5. tr.6.c. 13. n.2. Suar. D. 32. f.1. n.4. & alii. n. 11.

Quia tenetur Parochus ex suo officio non deesse subditis, querentibus grande & spirituale gratiæ & reconciliationis cum DEO commodum, & salutis remedium, quale ex Confessione provenire solet. Nihilominus tamen quia successu temporis Religiosi Mendicantes in partem laborum pastoralium ingressi sunt ex induito Pontificis, varia privilegia iis concedentium, fideles omnes pro facio tribunali audiendi; non potest hinc ulla esse difficultas: possunt enim omnes fideles hujusmodi Religiosi suam manifestare conscientiam, etiam invito & contradicente Parocho, ut communiter docent: quidquid aliqui reclamant, non attentes, se auctorati, quam Pontifex velut summus Ecclesiæ Pastor & Rector habet in omnes fideles, haud parum derogare.

492. *Eucharistiam petentibus negavi quater.* Parochus Eucharistia Sacramentum suis subditis tenetur administrare, & quidem non tantum tunc, quando subditi renentur illud recipere, ut in articulo mortis, & tempore paucihi, sed etiam quoties illud rationabiliter petunt: hoc enim pastorale ipsius officium exigit, ita ut si illi hinc desit, peccet mortaliter. Hic tamen Sancius in selectis D. 47. n. 10. & alii monent, subditos extra mortis articulum non debere esse nimis importunos, vel infrequentia petendi, vel tempore valde intempestivo, v.g. concubia nocte; vel cum praestat, Parochum tunc aliud agere, v.g. concionari: tunc enim si Parochus hoc Sacramentum neget, excusabitur à peccato mortali; sicut etsi semel aut iterum neget vel differat, nisi forte subditus petat ex gra-

vi causa, v.g. festi solennis, gravis tentatio-
nis, longi itineris &c. Neque excipiendus est dies paralitae: nam & hoc die fidelibus etiam sanis Eucharistiam porrigendam esse, si petant, tradunt Laym.
l.5. tr.5. c.4. n.106. Dian. p.4. tr.4. R.237. Sancius in selec-
tis D.22. n.20. Quodsi Parochus hoc Sacramentum (idem est de Pœnitentia) non neget quidem, ostendat tamen se adeo difficultem & asperum, ut subditis præbeat occasionem toties non petendi, quoties alias petiissent, peccato modo, quo peccaret, si omnino negaret. Posseu-
de offic. curati c.5. n.9.

493. *Ad agrotos, vel ad moribundos etiam vocatus non accessi: vel certè nimis serò, ut moribundo amplius prodesse non potuerim.* Inter personas miserabiles, quarum singularem curam Parochi gerere debent, sunt vel maximè illæ, quæ morbis afflignantur, vel sunt morti proximæ. Tenetur ergo Parochus ex visu officii sollicitè inquirere in agros sua Parochiæ, ut tempestivè possit eorum salutem consulere. Valent. T.3. D.3. q.4. p.3. §. Porro eorum. Laym. l.5. tr.4. c.5. n.6. Palauz tr.21. p.20. n.1. Si quos ergo deprehenderit periculose decumbere, Sacra-
menta Confessionis, Communionis & extremæ Unctionis iisdem ministrabit, si perant: sin, persuadebit prudenter & seriò, ut admittant, invitis enim, dum rationis usum habent, Sacra-
menta non sunt administranda: sufficit autem implicita petitio, si de Eucharistia & extre-
ma Unctione sit sermo: de Pœnitentia quid teneri possit, jam sup. à n.57. dixi. Ceterum animabit morituros ad mortem, & præbit iis frequenter ad eli-

R. P. Stoz Trib. Pœnit.

ciendos actus fidei, spei, charitatis, con-
tritionis perfectæ &c. Commendatio-
nem animæ orabit suo tempore; impor-
tunitatem domesticorum avertet, ne ter-
renis affectibus impediant ægri bonam dispo-
sitionem. Non est tamen necesse, ut ægro bene disposito dies noctesque usque ad ultimum halitum assistat; aliud est de indispositis aut graviter tentatis,
quos non facilè deseret. Postquam æger sensibus defecit, melius est orare ferventer cum adstantibus pro moribundo,
quam stentore voce vel frustra, vel non sine gravi molestia ægri, & fortè eriam circumstantium in aures inclamare. Ex metu verò irregularitatis contrahendæ non omittet quædam charitatis opera.
Qualia sunt vertere infirmum ex latere ad latum, transferre ex lecto in lectum &c.
hæc enim irregularitas, si qua est, non potest esse alia, quam ex defectu lenita-
tis: quæ tamen, ut Filliuc. tr.19. c.10.
n.278. Dian. p.3. tr.5. R.79. & 80. &
p.11. tr.2. R.63. Tambur. de censuris l.
10. tr.4. c.15. §.13. n.7. & 17. Reginald.
l.30. tr.2. c.9. n.102. & innumeri alii doc-
cent, non incurritur, nisi ab iis, qui ex offi-
cio, quod gerunt, quoquo modo con-
currunt ad alterius necem. Quodsi ergo Parochus suo ægros invisiendi officio notabiliter desit, peccat mortaliter: sicut & tunc, cum ex ipsius culpa accidet, ut æger ex hac vita decedat, Sacramentis necessariis non præmunitus. Anima
ægri de ipsius manu requiretur, & gra-
vissimum super caput suum accumulabit judicium.

494. *Non sum concionatus, cùm potui ac debui sexies.* Parochus tenetur con-
cionari, & populum, quæ ad salutem ne-
cessaria

Nn

cessaria

cessaria sunt, docere: hoc enim spectat ad ipsius officium. Suar. *T. I. de Relig. tr. 2. l. 2. c. 16. n. 7.* Possevin. *de offic. curati e. 3. n. 1.* & reliqui communiter. Sumit ex Trident. Concil. variis locis. Est autem hæc obligatio personalis, ut, nisi aliud obstat impedimentum, aut rationabilis causa, ab ipsa pastoris persona sit implenda; cui, si Parochus præcisè ad suam quietem velit id munus temperalis exercendum committere, non satisfacit. Non est autem hæc obligatio tam personalis, ut non possit ex mente Concilii & legitima causa in alium idoneum transferri. Cujusmodi cauæ sunt I. inhabilitas dicendi. II. consuetudo, quæ saltem in Germania habet, ut in nonnullis locis officium prædicandi separetur à beneficio parochiali, & stabiliter atque ex fundatione alteri Sacerdoti detur: quo casu Parochus ab officio concionandi est immunis, nisi fortassis in defectum tenetur. III. speciale Pontificis indultum, ex quo munus prædicandi alteri committi possit. Sic Religiōsi mendicantium Ordinum, qui sunt velut subsidiariæ copiæ in auxilium Parochorum missæ, stabiliter pro Parocho concionari possunt: quo tamen casu convenit, ut ipsi quoque Parochi quandoque concionentur. Licet autem teneatur Parochus concionati, non est tamen certum tempus huic obligatio ni implendæ designatum: ne autem tam necessario & utili officio ullus desit, aut id justo ratiōne exerceatur, Concil. Trid. *Seff. 5. c. 2.* & *Seff. 24. c. 4.* determinavit saltem singulos dies Dominicos, aut solenniores festivos: ubi tamen non videtur adeo rigorosè præcipi, ut Parochus graviter peccet, nisi singulis diebus festis.

& Dominicis concionetur: non enim Concilium utitur verbis tantam obligationem indicantibus; sed tantum mandat, ut faciant illis diebus & aliis per quadragesimam & adventum, si ita opportunum duxerint. Debet ergo Parochus hoc officium non negligere, sed omnino curare, ut, quantum fieri potest, non omittatur; pro singulis autem illis diebus non est præceptum rigorosum, ut consuetudo interpretatur. Suar. *I. c.* Palaus *tr. 8. D. 2. p. 4. n. 5.* Bonac. *de præcept. D. 5. q. un. p. 2. n. 28.* At si uno integro mense, velduobus, aut tribus in uno anno omittat concionem, peccat mortaliter; quia grave damnum infert populo, si tanto tempore privetur cœlestis doctrinæ pabulo. Palaus *I. c.* Bonac. *n. 31.*

495. *Doctrinæ Catechetica tradende exiguum vel omnino nullam curam habui.* Etli in hoc puncto à Concil. Trident. *Seff. 24. c. 4.* pro Parochis nihil sit statutum; nihilominus tamen eosdem ad docenda fidei Christianæ rudimenta obligatos esse, docent Laym. *I. 2. tr. 1. c. 9. n. 4.* & alii. Officium enim Parochi est, ut parvulis frangat panem cœlestis doctrinæ, & eorum, quæ scitu necessaria sunt, ignorantiam ex suorum subditorum mentibus evellat: & praxis ita interpretatur. Peccat ergo Parochus mortaliter, si in hoc notabiliter deficiat: deest enim in re gravi & necessaria; sub intermissione censurarum, si negligentia aut omissione sit magna, id est, si nunquam, aut non nisi rarissime doceatur Catechismus. Si tamen faciat, quod in se est, vocando pueros, monendo parentes, ut mittant liberos ad catechismum, Parochus videtur esse excusatus; sed torpe

non

non debet, aut esse negligens, quin semper urgeat prudenter, invocando etiam, si sit opus, magistratum fæcularem. Sed hoc tradenda doctrinæ catecheticæ onus, quod alioqui Parochis incumbit, multum est levatum, dum Præceptores, Ludimoderatores, parentes ipsi in se suscipiunt hanc curam, ut liberi bene instruantur.

496. Huc spectat peccatum scandalū, quod est actio vel omissione minus recta, id est, vel mala, vel mali speciem saltem apparentem habens, præbens alteri occasionem ruinæ spiritualis, seu, quod idem est, peccandi vel mortaliter, vel venialiter. Duplex est, activum & passivum: Activum in eo, qui dat scandalum, reperitur, & propriè tale est. Passivum vero in eo, qui scandalizatur, reperitur; & propriè non est scandalum, sed potius ipsa ruina spiritualis seu peccatum proximi. Et aliud est pusillorum, aliud pharisaicum: illud est, cum proximus ex alterius opere sumit occasionem ruinæ, quia fragilis est: istud est, cum proximus nullo dato activo scando, ex propria malitia & perversa voluntate ruit, ut olim Pharisai condemnando Christum, quod manducaret cum peccatoribus, benefaceret aliis etiam in Sabbatho &c. Pusillorum scandalum quisque (si sine suo gravi incommmodo possit,) tenetur impedire, omittendo etiam actiones ex se quidem honestas, sed respectu ignorantis speciem mali habentes. Sumitur ex illo 1. Corinth. 8, ubi Apostolus, si esca, inquit, scandalizet fratrem meum, non manducabo carnem in eternum. & Christus ipse Matth. 17, jussit Petrum solvere dirachma, licet ipse lege solutus es-

set: charitas enim exigit, ut alterius infirmitati indulgeamus. Pharisaicum non est necessariò vitandum: esset enim nimis grave, si ob aliorum malitiam essent omittendæ actiones alioqui honestæ, vel saltem non illicitæ. Non enim æquum est, ut cum damno proprio spirituali, imò & temporali consulatur alterius malitia: id quod satis constat ex illo Matth. 15, ubi Christus Phariseorum scandalum non curans: finite, inquit, illos; cœci sunt, Educes cœcorum.

497. Sed ut ad scandalum activum redeamus, id duplex est, directum unum, alterum indirectum. Directum est, cum quis alterum expressè & ex proposito inducit ad peccatum, id est, ideo aliquid facit, ut alter peccet, v.g. si quis suadeat, ut alter furetur, fornicetur, omittat die festo sacram &c. quod potest dupliciter contingere: vel ex formali odio ipsius proximi, nimis expressè & ex formali intentione desiderando ejus ruinam spiritualem (quod gravissimum est peccatum, in hominibus ratum, in diabolis frequentissimum) vel non ex odio proximi, sed ex affectu propriæ commoditatis, vel alterius finis ex peccato proximi alicui obvenientis, v.g. voluptatis carnis, ut si quis fæminam sollicitet ad turpia. Et potest hoc scandalum committi, et si nullum in altero sit periculum lapsus, ut patet in Petro, qui, cum Matth. 16, Iuauit Christo, ut mortem subterfugeret, meritus est audire: vade post me Satana: scandalum es mihi.

498. Scandalum indirectum est, cum quis aliquid, quod ex se aptum natum est ad causandum alterius peccatum, operatur, licet eam ruinam expressè non intendat;

N n 2

tendat;

rendat; ut, si quisturpiam coram aliis loquatur, pingat, exhibeat: item si Clericus domi suæ alat fæminam suspectam populo, vel licet eam domi suæ non teneat, cum ea tamen nimiam alat familiaritatem; et si absit omne peccatum vel peccandi periculum. Ad hoc scandalum duo requiruntur: unum est, ut vera ruina spiritualis in proximo vel subsequatur, vel probabiliter subsecutura prævideatur. Alterum est, ut nulla sit justa causa ponendi vel omitendi opus, ex quo illa alterius ruina videatur secutura. Atque utrumque hoc ad scandalum indirectum ita re-
q[ui]ritur, ut, si alterutrum eorum desit, cesseret etiam ratio istius scandali. Et ideo si ex alicujus dicto, facto nihil aliud præter admirationem aut rumorem in vindictibus excitetur, non est scandalum. Suar. D.10. s.1. n.1. Sancius in Selett. D.48.n.45. quia admiratio, rumor & suspicio de delicto, si fundamentum non præbeas, non est peccatum. Similiter nec scandali reus erit, qui coram aliis exerceret actionem, ex se quidem & natura sua inducivam ad peccatum; sed hi in bono tam firmi sint, ut visis aliorum peccatis non censemantur ad peccatum permovendi, nec ad malum tam projecti, ut ipsos aliorum peccata immitent vel pervertant. Sanch. l.1. Mor. c.6. n.7. Bonac. de peccat. D.2. q.4.p.2. §.nn. n.43. Sancius D.46.n.11. Palauus D.6.p.1. n.4. & p.4.n.5.

499. Ceterum scandalum directum semper est peccatum, & quidem ex suo genere mortale, & si quis actionem ad peccandum inducivam coram aliis eo animo exerceat, ut affectus eujusque presentium conditioni proportionatos exci-

tet, præter malitiam scandali contrahit etiam specialem malitiam illiusmet peccati, ad quod proximus inducitur, v.g. furti, adulterii, incestus, blasphemie, detractionis. Tanner. T.3. D.2. q.6. d.9. n.97. Suar. cit. D.10. s.2. n.2. & 3. Palauus p.1. n.7. & 8. Estque hæc circumstantia specialiter in Confessione explicanda in hunc fere modum: *Proximum direxit induxi ad omittendum die festo sacram: ad non jejunandum, cum teneretur: ad alterius (vel aliorum) famam coram uno (vel pluribus) laedendam graviter &c. semel.*

500. Dixi autem suprà *ex suo genere*: potest enim fieri veniale ex parvitate materiae; ut si peccatum, ad quod alter inducitur, sit tantum veniale; tunc enim inducō ad illud, quantumvis alioqui ex directa ejus ruinæ intentione proveniat, culpæ venialis limites non excedet: quo enim titulo peccati mortalis damna, eti alterius ruinam spiritualem, sed levem, directè intendam? certè si ego ipse studio, & ex malitia peccem venialiter, intendamque meam istam ruinam spiritualem, nemo me peccati mortalis arguet. Est enim damnum hoc in genere dannorum spiritualium non grave, sed leye tantum: neque enim comparatio danni spiritualis facienda est cum damno temporali; alioqui peccaret mortaliter, qui brevem aliquam orationem, salutationem Angelicam alteri promissam omitteret; privaret enim illum bono spirituali, quod quolibet bono temporali longe magis est & præstantius. Bonac. n.10. Lugo de just. D.9. s.2. n.18. Palauus p.2. n.3. Atque ex his obiter illud deduces, eum, qui coram aliis graviter peccat,

ptæ.

prævidens illos inde ruinæ tantum venia-
lis occasionem accepturos , in ratione
scandali tantum venialiter peccare, neque
teneri hanc circumstantiam in Confessio-
ne specialiter explicare , licet peccatum
ipsum , quod fuit levis illius ruinæ occa-
sio , utique manifestandum sit. Gravitas
enim scandali sumitur ex ruina proxi-
mi; quæ proinde cùm in proposito sit
tantum levis , non poterit esse gravius
ipsum scandalum. Sanch. n. 10. Bonac. n. 11.

501. Jam verò quod ad scandalum indi-
rectum attinet, etiam ipsum est speciale
peccatum charitati proximi oppositum.
Laym. l.2. tr.3. c.13. n.5. infine , Suar. n.5.
Lugo Disp. 6. de Pœnit. s.4. n.159. Tam-
bur. in Meth. Confess. l.2. c.1. §.17. n.102.
& alii. Neque enim ad hoc scandalige-
nus requiritur , ut formaliter intendatur,
sed solum ut causetur ruina spiritualis in
proximo: alioqui nunquam vel rarissimè
contingeret hoc scandalum. Nemo enim
vel non nisi raro tam perversus est , ut,
dum peccat, expressè petat ruinam spiri-
tualem proximi, præcipue propter ipsam;
& tamen peccatum scandali frequentissi-
mum est, necesse enim est, ut scandala ve-
niant.

502. Sed enim scandalum indirectum
præter propriam malitiam non continet
malitiam illius peccati, ad quod proximus
inducitur. Lugo. l.c. Tamb. n. 105. & alii :
quia per hoc scandalum nulli alteri obli-
gationi contravenitur, præterquam cha-
ritatis, quæ obligat hominem ad aver-
tendum malum spirituale proximi , cùm
facile & sine ullo notabili incomodo, seu
proprio seu alieno , & cum ipse securi-
ti profectus potest. Et ideo qui spuri-
fimo suo sermone &c. pluribus scanda-

lum præbuit, non debet personarum scan-
dalizatarum numerum vel conditionem
explicare; modò, quod omnino necessa-
rium est, ut Lugo s.3. n. 141. bene do-
cer, explicetur, an unitantum vel pluri-
bus scandalum sit datum: alioqui non sa-
tis explicaret quis numericam peccati dif-
ferentiam , cùm si dicturus esset, *scanda-
lizavi alterum* , Confessarius intellige-
ret , unum duntaxat hominem scandalizi-
atum esse , cùm tamen plures sint scan-
dalizati: scandalum enim uni datum in-
dividualiter differt à scando pluribus
dato.

503. Est autem & hoc scandalum pec-
catum ex suo genere mortale: potest
fieri veniale ex parvitate materiae: nul-
lamei, præter propriam , inesse specifi-
cam malitiam, jam paulò ante dixi. Quæ
doctrina tam Confessariis, quam peni-
tentibus valde est notanda, cùm utrisque
sit per quam favorabilis. Lugo. l.c. Tamb.
in Meth. Conf. l.2. c.1. §.17. n.105. &
seqq. & alii: quidquid Dian. p.3. tr.4.
R.114. frustra reclamat , graviter excan-
descens in Confessarios , qui in scando
indirecto neque speciem peccati, neque
conditionem aut numerum personarum
scandalizatarum exprimenda curant, vo-
cans eos cæcos , & duces cæcorum: sed
haec censura & excandescencia utique ni-
mia est , cùm solido fundamento sit de-
stituta. At scandalizans speciem sui ope-
ris, ex quo prævidebat securam ruinam
proximi, utique debet, si quidem ipsum
graviter malum fuerit, explicare in hunc
tere modum. *Mea turpi locutione*
(vel alio peccato, quod, ut modò dixi,
exprimendum est,) *cansa fui semel, ut*
unus (vel plures) *in peccatum grave* (vel
leve)

N. 3

leve)

leve) rueret: vel breviūs & meliūs: *Mea turpi locutione &c. uni* (vel pluribus) *gravi* (vel levi) *scandalο fui ter.*

504. Nihilominus tamen circumstantia scandali seu inductionis ad peccandum non est in confessione necessariò explicanda, si explicato aucto principali sufficienter etiam ipsa censeatur intelligi, quod plerumque contingit in peccatis tam inducenti quam inducto communib⁹, ita ut non nisi operā utriusque conjunctā committantur, quale est, v.g. fornicatio aut confabulatio tempore Missæ. Bonac. de pœnit. D. 5. q. 5. f. 2. p. 2. §. 3. diffic. 3. n. 20. Palauis tr. 23. p. 9. n. 12. Lugo D. 18. de pœnit. f. 4. n. 142. Tamb. in eodem libro c. 7. §. 4. n. 25. Sed hoc intellige, si actus ipse, ad quem alter inducitur, subsequatur: si enim hic re ipsa non subsequatur, vel nominis post longam & notabiliter interpositam moram, inductio ipsa est explicanda.

505. Sed enim illud hoc loco addendum videtur, nempe scandalum indirectum non esse ita malum, ut, si justa aliqua causa subsistat, non liceat agere vel omittere, ex quo quis videat (modò non intendat) alterius ruinam spiritualem securam: esset enim nimis dura & gravis obligatio; imò & præcepto charitatis de peccato proximi impediendo minùs conveniens id enim, ut pote affirmativum, more aliorum similiūm præceptorum, non obligat in omni casu. Unde non teneor cum notabili meo damno abstinere à publico, v.g. ab aditu Ecclesie, aut cum magno meo dedecore ab ornatu corporis competente, vel etiam superfluo, (qualis est, fucare faciem) adhuc tamen honesto, et si videam, aliquos ea occasione

spiritualiter ruituros; modò ut dixi, id semper caveam, ne eam ruinam intendam. Hæc ex communi sententia.

506. Multò minùs ob scandalum merè passivum, seu, quod idem est, pharisaicum omittri debet opus, quod est in præcepto; imò & in consilio tantum, ut est audiire lacrum die profano, aut honeste aliqui, & quidem etiam publicæ recreationi operam dare: at ob scandalum pusillorum in particulari, v.g. Petri, Pauli, (nam ob metum scandali, securi in aliquo vel etiam pluribus ex communicante in genere seu indeterminatè, abstinere, esset nimis difficilē, & scrupulis plenum) debet utrumque opus, consilii nempe & præcepti, omitti aut differri, saltem aliquoties; quia si saepè esset & hoc nimis datum & grave. Plus tamen requiritur ad permitendum scandalum pusillorum, quam pharisaicum. Et universim si nulla causa rationabilis adsit, non est licitum, quidquam facere, ex quo alterius, quantumvis præter meam intentionem, ruina spiritualis prævideatur securita: quisque enim ex charitate tenetur, si facile possit, peccatum proximi impedit.

507. Scandalum directum nunquam est licitum. Est communis. Repugnat enim legi naturali, quæ dicitat, nemini esse nocumentum aliquod, præsertim spirituale, inferendum. Ethinc actioni male nemo unquam ex causa etiam urgentissima potest cooperari, si ea intrinsec mala sit, ita ut, dum fit, malitia ab eo non possit separari.

508. At verò, si actiones indifferentes sint, hoc est, tales, quas licet quis videat, alterum male & cum peccato exercitum, possit tamen, si velit, etiam sine peccato

cato exercere, licitum est, ex justa causa ad eas concurrere, præfertim si cooperatio sit remota tantum. Est communis; fit enim, quod est utile, & alter bene facere potest: quodsi ergo id non faciat, sibi imputet. Quò verò propinquior est tua ad alterius peccatum cooperatio, eò gravior causa requiritur. Ex quo varii casus resolvi poterunt: speciatim verò ex dictis obiter.

509. Infurit, neminem absque peccato scandali posse alteri suadere minus malum facere, facturo aliás liberè majus: quia illius peccati, quod suades, verè causa es, & positivè ac direcțe proximum ad illud inducis, ergo peccas. Quodsi verò ad utrumque ita paratus sit ac determinatus, ut aliā viā divertiri non possit, suaderi posse minus malum, communiter docent auctores relati à Dian. p.3 tr.5 R.37. eò quòd tunc suadeatur minus peccatum, non quidem quatenus malum est, sed quatenus bonum, id est, majoris peccati impeditivum: ex duobus enim malis minus eligendum est. Sed hi non placent, cùm ad Rom. 3. dicatur, non esse facienda mala, ut eveniant bona; neque bonum dici possit, cui adjuncta est malitia, licet non suadeatur ut malum; neque unquam necessarium sit, ex duabus peccatis alterutrum eligere, secluso casu perplexitatis, de quo aliás. Itaque cum Tanner. T.3. D.2. g.6. d.8. n.102. existimo, verba talium suorum non esse accipienda, ut sonant, quasi consilium contineant aut suasionem, sed in sensu permissivo, quasi dicent, si utrumque malum non vis vitare, saltem cave majus: quod est suadere omissionem majoris mali cum permissione minoris.

510. His omnibus pro coronide addendum est, posse aliquem, si is, cui inferendum est malum, possit ad eam actionem dare licentiam, etiam juvare in iustum aggressorem: v.g. si Petrus determinatus sit, Paulum occidere, vel pecunias furari, poteris Petrum in furto committendo juvare: non enim illa actio, ut à te procedit, est illicita: procedit enim ex consensu saltem tacito ipsius Pauli dantis tibi facultatem, ut Petrum nolentem ab utraque injuryia, furti & homicidii, abstinere, etiam juves furari, ad impediendum nimis majus malum. At in illis actionibus, ad quas alter licentiam dare non potest, non potes iniquum aggressorem juvare. Et ideo Petrum in mutilando Paulo non potes juvare, licet juxta sensum paulò ante dictum suadere, hoc est, permettere possis. Palaus de charit. D.6.p.6.n.8. apud quem per plura puncta videre est alia plura, ad præsentem de scandalo materiam pertinentia.

§. III.

Peccata operis contra me ipsum.

511. Ex aliquo facto vanam gloriam (laudem, vel favorem hominum) quæsiverter: v.g. simulavi devotionem, ut aliorum oculis placarem; confessus sum & communicavi, ut parentibus, Confessario, Praelato, hero &c. placarem. Spectant hæc ad hypocrisim, quæ nihil aliud est, quam simulatio virtutis & sanctitatis, quam aliquis fingit se habere, cùm non habeat, & occultare vitium, quod habet, quasi non haberet, idque ex intentione captandæ apud homines gloriae. Et hæc est propriæ dictæ Hypocrisis. Satis autem est,

est, si modo h̄c proposito explicitetur: neque enim necesse est speciatim exprimere, quale opus fuerit, quod factum est ad gloriam vel laudem captandam. Ad vanam quoque gloriam spectat, appetere laudem ex eo, quod vel malum est, vel non dignum laude. Potro Hypocrisis (quocunque fine, etiam bono fiat, v.g. si quis fingat virtutem, ne alios scandalizet) semper est peccatum, & quidem ex se tantum veniale. Less. l.2.c.47.d.6.n.45. Tolet. de septem peccatis. c.9. & alti. Potest fieri mortale I. ratione finis graviter mali: ut si quis fingat se justum, veritatis Doctorem, ut falsam doctrinam seminet: quod faciunt heretici, prælertim Ministri; item si eadem simulet, ut ad dignitatem aliquam v.g. Ecclesiasticam indignus promoteatur. II. ratione documenti, ut si quis fingat in aliqua scientia v. g. medica, juridica, aliquem se esse, & magnum, cum sit vel nullus, vel modicus; hi enim cum simulant se tales esse, alliciunt suā famā alios, ut ad ipsos accedant, non tamen nisi cum gravi documento corporis & crumenæ, cum auxilium, quod simulatores illi ob inscitiam ferre non possunt, ab iis non sint relaturi. III. Si simul involvit contemptum sanctitatis vel religionis internæ, quo modo multi politici hujus temporis sunt Hypocrite: solum enim curant, ut exterius videantur esse justi, vel Catholici, cum tamen sint lupi rapaces, & internam religionem nihil faciant. Less. n. 46.

312. In ornatu corporis vanitatem aliquam queſuī ter. Ornatus corporis, si sit moderatus, & statui, in quo est, conveniens, licitus est, & spectat ad virtutem, quæ Modestia cultus vocatur, & deco-

rum in cultu corporis & reliquo externo apparatu juxta cuiuscumque statutū conditionem servat. Si sit superfluus, est ex suo genere peccatum tantum veniale. Potest fieri mortale I. ratione finis, ut si quis se ornet, animo inducendi fæminam ad turpem amorem. Hinc si fæminæ utantur vestitu scandaloso, valde ad libidinem provocatio, peccant mortaliter. Talis est denudatio, totius præsertim pectoris & mamillarum: et si enim haec pars corporis honesta sit, nec natura auctor humanus petat eam absolutè tegi; & idcirco tolerari possit in loco, ubi ei consuetudo jam est (quamvis & h̄c præstaret eam eliminari) recepta, tamen hujusmodi morem in provinciam, in qua hactenus nondum viguit, introducere, est peccatum mortale. Less. l.4.c.4.d.14. n. 113. Laym. l.2. tr.3. c.13. n.11. propter finem & ali communiter: tum quia ejusmodi inducīo est ex se pernicioſa, & consequenter bono publico & spirituali proximorum saluti pernicioſa; tum quia ulla novus & insolitus efficacius mover, quam usitatus, & consuetudine inveteratus. Quod si tamen mulier aliqua se ornet, faciem fucis & variis pigmentis depingat, præcisè alicujus vanæ, & venialis gloriæ aut solius pulchritudinis conciliandæ desiderio tacta, non peccat mortaliter: licet credit, aliquos, qui ipsam sic ornatam videbunt, in ejus concupiscentiam exarsuros. Navar. c.14. Man. n.26. De reliquo novam aliquam & eo loco non usitatam, honestam tamen vestimentum formam introducere, ex se non est peccatum mortale. Unde nec inventores novarum formarum peccant graviter: quia illæ formæ per se malæ non sunt; & bonum usum

usum habere possunt, licet multi abutantur ad vanam gloriam, aut alium finem malum, Less. n. 111. & alij. II. Si cedat in grave prajudicium rei domesticæ, item liberorum, creditorum &c. alias usus vestium pretiosarum, annulorum, catenarum, aliorumque monilium, non est nisi veniale peccatum: imò etiam nullum, si fiat ex fine honesto, ut in Judith & Hester apparer. III. Si talis excessus lege aliqua sub pena excommunicationis prohibetur, eaque servaretur. Quodsi tamen non habeat annexam penam vel saltem non gravem, erit veniale duntaxat peccatum: imò si lex prohibens talem excessum sit civilis, erit penalis, nec obligabit nisi ad penam, more aliarum legum civilium, seu purè seu mixtum penalium, quas in conscientia sub peccato jam sup. n. 453. dixi non obligare, & credibile reputat Less. n. 112. Eodem modo de viris & adolescentibus discurrendum est; nam & hinc ornare possunt ad venustatem sibi comparandam: nec peccabunt, nisi ad summum venialiter; modò alia circumstantia specifica non accedit. Nihilominus tamen hi compluli reprehendendi sunt, quia pulchritudinem affectare feminarum est, non virorum. Unde illud Poëta:

Sint procul à nobis juvenes, ut faxima compti.

513. *Vestimento muliebri usus sum ter.*
Si id fiat ex levitate, peccatum est, sed tantum veniale: nullum verò, si fiat ex justa causa, v. g. ut se occulteret ab hoste; vel quia alia ueste caret; vel ob honestam suū vel alterius oblectationem aut representationem, ut in comedijis. Idem est, si fax-

R. P. Stoz Trib. Panit.

mina ueste virili utatur. Laym. l. c. Less. n. 114, Navar. c. 23, Man. n. 22.

514. *Choreas ex quadam levitate, & vanitate duxi semel.* Hoc peccati venialis limites non excedit: imò choreas ex se non sunt illicites, nec actus libidinis, sed lætitiae. Possunt tamen fieri male, & peccata mortalia. I. si fiant cum periculo, vel ex intentione alicujus inhonestatis, in se vel in alio procurandæ, aut exercendæ: quæ exprimenda est, qualis ea fuerit, oscula, an tactus turpes &c. II. ratione alterius circumstantiae specificæ; vel loci, ut si fiant in loco sacro, v. g. templo; vel temporis, ut si fiant tempore, quo divina officia peraguntur, & ab ijs abstrahunt: vel personarum, utsiā Clericis exercentur, quibus jure communi prohibitæ sunt, & speciatim à Concil. Trident. Sess. 22, c. 10. & Sess. 24, c. 12. vel denique ratione modi, si nimis hic sit impudicus & lascivus. Pill. tr. 30. n. 222. De reliquo rustici diebus testis & Dominicis à choreis non sunt prohibendi: tum quia eas ducunt ad vitandum orium: tum etiam quia serviant ad honestam oblectationem, & benevolentiam inter adolescentes & puellas in ordine ad matrimonia contrahenda conciliant. Tollendi tamen sunt abusus, & modestia, quantum potest, procuranda; sic enim tolleretur & id, quod Tann. T. 3. D. 4. q. 5. n. 123. graviter de choreis pronuntiat, nimis eas viam sternere diabolo ad homines seduccendos ad magiam.

515. *Ad turpia rīs quater.* Effundere se in ictum perulantem & effusum, peccatum est veniale, etiam cum ea, ad quæ quis rideat, sunt turpia; ut si quis rideat, ne

O o

inur-

in urbanus videatur, aut jocosis dicterioris & convitiis exprobretur; vel etiam modus narrandi sit lepidus & artificiosus, & risus ex hoc potius modo, quam ex ipso objecto narrato oriatur. Potest tamen fieri mortale, vel I. ratione scandalis, si nimis persona sit talis, ut risu suo videatur verbis turpibus auctoritatem præbere, eaque approbare. II. ratione adjunctæ delectationis venereæ & complacentiae in rebus turpibus; vel, etsi hæc absint, rideat tamen, ut videatur turpibus detitus, ob idque magni fieri aut laudari velit: gloriam enim querere & admirare ex remortali ter mala, mortale est. Sanch. l.9. de matrim. D. 46. n.38. Castus vero animus hujusmodi narrationibus & jocis, quamecumque alias excusari possint, sciens & volens nunquam delebetur.

516. *Somno immoderatè induisti te.* Et somnus immoderatus ex te sit tantum veniale peccatum, Bonac. de pecc. D. 2. q.3. p.3. n.8. poterit tamen fieri mortale ratione temporis, ut si dormias, cum Sacrum, quod est ultimum, audire debes, & te voluntariè ad somnum illo tempore capiendum disponas.

517. *In potu (vel cibo) sumendo excessum levem commisi quater: gravem semel.* Hoc spectat ad vitium Gulæ, quæ est inordinatus appetitus, & usus cibi & potus. Cibus & potus ad corporis sustentationem ordinantur; quando igitur ista sumuntur propter hunc finem, modo & circumstantiis debitiss, non est vitium, sed potius virtus: quando vero aliquid eorum prætermittitur, inordinatio fit, & vitium Gulæ, committiturque quinque modis, qui hoc versiculo continentur.

Præproperè, lautè, nimis, ardenter, studiosè.

Nam excessus spectari potest, vel circa ipsum cibum, vel circa illius sumptionem. Et circa cibum quidem potest esse excessus I. ratione substantiæ; cum pretiosiores cibi, quam statui convenienter, appetuntur: quod indicatur voce laute. II. ratione qualitatis; si nempe in condimentis, & studio præparandi est excessus, ut si nolis comedere, nisi multo saccharo, vel succis variis conditum sit: hoc indicat vox studiosè. III. ratione quantitatis; cum nimium comeditur, & bibitur, id est, plus quam natura ferat, & exigat: qui modus est frequentissimus, & indicatur voce nimis. Circa sumptionem ipsum potest esse excessus. I. Ratione modi, ut si quis voraciter comedat, cibos non mansos devorando, seu ingerendo, ut canes solent; quod significat vox ardenter. II. ratione temporis, videlicet debitum tempus præveniendo, vel etiam sèpius, quam deceat, comedendo, quod indicat vox præproperè.

518. *Ceterum Gula est ex se peccatum tantum veniale:* potest tamen fieri mortale in his fere casibus. I. si quis Gula causâ violet jejunia Ecclesiar. II. si quis ex Gula notabiliter ineptus fiat ad functiones, ad quas sub mortali tenetur. III. si quis valde graviter noceat valetudini, id advertens: fecus, si leviter tantum, ut si febricitans haustu aquæ morbum augeat. IV. si cum scando proximifiat: unde illud 1. Corinth. 8. si esca scandalizet fratrem meum, non manducabo carnes in æternum, ne fratrem meum scandalizem. V. si ex quantitate vel qualitate cibi sumptu probabiliter prævideatur

erit secuturum peccatum, ut si experientia noſſes, te inde ad turpia extimulari & consentire. At si omnino conſideres, te non conſensurum, & nihilominus ex ſoliuſ Gulæ affeſtu velcereris, non eſſet mortale. Imò ſi quis ex certo genere cibi aut potū puret ſe in ſomniſ paſſurum pollutionem, non peccat mortaliter, ſi cibo illo utatur; ſed non hoc fine, nec ſit periculum conſensuſ ad delectationem. Tolet. lib. de ſeptem peccatis. cap. 6. Less. I.4. c.3. d.1. n.7.

519. Gula duas ſub ſe ſpecies continent, quarum una conſiſtit in immoderato cibi uſu, & vocatur *Commefatio*, ſeu *Crapula*: altera verò in potū immoderato uſu, di- citurque *Ebrietas*, & proprie conſiſtit non in defectu uſu rationis, per nimium potum inducتو (hic enim effectus potius eſt peccati, quām peccatum ipsum) ſed in iſpa potatione eum effectum inducen- te, & ſic deſcribitur: eſt excessus in potu voluptatis cauſā uſque ad violentam uſu rationis privationem. Alia eſt per- fecta; imperfecta alia. Illa eſt, cum uſu rationis plenè ſopit̄, ſeu cum proxima potestas utendi ratione ad omnem ſubitam neceſſitatē adimitur: &, ſi voluntaria ſit, eſt quidem graviter mala, non tamen ira, ut nullo unquam cauſa ſit licita, ut Less. I.4. c.3. d.4. n.37. oſtendit. Iſta verò eſt, cum ratio non ita plenè ſopit̄. Unde ſi quis poſt potum adhuc poſſit diſcernere inter bonum & malum, licet phantasia nonnihil turbetur, lingua titu- bet, pedes vacillent, oculi videant dupli- cia, vel domus videatur gyrari, non eſt plena ebrietas, ſed peccatum tantum ve- niale. Sed & *Crapula* non eſt niſi ve- niale peccatum: poſteſt tamen fieri mor-

tale, ſi valetudo inde graviter laedatur. Non censetur verò gravis laefio, ſi poſt ci- bum poſtūmve immoderatē ſumptum ca- put vel ſtomachus poſtero die nonnihil doleat. Porro ex dictis breviter

520. Patet, inordinationem ſeu ex- ceſſum in quantitate cibi aut poſtū fieri gravem, ſi ſit nimius, pertingens videlicet uſque ad perfectam ebrietatem, vel ad grave valetudinis detrimentum; leuem verò eſſe, ſi ad neutrū perveniat; reliquos verò excessus communiter veniales reputari, niſi alia adveniat circumſtantia; ut ſi quis aliiquid ante Communionem co- medat, vel bibat: quod eſt (niſi neceſſi- tas excufet) peccatum mortale non tam in genere Gulæ, quām factilegi. Illud tamen hic obiter adverte, eum, qui in po- tu excessit, melius ſuum peccatum nomi- ne Ebrietatis explicaturum: ſic ergo talis dicet: *Perfeclē* (vel imperfeclē) me inebriavi ſemel. In loco non com- petenti bibi (vel comedи) ter: v.g. in templa, in foro, in ſchola &c. hoc enim, ſi non fiat ex affeſtu Gulæ (ut quia non po- reſt diſſerre, uſque dum veniat do- minū) non inducit inordinationem con- tra abſtinentiam, ſed contra religionem vel modestiam. Less. n.5. & alii. Tempore non congruo comedи (vel bibi) bis: v.g. ſub rebus diuinis. Hoc quoque magis Religioni vel alteri cuipiam virtuti, quām abſtinentiæ adverſatur.

521. Jejunium violavi graviter ſemel: leviter quinques. Jejunium Ecclesiasti- cum (de hoc enim hic lemo eſt) conſiſtit in tribus. I. In unica per diem refectione: qua debet eſſe iuſta; qualis non eſt, qua conſtat ex ſolo pane, vel ex oleribus & fructibus, ſed ex aliis quoque cibis ma-

gis nutritiis, maximè si vinum vel cerevisia desit. Quod verum est etiam respetu eorum, quia loqui toto anno ordinariè non solent pro victu habere nisi panem, fructus, vel olera. Pasqual. *decif.* 279. Requiritur autem ea saltē ciborum quantitas, ut omnia, quæ quis pro una refectio[n]e habet, adæquent tres circiter libras. II. In abstinentia à certo ciborum genere, nempe à carnibus. III. in observanda refectio[n]is hora, quæ nisi consuetudo loci aliud ferat, est circa meridiem: hæc tertia conditio non ad substantiam jejuniæ, sed solum ad circumstantiam spectat.

522. Obligat hoc præceptum omnes, qui vigesimum primum ætatis annum expleverunt, quamecumque alioqui robusti sint: cum enim Ecclesia hoc adolescentibus indulserit, quia indigent infra illud tempus alimento multiplicato ad necessariam nutritionem & vires comparandas, voluit, ne serupulis omnia implerentur, certum tempus, quo ea obligatio stringeret, determinare. Computatur autem dies jejuniæ ab una media, usque ad alteram medianam noctem. Sed modò dubium est, an hoc fiat vel ad primum statim iustum horologii, vel ad ultimum. Et Bresserus quidem *de Consc.* l.4. c.11. n.107. apud Dianam *in summa v. Jejunium.* n.2. putat, horam durare moraliter usque ad ultimum istum horologii, sed ad primum terminarilongè melius statuunt alii, adeo quidem, ut Lugo *de Eucharist.* D.1. f.2. n.37. rectè existimet, horam terminari ad primum quadrantem, ubi ad pulsum horarum præmitti solent quadrantes. Qui eam ætatem implet in ipsa die jejuniæ, v.g. circa meridiem, tenetur juxta Sanch. l.2.

de Matrim. D.24. n.23. & alios jejunare, si ante meridiem necdum bis comedit, at probabilius est, illa die eum absoluere adhuc liberum esse à jejunio, licet summo mane, imo statim post medium noctem eam ætatem complevisset, & ipse adhuc nihil comedisset; quia præceptum jejuniæ respicit totam diem, & non tantum unam illius partem. Tamb. *in Decal.* l.4. c.5. §.7. n.2. Sancius *in selett.* D.34. n.4. Dian. p.1. tr.9. R.49. Qui post adhibitam diligentem indagationem adhuc dubitat, an vigesimum primum annum compleverit, non tenetur jejunare, qui est in possessione suæ libertatis. Pasqual. *decif.* 255. & alii communiter. Sed & Senesratione ætatis à jejunio excusantur: & quidem si viri sint, sexagenarii, licet adhuc robusti sint & vegeti. Sanch. l.7. *de Matrim.* D.32. n.17. Sancius n.8. Tamb. n.1. & alii: estque hæfentientia magis conformis temporis & insbecillitati humanae, & à scrupulis, quibus contraria exponi, remota. Ratio est: quia ab anno sexagesimo natura & vires decrescent: ergo cum indigeant restaurazione pericibus, nemo sexagenarius potest sine notabilidamno, vel ejus præsenti periculo jejunare. Sed feminas, utpote debiliores, cum sunt quinquagenarie, à jejunio excusatas esse probabile judicat Sanch. l.c. Sancius n.11. licet ipsi probabilius esse dicant, eandem in hoc puncto feminatum conditionem esse, quæ est virorum.

523. Jam qui intrahos duos ætatis terminos constitutisunt, tenentur jejunare, nisi justam habeant causam, quæ eos excuteret. Qualis est I. infirmitas, quem non debet esse gravissima: sufficit, si sit notabilis. Hoc titulo excusatorem

etiam convalescentes, debiles, prægnantes, lactantes. Qui cibos quadragesimales jam dudum est expertus sibi noxios esse, non tenetur iis amplius vesci, nec in reliquis Quadragesimis periculum facere: alioqui elus carnium in præservationem nunquam erit licitus. Sancius D. 51. n. 9. Dian. p. 3. tr. 5. R. 70. §. Notandum: II. labor corporalis, si sit gravis, id est, talis, cum quo jejunium ordinari servari non possit, nisi difficulter. Hoc titulo excusantur agricolæ, fabri lignarii, ferrarii, scrinarii, murarii, camentarii, bajuli gravium onerum, sutores si laborent (nam si non suant, sed tantum scindant corium, & materiam præparent, non sunt ex hoc titulo excusati) universum mechanici artifices, quorum opificia sunt valde laboriosa. An autem his sartores quoque sint adnumerandi, dubium est: aliqui & hos alege jejunii eximunt propter bullam Eugenii IV. apud Navar. in Man. c. 21. n. 16. ubi indiscriminatim declaravit, artifices mechanicos non comprehendendi hac lege. Et ideo etiam exculari possunt famuli & ancillæ, non tantum cùm graviores labores domesticos peragunt, ut sunt purgare stabula, portare ligna, verrere domum; sed etiam cùm nent, vel fila ductant, vestes conficiant tota die, vel saltēt maiori illius parte: quia etiam isti mechanici adaumerantur debent. III. Labor quoque animi excusat à jejunio, si gravis sit: per eum enim valde consumuntur spiritus. Cùm ergo ab his spiritibus pendeant vires corporis, fieri sepe potest, ut plus fatigetur corpus per laborem animi, quam per laborem corporalem. Hoc titulo excusantur concionatores, qui tota Quadragesima quotidie vel saltēt ter in hebdomada

made concionantur: imò universim nullus ea die, quā concionatur, uti nec pridie tenetur jejunare. Non pridie, ne perdat vires ad concionandum necessarias; non ipsa die, propter laborem corporis & animi in concionando. Pasqual. deoif. 66. & alii. Eodem titulo excusantur Preceptores, qui quatuor vel quinque horis quotidie docent. Imò & scribæ, notarii, & secretarii, qui tota die scribere debent. Labor enim scribendi, præsertim diutinus, est valde gravis: quo modo videtur etiam excusandus, qui in typographeo, et si non verset prælum (qui apud omnes excusantur) tamen tota die vel majore illius parte colligit & disponit literas æneas ad typum: nam iste est quasi scriba. Ministri quoque & Lectores mensæ, et si à jejunio non omnino excusentur, posunt tamen ante mensam cibum sumere; & quidem non solū modicum, sed etiam quantum volunt, si quidem post peractum ministerium & lectionem sint & ipsi statim mensæ accubituri; quia illa antecedens, & hæc subsequens comedunt moraliter una, ob officium ministrandi vel legendi interrupta ex justa causa. Less. I. 4. c. 2. d. 2. n. 11. Alii permittere his lectoribus & ministris parvum aliquid cibi ante mensam ad vitandam debilitatem & officium melius peragendum. Sed quod dixi, est universalius & liberius. IV. Iter pedestre, non quidem per tres dunrata vel quatuor horas peragendum, (nisi labor subsequens sit gravis) sed vel per totam diem, vel majorem illius partem. Fill. tr. 27. p. 2. n. 1222. De itinere equestri est paulo major difficultas. Sed & hoc, si sic longius ad aliquot dies, excusat Fill. I.c. si verò sic breve,

v.g. unius tantum diei, non excusat propter constitutionem Alexandri VII. quâ non paucas sententias justò laxiores damnat. Idem judicium esto de itinerantibus in curru vel lectica: nam & hoc item si longius sit, solet inducere debilitatem, & defatigationem. V. dispensatio, quam dat Papa pro tota Ecclesia; Episcopi pro sua Diœcesi; Prælati Regulares pro suis subditis. Fill. n. 126. Parochus item pro suis Parochianis, etiam cùm facilis est accessus ad Episcopum. In casibus enim frequenter occurtere solitis conveniens fuit, hanc Parocho potestatem committere. Quando causa est evidenter justa, nulla est opus dispensatione; si non sit certa, consuluntur viri docti, ut Professores casuum, Doctor Theologiae, Confessarius & Medicus: si aliquis horum dicat, causam esse sufficientem, non requiritur dispensatio: si causa adhuc dubia sit, recurratur ad superiorem pro dispensatione. Fill. n. 128. ex communis. Et si autem nec Medicus, nec Confessarius ob defectum jurisdictionis possit in lege jejunii dispensare, potest tamen declarare, cautam, qua prætenditur, sufficere.

524. Quoniam ergo constat de substantia & obligatione jejunii, graviter contra eam peccat. I. qui sumit duplum refectionem, eamque juxta dicta n. 521. justam. Solâ secundâ comeditione peccatur, non autem reliquis supra secundam, si quidem cibi sint legales, id est, àlege permissi. Less. d. 3. n. 15. Bonac. dejejun. q. 1. p. 3. n. 7. Laym. l. 4. tr. 8. c. 1. n. 13. & alii. Nam de comeditione carnis est alia ratio, ut mox dicetur. Nomine autem refectionis non intelligitur

Collatiuncula Vespertina, quæ, ut apud Dian. in summa V. jejunium. n. 59. vide. re est, quarti vel quinta integræ cœni parte, hoc est duobus vel tribus quadrantibus librae, taxari solet. Fagund. in 4. precept. Ecol. l. 1. c. 1. n. 13. Tamb. in Decal. l. 4. c. 5. §. 3. n. 1. Diana p. 1. tr. 9. R. ubi ait, hanc opinionem expansis bra. chiis amplectandam esse. Et possunt in hac quantitate collationem nocturnam facere omnes, sive ampliâ, sive modicâ cœnâ utantur; sive robusti sint, sive valetudinarii, sive iis octo uncii fames extinguatur, sive non: ita enim prudenter introductum est pro praxi, ne scilicet paulò religiosiores & timoratores scrupulis exponantur. Neque verò hæc quantitas ad bilancem ponderanda est; non enim mathematicè pondus judicandum est, sed moraliter, paulò plus, vel minus. Unde non essent damnandi peccati mortalis, qui eam quantitatè parvum excederent, addendo unam vel alteram unciam: esset enim materia parva, & ad mortale non sufficiens. Pellizarius, Leander apud Dianam p. 9. tr. 6. R. 15. iisdem consentientem. Paulò majorem quantitatem pro collatione pridiana Nativitatis Domini admittunt Dian. p. 9. tr. 6. R. 17. Tamb. §. 4. n. 7. & 8. & alii. Imò & in Vigilia Paschatis & Pentecostes, ubi legitima consuetudine introducta est, eadem benignitas locum habet. Tamb. n. 7. Neque refert, cujus qualitatis cibi (modò esuriales sint, nec in quantitate fiat excessus) adhibeantur. Bonac. n. 3. & alii. Sed nec collatio pomeridiana vetita est, quæ in aliquibus Communiatibus ratione haustus etiam à timoratis interdiu sumi solet, consuetudine & superioribus ita per-

permittentibus ; admittit duas circiter uncias : habet enim ista se aliquo modo ad Collariunculam nocturnam, sicut hæc ad refectionem meridianam: ac proinde sicut ex hac pro collatione nocturna sumi potest quarta circiter pars , quæ censetur esse octo circiter unciarum; ita etiam ex collatione nocturna potest pro pomeridiana adhiberi quarta circiter pars, quæ censetur esse duarum circiter unciarum. Certè hanc qualitatem haber quoque Buss. l.3. tr.6. cap.3. dub.1. n.3. cum Dian. & aliis pro parva ; idque etiam dicetur infra n. 529.

II. qui per intervalla &c.

tantum comedit, ut æquiveat justa refectioni , vel magnæ ejus parti ; illæ enim sepius repetitæ comediones coalescent in unam , & constituunt materiam gravem, ad peccatum mortale sufficientem. Less. d.2. n.11. & reliqui communiter. III. Qui vescitur carne in notabili quantitate sed hic talis non satisfacit dicendo :

525. Fregi jejunium : sed debet addere : eſu carnium in quantitate notabilib[us]. Toties enim peccat mortaliter, quoties sumit notabilem carnium , aut aliorum , si quæ prohibita sunt , edulorum quantitatem. Est enim præceptum abſtinendi à carnibus negativum , & more aliorum similium præceptorum obligat quolibet momento , deo ut quounque aliquid contra ipsum admittatur, peccetur. Hoc autem intellige de jejunio, quod ex Ecclesiæ præcepto servandum est: si enim sit ſolum vel ex voto , vel ex pœnitentia Sacramentali servandum, ſolum in prima vice , quâ comeduntur carnes, peccatur. Nam in jejunio Ecclesiastico duo principaliter continentur

præcepta, eaque, ut jam memini, diſtincta; unum negativum non comedendi carnes ; alterum positivum, ſumendi ſemel justam refectionem , ſeu potius non bis per legalia: ut inde patet, quod ii, quianum ætatis vigesimum primum nondum expleverunt, teneantur ad abſtinentiam à carnibus , non autem à dupli , vel etiam frequentiori refectione. At in jejunio ſolum debito ex voto aliter contingit : qui enim vovet jejunium, non vovet abſtinentiam carnium per ſe , ſed quatenus includitur essentialiter in jejunio: quare violato ſemel hoc jejunio per primum carnium eſum, cefſat obligatio de comedione intra eandem diem non iteranda. Tamb. in Meth. Conf. l.2. c.4. §.2. n.6. Dian. p.1. tr.9. R.45. §. Notandum. Imò contingere potest, ut neque cum prima vice carnes comedit, peccet, ſi nimirum jam antea ſubtantiam jejunii violarit iterando comedionem legaliū: hac enim ſemel violata præceptum ſervatu est impossibile. At qui jejunium ab Ecclesia præceptum carnium comedione frangit, merito dicitur toties peccare, quoties comedit carnes, propter causam illatam.

526. Ceterum jam diu dubitant DD. quæ hic in comedione carnis materia fit magna ad peccatum mortale ſufficiens : & haec tenus non reſolverunt , contenti, eos , qui hoc indagant, mittere ad vi- rūm prudentem & ejus arbitrium exquirere. Ego, ut in aliis ſimilibus, malo reſolutum judicium vel accipere , vel dare. Et Merolla quidem T.1. D.2. c.4. d.7. n. iii. & Leone qq. moral. de chocolata p.3. n. 3. apud Dianam p.5. tr.5. R.32. putant , eam quantitatem parvam eſſe,

quæ

quæ coco ad gustandum, & libatoribus Principum ad assecurandum sufficit, ut adeo illa, quæ hac major est, censenda sit magna, & ad constitendum mortale peccatum sufficiens. Verum si hi loquantur de uno duntaxat cibo gustando vel libando, utique nimis sunt rigidi: quis enim credat, id, quod tantillo carnis majus est, esse tam grave, ut gehennam mereatur, qui id sumit; vel si loquantur de singulis cibis, sanè non adeo modicum tandem erit, quod fuit gustatum vel libatum, maximè si multi cibi gustandi sint vellibandi. Quare ergo ex Merolla & Leone, an tota illa materia, quæ ex pluribus illis modicis coaluit, sit magna & sufficiens ad peccatum mortale, vel non? Illud non dicent hi auctores; vel si dicant, dum è peccati mortalium barathro volunt eripere bonos coquos & Principum pincernas, eosdem in illud precipitant. Ergo dicant, necesse est, adhuc parvum esse, & consequenter non materiam peccati mortalis, quod ex illis modicis est compositum. At tunc satis erunt liberales, & viam sternet ad mentem nostram lubentius aperiendam.

527. Mihī, qui hæc scribo, placuit olim dicere, medium circiter libram esse magnam materiam; parvam, quidquid infra illam est. Et hoc ideo, quod de mente legislatoris tam benignè, quam potest, presumendum sit; neque adeo existimandum, illum ita voluisse constringere conscientias, ut peccati mortalis se obstringerent illi, qui non tantum carnis comedenter, quantum in justo prandio sufficeret iis, qui carnis moderatè vesci solent: hoc autem esse medium circiter libram, videtur ostendere

communis praxis fidelium, præsertim regularium, qui pro consueto prandio majorē quantitatē non adhibent, nec facile multò minorem: quod autem hic quantitate minus est, tam parvum esse judicavi, ut ad mortale non sufficeret. Et ad hoc confirmandum usus sum exemplo voti de abstinentia à vino; de quo supra n. 350. Sed hæc opinio, ratiocinata, modò non placet; cùm videatur esse æquo laxior. Votum abstinentiæ à vino non videtur hic accommodatè adduci: quia Ecclesia in jejunio principaliter tanquam finem spectavit macerationem corporis, adeoque abstinentiam ab iis, quæ ad corpus bene nutritiū faciunt: cui quidem fini non obstat usus vini, utpote per se non nutritivus, sicut obest eius carnis per se & ex natura sua satis nutritivæ. Unde non est mirum, quod in assignanda quantitate carnis non eodem modo discurramus, quo in quantitate vini respectu voti.

528. Ut ergo fratum nec nimium laxamus, nec nimium adstringamus, media quæ via incedendum erit inter nimis rigidos & paulò laxiores; & ne scrupulis locum demus, si cujusque prudenti judicio juxta proprias corporis vires quantitas illa definita committatur, determinandum, quæ de numeris materia sit magna, quæ parva: in quo tamen ipso semper oportet respicere ad dictam Ecclesiam, imò etiam ipsius Christi bonitatem & benignantem, cui utique longè consonantius est, si dicamus, Ecclesiam nolle æternæ pœnæ reum constituere illum, qui die verito tam parvum carnis comedit, ut media libra multò minus sit: nec Christum dedisse Ecclesiam tantam potestatem, ut tam par-

vam

vam materiam sub gravis culpæ reatu prohibere queat. Itaque existimo, eam quantitatem, quæ dimidiam partem quadrantis libræ , seu 4. Lott ferè exæquat, iussicere ad peccatum mortale; eam verò , quæ hac notabiliter minor est, peccati venialis limites per se, & secluso scandalo non excedere : sic enim & gravitati legis etum carnium certis diebus prohibentis , & Ecclesiæ benignitati videatur esse satis consultum ; nec ostium apertum ad periculosam, imò & damnablem conscientiarum laxitatem introducendam. Evidem, ut verum fatear, pro hoc dicto nullum possum producere Autorem, sed frangenda demum glacies in his prælertim materiis , quæ admittunt peccatum veniale ex parvitate materiæ: & aperte dicendum, quod occulte in sacro Pœnitentiæ Tribunal decernendum est. Si quis enim le præcisè accuset, quod comedendo carnes jejuniū violaverit, Confessarius nondum scit, (quod tamen velut Judex ex officio saltem regulariter scire debet) an pœnitens peccaverit mortaliter, vel venialiter: debet ergo in hoc secreto foro judicium sibi formare , quæ materia magna sit , quæ parva. Quod igitur hi privatim sentiunt; quid est, quod in publicum proferrere refusant: cum enim in aliis similibus materiis v.g. furtis , neglectu in horis canoniceis &c. eam materiam determinant: cur hic sunt tam seu scrupulosi , seu timidi?

529. Jam verò jejuniū leviter censetur violare. I. qui horam refectionis ordinariam sine justa causa, etiam notabiliter prævenit. Bonac. de jejuniis. p. 4. n. 3. Leff. I. 4. c. 2. d. 2. n. 13. Et alii.

E. P. Stoz Trib. Pœnit.

Quodsi autem subsit aliqua justa causa anticipandi , nullum omnino est peccatum. Bonac. Leff. II. cc. II. Qui ex ea consueta tempora aliquid in modica quantitate sumit, v.g. parum carnis aut ex aliis cibis quartam partem vespertinæ collationis, unam & duas uncias. Hæc autem omnia intelligenda sunt de eo, qui tenetur jejunare: alias nihil eorum, præter etum carnium , aut aliorum ciborum specialiter vetitorum , ad peccatum imputabitur.

530. Opus pœnitentiæ indiscretè feci bis: v. g. contra consilium Confessarii indiscretè me flagellando, cilicium satis asperum dies noctesque gestando &c. Hoc est peccatum veniale: nisi excessus tantus sit, ut notabile corpori nocumentum inde adferatur.

531. Legi librum hereticum semel. Cum Ecclesia id vel maximè spectet, ut Catholica fides in suis subditis integra & inviolata conseretur , meritò id omne, quod huic integratati nocere potest, procul abesse jubet. Et cum inter hæc lectio librorum hereticorum non occupet ultimum locum , idcirco eam , si libri de Religione tractent , aut heres in contineant , in Bulla , quam Cœna Domini vocant , sub pena excommunicationis latæ sententiae , & Summo Pontifici reservatae prohibet , & quidem omnibus fidelibus infra Pontificem , cujuscunque demum statu sunt aut conditionis, adeo ut ab hac obligatione nec ipsi heretici excipientur , cum sint subditi Ecclesiæ. Suar. defide. D. 6. f. 2. n. 26. Palaus tr. 4. defide. D. 2. p. 10. §. 3. n. 1.

532. Duo autem in præsentia spectavit Ecclesia , ita ut utrumque seorsim,

Pp

velut

velut finem adæquatum, intenderit: unum est, ut paulò antè dictum, perversionis periculum, quod incurrire possunt, qui ejusmodi libros hæreticos legunt: alterum est, detestatio hæretici Auctoris, cuius memoriam in odium hæresis ne in libris vult extare. Et licet prior finis quandoque in particulari verè cesseret, & idcirco præcisè ex hoc capite lex non videatur ligare (nam, quæ est communis & recepta doctrina, legis cessat obligatio triam in particulari, si finis quoque adæquatus cesseret) nihilominus alter finis semper manet, atque adeo etiam lex adhuc obligat. Unde et si aliquis videatur sibi in fide tam firmus esse, ut nullum ipse perversionis periculum timeat, adhuc teneatur ab ea lectione abstinere. Dian. p. 6. tr. 6. R. 49.

533. Libri autem, qui hac constitutione continentur, sunt omnes & quicunque ab hæreticis, etiam de Religione non trahentes, historici, poëtici, juridici, philosophi, si vel unam tantum contineant hæresin. Suarez. T. 5. D. 21. n. 10. Sanch. l. 2. Mor. c. 10. n. 34. Laym. l. 2. tr. 1. c. 14. n. 4. Bonac. de Cens. D. 2. q. 5. p. 4. n. 20. & alii. Nam in primis qualiscunque sit liber ab Auctore hæretico conscriptus, semper in illo repetitur alter prohibitionis finis, qui est odium & detestatio Auctoris; & videtur esse conformius regulæ secundæ Indicis: deinde in Bulla disertè distinguitur: si aut liber hæresin contineat, aut de Religione tractet, (intellige ex professo) et si totius libri argumentum non sit de Religione. Sanch. l. o. v. g. de materia Theologiae seu scholasticæ, seu moralis, ut de mysterio SS. Trinitatis, de prædestinatione, de

Sacramentis, de moribus &c. in alternativis autem sufficit alterutrum versificari.

534. Verùm Laym. n. 4. testatur, constitutionem illam bullarem in tanto rigore in nostris septentrionalibus partibus non esse receptam. Non enim libri medici, juridici &c. ab hæreticis facile ita eduntur, ut nullam penitus hæresin continant, tamen passim in Catholicorum bibliorhecis publicè asservantur, passim in manibus eorundem versantur, teruntur, & leguntur. Unde multò minus censendum est, eosdem libros, si nulla penitus hæresis iis inspersa sit, in iisdem prohibitos esse. Hinc tamen idem Laym. excipit, & meritò, historicos, quorum præcipuum studium est, Catholicam Religionem, seu Romanam Ecclesiam, statum Monachorum, & Clericorum convellere, & traducere, ut Sleidanus, Aventinus, Münsterus & similes fecerunt.

535. Ceterū, qui prædictos libros scienter legunt, peccant mortaliter, si materia sit notabilis, ut desumitur expena, quā ii lectores afficiuntur: est enim gravissima, & supponit peccatum mortale. Possunt tamen excusari, si materia sit parva: si enim in aliis rebus parvitas materia à mortali excusat, cur non etiam in hac? sed quæ sit materia parva, Auctores, ut in similibus solent, sunt valde diversi. Toletus l. 1. c. 19. §. sextum genu. vult unam vel alteram lineam sufficere, ed quod perfecta hæresis etiam in uno versu contineri possit. Verùm hoc est nimis rigidum: nam lex, præterim penalis, id spectat, quod plerumque, non quod raro usuvenit: plerumque autem extam modica lectione nullum oriri potest.

test periculum. Croulers in *Reg. S. Francisci. c.7. lec.5.* apud Dian. in *Summa V. hæretorum libri. n.39.* tantam libri pattem, quæ per se sumpta verè possit nomine libri venire, sufficere ad mortale, & quod infra est, ad veniale. Sed hæc sententia uti que nimis laxa est, & minimè toleranda. Manuel, Vivaldus, & Sa apud Sanch. n.31. putant, paginam integrum etiam majoris voluminis, sive in folio impressi, esse materia in sufficientem ad peccatum mortale, non autem quod est infra: quod ipsum etiam Sanch. probat. Sed Laym. id non concedit, licet fateatur, confessatio posse ad hoc servire, ut non statim damnet peccati mortalis, & excommunicationis eum, qui bono fine, vel etiam ex curiositate unam paginam legit. Sed si vim hujus dicti bene perpendo, Laym. verè est in sententia Sanchezii, quam tenet etiam Palaus. *T.1. tr.4 D.2. p.10. §.2. n.6.* relatus à Tamb. in *Decal. l.2. c.1. §.7. n.4.* ubi sententiam hanc idem vocat probabilem.

336. Nomine verò libri non venit quodlibet schediasma, aut epistola; imò nec concio, aut alia papyrus hæretici soluta, & nondum in tractatus formam redacta: quia hæc communi, & usitato loquendi modo non vocantur libri. Sanch. n.29. Sed ego judico de concionibus alter esse sentiendum: quia communiter per modum tractatus apologetici ad confutandam Catholicam, & stabilendam hereticam Religionem eduntur. Similiter & solum proæmium, quo materia libri & mens auctoris explicantur, vel epistola ad Lectorem, vel index summam in libro contentorum complexus cadit sub hanc prohibitionem, neque adeo

possunt innoxie legi. Sanch. n.30. Laym. n.3. & alii. Nec refert, an libri sint jam impressi, vel manu scripti tantum, si enim licitum esset, librum nondum typis impressum legere, facilè elideretur gravissima & sanctissima lex de libris hæretorum non legendis. Sanch. n.28.

337. *Iusti alterum mihi prelegere librum hæreticum bis.* Etsi non defint, qui existiment, eum, qui mandat lectiōnem libri hæretici, incurrire censuram. Suar. de fide. D. 20. f. 2. n.19. Laym. n.6. & alii, quos refert, & sequitur Diana p.1. 17. n. R.33. quia si rem moraliter aestimemus, talis mandans censetur verè legere librum, quanvis per alterius ministerium; valet nimis hinc tritum illud: quod quis per alium facit, per se censetur facere. Nihilominus Palaus n.4. Sanch. n.48. Fill. tr.16. c.2. n.45. & tr. 22. c.7. n.207. Coninch. de fide D.18. d.11. n.178. Tamb. n.32. & alii plures melius negant, quia verbalegis penalis non sunt ultra propriam & strictam significationem extendenda: audire autem non est legere. Nec refert, quod alter mandaverit, ut legeretur: quia cum lex prohibet actionem aliquam, & non addit extensiō ad facientem per alium, restringenda est ad facientem per seipsum; & ad consulentes, mandantes & similes, nisi exprimantur, non est extendenda, juxta illud, odia sunt restringenda; & in odiois benignior interpretatio facienda: alioqui si quilibet prohibitio etiam ad mandantes spectaret, frustra aliquando exprimeretur, aliquando non: in proposito autem lex, quā lectio Librorum hæretorum prohibetur, mandantium, aut consulentium non meminit. Unde

Pp. 2 patet,

pater, adductam regulam in odiosis non semper valere. Et si autem talis mandans non peccet legendo; nec incurrat penas legentium libros hæreticos; peccat tamen graviter peccato scandali, inducendo alterum ad eam lectionem, modo inductus iste sit gnarus idiomatis, in quo liber scriptus est: hic enim verè communicat per eam lectionem cum hæreticis: si autem idiomatis illius sit ignarus, statim dicetur, quid sit sentiendum.

538. *Ex mandato Domini mei prælegi ipsi librum hæreticum bis.* Mandatarius hic vel intelligit idioma libri, vel non, sed iphius planè est ignarus. Si I. extra controversiam est, eum incurrere censuram, si quidem secluso metu gravi, & ignorantia faltem invincibili eum librum legerit. Si II. Bonac. *de censuris D. 2. q. 5. p. 4. n. 14.* & alii existimant, talem adhuc incurrere censuram, quia Ecclesia in sua illa prohibitione non finem, sed factum spectavit: vel si etiam finem spectavit, is adhuc locum habet: nam Ecclesia absolutè prohibuit eam lectionem, idque in odium & derestationem hæresis; nec distinxit, esse ne lectio formalis, an verò solùm materialis. At verò famulum linguæ, quâlibet, quem legit iussu Domini, scriptus est, prorsus rudem, non incurrere censuram, docent. Suar. n. 18. Palau. n. 2. Fill. tr. 22. n. 207. Tamb. n. 31. & alii. Quia cùm Ecclesia prohibuit lectionem librorum hæreticorum, prohibuit veram & formalem lectionem, quæ posset esse communicativa cum hæreticis in doctrina; qualis non potest esse lectio merè materialis: hic enim est finis istius prohibitionis, quem Ecclesia præcipue spectavit, non merum

factum. Odium verò & derestatione hæresis extendit se ad communicationem cùm hæreticis, qualis in praesenti nulla est. Nec refert, quod Ecclesia non distinxerit inter lectionem materialem & formalem: nam terminus æquivocus accipiendus semper est in propria significatione, nisi forte verba adjuncta aliud suadeant. Unde cùm nihil sit, quod vocem *Lectio*, quæ est æquivoca, etiam ad alienam & impropriam significationem determinet, existimandum est, eam ab Ecclesia sumptam esse in sua propria significatione, quâ veram & formalem lectionem significat, & in ea primò fuisse prohibitam: & hoc ideo, quod hæc sola, non autem lectio materialis, sit communicativa cum hæretico, & in hæresi induciva: cum autem ratio legis statim à sui principio casum aliquem non comprehendit, nec lex aut ejus pena cum comprehendet. Sanch. l. 2. de Matrim. D. 37. n. 3.

539. *Librum hæreticum per aliquot dies retinui semel.* Prohibita est eadē constitutione etiam retentio librorum hæreticorum: pater ex textu Bullæ, cuiusfinis est, ut dicti libri non conserventur, sed destruantur. Violant hanc legem, qui libros hæreticorum sive suo, sive alieno nomine, sive in suis, sive in alienis ædibus retinent; et si nec legant, nec legendi causâ retineant, sed solùm curiositatis, ornanda bibliothecæ, aut permittandi cum libris catholicis, vel confutandi hæreticorum errores. Palau. D. 2. p. 10. §. 2. n. 7. & 9. & alii. Nec excusantur à transgressione hujus legis, quilibet hæreticorum etiam ignoto idioma scriptos retinent. Et habent hic, quod atten-

attendant bibliopolæ , bibliopegi , aromatarii , & similes , qui retinent eos liberos ad vendendum , vel ad compingendum , vel ad aromata , caseum &c. eorum folijs involvenda . Sanch. l. 2. Mor. c. 10. n. 53. Laym. c. 14. n. 7. Et alii. solus enim fuis pro opportunitate illos liberos tradendi excusare potest retinentes . Laym. l. c. Sanch. n. 55. Excusat quoque ab hac censura brevitas seu parvitas temporis : breve autem tempus censetur esse biduum . Palaus §. 2. n. 11. Dian. p. 1. tr. 10. R. 30. Quodsi commoditas tradendi deciderit , & illa absque fraude & negligentia diu expectaretur , non esset locus huic censuræ , quia non dicitur verè retinere contra præceptum Ecclesiæ , qui opportunum tempus tradendi expectat .

540. Periculo peccandi me exposui bis . Periculum peccandi nihil aliud est , quam occasio peccandi : de cuius divisione , & necessitate eam devitandi jam supra dictum p. 2. à n. 81. Hic solum addendum est , quod , cum exponere se periculo proximo peccandi sit peccatum , & quidem , ut Sanch. l. 1. Mor. c. 8. n. 4. cum Suar. quem refert , T. 5. in 3. p. D. 18. f. 3. n. 16. tradit , ejusdem malitia & gravitatis cum ipso peccato , cuius periculo se quis objicit , in Confessione ipsa peccati , eius periculo se quis expoluit , species cum omnibus suis circumstantijs necessariò explicanda sit , si quidem peccatum illud mortale fuerit . Et quidem inter periculum & peccatum ipsum non intercessit mora notabilis (quæ nempe necessaria est ad unum peccatum numero distinguendum ab alio) ea duo , nimurum exponere se periculo peccandi ,

& peccare , unum moraliter peccatum constitutum . Lugo de poenit. D. 16. f. 12. n. 511. Tamb. in Method. Conf. l. 2. c. 7. §. 4. n. 28. Diana in sum. V. circumstantia n. 52. Dicast. tr. 8. D. 9. d. 8. n. 716. proinde non est necesse dicere , v. g. exposui me periculo peccandi , ingrediendo v. g. domum puella , & dein peccavi cum illa , tangendo v. g. turpiter , osculando &c. sed satis est dicere . Tetigi turpiter puerilam , osculatus sum &c. adjecto tamen numero .

541. Quodsi inter ea duo intercedat mora notabilis , duo sunt peccata ejusdem quidem speciei , distincte tamen confitenda . Lugo. Tamb. Dian. Dicast. ll. cc. Quare in tali casu sic se poenitens accuset , necesse est : Exposui me semel periculo ebrietatis , fornicationis , tactuum impudicorum cum puerō : vel cum puella : & me inebriavi semel : fornicatus sum bis : tactus impudicos cum puerō &c. exercuiter . &c.

N O T A.

Si id , ex quo periculum peccandi imminet , peccatum sit , v. g. lectio obscenæ libri , turpiloquium &c. etiam ipsum exprimendum erit in hunc fere modum . Lectione libri turpis periculum turpium , & morosarum delectationum &c. adii : & rebus ipsis turpibus morosè sum delectatus . Explicanda hic quoque sunt peccata , quæ visu , auditu , tactu , lectione librorum obscenorum , aut alter contra castitatem opere externo commissa essent : & exprestè dicendum , quæ intentione v. g. asperges turpia ? an cum desiderio peccandi ? an verò ex simplici complacentiâ circa objectum seu rem vi-

Pp 3

sam ?

nam? item cum qua persona? soluta? an ligata matrimonio, voto castitatis? &c. tandem etiam quoties? ter scilicet, an quinquies? &c. si dubium aliquod occurrat, vel satis quis non intelligat, an malum sit, vel non; candidè & confidenter interrogandus est Confessarius, & ex eo discentia veritas, intra, vel, quod subinde magis expediat, etiam extra confessionem. Vide sup. n. 163.

542. Ceterum audire, legere, scribere, aspicere &c. turpia, est quid de se indifferens, id est, nec malum nec bonum, ac proinde tota istorum honestas vel malitia pendet ex circumstantiis, & fine audiентis, legentis &c. Unde qui talia facit ob finem bonum, v.g. causā studii, necessitatis, aut magnae utilitatis (qualis cernitur in audiētibus confessiones) non peccat: qui vero ob levitatem vel curiositatem, vel valde obiter, & quasi per transennam eadem facit, non est continuo damnandus peccati mortalis, secluso quidem scandalo, & periculo delectationis venereæ; sicut nec qui ob ruborem turpialoquentibus nec contradicere, nec è loco recedere audet: et si ad talia audit a subrideat, vel aliud quid simile faciat. Idem est de eo, qui talia audit, legit, vel scribit & delectatur non tam ipsa re, v.g. audita, visa, quam artificio in ea recepro. Vide cit. n. 163. & seq. Item n. 241. & 515.

543. Monuerimus tamen, eos, quos simile artificium in aliis rebus, præsertim piis, non delectat, meritò sibi posse, ac debere esse suspectos, se non tam ex artificio, quam ex re visa, audita &c. delectationem cepisse, ac proinde peccasse mortaliter. Id quod multò magis verum-

est respectu eorum, quos constat talia solere agere animo verè libidinoso, id est, ad ipsa turpia affecto. Imò absolute, quia talia plerumque solent adjunctum habere proxiimum periculum delectationis venereæ, non facile excusari possunt à peccato mortali, nisi ex gravi causa, vel necessitate fiant. At vero tactus, qui proprius ad libidinem ordinatur, longè difficultius à peccato mortali excusari potest, maxime si fiat in alieno corpore, & partibus, quas natura ipsa tecitas esse cupit.

544. Consummate vero luxuriæ species sunt I. Fornicatio, quæ est naturalis concubitus personæ solutæ cum soluta (hoc est, libera à voto, aut matrimonio) ex consensu mutuo. Una ab altera non differt specie, nisi alia circumstantia specifica accedit; qualis est impotentia frigiditatis juxta dicta p. i. n. 53. Non tamen amissio virginitatis juxta p. i. n. 50. Est mortale peccatum: nunquam potest esse licita; nec de ea inter Christianos dari ignorantia invincibilis. Dian. in sum. V. Fornicatio. n. 4. II. Stuprum, quæ est violenta Virginis oppressio; differt specie moralia à simplici fornicatione propter circumstantiam violentiæ juxta p. i. n. 71. & Tamb. in Meth. conf. l. 2. c. 7. §. 8. n. 56. & alios.

545. III. Raptus, qui est peccatum luxuriæ, quo persona aliqua cum violentia abducitur ad turpem actum cum ea exercendum. Tamb. §. 9. n. 6. Differt à stupro in duobus: in primis quod stuprum sit cum virgine violenter oppressa; raptus vero de quacunque muliere sive nupta, sive innupta; imò etiam (quod turpissimum est) masculo. Tamb. n. 60. Deinde quod raptus præter violentiam dicat etiam

etiam abductionem , & quidem causâ libidinis cum persona abducta exercendâ . Fill. tr. 30. n. 108. Tamb. n. 61. Unde si quis abducat pueram animo duntaxat matrimonium cum ea contrahendi , non est raptus , prout hîc sumitur ; nec si animo redigendi in servitutem abducatur : hoc enim Plagium est , seu furtum hominis , non autem raptus . Less. l. 4. c. 3. n. 66. Sanch. l. 7. de Matrim. D. 12. à n. 30. n. 110. Non autem requiritur ad raptum , ut concubitus re ipsa sequatur ; satis est , eo fine abductam esse fæminam . Less. l. c. Fill. n. 108. & Galii. Differt specie à simpli ci fornicatione propter violentiam , quam haber adjunctam , quæ proinde specia litate est confienda . Sanch. n. 34. Tamb. l. c. quin & à stupro : hoc enim dicit actualem concubitum cum virgine invita ; raptus autem solùm animum exercendi libidinem , et si fæmina rapta non sit amplius virgo , nec concubitus sequatur . Potest adjunctas habere alias malitias v.g. adulterii , fornicationis , sacrilegii &c.

546. IV. Adulterium , quod est inter personas , vel utramque , vel alterutram conjugataim , est peccatum mortale , de quo nemo dubitat , additique supra fornicationis malitiam gravissimam injuriam contra justitiam , etiam cùm , ut Fill. n. 86. notat , matrimonium tantèm est ratum . Si conjugatus peccet cum conjugata , utraque circumstantia est explicanda ; dupli cem enim malitiam injustitiae committit : unam , qui in sua persona peccat , & fidem conjugalem propriam , quam nempe suæ conjugi debet , violat : alteram vero , quia cooperatur cum alia persona , ut & illa in semet peccet , & fidem sui conjugii fran-

gat . Fill. n. 88. Nec refert , quòd quando conjugatus cum conjugata peccat , injuriæ ille non differant ; differunt enim fal tem numero : est autem in confessione etiam numerus peccatorum , non sola species explicanda .

547. V. Incestus , qui est peccatum luxuriæ inter personas conjunctas , vel carnaliter per consanguinitatem & affinitatem ; vel legaliter per adoptionem ; vel spiritualiter per administrationem vel receptionem Sacraementorum Baptismi & Confirmationis , non tamen Pœnitentia , qua ratione hi incestus inter se differant , satis dictum est , p. i. n. 51. & quomodo sint exprimendi in confessione . ibid. à n. 85.

548. VI. Sacrilegium , prout hîc sumitur , est violatio rei sacræ per actum venereum : specialiter repugnat Religioni ; unde & speciatim est explicandum in confessione . Res autem , quæ sic violantur , sunt locus sacer , & persona voto castitatis seu simplici seu solenni (non enim differunt specie hæc vota . Fill. c. 7. n. 124.) ob stricta : qua de re p. i. n. 50. dictum est : quod si utraque persona sit voto castitatis ob stricta , utraque circumstantia est expri menda . Fill. n. 128. (ut suprà de adulterio dixi sicut & alia quæcumque stupri vide licet , adulterii &c. quæ etiam quandoque in sacrilegio reperitur . Fill. n. 136.

549. VII. Peccatum contranaturam , quod est actus , quo semen humanum sine spes futuræ generationis prodigitur . Est peccatum in genere luxuriæ gravissimum . Fill. c. 8. n. 138. habetque sub se tres species , easque non quidem physicæ , sed moraliter recta hominum estimatione distinctas . Fill. n. 142. Earum prima est

Mollis-

Mollities, quæ est voluntaria pollutio, seu effusio seminis extra copulam carnalem causâ libidinis venereæ explendæ. Ea semper est peccatum mortale, nullo unquam casu, etiam causâ valetudinis, aut ipsius etiam vitæ conservandæ licita. Quæ est sententia ab omnibus recepta, & indubitate veritatis. Una ab altera non differt specie, per se loquendo: *Fill. n. 155.* per accidens & ratione personarum, quarum congressum aliquis, dum se polluit, cogitat aut desiderat, induit rationem subinde fornicationis, subinde adulterii, subinde etiam sacrilegii, v.g. propter votum personæ se polluentis, quæ proinde malitia præter ipsam pollutionem specialiter est exprimenda. *Tamb. §. 10.* *Fill. n. 154.* Sed & si quis in semet excitet pollutionem operâ alicujus rei animatae, v.g. viri vel fæminæ, utique hæc personæ circumstantia specialiter est explicanda, non tantum, quia est copula inchoata, & non mea pollutio, sed etiam quia alterius personæ peccato cooperatur: multò magis, si, quod subinde contingit, adjunctus sit affectus erga ipsam personam, eamque vel sexus debiti, (quo quidem casu habet simul malitiam fornicationis, adulterii &c. juxta conditionem personæ) vel sexus indebiti; vel erga partes præposteras sexus debiti: ut sic enim conjuncta est malitia Sodomæ. Quibus verò partibus corporis alieni utatis ad excitandam in te pollutionem, non est necesse species tam exprimere; non enim inde variatur species; si quidem absit affectus erga personam ipsam, aut partes præposteras, neque altera persona, tuæ pollutioni cooperetur. *Tamb. n. 64.* *Fill. n. 155.*

550. Altera species peccati contra na-

turam est Sodomia, quæ si sit concubitus cum persona ejusdem sexus, est perfecta: imperfecta verò, si servetur quidem sexus debitus, sed non vas debitum. *Tamb. n. 67.* Una differt specie ab altera: perfecta enim procedit ex affectu erga sexum indebitum: imperfecta verò ex affectu erga sexum quidem debitum, non tamen ad partem debitam, sed præpostoram: unde etiam in confessione utraque speciem est exprimenda. *Tamb. n. 74.* At verò intra terminos perfectæ Sodomæ (idem est, si sit imperfecta) omnes convenient specie, nisi conditio personæ à qua, vel cum qua exercetur, aut affectus erga personam, ex quo exercetur, aliud ferat. Qui fatetur suum concubitum cum fæmina, presumitur, id fecisse modo naturali: ira enim ordinariè fieri solet; ea autem, quæ ordinariè non solent fieri, non sunt presumenda, nisi aliud exprefse constet.

551. Tertia species luxuriæ contranaturam est Bestialitas, quæ est concubitus hominis cum re animata, quæ sit diversa ab homine speciei. *Fill. n. 161.* *Tamb. n. 78.* Huc reducitur concubitus cum dæmonie: nondum enim est ejusdem cum homine speciei, et si formam hominis assumat. *Fill. ibid.* In hoc crimen non est necessarium, ut genus animalis, cum quo exercitum est, exprimatur: perinde est, si fuerit equus, sive gallina, sive bos, sive vacca &c. semper enim eadem est species moralis deformitas. *Fill. l.c. Tamb. n. 78.* At si sit concubitus cum dæmonie, deberet id explicari: quia additur circumstantia contra Religionem propter commercium cum dæmonie. *Fill. n. 162.* *Tamb. l.c.* specialiter exprimendum erit, fuc-

fueritne dæmon in forma viri vel fæminæ, talis conjugati, sanguine juncti, voto obstricti &c. Fill. *ibidem*. quia supra bestialitatem additur affectus erga tamē personam.

552. Porro omnes prædictæ species sunt ex genere suo peccata mortalia, & quidem ita, ut nulla probabilitate dici aut judicari queat, eas quandoque ob parvitatem materiæ transfire posse in peccatum veniale. Et quoniam etiam singulæ ab invicem verè differunt specie, non est sat's dicere, se *externo opere contra castitatem peccasse*; sed necesse est, ipsam operis exteri speciem declarare; alijs non explicares propriam malitiam, v.g. fornicationis, quæ est specie diversa à quaunque alia malitia contra castitatem.

553. Ad hæc, cetera, quæ præcipue tatu & osculis contra castitatem committuntur, revocantur tanquam dispositio-nes & præambula; & idcirco seorsim non sunt explicanda: Bonac. *de pænit.* D.5. q.5. f.2. p.2. §.3. diff.2. n.12. Reginald. L.14. n.55. Fill. tr.21. n.334. nisi (quod frequens est) tunc, cùm re ipsa cum actu, ad quem ex intentione fuerunt ordinata, non conjunguntur: vel conjunguntur quidem, exercita tamen sunt sine rela-tione seu intentione ipsius actus consummati. Bonae. *ibid.* Coninch. *de Sacram.* D.7. d.7. n.58. Suar. D.22. f.5. n.24. Dian. *in sum. V. Circumstantia.* n.59. Navar. c.6. n.7. & alii. Idem est de ta-tibus, osculis &c. quæ consummatum luxuriæ actum consequuntur, siiant non ad novam copulam, sed prioris comple-mentum: nam neque hæc distinctum, & in confessione specialiter explicandum peccatum constituunt; nisi notabilis inter

R. P. Stoz. Trib. Pænit.

ipsa & principalem actum intercedat mo-ra. Navar. c.6. n.7. Henr. I.5. c.5. n.5. & in *Gloss. lit. V.* & c.8. n.3. Sancius D.6. n.2. Dian. n.58. Tamb. *in Meth. conf.* l.2. c.1. §.10. n.72.

Nota, ex suprà posito peccatorum Ca-talogo ad Confessarium non esse deferenda, nisi illa, quæ minori typo, quem *Car-sivum* appellant, descripta sunt: hæc enim sola sunt materia confessionis: reliqua verò, quæ charactere, quo ordinariè usi sumus, expressa sunt, declarant peccato-rum designatorum naturam & gravita-tem, & sunt in confessione proflus omit-tenda.

QUÆSTIO IV. De Multiplicatione Pecca-torum.

AD planiorem faciliorēque suprà positi Syllabi, quo peccata eorum-que naturam complexi sumus, usum, non incongruum erit, aliquid addere de pec-catorum multiplicatione seu distinctione, quæ generatim duplex, specifica & nume-rica.

ARTICULUS I.

De specifica peccatorum distinctione.

554. Ut specifica peccatorum distinc-tio rectè assignetur, breviter adver-tendum est ex materia de Actibus humanis; eorum alias præcisè malos esse, quia lege aliqua positiva, eaque vel divina, vel hu-mana sunt prohibiti; alios verè indepen-denter ab ea prohibitione malos esse; quales sunt, qui jure naturali sunt illiciti, ut perjurium, pollutio, mendacium &c.

Hoc

Q9